


Ն. Ա. ՊԱՌԵԱՍՅԱՆ

ԱՆՇԱԴԿԱՊ ԲԱՐԴ ՆԱԽԱԴԱՍՈՒԹՅՈՒՆՆԵՐԸ  
ԺԱՄԱՆԱԿԱԿԻՑ ՀԱՅԵՐԵՆՈՒՄ



## ՆԵՐԱԾՈՒԹՅՈՒՆ

Հայ քերականագիտության մեջ բարդ նախադասությունների անշաղկապ կապակցությունը հատուկ ուսումնասիրության չի ենթարկվել:

Նախադասությունների անշաղկապ կապակցության հարցին որոշ շափով անդրադարձել է պրոֆ. Մ. Աբեղյանը, որը «Աշխարհաբարի շարահյուսություն» աշխատության մեջ խոսելով բարդ համադասական և բարդ ստորադասական նախադասությունների մասին՝ գտնում է, որ նրանց կապակցությունը կարող է լինել երկու եղանակով՝ շարահարությամբ և զոդվածով (իմա՝ անշաղկապ և շաղկապական բառերով): Այսպիսով՝ Մ. Աբեղյանը անշաղկապ բարդ նախադասությունները չի համարում բարդ նախադասությունների հատուկ տեսակ, այլ դրանք զետեղում է համադասության և ստորադասության տակ՝ համարելով վերջիններիս դրսևորման ձևերից մեկը<sup>1</sup>: Անշաղկապ բարդ ստորադասական նախադասությունների մասին մեծ հայագետը ասում է միայն, որ ստորադասական կապակցությունը լինում է «շարահարությամբ, երբ երկրորդական խոսքերը, որոնք սկզբնապես գլխավորից անկախ խոսքեր են, առանց որևէ քառի, նշանակությամբ միայն միանում են գլխավոր խոսքի հետ, դառնալով ենթակա, ինդիր և այլն»: Ինչպես երևում է մեջբերումից, Աբեղյանը գտնում է, որ նախադասությունների անշաղկապ կապակցությունը առաջացել է նախապես անկախ խոսքի միավորների՝ նախադասությունների ավելի սերտ միացումից: Այստեղ Աբեղյանը խոսում է նաև անշաղկապ կապակցության՝ շարահարության բնույթի և կիրառության ոլորտի մասին՝ «Շարահարությունը խոսքերի կապակցության ամենապարզ, սկզբնական ձևն է և հա-

<sup>1</sup> Մ. Աբեղյան, Աշխարհաբարի շարահյուսություն, 1912, Վաղարշապատ,  
էջ 278 և 325:

տուսկ է ժողովրդական լեզվին, գրական լեզվի մեջ պահանջվում է, որ կապակցված խոսքերի հարաբերությունն արտահայտվի որևէ կապակցական բառով<sup>1</sup>: Մ. Արենյանը մի քիչ ավելի է խոսում համադասական անշաղկապ նախադասությունների մասին: Նա գտնում է, որ համադասության ժամանակ շարահարական կապակցության դեպքում խոսքերը իրար միանում և մեկ ամբողջություն են կազմում ոմիայն բովանդակությամբ և իրենց մեջ ունեցած կարճ դադարով<sup>2</sup>: Ինչպես երևում է մեջբերումից, Արենյանը նկատել է ինտոնացիայի դերն անշաղկապ կապակցության ժամանակ: Ուշագրավ է նաև այն դիտողությունը, որ շշարահարությամբ կապակցությունը շատ լույս է լինում. միջի դադարի երկարելով՝ համադաս խոսքերը հեշտությամբ կարող են իրարուց բաժանվել և կազմել անկախ ասացվածներ: Մ. Արենյանը համադասական կապակցության հատուկ ձև է համարում ցուցական բառերով կապակցությունը<sup>3</sup>, որը մեր կարծիքով պետք է համարել անշաղկապ կապակցություն:

Այսպիսով՝ Մ. Արենյանը ճիշտ կերպով նկատել է բարդ նախադասությունների կապակցության երկու եղանակները, սակայն նախադասությունների անշաղկապ կապակցությունը, իր տերմինով ասած՝ շարահարությունը, հատուկ ուսումնասիրության նյութ չի դարձրել:

Սովետական շրջանում ևս հայ քերականագիտության մեջ բարդ նախադասությունների անշաղկապ կապակցությունը ուսումնասիրության նյութ չի դարձել: Միայն 1956 թ. ՀՍՍՌ ԳԱ տեղեկագրում լույս տեսավ դոց. Ռ. Մկրտչյանի «Ողմածը՝ «Անշաղկապ բարդ ստորադասական նախադասությունները»:

Նախադասությունների անշաղկապ կապակցության մասին խոսելիս անհրաժեշտ է անդրադառնալ ոուս քերականագիտությանը, որտեղ վերջերս մեծ հետաքրքրություն է առաջացել դեպի այդ լեզվական երևույթը:

Ոուս քերականագիտության մեջ այս հարցը ստացել է տարրեր

<sup>1</sup> Մ. Արենյան, աշխարհարարի շարահյուսություն, 1912, Վաղարշապատ, էջ 278—279.

<sup>2</sup> Նույն տեղում, էջ 325.

<sup>3</sup> Նույն տեղում, էջ 326:

<sup>4</sup> Ռ. Մկրտչյան, Անշաղկապ բարդ ստորադասական նախադասությունների մասին, Հայկական ՍՍՌ ԳԱ «Տեղեկագիր», Հասարակական գիտություններ, 1956, № 3, էջ 25—36:

մեկնարանություններ և լուծումներ։ Հետազոտողների մի մասը գտնում է, որ անշաղկապ բարդ նախադասությունները բարդ համադասական և բարդ ստորադասական նախադասությունների տարատեսակներն են<sup>1</sup>, մյուս մասը գտնում է, որ նախադասությունների անշաղկապ կապակցության ժամանակ չի կարելի տարբերել համադասությունը և ստորադասությունը, և որ անշաղկապ բարդ նախադասությունները հանդիսանում են բարդ նախադասությունների հատուկ տեսակ<sup>2</sup>: Վերջին տեսակետի համար հիմք է ծառայում շաղկապների և շաղկապական բառերի բացակայությունը անշաղկապ բարդ նախադասություններում: Վերջին շրջանում սկսել է իշխել այս տեսակետը. այն արտահայտված է նաև ուսուերենի ակադեմիական քերականության մեջ: Սակայն ակադեմիական քերականության մեջ ևս հարցը վերջնականապես լուծված չէ: Այսպես՝ քերականության 2-րդ հատորի ներածական մասում նախադասությունների համադասությունը և ստորադասությունը որոշելիս իրավացիորեն հաշվի են առնված ոչ միայն շաղկապներն ու հարաբերական բառերը, այլ և աև բարդ նախադասության կառուցվածքային մյուս առանձնահատկությունները, քերականական մյուս միջոցները, որոնք օֆանդակում են համադասության և ստորադասության դրսեորմանը, իսկ 2-րդ մասի անշաղկապ բարդ նախադասությունների ուսումնասիրությանը նվիրված բաժնում ընդունվում է այն կարծիքը, թե անշաղկապ բարդ նախադասությունները չի կարելի համարել ոչ բարդ համադասական, ոչ բարդ ստորադասական, քանի որ նրանք չեն միանում շաղկապներով կամ հարաբերական բառերով<sup>3</sup>:

Այստեղ հաշվի չի առնված անշաղկապ բարդ նախադասությունների ամբողջ քերականական կառուցվածքը: Մեր կարծիքով նախադասությունների անշաղկապ կապակցության ժամանակ ևս կարելի է տարբերակել համադասությունը և ստորադասությունը, որպիսի այստեղ ևս մենք գործ ունենք բարդ նախադասության բաղկացուցիչ մասերի ոչ միայն իմաստային կախվածության հետ,

<sup>1</sup> ՏԵ՛ «Пешковский», Русский синтаксис в научном освещении, изд. 6, М., 1938, № 419, «Грамматика русского языка» под ред. Щербы, М., 1953. Коротаева, К вопросу о бессоюзном подчинении, «Русский язык в школе», 1941, № 3:

<sup>2</sup> ՏԵ՛ «Поспелов», О грамматической природе и принципах классификации бессоюзных сложных предложений, «Вопросы синтаксиса современного русского языка», М., 1950. «Грамматика русского языка», изд. АН СССР, М., 1960, т. II, ч. 2:

<sup>3</sup> «Грамматика русского языка», изд. АН СССР, Москва, 1960, т. II, ч. 2, № 380.

այլ նաև կառուցվածքային, քերականական կախվածության հետ, որոնք անշաղկապ բարդ նպաստասության տարրեր տեսակներում արտահայտվում են տարրեր ձևով, ովեն իրենց արտահայտման հատուկ քերականական և բառական միջոցները, որոնք շաղկապների և հարաբերական բառերի բացակայության դեպքում ամբողջությամբ իրենց վրա են վերցնում բարդ ամբողջություն կազմելու, նրանց մասերի միջև եղած իմաստային փոխարարերությունները արտահայտելու պաշտոնը:

Ակադեմիական քերականության մեջ անշաղկապ բարդ նախադասությունների համար թեև մերժված են համադասություն և ստորադասություն տերմինները, սակայն ամբողջ անշաղկապ բարդ նախադասությունները բաժանված են երկու խմբի՝ միանման մասերով (однотипныи) անշաղկապ բարդ նախադասություններ և տարանման (разнотипныи) կազմով անշաղկապ բարդ նախադասություններ, որոնց նկարագրությունը համապատասխանում է բարդ համադասական և բարդ ստորադասական նախադասություններին (գուգադրության նշանակությունը ունեցող նախադասություններ, պայմանի նախադասություններ, առաջին մասի նկատմամբ օրիեկտի, սուբյեկտի, պարագաների պաշտոն կատարող նախադասություններ և այլն):<sup>1</sup> Իսկ ինչ վերաբերում է այն տեսակետին, թե անշաղկապ կապակցության ժամանակ հաճախ շատ դժվար, համարյա անհնար է լինում որոշել համադասության և ստորադասության սահմանները, ապա, ինչպես նշվել է նաև ուսւա քերականագիտության մեջ, այդ սահմանները հաճախ հնարավոր չեն լինում որոշել նաև նախադասությունների շաղկապավոր կապակցության ժամանակ, այսպես՝ երբեմն միևնույն շաղկապների միջոցով արտահայտվում են և՝ համադասական, և՝ ստորադասական հարաբերություններ (եթե... ապա, մինչեւ, շնայած... բայց, բավական է... և այլն): Նախադասությունների համադասությունը և ստորադասությունը չի ստեղծվում միայն շաղկապների կամ շաղկապական բառերի՝ հարաբերական դերանունների միջոցով: Դրանք բարդ նախադասության կառուցվածքային-իմաստային ձևեր են, որոնք ստեղծվում և արտահայտվում են քերականական տարրեր միջոցներով: Շաղկապներն ու հարաբերական բառերը հանդիսանում են այդ հարաբերությունների արտահայտման հիմնական, բայց ոչ միակ միջոցները, որոնց բացակայության դեպքում այդ հարաբերությունները արտահայտելու դերը ամբողջությամբ իրենց վրա են վերցնում մյուս միջոցները:

<sup>1</sup> Տե՛ս «Грамматика русского языка», изд. АН СССР, М., 1960, т. II, ч. 2, էջ 380-382:

եթե մերժվում են այս տերմինները, ապա դրանք պետք է մերժվեն նաև նախադասությունների շաղկապավոր կապակցության ժամանակ և բարդ նախադասությունները ուսումնասիրվեն ըստ նրանց մասերի մեջ եղած իմաստային և քերականական կախվածության տարրեր աստիճանների<sup>1</sup>:

\* \* \*

Անշաղկապ բարդ նախադասությունների քերականական բնույթի որոշումը հանդիսանում է շարահյուսության դժվար հարցերից մեկը և, ինչպես տեսանք, պատկանում է այն հարցերի թվին, որոնք լեզվաբանական գրականության մեջ դեռևս վերջնական և բավարար լուծում չեն ստացել:

Անշաղկապ բարդ նախադասությունները բարդ նախադասությունների համակարգում գրավում են առանձնահատուկ տեղ: Այդ իսկ պատճառով նախքան այն բնորոշելը անհրաժեշտ է համառոտակի հիշել բարդ նախադասության առանձնահատկությունները: Ինչպես հայտնի է, բարդ նախադասությունները խոսքի մեջ հանդես են գալիս որպես հաղորդակցման ավարտված, ամբողջական միավորներ, որոնց մեջ արտացոլվում է խոսողի՝ ոեալ իրականության երևույթների ու առարկաների տարրեր փոխհարաբերություններն արտացոլող բարդ միտքը: Բարդ նախադասությունը կազմվում է պարզ նախադասությունների կապակցությունից և ունի հետևյալ հիմնական առանձնահատկությունները.

1. Բարդ նախադասությունները հանդիսանում են պարզ նախադասությունների ոչ թե քանակային, այլ օրգանական միացություններ, որոնք կազմում են իմաստային և կառուցվածքային կուռ ամբողջություն:

2. Բարդ նախադասության (հատկապես բարդ ստորադասական նախադասության) բաղկացուցիչ մասերը, ունենալով պարզ նախադասության արտաքին կառուցվածքը՝ չունեն ոչ իմաստային և ոչ էլ ինտոնացիոն ամբողջականություն և լիարժեք իմաստ են ստանում

<sup>1</sup> Այստեղ տեղին է հիշել ակադ. Վինոգրադովի խոսքերը՝ «Ավելի զգույշ կլինեց նախադասությունների համադասության և ստորադասության փոխարեն խոսել նախադասությունների միացման տարրեր տեսակների և նրանց կախվածության տարրեր աստիճանների մասին՝ արտահայտված շաղկապներով և այլ քերականական միջոցներով» (Վ. Վ. Վոնգրաժ, Ռուսական լեզու, Մ., 1947, էջ 708):

միմիայն բարդ նախադասության կազմում. այդ պատճառով դրանք նախադասություն կարելի է կոչել միայն պայմանականորեն<sup>1</sup>:

Բարդ նախադասության բաղկացուցիչ մասերը կապակցվում և մեկ ամբողջություն են կազմում երկու եղանակով՝

ա) Կապակցության հատուկ ձևաբանական-շարահյուսական միջոցներով՝ շաղկապներով ու հարաբերական բառերով, որոնք կապակցելով բարդ նախադասության մեջ մտնող պարզ նախադասությունները՝ միաժամանակ հիմնականում որոշում են նրանց միջև եղած իմաստային փոխհարաբերությունների բնույթը; Կառուցվածքային, քերականական մյուս միջոցները այս դեպքում համարվում են օժանդակ միջոցներ:

բ) Առանց կապակցության հատուկ միջոցների: Շաղկապների և հարաբերական բառերի բացակայության ժամանակ բարդ նախադասության քերականական-կառուցվածքային բնույթը որոշելիս մեծանում է նրա բաղկացուցիչ մասերի միջև եղած իմաստային փոխհարաբերությունների գերը: Այս գեպքում բարդ նախադասության բաղկացուցիչ մասերի միջև եղած իմաստային կապը իրականանում է քերականական և բառային այլ միջոցներով:

Այսպիսով՝ բարդ նախադասությունների անշաղկապ կապակցության ժամանակ բաղկացուցիչ մասերի միացման և մեկ ամբողջություն կազմելու համար չեն օգտագործվում հատուկ ձևաբանական-շարահյուսական միջոցներ՝ շաղկապներ կամ հարաբերական բառեր. դրանց փոխարեն այստեղ առաջին պլան են մղվում կառուցվածքային այլ տարրեր, քերականական և բառային այլ միջոցներ, որոնք շաղկապավոր կապակցության ժամանակ օժանդակ դեր են կատարում: Դրանցից ամենակարևորը ինտոնացիան է, ապա շարադասությունը, ստորոգյալի արտահայտությունը, բայերի եղանակածամանակային ձևերի հարաբերությունը, որոշ բառերի գործածությունը և այլն:

Տոնի բարձրության և արտասանության ուժի զգալի մեծացման միջոցով ինտոնացիան անշաղկապ բարդ նախադասություններում ակտիվ մասնակցում է բաղկացուցիչ մասերի իմաստային հարաբերությունների դրակորմանը և այդ պատճառով հանդիսանում է նրանց միջև եղած շարահյուսական կապի հիմնական միջոցը: Այն

<sup>1</sup> Այս մասին մանրամասն տե՛ս Հ. Ս. Պոսպелов, О грамматической природе сложного предложения, «Вопросы синтаксиса современного русского языка», М., 1950:

օգտագործվում է նաև խոսքին արտահայտչականություն, դիպուկովյան տալու համար:

Ինտոնացիայի դերը անշաղկապ բարդ նախադասությունների բնույթը որոշելիս ցույց տալու համար բավական է ասել, որ միենալուն անշաղկապ նախադասությունը տարբեր ինտոնացիայով արտասանելիս հաճախ փոխում է իր բնույթը. այսպես՝ Կարող եք՝ գնացեք: Երբ այս նախադասությունը արտասանում ենք առաջին բաղադրիչի վերջում ձայնի զգալի բարձրացումով, այն ստանում է պայմանի երկրորդական նախադասության բնույթ (Եթե կարող եք, գնացեք), իսկ երբ արտասանում ենք առաջին բաղադրիչի վերջում ձայնի որոշակի իջեցումով և երկու բաղադրիչների միջև ավելի երկար դադարով (Կարող եք, (.) գնացեք), այն ստանում է հիմունքի երկրորդական նախադասության բնույթ (Քանի որ կարող եք, գնացեք կամ՝ Կարող եք, նետեարաց գնացեք): Կետադրության միջոցով ինտոնացիոն այս տարրերությունները հաճախ հնարավոր չեն լինում լրիվ դրսենորել: Այստեղ օգնության է գալիս կոնտեքստը, որի մեջ անշաղկապ բարդ նախադասության բնույթը վերջնականապես որոշակի է դրանում: Այդ է պատճառը, որ անշաղկապ բարդ նախադասությունների բնույթը որոշելիս դրանք պետք է վերցնել անպայման կոնտեքստի մեջ<sup>1</sup>:

Անշաղկապ բարդ նախադասություններին հաճախ հնարավոր չեն ինտոնացիայի շորու հիմնական տեսակներ՝ թվարկման, դուգադրության, բացատրական և նախազգուշական:

Թվարկման ինտոնացիան հատուկ է այն անշաղկապ նախադասություններին, որոնց մասերը պարունակում են բնույթյան առանձին երևույթների, իրողությունների մասին հաղորդումների թվարկում և շարահյուսորեն հավասարազոր են, այսինքն՝ ամբողջ բարդ նախադասության բովանդակության արտահայտման համար կատարում են նույն պաշտոնը: Թվարկման ինտոնացիան բնորոշվում է բազմանդամությամբ, յուրաքանչյուր մասի վերջում և հաջորդի սկզբում ձայնի որոշ բարձրացումով և նրանց միջև եղած փոքր դադարներով. օրինակ՝ «Զկա մի ձայն, չկա քամի, մութ է հիմա» (Ե. Չար., 20):

Դուգադրության ինտոնացիան լսվում է այն անշաղկապ բարդ նախադասություններում, որոնց մասերը բովանդակությամբ զու-

<sup>1</sup> Մենք մեր ուսումնասիրությունը կատարելիս այդպես էլ վարվել ենք: Բոլոր անշաղկապ նախադասությունները վերցրել ենք կոնտեքստով, սակայն տեղի սղության պատճառով աշխատության մեջ որպես օրինակ հիմնականում թերել ենք միայն անշաղկապ նախադասությունները:

գաղրված են միմյանց և դարձյալ կատարում են հավասար դեր ամբողջ բարդ նախադասության բովանդակության բացահայտման համար։ Զուգադրության ինտոնացիան հատուկ է երկանդամ անշաղկապ նախադասություններին։ և բնորոշվում է զուգադրվող բառերի ուժեղ շեշտվածությամբ ու մասերի միջև ընկած համեմատաբար երկար դադարով։ օրինակ՝ «Նրանց բաժակը լցնում էին ամենից առաջ, իմ բաժակը՝ ամենքից վերջը» (ՆԶ, ՊՊՆ, 235):

Նախազգուշական ինտոնացիան հատուկ է այն անշաղկապ բարդ նախադասություններին, որոնց առաջին բաղկացուցիչ մասը ստորադասված է երկրորդին։ Այս նախադասությունների առաջին մասի վերջում ձայնը բավականաշափ բարձրանում է, այդպիսի բարձր վիճակում պահպանվում է երկրորդ մասի սկզբում, ապա աստիճանաբար իջնում է։ Գլխավոր և ստորադաս մասերի միջև լինում է գգալի դադար. օրինակ՝ Աչքը թեքեցիր-բանիդ տերը շես (ՀԹ, 2, 38):

Երբ գլխավոր նախադասությունը անշաղկապ բարդ նախադասության առաջին մասն է, իսկ երկրորդ մասը ստորադասված է առաջինին, լրացնում է նրա միտքը, անշաղկապ բարդ նախադասությունը ոմանական է բացատրական ինտոնացիա. առաջին՝ գլխավոր մասի վերջում լսվում է ձայնի որոշ իշեցում, դրան հաջորդում է մի փոքր դադար, ապա երկրորդ մասի սկզբում ձայնը կտրուկ բարձրանում է. օրինակ՝ Երբեմն նկատում էին՝ նրա մոտ գալիս էին անծանոթ անձինք... (Բ, 5, 33):

Թվարկման և զուգադրության ինտոնացիա ունեցող անշաղկապ բարդ նախադասության մասերը իրար նկատմամբ ունեցած հարաբերություններով հավասարագոր են և ամբողջ բարդ նախադասության բովանդակությունը բացահայտելու համար կատարում են նույնպիսի դեր, այսինքն՝ այս անշաղկապ նախադասությունները իրենց քերականական բնույթով բարդ համադասական են։ Իսկ բացատրական և նախազգուշական ինտոնացիա ունեցող անշաղկապ բարդ նախադասություններում քերականական և իմաստային տեսակետից առկա են գերադաս՝ գլխավոր և ստորադաս՝ երկրորդական մասեր, միայն տարրեր շարադասությամբ. այստեղ նախադասության մի մասը համբղասանում է հաղորդման հիմնական նպատակը, մյուսը որևէ կողմով լրացնում է նրա միտքը, այսինքն՝ այս նախադասությունները բարդ ստորադասական են։

Ինչպես ասվեց, անշաղկապ բարդ նախադասություններում բաղկացուցիչ մասերի շարահյուսական կապերի արտահայտման հիմնական միջոցը ինտոնացիան է, սակայն նախադասությունների

շարահյուսական ձևավորումը կատարվում է կառուցվածքային, ձեւաբանական, բառական տարրերի հետ միասին, որոնցից կարեղուներն են բաղկացուցիչ մասերի շարադասությունը, բայերի եղանակամանակային ձևերի օգտագործումը, որոշ բառային տարրեր և այլն։ Այստեղ մենք կտանք դրանց միայն համառոտ նկարագրը, հիմնական ուսումնասիրությունը թողնելով հաջորդ գլուխներին, որովհետև այս միջոցները անշաղկապ բարդ նախադասության տարրեր տեսակներում կատարում են տարրեր դեր։ մի դեպքում կարեղոր է մի գործոնը, մի այլ գեպքում՝ մյուսը։

Համադասական հարաբերությամբ անշաղկապ նախադասություններում գոյությունի ունի բաղկացուցիչ մասերի համեմատաբար ազատ շարադասություն։ մասերի շարադասության փոփոխությունը հիմնականում չի ազդում ամբողջ բարդ նախադասության բովանդակության վրա։ օրինակ՝ «Աշուղը քնած է, Արամը խաղում է»։ Հավասարապես կարելի է ասել նաև՝ «Արամը խաղում է, Աշուղը քնած է»։ Բացառություն են կազմում միայն ժամանակային հաջորդականություն և որոշ շափով պատճառ-հետևանքային հարաբերություն արտահայտող անշաղկապ բարդ համադասական նախադասությունները, որոնց բաղկացուցիչ մասերի շարադասության փոփոխությունը առաջ է բերում ամբողջ նախադասության բովանդակության փոփոխություն, խախտվում է դեպքերի, գործողությունների հաջորդականությունը (հմմտ.՝ «Դուռը բացվեց, ներս մտավ Ռուբենը» և «Ներս մտավ Ռուբենը, դուռը բացվեց»)։

Ստորադասական հարաբերությամբ անշաղկապ բարդ նախադասություններում գոյություն ունի բաղկացուցիչ մասերի որոշակի շարադասություն։ Այստեղ մասերի շարադասության փոփոխությունը կամ բոլորովին անհնարին է (հմմտ.՝ «Տեսավ, չեն գալի, դուռ չեն բաց անում» և «Չեն գալի, դուռ չեն բաց անում, տեսավ»), կամ էլ առաջացնում է իմաստային որոշակի փոփոխություններ (հմմտ.՝ «Կունում, բարձրացնում են քարը—բացվում է նրանց առաջ մի մութ ներքնահարկ» և «Բացվում է նրանց առաջ մի մութ ներքնահարկ», կունում բարձրացնում են քարը)։

Համադասական անշաղկապ բարդ նախադասություններում բաղկացուցիչ մասերի բայ-ստորոգյալների ժամանակային ձևերը սովորաբար գործածվում են խոսելու պահի համեմատությամբ, այսինքն՝ բացարձակ նշանակությամբ, իսկ ստորադասական անշաղկապ բարդ նախադասություններում ստորադաս մասերի բայ-ստորոգյալների գործողության ժամանակը որոշվում է նրանց հարաբերությամբ գիշավոր մասերի գործողության ժամանակի հետ։

Հենց բայ-ստորոգյալների ժամանակային ձևերի հարաբերական կիրառությամբ էլ բնորոշվում է բարդ նախադասության մի մասի ստորադասական կախվածությունը մյուս մասից:

Անշաղկապ բարդ նախադասությունների բաղկացուցիչ մասերի կապակցության գործում հաճախ շատ մեծ դեր են խաղում բառական տարրերը, որոնք երբեմն տիպականացվում, ընդհանրացվում են և ինտոնացիայի հետ միասին հանդես են գալիս որպես նախադասությունների՝ մի անշաղկապ բարդ ամրողության մեջ միավորելու հատուկ շարահյուսական միջոցներու Այսպիսի՝ համադասական անշաղկապ բարդ նախադասություններում կապակցող շարահյուսական դեր է կատարում նույն բառի կամ բառակապակցության կրկնությունը բաղկացուցիչ մասերում, կամ նախադասության ընդհանուր անդամի առկայությունը (օրինակ՝ «Ինչ լավն էր էն աղջիկը, ինչ լավն էին նրա ժամուն, զվարթ աշքերը» (ՀԹ, 3, 90); կամ՝ «Երեկոյան ես պարապում էի, քոյքը գնացել էր թատրոն»): Ստորադասական անշաղկապ ֆարդ նախադասություններում նույնպիսի դեր է կատարում ընդհանուր անորոշ նշանակություն ունեցող, բացահայտվելու կարիք ունեցող բառերի առկայությունը անշաղկապ նախադասության գլխավոր մասում (օրինակ՝ «Նա ուներ մի սովորություն, երեկոները միշտ գնում էր զրուսանքի»):

Այստեղ անհրաժեշտ է խոսել նաև անշաղկապ բարդ նախադասությունների հետևյալ առանձնահատկության մասին: Թվարկման նշանակություն ունեցող անշաղկապ բարդ նախադասությունները իրենց կառուցվածքով սահմանափակված չեն, այսինքն՝ կարող են ունենալ 3 և ավելի բաղկացուցիչ մասեր (ի տարրերություն շաղկապավոր նախադասությունների, որոնց մեջ շաղկապի միջոցով բարդ նախադասության կառուցվածքը սահմանափակվում, ամփոփվում է): Մյուս անշաղկապ նախադասությունները երկանդամ են, այսինքն՝ բաղկացուցիչ մասերից մեկը հարաբերակցում է միայն մեկ պարզ նախադասության, եթե անշաղկապ բարդ նախադասությունը բաղկացած է լինում երկուսից ավելի պարզ նախադասություններից, ապա նրանք միացած են լինում կամ հաջորդական ստորադասության հարաբերությամբ (յուրաքանչյուր հաջորդ նախադասություն ստորադասվում է նախորդին), կամ համաստորադասության սկզբունքով (երկու տարրեր նախադասությունները լրացնում են միևնույն գլխավոր նախադասությանը):

Անշաղկապ ֆարդ նախադասությունները կարող են լինել պարզ և բարդ կազմով: Պարզ են այն անշաղկապ բարդ նախադասությունները, որոնց կազմի մեջ մտնող բաղկացուցիչ մասերը պարզ նա-

խաղասություններ մն. օրինակ՝ Օցերն ավելի էին տաքանում, կանաչը բոյ էր քաջում, բացվում էին ծաղիկները (ԱԲ, 32): Այստեղ համադասական հարաբերությամբ անշաղկապ բարդ նախադասությունը ունի երեք բաղադրիչ մաս, որոնցից յուրաքանչյուրը պարզ նախադասություն է: Սակայն շատ հաճախ անշաղկապ բարդ նախադասությունը հանդես է գալիս բարդ կազմով, այսինքն՝ նրա բաղկացուցիչ մասերից մեկը կամ բոլորն էլ իրենց հերթին լինում են բարդ նախադասություններ (կամ շաղկապավոր, կամ անշաղկապ): Եթե անշաղկապ բարդ նախադասության մասերից մեկը բարդ ստորադասական նախադասություն է, իսկ մյուսը՝ պարզ, նրանց միջև եղած շարահյուսական հարաբերությունները որոշվում են պարզ և բարդ ստորադասականի գլխավոր նախադասության միջև եղած հարաբերություններով, իսկ երբ երկու բաղադրիչներն էլ բարդ ստորադասական նախադասություններն են, նրանց միջև եղած հարաբերությունները որոշվում են գլխավոր նախադասության միջև եղած հարաբերություններով: Բերենք մի քանի օրինակ.

Ինչ որ կուզես, ասա, անեմ քեզ նամար, Արևի տակ իմ սիրուս պես սեր չկա (Ավ. Իս., 2, 131): Տար տարի կլիներ, որ Մասփյանի տունը երեխա չէր տեսել, այժմ կրկին վերակենդանացավ նա անմեղ մանուկների ուրախ ճկվոցով (Ռ, 3, 514): Պառակ դայակը մնացել էր ապշած. նա զգիտեր, թե ինչ է կատարվում (Լեռ, 19): Տուն փոխես՝ տեսով մեկ կիքանդվիս, գեղ փոխես՝ գեղով մեկ (Հայկ. առած., 7):

Բարդ կազմ ունեցող պետք է համարել նաև այն անշաղկապ նախադասությունները, որոնք ունեն երկուսից ավելի բաղադրիչներ, և որոնց միջև գոյություն ունեն տարբեր իմաստալին հարաբերություններ: Մի երկու օրինակ:

Հիվանդանոցից փախել է, տուն չի եկել, չգիտեմ ո՞ւր է զնացել (ԳՄԹ, 2, 25): Շնորհակալ ենք, մենք, ասին: Տաշտներդ լի հաց լինի, դուռներդ միշտ բաց լինի. Հաց չենք ուղում ձեզանից, հող տվեք մեզ ձեր տնից (ՀԹ, 2, 4): Խեղճ աղքատը դառը դատի, դատարկ նստի... է՛յ աշխարհ, էլ ինչո՞ւ ես բարը թողնում քարի վրա, քար-աշխարհ (Ավ. Իս., 1, 72):

Ամփոփենք:

Ինչպես ամեն մի բարդ նախադասության, այնպես էլ անշաղկապ բարդ նախադասության կառուցվածքային-իմաստալին էությունը որոշողը հանդիսանում է իմաստալին գործոնը, բարդ նախադասության մեջ մտնող նախադասությունների (բաղկացուցիչ

մասերի) բովանդակությունների փոխադարձ կապը և հարաբերակցությունը: Անշաղկապ կապակցության ժամանակ ևս, ինչպես և շաղկապական կապակցության ժամանակ, բարդ նախադասության մասերը ոչ միշտ են հավասար նշանակություն ունենում ամրող բարդ նախադասության արտահայտած իմաստի համար: Այս դեպքում ևս նրանց միջև կարող է լինել երկու տիպի հարաբերություն՝ համադասական և ստորադասական<sup>1</sup>: Անշաղկապ բարդ նախադասությունների համակարգում հատուկ տեղ են գրավում այն նախադասությունները, որոնք ունեն բացատրական ինտոնացիային մոտ ինտոնացիա և կարծեք գրավում են միջին տեղ բարդ համադասական և բարդ ստորադասական նախադասությունների միջև (իհարկե, ավելի մոտենում են ստորադասությանը) դրանք, այսպես կոչված, հարակցական նախադասություններ են (այդպիսի նախադասություններ կան նաև շաղկապավոր բարդ նախադասությունների մեջ):

Կարելի է ասել, որ անշաղկապ բարդ նախադասությունները լեզվում հանդես են գալիս որպես համապատասխան շաղկապավոր բարդ նախադասությունների շարահյուսական համանիշներ: Սակայն, ի տարրերություն շաղկապավոր բարդ նախադասությունների, որոնց մեջ շնորհիվ շաղկապների ու հարաբերական բառերի՝ բաղկացուցիլ մասերի միջև եղած հարաբերություններն արտահայտվում են ավելի որոշակի ու հստակորեն, անշաղկապ բարդ նախադասություններն ավելի պակաս որոշակիությամբ են արտահայտում բաղդրիչ մասերի հարաբերությունը, մտքի տարրեր երանգները: Այդ է պատճառը, որ նրանց կիրառության ոլորտը ավելի նեղ է, քան շաղկապավոր բարդ նախադասություններինը: Գիտական գրականության մեջ անշաղկապ բարդ նախադասությունները քիչ են գործածվում: Նրանք շատ են տարածված հատկապես ժողովրդական խոսակցական լեզվում, ասացվածքների, առածների մեջ: Դրան նպաստում է այն հանգամանքը, որ բանավոր խոսքը ունի շարահյուսական հարաբերություններն արտահայտելու այնպիսի հարուստ միջոց, ինչպիսին ինտոնացիան է: Կենդանի խոսակցական լեզվից անշաղկապ բարդ նախադասությունները մուտք են գործել գեղարվեստական գրականության մեջ, հատկապես երկախոսությունների և շափածո խոսքի մեջ: Նրանց գործածությունը գեղարվեստական գրականության մեջ խոսքը դարձնում է ավելի կենդանի, դիպուկ, պատ-

<sup>1</sup> Համադասության և ստորադասության բերականական կարգերի մասին տես՝ Ն. Ա. Պանեասյան, Ստորադասական հարաբերությունը արդի հայերենի բարդ նախադասություններում, Երևան, 1961, էջ 11:

կերավոր և արտահայտիչ: Վերջերս նկատվում է անշաղկապ բարդ նախադասությունների տարածումը նաև հրապարակախոսության լեզվում:

Բանավոր խոսքի համար լինելով անպայման ավելի վաղ շարահյուսական երկույթ՝ անշաղկապ բարդ նախադասությունները գրավոր լեզվում սկսել են տարածվել նրա զարգացման որոշ աստիճանում միայն՝ որպես կենդանի և գեղարվեստական խոսքի ամբողջ հարստությունը առավել սեղմությամբ և արտահայտչականությամբ հաղորդելու պահանջի հետևանք<sup>1</sup>:

Հայերենի լեզվական իրողությունների ուսումնասիրությունը ևս ցույց է տալիս, որ հին շրջանում (գրաբարում) շատ տարածված է եղել նախադասությունների շաղկապներով և հարաբերական բառերով կապակցությունը: Շատ դեպքերում նույնիսկ առանձին նախադասությունները սկսվում են շաղկապներով: Անշաղկապ բարդ նախադասությունները գրաբարում հանդիպում են շատ սակավ, այն էլ մեծ մասամբ համադասական հարաբերությամբ, իսկ ստորադասական հարաբերության անշաղկապ արտահայտման դեպքերը հազվադեպ են:

<sup>1</sup> Այս տեսակետից շատ հետաքրքրական է ուս մեծ գիտնական կոմոնոսով կարծիքը անշաղկապ բարդ նախադասությունների մասին՝

«Союзы нечто иное суть, как средства, которыми идеи соединяются, и как подобны они гвоздям или kleю, которыми части какой машины сплочены или склеены бывают. И как те машины, в которых меньше kleю и гвоздей видно, весьма лутчай вид имеют, нежели те, в которых спаев и склеек много, так и слово важнее и великолепнее бывает, чем в нем союзов меньше». 84'» Ломоносов, Риторика, ч. III, гл. 6, §325:

## ԱՆՇԱՂԿԱՊ ԲԱՐԴ ՀԱՄԱԴԱՍԱԿԱՆ ՆԱԽԱԴԱՍՈՒԹՅՈՒՆՆԵՐ

Գեղարվեստական գրականության մեջ, հատկապես նկարագրովթյունների ժամանակ, շատ են գործածվում այնպիսի անշաղկապ բարդ նախադասություններ, որոնց բաղկացուցիչ մասերի միջև եղած փոխհարաբերությունները իրենց բնույթով համադասական են, այսինքն նրանք հավասարազոր են և ամբողջ բարդ նախադասության արտահայտած իմաստի, բովանդակության բացահայտման համար ունեն հավասար նշանակություն. օրինակ՝ նրա վարդագույն շրբունքները բոլորովին գունաքափեցան, ծնկները դռացին, աշերի առջև մրնեց (Բ, 7, 33): Այս անշաղկապ բարդ նախադասությունը պարունակում է մի երևույթի՝ վիճակի նկարագրովթյուն և բաղկացած է երեք պարզ նախադասություններից, որոնք ամբողջ բարդ նախադասության բովանդակության արտահայտման համար ունեն հավասար նշանակություն և արժեք: Հետևաբար նրանց միջև եղած իմաստային հարաբերությունը համադասական է:

Անշաղկապ բարդ համադասական նախադասությունները իրենց բաղկացուցիչ մասերի միջև եղած իմաստային հարաբերություններով թեև համընկնում են շաղկապավոր բարդ համադասական նախադասություններին, սակայն ունեն տարրեր իմաստային հարաբերություններ արտահայտելու շատ ավելի սահմանափակ հնարավորություններ, քան վերջիններս: Եվ դա բնական է, որովհետև շաղկապներն ու հարաբերական բառերը, կապելով բարդ նախադասության մասերը միմյանց հետ, միաժամանակ ցույց են տալիս նրանց միջև եղած իմաստային փոխհարաբերությունների բնույթը, այսինչ անշաղկապ բարդ նախադասությունները զրկված են կապակցության ալի միջոցից և իրենց փոխհարաբերությունները արտահայտում են միայն կառուցվածքային-քերականական այլ միջոցներով:

Համադասական անշաղկապ բարդ նախադասությունները իրենց արտահայտած իմաստալին փոխարարերություններով բաժանվում են երկու մեծ խմբի.

1. Միավորական անշաղկապ բարդ նախադասություններ.
2. Զուգաղրական անշաղկապ բարդ նախադասություններ:

## ՄԻԱՎՈՐԱԿԱՆ ՀԱՐԱԲԵՐՈՒԹՅՈՒՆՆԵՐ ԱՐՏԱՀԱՅՈՂ ԱՆՇԱՂԿԱՎՈՐ ԲԱՐԴ ՆԱԽԱԴԱՍՈՒԹՅՈՒՆՆԵՐ

Միավորական են կոչվում այն անշաղկապ բարդ նախադասությունները, որոնց մեջ նկարագրվում են որպես մեկ ամբողջություն (ամբողջական պատկեր) դիտվող գործողություններ, իրողություններ, երևություններ: Սրանք հիմնականում ունեն թվարկման ընդհանուր նշանակություն և ամենատարածված անշաղկապ նախադասություններն են:

Միավորական անշաղկապ բարդ նախադասությունները շատ են գործածվում գեղարվեստական գրականության մեջ՝ նկարագրությունների ժամանակ: Նրանք ունեն կառուցվածքային հետևյալ առանձնահատկությունները.

1) Ինչպես ամեն մի անշաղկապ բարդ նախադասության, այնպես էլ միավորական հարաբերություններով միացած անշաղկապ բարդ նախադասությունների կառուցվածքային կարևոր առանձնահատկություններից մեկը ինտոնացիան է, որը մեծ գեր է կատարում նրանց բաղկացուցիչ մասերի միջև եղած իմաստային փոխարարերությունները արտահայտելու համար: Միավորական անշաղկապ բարդ նախադասությունները ունեն թվարկման ընդհանուր ինտոնացիա, որը, ինչպես ասվել է, բնորոշվում է ձայնի որոշ բարձրացումով յուրաքանչյուր մասի վերջում և միանման ոչ մեծ դադարներով բաղկացուցիչ մասերի միջև. ըստ որում բոլոր մասերն էլ արտասանվում են նույն կրկնվող ինտոնացիայով: Հենց այս միանման կրկնվող ինտոնացիայի միջոցով էլ ընդգծվում է բաղկացուցիչ մասերի հավասարազոր լինելը, նրանց հավասար նշանակություն ունենալը ամբողջ բարդ նախադասության բովանդակության բացահայտման համար: Թվարկման ինտոնացիան գրավոր խոսքի մեջ արտահայտվում է կետադրության միջոցով. բարդ նախադասության բաղկացուցիչ մասերը բաժանվում են իրարից ստորակետով, երթիմն նաև միջակետով:

2) Այս նախադասությունները, ի տարբերություն նույն իմաստն ունեցող շաղկապավոր բարդ նախադասությունների, ունեն անսահ-

մանափակ կառուցվածք, այսինքն՝ կարող են բաղկացած լինել ինչպես երկու, այնպես էլ երեք և ավելի պարզ նախադասություններից (շաղկապավոր բարդ համադասական նախադասությունները սովորաբ երկանդամ են լինում. շաղկապը միացնելով նախադասության մասերը՝ միաժամանակ ամփոփում, սահմանափակում է նախադասությունը): Օրինակներ.

Այդ օրը ամպերն արտակարգ սպիտակ էին, երկինքը շափառնց կապույտ, արևի լուսը կրկնակի պայծառ (ՆԶ, ՊՊՆ, 207). Նայում է բերդը իր դարավոր, քարե հայացքով, շարագուշակ սոսակում են այգեստանի ծառերը, մի մարդ ստվերի պես անցնում է դիրքից-դիրք (ԳՄԵ, 370):

Հաճախ, երբ բարդ համադասական նախադասությունը բաղկացած է լինում երեք և ավելի պարզ նախադասություններից, առաջին նախադասությունները միանում են անշաղկապ կապակցությամբ, իսկ վերջինը՝ շաղկապով: Դրանով բարդ նախադասության կառուցվածքը ավելի կուռ և ավարտված է դառնում. օրինակ՝ Փշում էր մեղմ հովիկը, ծաղիկները ժամանում էին, դալար խոտաբույսերը ծփում ու ծածանվում էին, և դաշտի խաղաղ տարածությունը օրորվում էր սբանչելի ալեկոնությամբ (Բ, 7, 437):

Երբեմն շաղկապով են միացած լինում ոչ թե վերջին, այլ առաջին երկու պարզ նախադասությունները: Այս դեպքում առաջին երկու նախադասությունների կապը ավելի սերտ է լինում, և նրանք ընկալվում են որպես մի ամբողջություն, մի բարդ բաղադրիչ մաս. օրինակ՝ Մեր ճավակը մեղմ առաջ է սահում, Ու սրտերը մեր ծովակել են իրար, Աստղերը վերից մեր սերն են օրհնում, Ալիքներն ուրախ բռնել են շուրջպար (Գ. Սար., 133):

Միավորական անշաղկապ բարդ նախադասությունները արտահայտում են հիմնականում ժամանակի իմաստային հարաբերությունները, ժամանակի իմաստային հարաբերությունները արտահայտող անշաղկապ բարդ նախադասությունների դասակարգման հիմքում ընկած է նրանց բաղկացուցիչ մասերում հաղորդված գործողությունների (իրողությունների, երևույթների) միջև եղած ժամանակային փոխհարաբերությունները:

Հստ անշաղկապ բարդ նախադասության ստորոգյալների ժամանակային նշանակության, նրանց շարադասության, միավորական անշաղկապ բարդ նախադասություններում, շաղկապավոր բարդ համադասական նախադասությունների նման, կարող են հանդես դալ ժամանակային հարաբերությունների տարբեր երանգներ, որոնք կարելի է խմբավորել երկու տեսակի մեջ. 1) միաժամանակություն,

երբ նկարագրվում են միաժամանակ տեղի ունեցող կամ համատեղ հանգս եկող գործողություններ (երևոյթներ, իրողություններ) և 2) ժամանակային հաջորդականություն, երբ նկարագրվում են իրար հաջորդող գործողություններ (երևոյթներ, իրողություններ): Իմաստային այս գործիքաբերությունները գրանորվում են հիմնականում բայերի եղանակների և ժամանակների կիրառությամբ, որն արտահայտվում է երկու ձևով՝ 1) բաղկացուցիչ մասերի ստորոգյալները իրենց եղանակով և ժամանակով համաձայնում են իրար և 2) բաղկացուցիչ մասերի մեջ օգտագործվում են տարրեր եղանակներ և ժամանակներ. ըստ որում ավելի տարածված է ժամանակների համաձայնեցումը:

Ինչպես հայտնի է, այս նույն նշանակություններն ունեն նաև ժամանակային հարաբերություններ արտահայտող բարդ ստորադասական նախադասությունները, սակայն սրանց միջև կա հետևյալ էական տարրերությունը. Համադասության ժամանակ ժամանակ ժամանակային հարաբերություններով միացած բաղկացուցիչ մասերն ունեն հարաբերական ինքնուրումնություն և հաղորդման համար ունեն հավասար նշանակություն ու արժեք, այնինչ ստորադասության ժամանակ հաղորդման հիմնական նպատակն է լինում նկարագրել ժամանակային հարաբերություններով միացած գործողություններից մեկի մասին, իսկ մյուսը հաղորդվում է միայն առաջինի արտահայտած իմաստը լրացնելու համար: Այս երկու տիպի նախադասությունների միջև կան կառուցվածքային հետևյալ տարրերությունները.

ա) Համադասական հարաբերության ժամանակ բայ-ստորոգյալների ժամանակները, ինչպիսին էլ որ նրանք լինեն, ունեն բացարձակ կիրառություն, այսինքն՝ վերցվում են ներկայի համեմատությամբ. օրինակ՝ Փշում էր մեղմ հովիկը, ծաղիկները ճպտում էին, դալար խոտաբույսերը ծփում ու ծածանվում էին (թ. 7, 437): Կամ ենթակայանի հետ կապված մտքերը քուլ էին հեռու-հեռու, աշքերի դեմ պատկերված էր Դավիթիկը՝ սայլակում պառկած (Վերդ., հԳԵ, 312): Ընդգծված բոլոր ստորոգյալների ժամանակները կիրառված են ներկայի համեմատությամբ (բացարձակ են), որով էլ նրանց տրվում է հավասար նշանակություն հաղորդման համար: Ստորադասական հարաբերության ժամանակ բաղադրիչ մասերից մեկի (սովորաբար առաջինի) ստորոգյալը ունենում է հարաբերական կիրառություն, այսինքն վերցվում է մյուս բաղադրիչի ստորոգյալի ցույց տված ժամանակի համեմատությամբ. դրանով արտահայտվում է նրա ստորադասվելը այդ բաղադրիչին, վերջինիս

Մրացում հանդիսանալը. օրինակ՝ Ու չեն էլ նկատում. Ասում ես՝ զարմանում են... բացատրում ես՝ խերում են (Երևան, 10/2—61 թ., էջ 2): Այստեղ ասում ես և բացատրում ես ստորոգյալները դրված են ներկա ժամանակով զարմանում են և խերում են ստորոգյալների հարաբերությամբ:

բ) Տարբեր է նաև այս երկու տիպի նախադասությունների ինտոնացիան. առաջինները (համադաստական նախադասությունները) ունեն թվարկման խտոնացիա, իսկ երկրորդները (ստորադասական նախադասությունները)՝ նախազգուշական-բացատրական ինտոնացիա:

ՄԻԱԺԱՄԱԿՈՒԹՅԱՆ ՆՇԱՆԱԿՈՒԹՅՈՒՆՆԵՐ ՈՒՆԵՑՈՂ  
ՄԻԱՎՈՐԱԿԱՆ ԱՆՇԱՂԱՄՊ ԲԱՐԴ ՆԱԽԱԴԱՍՈՒԹՅՈՒՆՆԵՐ

Միաժամանակություն ասելով հասկանում ենք ոչ միայն գործողությունների (երևույթների, իրողությունների) ժամանակների լրիվ համընկնելը, այլ նաև մասնակի համընկնելը: Այս խմբի մեջ են մտնում նաև այս անշաղկապ նախադասությունները, որոնց մասերը կապված են գործողությունների (երևույթների, իրողությունների) հարաբերության նշանակությամբ:

Միաժամանակություն ցույց տվող անշաղկապ բարդ նախադասությունների ստորոգյալները կարող են լինել ինչպես պարզ (բայով արտահայտված), այնպես էլ բաղադրյալ (անվանական): Քանի որ այս նախադասությունների բայ-ստորոգյալները ցույց են տալիս միաժամանակ կատարված գործողություններ, միաժամանակ հանդես եկած, ինչպես նաև իրար համապատասխանող երևույթներ, իրողություններ, այդ պատճառով նրանք իրենց ժամանակով և եղանակով սովորաբար համաձայնում են: Բայերի տարբեր եղանակների ու ժամանակների օգտագործումը այս նախադասություններում կախված է նկարագրվող գործողությունների (երևույթների, իրողությունների) բնույթից:

Սահմանական եղանակի ներկա ժամանակը միաժամանակության նշանակություն ունեցող անշաղկապ բարդ համադասական նախադասություններում գործածվում է հետևյալ դեպքերում.

ա) Երբ նկարագրվում են ներկայում կատարվող (կատարմանը նթացքի մեջ գտնվող) և ժամանակներով համընկնող գործողություններ, ինչպես նաև համատեղ հանդես եկող երևույթներ, իրողություններ և այլն: Օրինակներ.

Լսվում է գետի միալար վշշոցը վարից, ծառերի արանքից նա-

յում են մի քանի գունատ էլեկտրական լամպեր (*ԳՄԵ*, 430): Քամին սովում է, կատաղած ալիքները մոնշում, զարկվում են ժայռերին (*Մ. Ման.*, 29): Արտուրուներն ուրախ մեր սերն են երգում, Հովհերը կարծես համբուռում են մեղ, Արևը արքին գլուխ է թեքում, բարդի ծառի տակ սպասում են ֆեղ (*ԳՄԵ*, 29):

Ներկա ժամանակն է կիրավուում նաև այն դեպքերում, երբ նկարագրվում են կանոնավոր կերպով կրկնվող, ինչպես նաև հարատեղ բնույթ ունեցող միաժամանակ տեղի ունեցող կամ հանդես եկող գործողություններ, եղելություններ, երևություններ: Օրինակներ:

Կյանքում հաճախ է պատահում, երբ մարդ առանց պատճառի տիրում է. սիրտը նեղվում է, ծանրանում է, աշքերը թափծու են դառնում, գեմքի արտահայտությունը փախվում է (*Ա. Հ.*, ՀԱ, 234): Հազար հույս է վառվում այնտեղ արևարորր, հազար կամք է դառնում պողպատ (*ԳԲ*, 19):

Անցյալում միաժամանակ կատարված կամ համատեղ հանդես եկած տեսական գործողությունների, եղելությունների, գեպերի և այլնի նկարագրության ժամանակ անշաղկապ բարդ նախադասության բաղկացուցիչ մասերի բայ-ստորոգալները դրվում են սահմանական եղանակի անցյալ անկատար ժամանակով: Օրինակներ:

Զմուռն մի գիշեր կար մի հարսանիք, Հրեվում էր անզուսպ ամրոխը գյուղի (*ՀԹ*, 3, 58): Օրեմն ավելի էին տաքանում, կանաչը բոյ էր քաջում, բացվում էին ծաղիկները (*ԱԲ*, 32): Անձրեւ մաղում էր, մեղմ խոնավության մեջ կար գարնան ծաղիկների, կանաչ խոտի բուրմունք (*ԱԲ*, 40): Ոտները կարծես չէին հնազանդվում, ծնկները սաստիկ ցավում էին, շունչը կարծես կտրվում էր (*Ա. Հ.*, ՀԱ, 299):

Անցյալ անկատար ժամանակն է գործածվում նաև այն ժամանակ, երբ խոսվում է ընդհանրապես անցյալում միաժամանակ կամ համատեղ հանդես եկած երևությունների, կատարված գործողությունների մասին. օրինակ՝ նա հիստերիկ կերպով էր խոտում, ձայնի մեջ հաճախ արցունք էր լսվում (*Ի. Էր.*, ՓԱ, 1, 134):

Երբ անշաղկապ բարդ նախադասության մեջ նկարագրվում են միաժամանակ կամ համատեղ հանդես եկող երևություններ, դրություններ, վիճակ, իրողություն, բաղադրիչ մասերի ստորոգալները լինում են բաղադրյալ: Վերջիններիս ստորոգելիական հանգուցը դրվում է ներկա ժամանակով, երբ նկարագրությունը վերաբերում է խոսելու պահին և անցյալ ժամանակով՝ երբ նկարագրությունը վերաբերում է անցյալին: Օրինակներ:

Անշաղ է իմ հոգին ու հանգիստ, գիշերը անդորր է, դուրսը՝ ձյուն (*ՎՃ*, Երկ., 187): Գարուն է, ձյունիալ ու ապրիլ (*ԳՄԵ*, 371):

Նրա հագին բազմատարագ շորերի ցնցութիներ էին, գլխին ժանր քրոդի հոլով (ՀԹ, 3, 23): Նրա հագուստները շնչեղ էին, քայլվածքը նման չէր որևէ մեկին, ձայնը՝ ձայնին (ՄԱՊ, 481): Աշուն էր, խռնավ ու մառախլապատ երեկո (Մուր., 1, 218):

Անշաղկապ բարդ նախադասության բաղկացուցիչ մասերի բայց ստորոգյալները դրվում են սահմանական եղանակի վաղակատար ժամանակով, երբ խոսվում է վաղ անցյալում միաժամանակ կատարված գործողությունների մասին և կամ անցյալում կատարված, բայց մինչև խոսելու պահը հարատևող հետևանքով գործողությունների մասին: Օրինակ:

Քաղաքում դադարել է առևտուրը, շեն գործել դպրոցական հաստատությունները, լույս չեն տեսել լրագրեր (Ա. Սահ., 194): Տարիները աղոտել են շատ բան, շատ գծեր են ջնջվել և շատ պայծառ դեմքեր մշտական գործառնությունները, երևույթները, իրողությունները: Օրինակներ.

Անցյալ վաղակատար ժամանակն է կիրառվում այն ժամանակ, երբ նկարագրվում են անցյալում միաժամանակ սկսված, երեան երած և մինչև նկարագրության պահը հարատևող հետևանքով գործողությունները, երևույթները, իրողությունները: Օրինակներ.

Պատշգամբի սյուների ներկը բափկել էր, տանիքի թիթեղը մեխանիկան եղել, ընկուղենու ճյուղերից մեկը չորացել (Սիծ, 1, 36): Ամենուրեք ծառերը փոխել էին իրենց գույնն ու դարձել ավելի մուգ, խոնավ ճյուղերին ունել էին ճյուղալի բողբոջները (Ա. Սեկ., 591): Մայրը նենվել էր սեղանին, մաղերի թարմ ճերմակը բարակ եղյամել էր նրա ամբողջ գլուխը (ն.տ., 204): Այժմ, շարունակ թերասնվելու հետևանքով գունատվել էր նա, դեմքը, խորշումնել, ծնոտից ներքև տոպրակի պես կախվել էր նրա մաշկը (նԶ, ՊՊՆ, 92):

Միավորական անշաղկապ բարդ նախադասության բաղկացուցիչ մասերում անցյալում միաժամանակ հանդես եկած և հարատևող հետևանքով գործողություններ նկարագրելու համար հազվադեպ գործածվում է նաև հարակատար ժամանակը. օրինակ՝ Գնացքների երթևեկությունը գագարած է, ծառայողներն ու առևտրականները ցրված (ՀԹ, 3, 86): Այս ձեզ տարածված էր XIX դարում, սակայն այժմ հնացել է, և այդ իմաստն արտահայտելու համար սկսել է գործածվել վաղակատար ժամանակը:

Ապագայում ենթադրվող միաժամանակ կատարվելիք կամ համատեղ երևան գալիք գործողությունների նկարագրության ժամանակ այս նախադասություններում հիմնականում կիրառվում են պայմանական եղանակի ձևերը: Օրինակ.

Շուտով բոլորովին կմթնի, օգախի կրակը կնանգչի, Անդոն

կիարաբվի մեքենայի ծածկոցի մեջ... (ԱԲ, 160): Մի խաղաղ գիշեր դու կըսս ինձ մոտ, քնքուշ ձեռքերդ ես կիամրութեմ (ՎՏ, Եթկ.): Ասումնարան բաց կանենք, կողութեք, մարդ կդառնաք (ԳՄԵ, 416):

Միաժամանակություն ցույց տվող անշաղկապ բարդ նախադասություններում համեմատաբար քիչ է գործածվում անցյալ կատարյալ ժամանակը: Այն կիրառվում է, եթե անհրաժեշտ է լինում նկարագրել միաժամանակ տեղի ունեցած, կատարված, կարձատև գործողություններ: Բայ-ստորոգյալները այս դեպքում սովորաբար ունենում են կատարված գործողության հետեւանքի նշանակություն: Օրինակներ՝

Սաղիկները շարժեցին իրենց գլխիկները, խոտերը դողացին, տերեները շրջացին. անտառն սկսեց զարթնել (ՀԹ, 3, 48): Միանգամից սենյակը լցվեց շերմությամբ, կենդանություն առան պատերը, պահարանը, շնչավորվեցին պատուհանից կախած նուրբ վարագույրները (Վերդ., ԻԳԵ, 349):

Այս ժամանակի կիրառությունը խոսքին տալիս է շարժություն, այն դարձնում ավելի արտահայտիչ ու պատկերավոր:

Վերեռում նկարագրված բոլոր դեպքերում միավորական բարդ նախադասության մասերը իրենց գործողությունների կատարման ժամանակով լրիվ համընկնում են, որն արտահայտվում է, ինչպես տեսանք, բայ-ստորոգյալների ժամանակների համաձայնեցմամբ:

Այստեղ անհրաժեշտ է խոսել նաև անվանական անշաղկապ բարդ նախադասությունների մասին: Սրանք այն բարդ նախադասություններն են, որոնք գործածվում են գերազանցապես գեղարվեստական խոսքի մեջ՝ նկարագրությունների ժամանակ: Սրանց կառուցվածքային առանձնահատկությունն այն է, որ բաղկացուցիչ մասերը անվանական միակազմ նախադասություններ են: Այս նախադասությունները ևս խոսքը դարձնում են կենդանի, դիպուկ և ավելի պատկերավոր: Օրինակ.

Աստված իմ, ի՞նչ աղքատություն: Տկլոր երեխաներ, մի քանի պղինձ, մի կապ ցախ և աթարի մուսով լցված կիսաքանդ մարագ (ԱԲ, 457): Հինգերորդ հարկ, լայն, երկարավուն միջանցք, մանրանատակ, դռներ՝ տարբեր ցուցատախտակներով (Վերդ., ԻԳԵ, 306—7): Փոքրիկ մի նախախենիք, անկյունում մի ավել, մի դույլ, հետո խրճիթը մաքուր ավելված, հողե հատակով... երկու փայտե տախտեր համեստ անկողիններով (ԳՄԵ, 429): Մարտի արյունոտ տեսարանը փոխարինված էր ինչ-որ տարօրինակ, խաղաղ ճերմակությամբ: Սպիտակ սփոռցներ, կարնագույն սեղանիկներ, արագ և գործնական քայլերով երթեկող բույրերի ծպառն դեմքեր (ԱԼ, ՀԱ, 374):

Համեմատաբար քիչ են այն դեպքերը, երբ լիակատար միաժամանակություն ցուց տվող անշաղկապ բարդ նախադասություններում գործածվում են տարրեր ժամանակային ձևեր, այսինքն՝ երբ բարդ նախադասության բաղկացուցիչ մասերի բայ-ստորոգյալները իրենց ժամանակներով չեն համընկնում: Կարելի է նշել ստորոգյալների տարրեր ձևերի օգտագործման հետևյալ դեպքերը.

1) Երբ անշաղկապ նախադասության մեջ նկարագրվում է որևէ դրություն, վիճակ և դրա հետ միաժամանակ հանդես եկող կամ դրան համապատասխանող որևէ գործողություն, ապա դրություն, վիճակ ցուց տվող մասի ստորոգյալը լինում է բաղադրյալ, իսկ մյուսինը (կամ մյուսներինը)՝ ներկա, հարակատար, վաղակատար ժամանակներով արտահայտված պարզ ստորոգյալ, ըստ որում տարրեր ժամանակների գործածությունը կախված է բարդ նախադասության իմաստից: Երբ բարդ նախադասությամբ տրված դրությունը, վիճակը, իրողությունը և նրա հետ հանդես եկող գործողությունը նկարագրվում է ներկա ժամանակակետի համեմատությամբ, բաղադրյալ ստորոգյալի հանգուցը և պարզ ստորոգյալը դրվում են ներկա ժամանակով: Պարզ ստորոգյալը կարող է դրվել նաև հարատեղ հետևանքի նշանակություն ունեցող վաղակատար և հարակատար ժամանակներով: Օրինակ՝

Աշուն է. օրերը ցըտում են,— գիշերը սուզվում է միգում... (ՎՏ, Երկ., 252): Իսկ տները խաղաղ են, բավական մութ ու նեղվածք, շատ կարասիներ կան, շատ ավելորդ բաներ (հ. էր., ՓԱ, 2, 6): Ցուրտ է, գետինը սառել է, ճնճղուկները մրսում են:

Երբ նկարագրությունը կատարվում է անցյալ ժամանակակետի համեմատությամբ, բաղադրյալ ստորոգյալի հանգուցը դրվում է անցյալ ժամանակով, իսկ պարզ ստորոգյալները՝ համապատասխանաբար անցյալ անկատար, անցյալի վաղակատար և անցյալի հարակատար ժամանակներով: Օրինակներ.

Բազմոցի վրա անհնագիսա էր, տոք էր, օդը չէր բավականացնում (Վերդ., ԻԳԵ, 342): Աղջիկը լուտ էր, նրա հրաշալի ժպիտը համաձայնություն էր հայտնում (Լեռ, 14): Դուրսը մութ էր, երկինքը ամպամած (Վերդ., ԻԳԵ, 326): Երեքն էլ լուտ էին, յուրաքանչյուրը խորասուզված էր յուր մեջ (Բ, 7, 76): Դահլիճում շոգ էր. շատերը հանել էին բաճկոնները, նսանել էին կեպիներով, ծխում էին (հ. էր., ՓԱ, 1, 59):

Պետք է նշել, որ սովորաբար բաղադրյալ է լինում առաջին աղադրիչի ստորոգյալը, այսինքն՝ դրությունը, վիճակը նկարագրվում է առաջին բաղադրիչում (տես վերևի օրինակները): Սա-

կայն նկարագրությունների ժամանակ երբեմն հանդիպում է նաև հակառակ շարադասությունը, այսինքն՝ բաղադրյալ է լինում երկրորդ կամ երրորդ բաղադրիչի ստորոգավալը: Օրինակներ.

Երբյունը կաթիլ-կաթիլ ծորում էր նրա վերից, խոր ու փոքրիկ վերքից, շրթունքները կիսարաց էին, կուրծքը ծանր ցածրանում էր ու բարձրանում (Մ. Ման., 24): Տաքացրած այս ջրհորները չկային, հալած ձյունն էր մեր միակ հեղուկը (Ալ., ՀԱ, 17):

2) Միաժամանակություն ցույց տվող անշաղկապ նախադասություններում որևէ տեսարան, երեսով նկարագրելիս տարածված է նաև ներկա և հարակատար, ինչպես նաև համապատասխանորեն անցյալ անկատար և անցյալ հարակատար ժամանակների միատեղ գործածությունը: Օրինակներ.

Համեստ կահավորված, ոչ մեծ մի սենյակ էր դա: Պատուհաններից մեկը բացվում էր այգու վրա, մեջտեղը դրված էր մի սեղան, աջ կողմում՝ նիկելապատ մահճակալ (Ա. Սեկ., 13): Աջ թևատակին կար մի մաշված հաշվեմատյան, գոտուց կախված էր շուգունե թանաքամանը (Դե, 96): Ամենքի դեմքին պայծառ ժպիտ կար, ուսուցիչը շատ ոգևորված էր (Ալ. Խս., 3, 25):

Հանախ է հանդիպում նաև ներկա ու վաղակատար, ինչպես նաև անցյալ անկատար ու անցյալ վաղակատար ժամանակների գործածությունը: Այս դեպքում ներկա կամ անցյալ անկատար ժամանակներով է կատարվող գործողություն, իսկ վաղակատար կամ անցյալ վաղակատար ժամանակներով՝ մի գործողություն, որը թեև արդեն կատարվել է, սակայն հետևանքը առկա է ներկայով կամ անցյալ անկատարով նկարագրված գործողության կատարման ամբողջ ընթացքում: Օրինակներ՝

Մեզ մոտ արդեն հասմիկը ծաղկել է, վարդերը բացվել, ծառերը կանաչել, թռչունները ուրախ երգում են (Մ. Ման., 301): Նրա այտերը շիկնել էին, աշքերը փայլում էին ներքին կրակով (Ա. Սեկ., 539): Մայր մտնող արկի շառափը դիպել էր լուսամուտներին, քաղաքը ասես այրվում էր ծիրանագույն հրդեհով (ՆԶ, ՊՊՆ, 80):

Միաժամանակություն ցույց տվող անշաղկապ բարդ նախադասություններում, երբ նկարագրվում են այնպիսի երեսովներ, որոնք երեան են եկել անցյալում, սակայն հարատեսում են մինչև խոսելու պահը, հազվագեպ հանդիպում է նաև վաղակատար և հարակատար ժամանակների գործածությունը. այսպես՝ Աննիկը նիհարել է, գունատված է մի քիչ... (ՀՔ, 2, ?):

Միավորական անշաղկապ բարդ համադասական նախադասությունները արտահայտում են մասնակի միաժամանակության հա-

բարերություններ, երբ բաղադրիչ մասերից մեկում նկարագրվում է երկարատև գործողություն, իսկ մյուսում այնպիսի գործողություն, որը կատարվում է կամ առաջին գործողության որևէ պահին, կամ սկսվում է վերջինիս կատարման ընթացքում: Երկարատև գործողությունը արտահայտվում է բայի ներկա կամ անցյալ անկատարժամանակներով, իսկ նրա ընթացքի որևէ պահին կատարված գործողությունը՝ անցյալ կատարյալ ժամանակով: Օրինակներ.

Կանաչավարս, գանգրահեր գլուխների նման օրօգվում են ծառապատ բլուրները, մի նապաստակ քռավլ թավուտների մեջ, անտառամերձ փոքրիկ տափաստանի վրա մի կով բառաշեց և շարունակեց ապրել անտառը (ԳՄԵ, 419): Սերունիները շարունակ հորանջում էին, մեկ էլ տեսար մեկն ու մեկը գլուխը կախնց կրծքին ու սկսեց խոմփալ (Ա. Սահ., 177):

Մասնակի միաժամանակության նշանակությունը արտահայտելուն օժանդակում է գործողություն սկսվելու նշանակություն ունեցող բայերի, ինչպես նաև որոշ մակրայների և եղանակավորող բառակապակցությունների առկայությունը երկրորդ բաղադրիչում: Արդարիսին է վերևի վերջին օրինակը, որտեղ բաղադրիչների գործողությունների մասնակի համընկման իմաստը արտահայտելուն օժանդակում են մեկ էլ տեսար բառակապակցությունը և սկսել բայը: Բերենք մեկ ուրիշ օրինակ ևս: «Էկեյտենանանտը մեղմ սովորմ է մի նոր երգի եղանակ, կապիտան Կովալյովը բացում է Զեխովի պատմվածքների գիրքը կարդալու, հաստիկ մայորը արդեն վերմակը բաշում է գիսին քնելու (ՀՔ, 2, 16): Այստեղ մասնակի միաժամանակությունը արտահայտվում է բայ-ստորոգյալների բառական նշանակությունների միջոցով (սովորմ է ցույց է տալիս երկարատև գործողություն, իսկ բացում է, բաշում է՝ կարճատես գործողություններ), ինչպես նաև արդեն մակրայի օգնությամբ, որն ակնարկում է առաջին գործողության ընթացքում սկսված գործողության մասին:

Երբեմն ժամանակային մասնակի համընկնման գաղափարը կարող է արտահայտվել նաև ներկա և վաղակատար ժամանակների համատեղ օգտագործմամբ: Այս գեպքոամ վաղակատար ժամանակով տրվում է մի գործողություն, որը կատարվել է անցյալում, բայց որի հետևանքը հարատել է մինչև խոսելու պահը, ներկա ժամանակով ցույց է տրվում այդ գործողության որևէ պահին սկսված և շարունակվող գործողություն: օրինակ՝ Աշունն անվերջ խորանում ու խորանում է: Արագածն ու Մասիսներն են վաղուց ձեմել (Պ. Սևակ, 114): Այստեղ ժամանակային մասնակի համընկնման գաղափարի արտահայտմանը օժանդակում է նաև վաղուց մակրայը, որը գրվե-

լով վաղակատար ժամանակով արտահայտված բայ-ստորոգյալի մոտ, ցույց է տալիս այդ գործողության՝ մյուսից առաջ սկսված լինելը:

Մասնակի միաժամանակության իմաստային փոխհարաբերություն է առկա նաև այն դեպքերում, երբ անշաղկապ բարդ նախադասության մի մասում նկարագրվում է որևէ դրություն, վիճակ, իսկ մյուս մասում (կամ մասսերում)՝ դրա որևէ պահին սկսված, կատարված գործողություն։ Առաջին մասի ստորոգյալը լինում է բաղադրյալ կամ արտահայտված բայի հարակատար ժամանակով, մյուսինը լինում է անցյալ կատարյալ ժամանակով դրված պարզ ստորոգյալ. օրինակ՝ Շառերը անշարժ են. մի ստվեր անցավ նրանց վրայով. կամ՝ Դեմքը գունատված էր, արցունքի կաթիլներ նոսեցին աշքերից։

Միավորական պետք է համարել նաև այն անշաղկապ բարդ նախադասությունները, որոնց մեջ նկարագրվում է կատարված, ավարտված գործողություն և արվում է դատողություն նրա հետ միաժամանակ հանդես եկած և շարունակվող գործողության, դրության, երևույթի, վիճակի մասին։ Առաջին բաղադրիչի ստորոգյալը դրվում է սահմանական եղանակի անցյալ կատարյալ ժամանակով, իսկ երկրորդինը՝ ներկա կամ անցյալ անկատար ժամանակով (կարող է լինել նաև բաղադրյալ). օրինակ՝ Արշակը արմունկները հենց սեղանին, գլուխն առավ ափերի մեջ, աշքերը կկոցեց. սիրտը սաստիկ ճմլվում էր, բորբոքված ուղեղի մեջ անընդհատ դառնում էր «սարսափելի է աշխարհը» (Ավ. Խս., Յ, 105): Սա բարդ կազմով անշաղկապ նախադասություն է, որտեղ բաղադրիչների առաջին խմբում նկարագրվում են իրար անմիջապես հաջորդող և ավարտված գործողություններ, իսկ երկրորդ խմբում նկարագրվում են միաժամանակ հանդես եկած դրություն, վիճակ, որոնց առկայության պայմաններում են կատարվել առաջին խմբի գործողությունները։ Առաջին և երկրորդ խմբի նախադասությունները առանձին վերցրած իրար հետ ավելի սերտորեն են կապված և այդ պատճառով բաժանվում են համեմատաբար կարճ դադարներով (գրավոր այդ արտահայտվում է ստորակետի միջոցով), իսկ երկու խմբի միջև շարահյուսական կապը համեմատաբար թույլ է, դադար՝ ավելի երկար, որը գրավոր արտահայտվում է միջակետի միջոցով։

Բերենք այլ օրինակներ.

Հետագայում ես եղած մորաքրոջս տանը, այնտեղ էին ապրում Վարդանն ու Գառնիկը (ԳՄԵ, 474): Մարգերում իջավ թույիլ կիսամութ, աշխարհը նորից խորունկ է և լայն։ Սահեց լուսնյակի ցուքը

ժածանուտ, ու մեջ քրերում աստղերը ելան (ՎՃ, Երկ., 155): Ամբողջ քփոռրդ ժամ անցավ. գորիշը ձեռքիս կանգ է առնում, զլուխս խոնարհվել է թղթի վրա. սիրոս սաստիկ բարախում է (ՆԴ, 2, 160):

Վերջին օրինակների կապակցությունը կարելի է համարել նաև հավելական կապակցություն:

ԺԱՄԱՆԱԿԱՅԻՆ ՀԱԶՈՐԻԱԿԱՆՈՒԹՅԱՆ ՆՇԱՆԱԿՈՒԹՅՈՒՆ ՈԽՆԵՑՈՂ  
ՄԻԱՎՈՐԱԿԱՆ ԱՆՇԱԴԿԱՍՊ ԲԱՐԴ ՆԱԽՎԴԱՍՈՒԹՅՈՒՆՆԵՐ

Միավորական անշաղկապ բարդ նախադասությունները կարող են ունենալ ժամանակային հաջորդականության նշանակություն, այսինքն՝ հանդիսանալ իրար հաջորդող գործողությունների, եղելությունների, երևույթների նկարագրություն: Այս նախադասությունները ունեն կառուցվածքային այն առանձնահաճատկությունը, որ բաղադրիչ մասերի շարադասությունը ազատ չէ, այլ կախված է նկարագրվող գործողությունների, եղելությունների, իրողությունների հաջորդականությունից: Ակզրում նկարագրվում է նախորդող գործողությունը, ապա հաջորդող. օրինակ՝ Ահա պարև դադարեց, նվազումները լոեցին, մարդկանց օղակը սեղմվեց թախշիի շուրջը (Ա. Սահ., 29): Այստեղ բարդ նախադասության բաղկացուցիչ մասերի շարադասությունը համապատասխանում է նկարագրվող գործողությունների հաջորդականությանը: Եթե փոխենք շարադասությունը, կփոխվի նաև նկարագրվող գործողությունների ժամանակային հաջորդականությունը, և իմաստը կաղճաւովի:

Ժամանակային հաջորդականության նշանակություն ունեցող անշաղկապ բարդ նախադասությունները սովորաբար ցույց են տալիս անցյալում կատարված-ավարտված, իրար անմիջապես հաջորդած գործողություններ (եղելություններ, երևույթներ և այլն) և այդ պատճառով նրանց բաղկացուցիչ մասերի բայ-ստորոգյալները մեծ մասամբ դրված են լինում սահմանական եղանակի անցյալ կատարյալ ժամանակով: Օրինակներ.

Այրիխը ետ ու եա բաշվեց, ասպարեզը լայնացավ (Շ, 2, 165): Դուռը շուտ փակվեց, ձայնը խլացավ, բոլորովին կտրվեց (ՀԲ, 3, 19): Դուրսը քամին ավելի սաստկացավ, պատռհանի փեղկերը ուժեղ կպան պատին (Վերդ., ԻԳԵ, 325): Ես բարեեցի նրան, գլուխը բարձրացրեց, սիրալիր ժպտով բարես առավ (Ավ. Իս., 3, 11):

Նույն իմաստն արտահայտելու համար երբեմն օգտագործվում է պատմական ներկա ժամանակը՝ անցյալում կատարված և իրար հաջորդած գործողությունները ավելի շոշափելի և նկարագրությունը ավելի պատկերավոր դարձնելու նպատակով: Օրինակներ.

Նա պոկում է խոտը, թափում է: Այդ նրան ձանձրացնում է, աշքը ընկնում է ծղնոտի փշրանքին, ծղնոտը մոտեցնում է շրթում-քին (ԱԲ, 156): Հեռվից լսվում է աքաղաղի արդեն երրորդ կանչը, սա իր արձագանքն է գտնում հակառակ կողմում (Ա. Սեկ., 28):

Ներկա ժամանակն է օգտագրծվում նաև այն դեպքում, երբ նկարագրվում են սովորաբար իրար հաջորդող գործողություններ, եղելություններ, երևություններ. օրինակ՝ Մթնաձոր տանող միակ արահետն առաջին ճյունի հետ փակվում է, մինչև գարուն ոչ մի մարդ ուտք չի դնում անտառներում (ԱԲ, 3):

Ապագայում սպասվող՝ իրար անմիջապես հաջորդելիք գործողությունների, եղելությունների մասին հաղորդելիս, անշաղկապ բարդ նախադասության բաղկացուցիչ մասերի բայ-ստորոգյալները դրվում են մեծ մասամբ պայմանական եղանակի ապառնի ժամանակով (շատ հազվադեպ՝ նաև սահմանական եղանակի և հարկադրական եղանակի ապառնի ժամանակներով): Օրինակների:

Այ, էն ժամանակ քեզ կիալատան, Կմտենն կոլխոզ, կոլխոզը կանի, Կդիմեն կենտրոն, տրակտոր կտան, Կփոխեն արագ գյուղն ու գյուղացին (ՆԶ, 4, 15): Հիմա միասին կգնանք փորձադաշտ, քո աշքով կտեսնես ամեն ինչ (Ա. Սեկ., 31):

Ժամանակային հաջորդականության նշանակություն ունեցող անշաղկապ բարդ համագասական նախադասությունները ունեն հիմնականում նույն կառուցվածքային առանձնահատկությունները, ինչ միաժամանակություն ցույց տվող նախադասությունները: Նրանք ևս արտասանվում են թվարկման ընդհանուր ինտոնացիայով և նախադասությունների միջև կարճ դադարներով. օրինակ՝ Դրսից լսվեց ոտնաձայն, բացվեց դուռը, ներս մտավ մի երիտասարդ:

Երբեմն ժամանակային հաջորդականության նշանակություն ունեցող անշաղկապ նախադասությունները ունենում են պատճառահետևանքային հարաբերության իմաստային երանգ, այսինքն՝ առաջին բաղադրիչում նկարագրված գործողությունը նախորդելով երկրորդին՝ միաժամանակ հանդիսանում է հաջորդող գործողության պատճառը. այլ կերպ ասած՝ երկրորդ նախադասության մեջ նկարագրված գործողությունը կատարվում է որպես հետեանք առաջին գործողության: Այս նախադասությունները, ի տարեբերություն ժամանակային հաջորդականության նշանակություն ունեցող մյուս անշաղկապ նախադասությունների, սովորաբար երկանդամ են լինում, այսինքն՝ բաղկացած են լինում երկու պարզ նախադասություններից, որոնցից առաջինում նկարագրվում է նախորդող գործողությու-

Նը կամ երևույթը, իսկ երկրորդում՝ նրան հաջորդող և կարծես նրա հետեանքը հանդիսացող գործողությունը, երևութը: Օրինակներ.

Կանալը դուրս էր եկել, սովոր այլևս սարսափելի չէր (Ա. Սահ., 447): Բարեբախտաբար գարնանը խոշորացվելու է այդ կոլտնտեսությունը, այդ կապակցությամբ էլ նրանց հաստիքն ավելացվել է (Ա. Սեկ., 7): Բայց գուղն իր ցավերն ուներ, Պետու մասին հոգալու ժամանակ շկար (ԱԲ, 39): Հետո պատեբազմը եկավ, աշխարհը տակն ու վրա եղավ (ՍՀ, 25/11—60 թ. 3 էջ):

Բայի ժամանակների և եղանակների օգտագործումը այս նախադասությունների բաղադրիչ մասերում համեմատաբար աղատ է և կախված է նրանց արտահայտած իմաստից (տե՛ս վերևի օրինակները):

Ժամանակային հաջորդականության նշանակություն ունեցող միավորական անշաղկապ բարդ նախադասությունները կարող են ունենալ նաև հետևյալ իմաստային երանգը. առաջին բաղադրիչում արվում է որևէ դատողություն կամ նկարագրվում որևէ գործողություն, եղեցություն, երևույթ, իսկ երկրորդ բաղադրիչում տրվում է դրանից հանված եղանակցությունը: Այս տիպի նախադասությունները ևս լինում են երկանդամ, այսինքն՝ բաղկացած են լինում երկու բաղադրիչ մասից: Օրինակներ.

Բայց ճնճղուկներն ավելի բարեխիղճ են. դրանք գոնե չեն ունշացնում ծառերը (Բ, 5, 22): Պետք է փրկել նրան. ես վախենում եմ, որ հետո ուշ լինի (ՆԴ, 2, 499): Հիանալի գործ է, կարելի է զրադվել հենց դրանով (Վերդ., ԻԳԵ, 7): Պահարանում գինի է դրված, երկի խմեցիր մի քածակ (ԽԵՀ, ՍՄՀ, 461): Թունդ մուժիկ է, նրանից պրծնել չի լինի (Վերդ., ԻԳԵ, 331):

Այս իմաստային երանգի արտահայտմանը օֆանդակում է երեկ եղանակավորող բառը, որը հաճախ դրվում է երկրորդ բաղադրիչի սկզբում. այսպես՝ Բավական կոկիկ մի սենյակ էր այդ, երեկ միայն հուրերի համար էր պատրաստված (Բ, 5, 9): Դայլերը չքացել էին. երեկ մի բան գիտեին (ԼԵՊ, 95) (տես նաև վերևի օրինակները):

Այս երկու տիպի անշաղկապ բարդ նախադասությունները իրենց ինտոնացիայով տարբերվում են սուսկ ժամանակային հաջորդականության նշանակություն ունեցող միավորական նախադասություններից: Այս նախադասությունների երկու բաղկացուցիչ մասերը, ունեն տարրեր տրամարանական շեշտեր և արտասանվում են տարրեր ուժգնությամբ. առաջին մասը արտասանվում է ձայնի փոքր իշեցումով, երկրորդ մասը՝ ավելի շատ իշեցումով: Երկու մասերի միջև

եղած դադարը ավելի երկար է, քան ժամանակային հաջորդականություն ցույց տվող նախադասություններինը. այդ գրավոր խոսքում արտահայտվում է կետադրության միջոցով. երբեմն այս տիպի նախադասությունների բաղկացուցիչ մասերը բաժանվում են ոչ թե ստորակետով, այլ միջակետով, որով ընդգծվում է դադարի ավելի երկար լինելը: Այսպես՝ Պետք է փրկել նրան. ես վախենում եմ, որ հետո ուշ լինի (ՆԴ, 2, 499):

**ՀԱՎԵԼԱԿԱՆ ԿԱՊԱԿՑՈՒԹՅԱՄԲ ՄԻԱՑԱՇ ՄԻԱՎՈՐԱԿԱՆ  
ԱՆՇԱՂԿԱՊ ԲԱՐԴ ՆԱԽԱԴԱՍՈՒԹՅՈՒՆՆԵՐ**

Անշաղկապ բարդ նախադասությունների միավորական կապակցության մի տեսակն է նաև հավելական կապակցությունը, երբ մի որևէ ձտքի, դատողության ուղղակի ավելացվում է մեկ ուրիշը որպես լրացուցիչ հաղորդում՝ միտքը ավելի պարզաբանելու, լրիվ դարձնելու նպատակով, կամ ուղղակի թվարկվում են մի քանի գործողություններ, երևույթներ, իրողություններ՝ մեկ ամբողջական պատկեր ստեղծելու նպատակով: Մրանք ընդհանուր մտքով միմյանց կապված, սերտ ամբողջություն կազմող, բայց համեմատաբար ավելի ինքնուրույնություն ունեցող համադաս նախադասություններից բաղկացած անշաղկապ նախադասություններ են: Հավելական կապը արտահայտվում է ինչպես երկու պարզ նախադասությունների բովանդակությունների հարաբերակցությամբ, այնպես էլ ութմոմելողիկ միջոցներով՝ բաղադրիչների ինտոնացիայով (շունեն ավարտված նախադասության ինտոնացիա) և նրանց միջև ընկած դադարով, որը գրավոր արտահայտվում է ստորակետով, միջակետով, երբեմն նաև գծիկով: Այս գեպքում անշաղկապ բարդ նախադասության բաղադրիչ մասերի բայ-ստորոգյալները սովորաբար չեն համաձայնում—կարող են դրվել տարբեր եղանակներով և ժամանակ-ներով՝ կախված հաղորդվածի բովանդակությունից: Օրինակներ.

Դե գնանք ներս, ես էլ գրասենյակից եմ գալիս (Ա. Սեկ., 410): Երկու ախպերդ զոհվեցին էս անօրեն կովում, դու ես մնացել անտերծնողների հույսը (ՆԶ, ՊՊՆ, 208): Քանի-քանի հեռավոր վայրեր էր տեսել նա: Սակայն այդ բոլոր ուղիները ավարտվել էին. անցել էին դրանց հետ կապված բոլոր տեսչանքներն ու երազանքները (ԴԽ, 430): Հով էր քարափի գլխին, շինականին հովը դուր եկավ (ԱԲ, 51): Մայրը զգիտեր ինչ ասեր. նա մի տեսակ շնորհակալ ժպիտով նայում էր շուրջը (Ա. Սեկ., 15):

Անշաղկապ բարդ նախադասությունների հավելական կապակ-

ցությունը շատ է տարածված հատկապես կենդանի-խոսակցական լեզվոամ և գեղարվեստական գրականության երկախոսությունների մեջ Եվ դա բնական է, օրովհետեւ խոսողը հայտնում է մի միտք կամ հաղորդում է որևէ գործողության, երևույթի մասին, հետո անմիջապես լրացնում է այն մեկ այլ երևույթի մասին խոսելով։ Օրինակներ.

— Իսկ ո՞ւր է Կարինեն, միայն նրա սեղանն էր դատարկ. իհարկե, տուն գնացած չի լինի, որևէ կերպ կհայտներ իրեն (Վերդ., իդե, 336): — Թող գնան տղաները թիկունք, ուշքի գան, շատ չի տեսի, նրանք նորից կդառնան հարձակվողներ (ՄԱՊ, 650): — Ով էլ որ լինիս՝ բարով ես եկել, Անփորձանք լինի քո ճանապարհը... (ՀԹ, 2, 35): — Ամա՞ն, վարպետ Մանուկ, դու գիտես, մի կերպ արա, Երեխան մեղք է, փողոցներում կմնա (Հիկվ., 7):

Հավելական կապակցությամբ միացած պետք է համարել նաև այն միավորական անշաղկապ նախադասությունները, որոնք հանդիսանում են երկու կամ ավելի հարցումների միացություն (այլ կերպ ասած՝ որոնց բաղադրիչ մասերը հարցական նախադասություններ են), ինչպես նաև հրաման կամ հորդոր պարունակող միավորական անշաղկապ նախադասությունները։ Օրինակներ.

— Իսկ ո՞ւմ համար ենք մենք աշխատում, ինչի՞ համար է այս գործարանը (Խել. ՄՄՀ, 477): Ո՞ւր եմ գնում ես, մեզ ո՞ւր են տանում (ԳՄԾ, 419): Ի՞նչէք պատահել, ի՞նչը կարող էր այդ աստիճանի հանել նրան հավասարակշռությունից (Ա. Սել., 601): Ո՞ւմն էր արդյոք ողբում այդ անծանոթ «հրաշք աղջիկը», ո՞վ էր թաղված այդ խոնավ հողաթմբի տակ (ՆԶ, ՊՊՆ, 326): Այս բարդ նախադասությունների բաղադրիչները հարցական նախադասություններ են:

Հանդարտ, կամաց իշխոր այնպես, որ ծաղկունքը շարթնանան, Մածկի՛ր նրանց քնքուշ ու հեզ, Զգո՛ւշ, զգո՛ւշ, անսահման (Գ. Սար., 61): Դե գնա՛, օգնի՛ր, էլ ի՞նչ ես եկել այստեղ, գնա՛, ասում եմ (Վերդ., իդե, 341): Այստեղ արդեն բարդ նախադասության բաղադրիչ մասերը պարունակում են հորդոր, հրաման՝ գործողություններ կատարելու վերաբերյալ և միացած են դարձյալ հավելական կապակցությամբ։

Հավելական կապակցության ժամանակ անշաղկապ բարդ նախադասության մասերի միջև եղած շարահյուսական կապը ավելի թույլ է, քան միավորական կապակցության մյուս դեպքերի ժամանակ, որը դրսկորպում է բաղադրիչ մասերի միջև համեմատաբար երկար դադարով։ Գրավոր խոսքում այդ արտահայտվում է նրանով,

որ հաճախ բաղադրիչ մասերի միջև դրվում է ոչ թե ստորակետ, այլ միջակետ: Օրինակներ.

Առաջին հայացքից միջանցքը նախալյացին խիստ մութ թվաց. նրա քին կպավ յուրահատուկ նամահոտ (Ա. Հ. 23): Իմ օրերն այստեղ տիտուր են անցնուած. վառվում է սրտում հուրը կհնսական (ՀԲ, 2, 26): Խոսակցությունը ընդհատվեց. ներս մտավ Սեղադի մորաքույրը (Ա. Սեկ., 10): Ասատուրը կարկամել էր. նա իր տեսածին չէր հավատուամ (Դիս, 113):

Այս անշաղկապ բարդ նախադասությունները ունեն նաև այն առանձնահատկությունը, որ նրանց բաղկացուցիչ մասերը համեմատարար ավելի ինքնուրուցնություն ունեն: Այդ պատճառով բավական է մի քիչ երկարացնել նրանց միջև եղած դադարը, և նրանք կվերածվեն պարզ նախադասության: Համեմատիր՝ «Խոսակցությունն ընդհատվեց: Ներս մտավ Սեղադի մորաքույրը» և «Խոսակցությունն ընդհատվեց: Ներս մտավ Սեղադի մորաքույրը»: Առաջին դեպքում նկարագրվող երկու գործողությունները դիտվում են որպես մի ամբողջություն, մի միասնական երևույթի արտահայտություն: Այդ պատճառով նրանց միացությունը համարվում է բարդ նախադասություն՝ միացած հավելական կապակցությամբ: Եղկրորդ դեպքում նկարագրվող գործողությունները դիտվում են իրեն ինքնուրուցն, իրարից անկախ հանդես եկող երևույթներ, այդ պատճառով էլ արտահայտվում են խոսքի ինքնուրուցն միավորներով՝ պարզ նախադասություններով:

ԲԱՌԱԿԱՆ ՄԻԶՈՑՆԵՐԻ ԳԵՐԸ ՄԻԱՎՈՐԱԿԱՆ ԱՆՇԱՂԿԱՊ  
ԲԱՐԴ ՆԱԽԱԴԱՍՈՒԹՅՈՒՆՆԵՐԻ ԿԱՊԱԿՑՈՒԹՅԱՆ ՄԵՋ

Միավորական անշաղկապ բարդ նախադասություններում բաղկացուցիչ մասերի կապակցությանը և մեկ միասնական ամբողջություն կազմելուն օժանդակում են հետևյալ բառական միջոցները.

1. Բաղադրիչ մասերի սկզբում կարող են դրվել նշանակությամբ իրար համապատասխան դերանուններ կամ մակրայներ, որոնք մի կողմից կատարում են շաղկապող դեր, մյուս կողմից ամբողջ բարդ նախադասությանը տալիս են թվարկման նշանակություն: Այս դերանուններն ու մակրայները գործածվում են միաժամանակության իմաստացին հարաբերություններ արտահայտող անշաղկապ բարդ նախադասություններում՝ մեկ ամբողջական երևույթի մասերը հանդիսացող գործողություններ, իրողություններ նկարագրելու համար: Դրանցից են՝ մեկը... մյուսը, վերևում... ներքեալ, այստեղ... այնտեղ, ոմանք... մյուսները և այլն: Օրինակներ.

Ելնում է մեկին իր երազն ու սեր, մյուսի մուրադը սրտումն է մնում (ՀԹ, 2, 55): Ումանք փոթկացրին, մյուսները սաստեցին սրանց (Ա. Սեկ., 413): Մեկն անկողնու սպիտակեղենն էր փոխում, մյուսը ապակիներն էր փայլեցնում, երբորդը հաշտի խոնավ գետինն էր մաքրում (Ն.տ., 453): Նրանցից ոմանց աշքերին ուրախ ժայռ էր խաղում, մյուսների դեմքերին լարված սպասում կար (Ն.տ., 6): Վերևում փոված էր անտառը, ավելի ներքեւ գտնվում էր գյուղը: Ազ կողմում նստած էին ծերունիները, ձախ կողմում խաղում էին երեխաները:

Ինչպես երեսում է բերված օրինակներից, բառական այս միջոցների կիրառության դեպքում անշաղկապ միավորական նախադասությունները ստանում են նաև զուգադրության իմաստային երանգ, այսինքն՝ թվարկման՝ միաժամանակության ընդհանուր ֆոնի վրա զուգադրվում, համադրվում են երկու կամ ավելի գործողություններ, իրողություններ, երևույթներ:

Բառական այս միջոցները կարծեք իրենց վրա են վերցրել բարդ նախադասության մասերի կապակցության շարահյուսական պաշտոնը և իրենց կատարած դերով մոտենում են շաղկապական բառերին: Այս է պատճառը, որ Ա. Աբեղյանը այս կարգի նախադասությունները զետեղում է շաղկապական բարդ համադրասական նախադասությունների մեջ՝ կապակցության այս ձևը կոչելով մասնական կապակցություն<sup>1</sup>:

2. Բաղադրիչ մասերից մեկում, մեծ մասամբ առաջինում, կարող է առկա լինել ամբողջ քարդ նախադասության համար ընդհանուր մի անդամ, որը ավելի սերտ է դարձնում անշաղկապ բարդ նախադասության մասերի կապակցությունը: Այդ ընդհանուր անդամը մեծ մասամբ լինում է տեղի կամ ժամանակի պարագա, որով ցուց են տրվում միևնույն ժամանակամիջոցում կամ նույն տեղում մեծ մասամբ միաժամանակ կատարված գործողություններ, կամ համատեղ հանդես եկած իրողություններ, երևույթներ, եղելություններ: Օրինակներ.

Վերջին խոսքերի միջոցին երիտասարդի ձայնը սկսեց գողալ, ձեռքը տարավ դեպի ճակատը, պրովոց խոնարհեց (Բ, 7, 27): Այնտեղ ամեն մի պտուտակ զգացել է նրա մատների հպոմը, ամեն մի մարդ տարիներ շարունակ նրա հետ կիսել է աշխատանքի հաջողությունն ու անհաջողությունը (Խել., ՍՄՀ, 9): Ավաղն էր ճմլվում ոտքերի տակ նրանց, ծաքռում էին անգամ քարերն ամուր (ԳԲ, 11):

<sup>1</sup> Ա. Աբեղյան, Աշխարհաբարի շարահյուսակցուն, Վաշարշապատ, 1912, էջ 332:

Որպես ընդհանուր անդամ կարող են հանդես գալ նաև եղանակավորող բառեր, որոնք դրվելով առաջին բաղադրիչի սկզբում, վերաբերում են ամբողջ բարդ նախադասությանը, տարիս են նրան որևէ խմաստային երանգ (Հարցման, կասկածի, հաստատման)՝ ավելի կուռ դարձնելով անշաղկապ նախադասության կառուցվածքը. օրինակ՝ Արդյոք նորից երազնե՞րն են թափառում, Սիրո անուշ նվազնե՞րն են ինձ կանչում... (ՎՏ, Երկ., 26): Այս օրինակում արդյոք եղանակավորող բառը դրվելով անշաղկապ բարդ նախադասության սկզբում՝ վերաբերում է ամբողջ նախադասությանը և ուժեղացնում է նրա հարցական բնույթը. միաժամանակ այն ավելի միասնական է դարձնում անշաղկապ բարդ նախադասության բաղդրիչ մասերի կապակցությունը, օժանդակում է նրանց միավորմանը մեկ ամբողջության մեջ:

Այստեղ պետք է խոսել նաև միավորյալ նախադասությունների մասին, որոնց մեջ ընդհանուր է լինում կամ ենթական, կամ ստորոգյալը: Համեմատաբար շատ են տարածված այն անշաղկապ նախադասությունները, որոնց բաղադրիչ մասերը ունեն ընդհանուր ենթակա. վերջինս հանդես է գալիս միայն առաջին բաղադրիչում, իսկ մյուսներում չնայած բացակայում է, սակայն գիտակցվում և հասկացվում է: Օրինակներ.

Ինչպես եղավ, մի օր այդ սիրուն մանուկը վազելով թիթեռնիկի ետկից, հեռացավ ջրաղացից, ընկավ մացառների մեջ, անցավ ձորակից ձորակ... հասավ մեծ ճանապարհին, նստեց եղերքին և լաց եղավ (Ավ. Իս., 3, 26): Արշակն արմունկները հենեց սեղանին, գլուխն առավ ափերի մեջ, աշբերը գոցեց (Ն.տ., 3, 105): Բայց այս անգամ ևա յուր գովասանքը շարտասանեց, մի քանի վայրկյան լսեց երգչին, ապա քայլերն ուղղեց դահլիճի խորքը, մի փոքրիկ սանդուղով բարձրացավ վերև, դեպի աջ (Շ, 2, 163):

Ընդհանուր ենթակայով անշաղկապ նախադասությունները հատկանշանական են նաև նրանով, որ հաճախ ենթական բոլորովին բացակայում է (զեղչված է լինում նաև առաջին բաղադրիչից): Այս դեպքում այն կամ հասկացվում է կոնտեքստից, կամ լինում է առաջին կամ երկրորդ դեմքի դերանուն և հասկացվում է բայի դեմքի միջոցով: Օրինակներ:

Խոսում էինք մեր անցյալ օրերից, լավ հիշողություններից, պատմում էինք զանազան դեպքեր ու անցքեր, առակներ էինք ասում, երգում ցածր ձայնով (Ավ. Իս., 3, 16): Հայտնվի՛ր անհուն փայլով ու փառքով, ժպիտդ փոփ' իմ երկրի մթնում (ՎՏ, Երկ.,

186): կուռ նստում եմ առվի մոտ, անուշ հերիաթ եմ լսում, երեկո և առավոտ խաղաղ սրտով երազում (ն.տ., 186):

Բերված օրինակներում ենթական զեղչված է ստորովյալի առաջին և երկրորդ դեմքերով դրվելու պատճառով։ Այս դեպքում Ենթական դրվում է միայն այն ժամանակ, երբ անհրաժեշտ է լինում շեշտել գործողություն կատարող անձը. ըստ որում ոճական նկատառումներով այն կարող է դրվել նաև երկրորդ բաղադրիչում. օրինակ՝ Պար էինք պարում ու երգեր ասում, զենքերի փայլով հրճվում էինք մենք (Ե. Զար., 5):

Ամունը ժանոթացա մի բասկ երաժշտագետի հետ։ Բայցն քաղաքից էր, ապրում էր Փարիզում, երաժշտության դասատու էր (Ավ. Իս., 3, 138)։ — Ինձ հետ էր գալիս ծանապարհին մարդ հանդիպեց, կանգ առավ, հիմա կգա (ՄԱՊ, 68)։ Վերջին նախադասություններում զեղչված ենթական հասկացվում է միայն կոնտեքստից։

Ընդհանուր ենթակայով անշաղկապ միավորյալ նախադասությունները ունեն կառուցվածքային այն առանձնահատկությունը, որ բաղկացուցիչ մասերի ստորոգյալները համաձայնում են թվով ու դեմքով, և դա շատ բնական է, որովհետեւ նրանք բոլորն էլ համաձայնում են միևնույն ենթակայի հետ և ցուց են տալիս նրա կատարած տարրեր գործողությունները կամ տարրեր վիճակներում (դրությունների մեջ) լինելը (տես վերևի օրինակները):

Երբեմն անշաղկապ բարդ նախադասության մեջ ընդհանուր է լինում գործողություն ցուց տվող ստորոգյալը, այսինքն՝ անշաղկապ բարդ նախադասությամբ նկարագրվում է մի այնպիսի ամրողական երևությ, երբ միևնույն գործողությունը միաժամանակ կատարվում է տարրեր սովորելուների կողմից։ Այս դեպքում տվյալ գործողությունը ցուց տվող ստորոգյալը դրվում է միայն առաջին բաղադրիչում, իսկ մյուսում (կամ մյուսներում) այն զեղչվում է։ Ենթական և զեղչված ստորոգյալի լրացումները բաժանվում են բութով. օրինակ՝ Բանվորների խմբերը գնում էին դեպի գործարանները, աշակերտները՝ դեպի դպրոցները, առևտրականները՝ դեպի խանութները, պաշտոնյանները՝ դեպի գորասենյակները (Ավ. Իս., 3, 94)։ Այստեղ առկա է նաև գուգադրության իմաստալին երանգը (գոսգագրված են բաղադրիչների և ենթականները, և տեղի պարագանները):

3. Երբ միավորական անշաղկապ նախադասությունը ունենում է ժամանակային հաջորդականության կամ միաժամանակության նշանակություն, երկրորդ բաղադրիչի սկզբում կարող է հանդես գալ որևէ ժամանակի պարագա, որով ընդգծվում է երկրորդ

բաղադրիչի գործողության՝ առաջինի գործողությունից հետո կատարվելը կամ միաժամանակ կատարվելը. դրանցից են, օրինակ, հետո, այդ բանից հետո, այդ ժամանակ, այնումնետև և այլն: Օրինակներ.

Արտաշի մայրը լաց եղավ, Արտաշն էլ լաց եղավ, հետո հավաքվեցին որբեր, նրանք էլ լաց եղան... (ԳՄԵ, 440): Ես կանգնած էի կանգառում, այդ ժամանակ ինձ մոտեցավ Սեղան:

Պետք է նշել, որ այնումնետև և հետո մակրայները սկսել են կորցնել իրենց նյութական նշանակությունը և հաճախ ծառայում են միայն տրպես կապակցության միջոցներ. օրինակ՝ Հագեցին է օդը փշատնեների բուրով, լսվում է առվի խոսքը, հետո բզզում են ինչ-որ բզեզներ (ԳՄԵ, 413): Այստեղ հետո-ն կատարում է սոսկ կապակցական դեր և մեկ ամբողջության մեջ միացրել է միաժամանակ կատարված գործողությունները: Եթե այն պահպանած լիներ իր նյութական նշանակությունը, ապա բարդ նախադասությունը պետք է ունենար ոչ թե միաժամանակության, այլ ժամանակային հաջորդականության նշանակություն:

4. Միավորական անշաղկապ բարդ նախադասությունների կառուցվածքային ամբողջությանը օժանդակող բառական միջոց պետք է համարել նաև նախադասության միևնույն անդամի կրկնությունը բոլոր բաղադրիչ մասերում: Այս երկույթը շատ է տարածված գեղարվեստական գրականության, հատկապես շափածո խոսքի մեջ: Միևնույն անդամի կրկնությունը բաղադրիչ մասերում ունի ոճական նշանակություն և արվում է տվյալ անդամը շեշտելու և ասույթին գեղարվեստական շունչ տալու համար: Կրկնվել կարող են նախադասության տարբեր անդամները, սակայն ամենից շատ հանդիպում ենք ենթակայի կրկնությանը: Օրինակներ.

Ամենուրեք մի կարոտ ես դու նետել, քո ստվերն ես փոել անծիր աշխարհում, Դու ես հյուսում աստղացանցը ոսկեթել, Գիշեր ու զօր կյանքը դու ես զարդարում (ՎՏ, Երկ., 85): Այստեղ տրամաբանական շեշտերը դու կրկնվող ենթակայի վրա դրվելուն օժանդակում է նաև օժանդակ բայի շրջում շարադասությունը երկրորդ և երրորդ բաղադրիչներում (դու ես հյուսում, դու ես զարդարում):

Յուրաքանչյուրը զրադված էր յուր գործով, յուրաքանչյուրը խորաստված էր յուր խորումների մեջ (Ռ, 7): Ես երգիշ եմ—երկնի թիթեռ, ես գանձ շունիմ—լեռ ու բեռ, ես սիրում եմ ծաղկի, աղջիկ, — Մաղկի բուրմունք, կույսի սեր (Ավ. Իս., 1, 25): Գետը գնում է գեպի օվկիան, գետն անմահ է, անքննելի (Ալ., ՀԱ, 328): Բայց նա գոհ շմնաց ոռւսաց մայրաքաղաքի կյանքով, նա կամեցավ նոր

երկրներ, նոր քաղաքներ տեսնել (ՆԴ, 2, 15): Շատերն էին նրանց մոտ թամաշայի վագում, շատերն էին նախանձով նայում Վահանին (Ա. Սահ., 36):

Ինչպես երևում է բերված օրինակներից, կրկնվող ենթական անշաղկապարդ նախադասություններում հիմնականում արտահայտված է լինում դերանվամբ: Երբեմն կրկնվում է ոչ միայն ենթական, այլ նաև նրա կամ ստորոգյալի որևէ լրացումը. այսպես՝

Այն գիշերը ուշ լուսացավ, Այն գիշերը տևեց մի դար (Ծ. Զար., 163): Դու ինձ չես տեսնում լուսե երազում, Դու ինձ չես լսում ձմռան փոթորկում (ՎՏ, Երկ., 42): Ես քեզից դառնացած հեռացա, Ես քեզնից հեռացա ու լացի (Ն.տ., 20):

Նկարագրությունների ժամանակ հաճախ են հանդիպում նաև ստորոգյալի կրկնություններ՝ ա) Երբ ցանկանում էն շեշտել տարբեր առարկաների միեւնույն հատկանիշն ունենալը: Այս դեպքում կրկնվող ստորոգյալը մինում է բաղադրյալ: Օրինակներ.

Երգ էր սիրող ամեն մեկի, Երգ էր հայացքը կրակոտ... (Ծ. Զար., 19): Միածանի բոլոր գույները կային նրա հագուստների վրա. գունավոր էր գլխի թեթև ապարոշը, որ թեք կերպով կապած էր թասակի վրա..., Գունավոր էին նրա երկար, ոսկյա գանգուրները, որ սփոված էին ուսերի վրա, գունավոր էր բեհեղյա գոտին, որ... անփուզթ վերջավորություններով ծածանվում էր ծնկների վրա. գունավոր էր նրա բաճկոնակը, կուրտիկը... (Բ, 7, 34): Քար էր հատակը, բար էր առաստաղը, բարից էին շորեթկողմի պատերը,— միակուպր և միապաղաղ քարից (Ն.տ., 232):

բ) Ստորոգյալը կարող է պրկնվել նաև այն դեպքերում, երբ նշանակում է գրություն, վիճակ, որը վերագրվում է տարրեր առարկաների, ինչպես նաև միադիմի ստորոգյալը (պետք է, աներածեղտ է, կարելի է), երբ արվում է նույն դատողությունը տարրեր գործողությունների կատարման վերաբերյալ կամ տարրեր երևույթների երևան գալու վերաբերյալ: Օրինակներ.

Եվ ո՞վ կլինի զարթում այս ժամին. Քեած է աշխարհ, Քնած է քամին (ՀԹ, 2, 14): Զկան օրերն ահարկու, Զկա ժամ ու ժամանակ, Ուրվական ենք մենք մրկու Միշտ իրար հետ, միշտ մենակ... (ՎՏ, Երկ., 177): Զի կարելի չհավատալ մարդու ապագային, չի կարելի լավատես շինել մարդու գալիքի նկատմամբ (Վահր. Փափ., 1, 19): Թվում է՝ լսում եմ ես քո շունչը, թվում է՝ ինձ մոտ ես դու էլի, թվում է՝ քո ամեն մի շշունչը իշնում է խաղաղ այս տողերին (Գ. Սար., 78): Այս նախադասությունները ունեն կառուցվածքային այն առանձնահատկությունը, որ բաղկացուցիչ բոլոր մասերում կրկնվող

ստորոգյալը ենթակայի նկատմամբ ունենում է առաջադաս շարադասություն (դրվում է ենթակայից առաջ): Դրանով հիմնական ուշադրությունը հրավիրվում է ստորոգյալի վրա, շեշտվում է այն հանգամանքը, որ տվյալ հատկանիշը, գործողությունը, դրությունը, վիճակը վերաբերում է տարբեր առարկաների: Երբ անհրաժեշտ է լինում առանձնապես շեշտել բաղադրիչ մասերի ենթականերին վերագրվող նույն հատկանիշը (բաղադրյալ ստորոգյալը), նրա մոտ դրվում է ինչ, որքան, ինչքան հարաբերական դերանուններից որևէ մեկը բացականչական նշանով՝ այսպես՝ ի՞նչ լավն էր էն աղջիկը, ի՞նչ լավն էր ի՞ն գիշերը (ՀԹ, 3, 90):

Երբեմն ոճական նկատառումներով կրկնվում է ոչ միայն ստորոգյալը, այլ նաև նրա որոշ լրացումները: Այդ նույն նպատակով կարող են կրկնվել նաև ենթական և ստորոգյալը միասին: Այս գեպքում բաղկացուցիչ մասերում տարբեր են լինում միայն ստորոգյալի լրացումները: Օրինակներ.

Դեռ մենում են նրանց շիրիմները, նրանց կանգնած խաչարձաններն ու մատուռները, դեռ մենում է նրանց կառուցած ձերմակ տաճարը (ՀԹ, 3, 26): Այլևս չէր երեսում սիրում բաղաքը, այլևս չէր երեսում ծովակը (Բ, 7, 287): Ավաղ, նա, որին շատ էր նմանուած գարունը սիրում, նա չկա հիմա, երա նետ մեռավ սեր ու ինդություն, երա նետ մեռավ երգը գարունքվա (Ավ. Իս., 1, 137): Քո մեջն եմ գտնում իմ սրտի խաղաղությունը, քո մեջ եմ գտնում իմ վշտերի մխիթարությունը, քո անոնքը հիշելիս լոռում է հոգսը, անհետանում է մոայլը (Բ, 7, 126): Միայնակ՝ ես սիրում եմ նստել երերուն լույսերում, ես սիրում եմ երազ ու ստվեր.— Ես իմ սերն եմ սիրում (ՎՏ, Երկ., 160): Ես գիտեմ լուսեղեն մի երկիր, ես գիտեմ դյութական մի հովիտ (Ն. տ., 190): Դուք ո՞ւր եք գնում, ծիծեռնակներ, Դուք ո՞ւր եք գնում, հավքեր գարնան (Գ. Սար.):

Քերված օրինակներից առաջին երեքում կրկնված են ստորոգյալն իր լրացումների հետ, իսկ վերջին երեքում՝ ենթական ու ստորոգյալը: Վերջին դեպքում կարող է կրկնվել նաև նրանց լրացումների մի մասը:

Անշաղկապ բարդ նախադասության մեջ կրկնվել կարող են նաև բոլոր մասերի համար ընդհանուր հանդիսացող այլ անդամներ, որոնցից հատկապես տարածված են հատկացուցչի և պարագաների կրկնությունները:

Ահա հատկացուցչի կրկնության մի քանի օրինակ:

Նրա մատները գծագրելու են, երա հատակագծով տներ են շի-

նելու (ԱԲ, 176): Քո սերն ինձ թե տվեց, Քո կարուն ինձ ուժ տվեց. հիմա կանգնած եմ քո սպասին (Ավ. իս., 3, 271): Մեր պատմական բոլոր նշանավոր դեպքերը նրա [կաղնու] նվիրական ստվերի տակ են որոշվել, մեր ժողովրդի բոլոր ապստամբություններն այն-տեղից են սկսվել (ն.տ., 141):

Ժամանակի պարագայի կրկնության դեպքում շեշտվում է անշաղկապ բարդ նախադասության մեջ նկարագրվող գործողությունների միաժամանակ կատարվելը, միաժամանակության իմաստային փոխհարաբերությունները բարդ նախադասության մասերի միջև: Օրինակներ՝

Այժմ նա հոգնել, վաստակել էր հարատե տիխության տանշանքներից, այժմ նա որոնում էր մինչև անգամ մեկը, որին կարողանար յուր սիրտը բանալ, յուր վշտերը պատմել (Մուր., 3, 11): Մինչև լույս մնացի կիսարթուն՝ Կոթնած կլոր սեղանին, Մինչև լույս պարեցին իմ հոգում Այս կույսերը հուրդ գեղանի (Ե. Զար., 163): Նրա տերը դարձյալ տիխուր էր, դարձյալ գտնվում էր մի անսովոր, մռայլ մտախոհության մեջ (Ի, 7, 36): Այդ հասակում ևս նրա նետը երբեք չէր վրիպում նպատակից, այդ հասակում ևս նա խիստ հաջողակ ձեռք ուներ (ն.տ., 58—59): Այդ ժամանակ նրան հայտնի էր ամեն ինչ. այդ ժամանակ նրան արդեն պատմել էին, թե ինչեր կատարվեցան յուր բացակայության միջոցին (ն.տ., 442): Դեռ չի եփել, բալա, դեռ աղն էլ չեմ գցել (Ա. Սահ., 6):

Երբ հաղորդման ժամանակ նպատակ են ունենում շեշտել անշաղկապ բարդ նախադասության մեջ նկարագրված գործողությունների, եղելովթյունների, երևույթների համատեղությունը (միևնույն վայրում կատարվելը, երևան գալը), ամբողջ բարդ նախադասության համար ընդհանուր տեղի պարագան կրկնվում է բաղադրիչ մասերից յուրաքանչյուրում. օրինակ՝ Հայոց ձոր, Հայոց ձոր... Այնուև մի բլրի վրա նստած էր Խեքի անգմբեթ վանքը, այնտեղ կարկաչեցին իմ մանկության լավագույն օրերը (ԳՄԵ, 325):

Նախադասության ուրիշ անդամների կրկնության դեպքեր.

Հանախ նա առել է քեզ իր գիրկը, Երգել ես, ճյուղից-ճյուղ մաղցել, նանախ դու քո սիրած, տիխուր գիրքը կարդացել ես, իսկ նա՝ խուլ լացել (Գ. Սար., 97): Շատ անգամ էր ալդքան բազմություն հավաքվել Քաջանց այդ հոչակավոր ծառի տակ, շատ լացի և ուրախության վկա էր եղել նա (Սիշ, 1, 110): Այս նախադասություններում շեշտված է նկարագրվող գործողությունների հաճախականությունը:

— Կեղծե՞լ, խարե՞լ նրան... թե՞ բացարձակ կերպով դատա-

պարտել հոր վարմոմքը...— այդ վարանմանց մեջ էր նա, այդ մտքերն էին տանջում նրան (Բ, 7, 41):— Այստեղ կրկնված է այդ որոշիչը, որով շեշտված է նախորդ նախադասությամբ տրված դատողության՝ երկու բաղադրիչ մասերի նման նշանակությունը ունեցող բառերին (վարաճմանց, մտեր) վերաբերելը, այդ բառերը բացահայտելը, որոշելը:

Երբեմն անշաղկապ բարդ նախադասության ժխտական բնույթը շեշտելու համար նրա բաղկացուցիչ մասերում կրկնվում են ոչ մի, ոչինչ, ոչ ոք և այլ ժխտական դերանուններ. օրինակ՝ Ոչինչ չէր երևում, ոչինչ չէր լսվում: Նա ոչինչ շգփտեր, նրան ոչինչ հայտնի չէր (Բ, 7, 51): Նույն ձևով երբեմն կրկնվում են նաև որոշյալ դերանունները (ամեն ինչ, ամեն մի, բոլորը և այլն), որով ընդգծվում է նկարագրված երեւությունները, առարկաները իրենց ամբողջության մեջ վերցնելը: Օրինակներ՝

Ամեն ինչ ժպտում էր, ամեն ինչ ուրախություն էր շնչում... (Բ, 7, 40): Այդ կարճ բոպեներում իսկույն օդի մեջ լուծվեցավ ամեն մի կեղծություն, ամեն ինչ դարձավ պարզ ու թանկագին (Ա. Սեկ., 535):

Անշաղկապ բարդ նախադասության հարցական բնույթը շեշտելու ընդգծելու նպատակով՝ կրկնվում է բոլոր մասերի համար ընդհանուր հանդիսացող հարցական դերանունը: Օրինակներ՝

Ինչո՞ւ ինքը՝ պարողը չի ուրախանում, ինչո՞ւ մենակ նա է տխուր (ՀԹ, 3, 24): Միայն չգիտեմ, թե ինչո՞ւ են արագիլները Սարդարի այգուց կափկափում այդքան ուրախ, ինչո՞ւ է այս առավոտ երկինքը այսքան կապույտ (ՆԶ, ՊՊՆ, 253): Ի՞նչ աներ այդ ժամանակ թագավորը. ի՞նչ կարող էր անել նա (Մուր., 3, 72):...Մի՞թե այդ հնարավոր էր, մի՞թե թագուհին այդ կարող էր լսել (Ա.տ., 32): Որբուկն ո՞ւր մնա, որբուկն ո՞ւր գնա, որտե՞ղ տաքանա, ո՞ւր թոնրան շրթին (Պ. Ալեակ.): Ի՞նչ էր պատահել այժմ, ինչո՞ւ այդ աստիճան վրդովել էր նա (Մուր., 3, 289): Ո՞վ պիտի կատարի դրանց գործը, ի՞նչ հաշվով են իշեցնում պլանը (Ա. Սեկ., 166):

Քերված օրինակներից առաջիններում հարցական դերանունը բոլոր բաղադրիչներում կրկնվում է նույնությամբ, այսինքն միենույն հարցը տրվում է տարբեր երեսությների վերաբերյալ, որի միջոցով էլ հենց վերջիններս միավորվում են մեկ ամբողջության՝ բարդ նախադասության մեջ: Իսկ երբ խոսողի նպատակն է լինում հարցերի միջոցով պարզաբանել միենույն երեսութը տարբեր կողմերից, բարդ նախադասության բաղադրիչ մասերում օգտագործվում են տարբեր հարցական դերանուններ (տե՛ս վերևի վերջին օրինակ-

ները): Երբ հարցումները վերաբերում են որևէ կոնկրետ առարկայի կամ անձի, այդ առարկան կամ անձը ցուց տվող բառը կրկնվում է բոլոր բաղադրիչներում՝ որպես նախադասության տարրեր անդամներ, իսկ երեսմն էլ նրան փոխարինում է որևէ դերանուն: Դա ևս հանդիսանում է անշաղկապ բարդ նախադասության բաղադրիչ մասերի կապակցության օժանդակ միջոց: Օրինակ՝ Ո՞վ էր նա, ո՞ւ աղջիկն էր, որտեղ կարելի էր տեսնել նրան (Մուր., 1, 214):

Երբ անհրաժեշտ է լինում ոճական նկատառումներով միավորական անշաղկապ բարդ նախադասություններին տալ բացականշական քնույթ, նրա բոլոր բաղկացուցիչ մասերի սկզբում դրվում է որևէ հարաբերական դերանուն՝ բացականշական նշանով: Օրինակ՝ ներ:

Ի՞նչե՞ր Արշակին չէր ասել նա, ի՞նչքա՞ն քան էր ամիսների ընթացքում սովորել նրանից (Ավ. Խո., 3, 93): Ի՞նչ հրաշալիքներ է կերտել հայ մարդը, ի՞նչ կորով կա նրա բազուկներում, ի՞նչ ճաշակ ու արվեստ է տրված նրան... (Վերդ., հԳԵ, 13): Այս, որքա՞ն քաղցր էր կտորամին այդ բացօթյա կյանքը, որքա՞ն անմոռանալի հիշատակներով կապված էր նա իմ սրտի հետ (Բ, 5, 12): Որքա՞ն գեղեցիկ էր նրա գլուխը բարձի վրա, որքա՞ն մեղմ էր նրա շնչառությունը, ի՞նչպիսի անմեղություն կար նրա գոմատ դեմքին (Աւ., ՀԱ, 180): Ի՞նչ սարի արծիվ կը հասնի քաջին, ի՞նչ շահ կը կանգնի նրա առաջին (ՀԹ, 2, 146):

Անշաղկապ բարդ նախադասության մասերում հաղորդվածը ավելի հաստատական դարձնելու, նրա իրական լինելը, հավաստիությունը շեշտելու նպատակով բաղկացուցիչ մասերի սկզբից կարող է դրվել չեւ որ բառակապակցությունը (շեշտված կամ հարցական ինտոնացիայով), որը միաժամանակ հանդիսանում է նրանց կապակցությանն օժանդակող բառական միջոց: Օրինակ՝ Զէ՞ որ նա էլ գիտե զգալ, չէ՞ որ այստեղ էլ կենդանություն, շունչ կա, ցավ ու կսկիծ կա (ՀԹ, 3, 50):

Բառական միջոց պետք է համարել նաև այն, որ երբեմն անշաղկապ բարդ նախադասության բաղկացուցիչ մասերում հանդիպում է միևնույն բառը տարբեր հոլովածերով, այսինքն նույն բառը հանդիպում է բաղկացուցիչ մասերից յուրաքանչյուրում, բայց տրպես նախադասության տարբեր անդամներ: Այս դեպքում արդեն անշաղկապ բարդ նախադասության մեջ որպես մի ամբողջություն նկարագրվում են միևնույն առարկայի (կամ երևույթի) հետ կապված տարբեր գործողություններ, տարբեր դրություններ: Բերենք օրինակներ.

Երեքիս էլ ճնշում էր անախորժ միտքը, երեխ էլ զգում էինք մեր դրոթյան կեղծիքը (*Ե*, 2, 481—482): Ամեն տեղից հալածված էր նա (*Բ*, 7, 375): Նա մեզ չի սիրում, երա մեջ չկա բնական կորով (*Եեքս.*, 1, 260—261): Երան հայտնի չեին յուր տիրոջ վշտերը, նա զգիտեր, թե ինչու էր նա այնքան տիսուր (*Բ*, 7, 40): Նավը օրորալով ալիքներն էր ճեղքում իր սուր քթով, ալիքները հեռանում էին մի պահ, հետո մոտենում, զարկում նավին, փշրվում կոհակների (*ԱԲ*, 102): Անտառը կանչում է երան, ընկերների ազատ վազքն է տեսնում նա մթին թափուտների մացառուտ ժայռերն ի վեր (*Ավ. Իս.*, 3, 160):

Հաճախ ընդհանուր անդամի առկայության դեպքում երկրորդ և մյուս բաղադրիչներում նրան փոխարինում է համապատասխան դերանուն. այս դեպքում այն ավելի պակաս է շեշտվում, քան նույնությամբ կրկնվելու դեպքում, սակայն բաղադրիչների կապը ավելի սերտ է դառնում. օրինակ՝

Դաշտն է դեմը, խավարակուու ձգված է նա (*Ե. Զար.*, 20): Գեղրգը տեղից շշարժվեց, նա ամբողջ մարմնով դողում էր (*Մուր.*, 1, 25), Մի առավոտ նրա մոտ ներս մտավ Հոփիսիմեն, դրսի ցրտի աղդեցությունից երա թշերը կարմիր վարդի քնքուշ գույն էին ստացել (*Բ*, 3, 515): Դիարեքիրում ձմեռլ տաք է, այնտեղ սառնամանիր չկա (*ՄԱՊ*, 462): Այդ վայրերում էին անցել նրա անհոգ ու շարաձմի մանկությունը, երազներով լեցուն պատանեկությունը, այդտեղ էր բողբոշել նաև նրա առաջին սերը (*Սիշ*, 1, 7): Հազվադեպ հանդիպող քիչ սերմերը խոսում էին տեսակի աղնվության մասին, դրանք կարծես սկ խալեր լինեին կարմիր միջուկի վրա (*Ա. Սեկ.*, 426):

Անշաղկապ բարդ նախադասության բաղկացուցիչ մասերի կապակցության օժանդակ բառական միջոց է նաև նշանակությամբ համանիշ կամ իրար մոտ բառերի (մեծ մասամբ ստորոգյալի) գործածությունը: Օրինակներ.

Տրդատա կառուցած հաստահիմն պարիսպները թվում են ինձ անզոր, մեզ շրջապատող այս խորածորը երեսում է իբրև հովիտ... վերջապես մեր զորքերի թիվը ես գտնում եմ նվազ... (*Մուր.*, 3, 252): Գվագր էր նրա հովվական սրնգի ձայնը, ուրախ էր պարի եղանակը, աշխույժ էր և պարը, միայն տիսուր էին թուխ, կրակոտ աշքերը (*ՀԹ*, 3, 23): Ոչ մի հանդիսավորություն չկար, ոչ ոք չէր պատրաստվում որևէ բաժակաճառ ասել (*Ա. Սեկ.*, 419): Ու նստոտեցինք իրար դեմ ու դեմ Սաստությամբ վառվող կրակի շուրջը, Մեր առջե ձորն էր թշշում խավարշտին, Մեր դեմը խաղում ձորերի շունչը (*ՀԹ*, 2, 36):

Սրանք են այն բառական միջոցները, որոնք միավորական հարաբերության ժամանակ օժանդակում են բաղկացուցիչ մասերի կապակցությանը և մեկ ամբողջություն կազմելուն, խոսողի բարդ միտքն արտահայտելուն:

## ԶՈՒԳԱԴՐՈՒԹՅԱՆ ՆՇԱՆԱԿՈՒԹՅՈՒՆ ՈՒՆԵՑՈՂ ՀԱՄԱԴԱՍԱԿԱՆ ԱՆՇԱՂԿԱՊ ԲԱՐԴ ՆԱԽԱԴԱՍՈՒԹՅՈՒՆՆԵՐ

Զուգադրության նշանակություն ունեցող անշաղկապ բարդ նախադասովթյունները ցույց են տալիս իմաստային այն հարաբերությունները, ինչ որ նույն նշանակությամբ շաղկապավոր բարդ նախադասովթյունները. միայն, ի տարբերություն վերջինների, սրանց արտահայտած փմաստային փոխհարաբերությունները ավելի սահմանափակ են, մի բան, որ բացատրվում է շաղկապի բացակայությամբ (շաղկապները հնարավորություն են տալիս արտահայտելու ավելի հարուստ, բազմակողմանի իմաստային փոխհարաբերություններ):

Ի տարբերություն միավորական անշաղկապ նախադասովթյունների, զուգադրական անշաղկապ նախադասովթյունները ունեն կառուցվածքային այն առանձնահատկությունը, որ երկանդամ են, այսինքն բաղկացած են երկու մասից: Եվ դա բնական է, որովհետև զուգադրությունը ինքնըստինքյան ենթադրում է համեմատվող երկու օբյեկտ: Ի՞նչ երկե, չի բացառվում, որ զուգադրվող յուրաքանչյուր մասը իր հերթին լինի բարդ: Թերենք օրինակ՝ Բագրատյանը հետաքրքրվում էր, Ռուբենը յուրաքանչյուրի մասին տիղեկություն էր տալիս (Շ, 2, 345): Արև օրերին ստվերով էինք ժամ որոշում, թիսպած ժամանակ՝ երբ հոգնեինք (ԱԲ, 120): Բերված օրինակներից առաջինում զուգադրված մասերը պարզ նախադասովթյուններ են, իսկ երկրորդում զուգադրական անշաղկապ բարդ նախադասովթյան երկրորդ բաղադրիչը բարդ է (բարդ ստորադասական նախադասովթյուն է), սակայն այս դեպքում ևս անշաղկապ նախադասովթյունը երկանդամ է, որովհետև երկրորդ բարդ ստորադասական նախադասովթյունը դիտվում է իրու մի ամբողջություն և հակադրվում առաջին նախադասովթյանը:

Զուգադրական անշաղկապ բարդ նախադասովթյունները կարող են արտահայտել հիմնականում երկու իմաստային հարաբերություն՝ զուգադրական-համեմատական և հակադրական: Առաջին դեպքում անշաղկապ նախադասովթյան մեջ նկարագրվում են երկու երևույթ, գործողություն, իրողություն՝ զուգադրվելով, համեմատվելով իրար ըստ որում զուգադրվել կարող են կամ ամբողջ

նախադասությունները, կամ նրանց առանձին անդամները։ Հակադրական հարաբերության ժամանակ իրար են հակադրվում երկու գործողություն, երևույթ, գեպք։

Ինտոնացիան այս նախադասություններում զուգադրական է, այսինքն՝ բարդ նախադասության բաղադրիչ մասերի համապատասխան շարահյուսական պաշտոն կատարող անդամները ունենում են հավասարազոր տրամաբանական շեշտադրում։ բարդ նախադասության առաջին մասը արտասանվում է ձայնի որոշ բարձրացումով, որին հաջորդում է որոշ դադար (անջատող)։ Երկրորդ մասը հակադրվում է առաջինին ձայնի համապատասխան իջեցումով։ Ինտոնացիոն այս առանձնահատկությունը հատկապես ակնառու երևում է հակադրական անշաղկապ նախադասություններում (օրինակ՝ ես աղքատ եմ, դու հարուստ)։

Ի տարրերություն միավորական անշաղկապ նախադասությունների զուգադրական հարաբերություններ արտահայտող անշաղկապ բարդ նախադասություններում բայ-ստորոգյալների եղանակա-ժամանակային հարաբերակցությունը կառուցվածքային դեր չի խաղում։ այդտեղ նշանակություն ունի նրանց բառային իմաստը, որի միջոցով էլ իրականանում է զուգադրությունը (հակադրությունը կամ սոսկ զուգադրումը)։ Եվ դա հասկանալի է։ Քանի որ զուգադրությունը սովորաբար կատարվում է մեկ ժամանակային պլանի վրա, դրա հետևանքով էլ զուգադրության նշանակություն ունեցող անշաղկապ բարդ նախադասությունների ստորոգյալների հարաբերակցությամբ ստեղծված ժամանակային հարաբերությունները շատ սահմանափակ են։ Սովորաբար նրանք (ստորոգյալները) իրենց ժամանակներով համընկնում են, այսինքն՝ զուգադրությունը կատարվում է միաժամանակության (կամ համատեղության) ֆոնի վրա։ Այստեղ պետք է խոսել կառուցվածքային մեկ առանձնահատկության մասին ևս։ Զուգադրության բոլոր դեպքերում առկա է անշաղկապ բարդ նախադասությունների բաղադրիչ մասերի կառուցվածքային զուգահեռականությունը։ այսինքն՝ բաղադրիչ մասերը ունեն նման կառուցվածք (դա վերաբերում է հատկապես շարադասությանը)։ օրինակ՝ Քույր սենյակում նստած կարդում էր, եղրայրս բակում խաղում էր։

ԶՈՒԳԱԴՐԱԿԱՆ-ՀԱՄԵՄԱՏԱԿԱՆ ՆՇԱՆԱԿՈՒԹՅՈՒՆ ՈՒԽԵՑՈՂ ԱՆՇԱՂԿԱՊ  
ԲԱՐԴ ՆԱԽԱԴՐԱՍՈՒԹՅՈՒՆՆԵՐ

Այս տիպի նախադասությունները ունեն իմաստային այն առանձնահատկությունը, որ մեկ ամբողջության մեջ միավորում են

իրար գուգասդրվող և համեմատության մեջ դրվող գործողություններ։ Դեպքեր, երկութիւններ։ Ըստ որում գուգադրությունը կարող է կատարվել տարբեր ժավալներով, այսինքն՝ համեմատության մեջ կարող են դրվել բաղադրիչ նախադասությունների տարբեր մասերը։ Դրանցից կարելի է նշել հետեւալները։

ա) Գուգադրվում են անշաղկապ բարդ նախադասության բաղդրիչների ենթականները և նկարագրվում նրանց կատարած տարբեր գործողությունները՝ վեցցվելով իբրև մեկ ամբողջություն։ Գուգադրվող ենթականները կարող են լինել անձ ցույց տվող և իր ցույց տվող։ ըստ որում գուգադրությունը ավելի ուժեղ է, եթե ենթականները անձ են ցույց տալիս (գոյականով կամ դերանվամբ արտահայտված)։ Օրինակներ՝

Մեղմ ու սիրագին ժպտում էր նա ինձ օտար կողմերում, լայն ճամփի վրա, ես լսում էի խոսքերը նրա եվ անուշ լալիս իմ անուրջ բախտից (ՎՃ, Երկ., 39): Բագրայանը հետաքրքրվում էր, Ռուբենը յուրաքանչյուրի մասին տեղեկություն էր տալիս (Ե, 2, 345): Տղաներն ամաշելուց ուտելիքին ձեռք չեին տալիս, աղջիկներն ամաշելուց թաքնվում էին իրար ետև (ՆԶ, ՊՊՆ, 76): Մայրն էլի ծնոտը հենել էր ոսկրացած շոր ձեռքին, որդին պատին կպած ծխում էր (Վերդ., Իծ, 388):

Պետք է նշել, որ զուգադրության նշանակություն ունեցող անշաղկապ բարդ նախադասությունների կառուցվածքային առանձնահատկություններից մեկն էլ այն է, որ երկրորդ բաղադրիչի անդամները ազատ շարադասություն չունեն. բաղադրիչի սկզբում սովորաբար դրվում է զուգադրվող անդամը, ապա նախադասության մյուս անդամները (տես վերևի օրինակները):

բ) Երբ զուգադրության միջոցով ընդգծվում է երկու տարբեր առարկաների որոշ հատկանիշների տարբերությունը, այդ ժամանակ անշաղկապ բարդ նախադասության բաղադրիչների ստորոգյալները լինում են բաղադրյալ, ըստ որում ստորոգելիական վերադիրները հանդիսանում են զուգադրվող հատկանիշները։ Զուգադրության հարաբերությունները այս դեպքում դիտվում են որպես կամ ներկայում, կամ անցյալում հանդես եկած հարատևող հարաբերություններ։ Առաջին դեպքում բաղադրյալ ստորոգյալների ստորոգելիական հանգույցները դրվում են ներկա ժամանակով, իսկ երկրորդ դեպքում՝ անցյալ ժամանակով։ Որպես այս տիպի նախադասությունների կառուցվածքային առանձնահատկություն պետք է նշել այն, որ երկրորդ բաղադրիչի հանգույցը՝ լինելով ընդհանուր առաջինի հետ, հաճախ կրճատվում է։ Դրանով երկու բաղադրիչների կապակ-

ցությունը ավելի սերտ է դառնում: Կրճատված հանգույցի փոխարեն երկրորդ բաղադրիչի ենթակայից հետո դրվում է բութ: Թերենք մի քանի օրինակ:

Կյանքը երազ է, աշխարհը՝ հեքիար, ազգեր, սերունդներ—անցնող բարավան (Ավ. Իս., 2, 66): Երկու սուրհանդակներից մեկի ձին սեպոյն էր, մյուսինը՝ կապուտակ (Թ, 7, 17): Վերևում արևն է վառ ու շոգ, ներքեւում՝ ճանապարհի փոշին (ԳՄԵ, 15): Հողը քիչ էր, կերը՝ պակաս (Ա. Սեկ., 153): Անձար ցավի տեղը զերեզմանն ա, անձար հիվանդի բժիշկը՝ մահը (Հայկ. առած, 50):

Խնչպես երևում է օրինակներից, համեմատվող առարկաների հատկանիշների գուգադրությունը սովորաբար ուղեկցվում է այդ հատկանիշները կրողների՝ ենթակաների գուգադրությամբ:

Երեմն գուգադրությունը կատարվում է նույն առարկայի (անձի) որևէ հատկանիշի և նրա կատարած կամ նրան վերաբերող որևէ գործողության միջև: Այս դեպքում անշաղկապ բարդ նախադասության բաղադրիչներից մեկի ստորոգյալը լինում է բաղադրյալ (ցույց է տալիս այդ հատկանիշը), իսկ մյուսինը՝ պարզ (ցույց է տալիս գործողությունը). Ըստ որում այդ գործողությունը կմ սովորաբար լինում է տեսական և բնորոշում է տվյալ առարկան: Այդ պատճառով էլ այն դրվում է սահմանական եղանակի ներկա ու անցյալ անկատար ժամանակներով և համաձայնում է բաղադրյալ ստորոգյալի ստորոգելիական հանգույցին: Այս տիպի անշաղկապ բարդ նախադասությունները սովորաբար ունենում են ընդհանուր անդամ (ենթակա կամ հատկացուցիչ): Վերջինս ցույց է տալիս այն առարկան (անձը), որին վերագրվում են գուգադրվող հատկանիշն ու գործողությունը. օրինակ՝ Նրա դիմքը գունատ էր, աշքերը փայլում էին:

գ) Գուգադրության նշանակություն ունեցող անշաղկապ բարդ նախադասություններում զուգադրության հիմքում սովորաբար ընկած են լինում բաղադրիչներում տրված գործողությունների տարրերությունը և նրանց համեմատական նկարագրությունը: Այս դեպքում բայց ստորոգյալների եղանակա-ժամանակային ձևերի օգտագործումը կախված է լինում անշաղկապ բարդ նախադասությունների արտահայտած մտքի բովանդակությունից: Սակայն բոլոր դեպքերում էլ գործողությունները վերցվում են ժամանակային նույն պլանով, այդ պատճառով էլ բայց ստորոգյալները իրենց եղանակներով և ժամանակներով սովորաբար համընկնում են. օրինակ՝ Տղաները նստեցին սեղան, աղջիկները մեացին կանգնած (ՆԶՊԾ, 76): Երբ անշաղկապ բարդ նախադասությունում օգտագործվում են սահմանական եղանակի բաղադրյալ ժամանակները, ապա երկրորդ

բաղադրիչում օժանդակ բայց սովորաբար սղվում է, քանի որ այն ընդհանուր է լինում առաջին բաղադրիչի օժանդակ բայի հետ. օրինակ՝ Գործերը քանի գնում վատանում էին, եղած փողերը նալվում (Մ. Ման., 246):

Ինչպես ասացինք, զուգադրական հարաբերություն ցույց տվող անշաղկապ նախադասությունների բայ-ստորոգյալները համաձայնում են իրար: Միայն շատ հազվադեպ, երբ զուգադրությունը չի կատարվում ժամանակային նույն պլանով, բաղադրիչներում կարող են օգտագործվել տարրեր եղանակներ կամ ժամանակներ. օրինակ՝

Գնում են, փախչոամ, շտապում, ես մնացել եմ, ես ընկել եմ անօդական (ԳՄԾ, 387): Ուրախ սրտով դուք ձեր սերը վայելեցեք անթառամ, ինձ արցունք է տվել տերը, ես պիտի լամ, պիտի լամ (ՀԹ, 2): (Առաջին օրինակի բաղադրիչները միավորյալ նախադասություններ են, իսկ վերջին օրինակում երկրորդ բաղադրիչը իր հերթին բարդ նախադասություն է):

Ինչպես երևում է բերված օրինակներից, գործողությունները առանձին չեն զուգադրվում. սովորաբար նրանց հետ միասին, զուգադրվում են նաև նրանց սուբյեկտները (ենթականները), երրեմն նաև լրացումները (գործողության օբյեկտները, պարագաները և այլն): Այսպես՝ «Ես կարդում եմ, դու գրում ես»— այստեղ զուգադրված են և ենթականները, և ստորոգյալները, իսկ հետեւյալ նախադասության մեջ՝ «Ես կարդում եմ լավ, դու գրում ես զեղեցիկ»— զուգադրված են նաև ձեր պարագաները (լավ և զեղեցիկ): «Ես կարդում եմ վեպ, դու գրում ես նամակ»— այստեղ զուգադրված են նաև գործողությունների օբյեկտները: Երբ զուգադրվում են երկու գործրդություններ և նրանց սուբյեկտները, անշաղկապ բարդ նախադասության առաջին բաղադրիչում կարող է առկա լինել երկու մասերի համար ընդհանուր անդամ (մեծ մասամբ ժամանակի պարագակամ տեղի պարագա), որով մի կողմից ուժեղանում է երկու բաղադրիչների կապը, մյուս կողմից ընդգծվում է զուգադրության՝ ժամանակային նույն պլանով կատարվելը. օրինակ՝ «Երեկոյան Սուլրենը նվագում է, քույրը դասերն է սովորում»: «Տանը բոլորը քնած էին, նա դեռ կարդում էր»: Երբ ենթական անշաղկապ բարդ նախադասության երկու բաղադրիչներում էլ նույնն է, և զուգադրվում են ստորոգյալները, այսինքն՝ նրա կատարած տարրեր գործողությունները, ապա երրեմն երկրորդ նախադասության մեջ որպես ենթակա հանդես է գալիս ինքը (իրենք) դերանունը, որով մի կողմից ընդգծվում է առաջին և երկրորդ բաղադրիչների գործող անձի (ենթակայի) համընկնելը, մյուս կողմից կապակցությունը ավելի սերտ

է դառնում. օրինակ՝ Սերունին ինձ հրավիրեց, և յուր ունեցած շորի կտորը փոեց իմ տակին, ինքը առաջիս մնաց լուռ կանգնած (ՀԹ, 2, 35):

գ) Հաճախ են հանդիպում նաև տյանպիսի անշաղկապ բարդ նախադասություններ, որոնց մեջ ընդհանուր ստորոգյալի առկայության պայմաններում զուգադրվում են երկու բաղադրիչների. գործողությունների օրյեկտները: Օրյեկտների զուգադրությունը ևս սովորաբար ուղեկցվում է սուբյեկտների՝ ենթականների զուգադրությամբ: Այս տիպի նախադասությունների կառուցվածքային առանձնահատկություններից է այն, որ երկրորդ բաղադրիչում ստորոգյալը, որը ընդհանուր է առաջինի ստորոգյալի հետ, գեղշվում է. զեղշված ստորոգյալի փոխարեն դրվում է բռնի: Օրինակներ՝

Միլիարդատերը կորցրել է մի հարուստ նավքանանք, աղքատ պառավը՝ իր միակ այձր (ՆԶ, ՊՊՆ, 320): Մենք լեզու չունենք—ուժեղը՝ սատված (ՀԹ, 2, 39): Գայլն ամպ օր կուզե, գողը՝ մուր գիշեր (Հայկ. առած.): Տերավորին տերն ա տարել, անտերին՝ գելը (Հայկ. առած., 2):

Միայն երբեմն, ստորոգյալը շեշտելու նպատակով, այն կրկնվում է նաև երկրորդ բաղադրիչի մեջ. օրինակ՝ Սևին սապոնն ինչ անի, խսին խրատն ինչ անի (Հայկ. առած., 74): (Այստեղ զուգադրված են ենթականները և անուղղակի խնդիրները):

Անշաղկապ բարդ նախադասության մեջ զուգադրվել կարող են նաև նախադասության մյուս անդամները՝ անուղղակի խնդիրները, գործողության հետ կապված տեղի պարագաները և այլն: Երբ ընդհանուր ստորոգյալի առկայությամբ զուգադրվում են նախադասության մյուս անդամները, երկրորդ բաղադրիչում ստորոգյալը դարձալ սովորաբար կրծատվում է: Բերենք մի քանի օրինակ:

«Երե օրերին ստվերով էինք ժամ որոշում, թիսպած ժամանակ՝ երբ Հոգնեինք» (ԱԲ, 120):—Այստեղ ընդհանուր ստորոգյալի առկայությամբ զուգադրված են բաղադրիչների ժամանակի պարագաները: «Շահենն ուժեղ էր մաքեմատիկայից, Արամը՝ գրականությունից» (ՆԶ, ՊՊՆ, 108): Այստեղ զուգադրված են բաղադրիչների անուղղակի խնդիրները: «Նա մինչև ժամը 6-ը աշխատում է, վեցից հետո տանն է լինում»—այստեղ ևս զուգադրված են ժամանակի պարագաները: «Մաշկի սպիտակությամբ մորն էր քաշել, դիմագծերը, խաժ աշքերը հիշեցնում էին Վահրամին» (Ա. Սևկ., 567): Այստեղ զուգադրված են բաղադրիչները ամբողջությամբ վերցրած (և ոչ թե նրա առանձին անդամները):

Ճուղադրության նշանակություն ունեցող անշաղկապ բարդ նախադասությունները իրենց արտահայտած իմաստային փոխհարաբերություններով համապատասխանում են իսկ զուղադրական շաղկապով միացած բարդ համադասական նախադասություններին:

ՀԱԿԱԴՐՈՒԹՅԱՆ ԽՇԱՆԱԿՈՒԹՅՈՒՆ ՈՒՆԵՑՈՂ ԱՆՇԱՂԿԱՊ  
ԲԱՐԴ ՆԱԽԱԴԱՍՈՒԹՅՈՒՆՆԵՐ

Ինչպես արդեն ասվել է, զուղադրության մի տեսակն է հանդիսանում հակադրությունը, երբ անշաղկապ բարդ նախադասության բաղադրիչներից երկրորդը, զուղադրվելով առաջինին, ունենում է նրան հակադիր բովանդակություն. այլ կերպ ասած՝ իր բովանդակությամբ հակադրվում է առաջին բաղադրիչի բովանդակությանը: Հակադրական անշաղկապ նախադասությունները ունեն կառուցվածքային նույն առանձնահատկությունները, ինչ զուղադրական-համեմատական նախադասությունները: Այստեղ ևս սովորաբար հակադրվում են գործողությունները և նրանց սուբյեկտները. ըստ որում այս դեպքում (ի տարրերություն նախորդի) ստորոգյալները ունենում են հակադիր բառական նշանակություն. օրինակ՝ ես իշնում եմ ձորը, դու բարձրանում ես վեր (Գ. Սար., 57): Այստեղ զուղադրվել են երկու տարրեր սուբյեկտների իրար հակադիր գործողությունները. ըստ որում հակադրության նշանակությունը ուժեղացել է նաև տեղի պարագաների բառական հակադիր նշանակություններով (ձորը, վեր): Երբեմն հակադրության նշանակությունը կարող է ընդգծվել նաև բաղադրիչների այլ անդամների հակադիր բառական նշանակություններով. օրինակ՝ Գիտունի նետ քար քաշի, անգետի նետ փլավ մի ուտի (Հայկ. առած., 58): Հետաքրքիր տեսարան էր. Արմենը բարկանում էր, նա քթի տակ ծիծաղում էր: Առաջին օրինակում հակադրված են զիտուն և անգետ գոյականները, երկրորդում՝ բարկանալ և ծիծաղել քայերը: Երկրորդ բաղադրիչում զեղչված է օժանդակ բայը, որը, ինչպես ասվել է վերևում, զուղադրական անշաղկապ նախադասությունների կառուցվածքային առանձնահատկություններից մեկն է:

Երբ իրար են հակադրվում երկու առարկաների (անձերի) տարբեր, իրար բոլորովին հակադիր հատկանիշները, անշաղկապ բարդ նախադասության բաղադրիչների ստորոգյալները լինում են կամ բաղադրյալ, կամ հարակատար ժամանակով արտահայտված. օրինակ՝ Ծահենը բնավորությամբ խիզախ էր և միաժամանակ նավասարակած, Արամն անզուսպ էր և հաճախ էր անտեղի բռնկվում

(ՆԶ, ՊՊՆ, 108): Տղաներից մեկը խելոք է, մյուսը՝ շար: «Այն տարին նրա երեսին ժպիտ չէր երևում. այժմ կենսութախ է, անհոգ» (ԱԲ, 179): Վերջին օրինակում ժամանակի պարագաների զուգադրության հողի վրա (այն տարին, այժմ) իրար են հակադրված նույն առարկայի (անձի) հետ կապված երևույթը (Երեսին ժպիտ չէր երևում) և դրան հակադիր նշանակություն ունեցող հատկանիշը (կենսութախ, անհոգ): Այժմ ես մեծացել եմ, դարձել շափանաս, դու մնացիր պատաճի (Թոթ., 126):— Այստեղ հակադրված են զուգադրված ենթակաների հատկանիշները, որոնք հանդես են եկել որպես ստորոգելիական վերադիրներ:

Երբ հակադրվում են միևնույն բառական նշանակությունն ունեցող ենթակաների լրացումները (որոշիչ, հատկացուցիչ և այլն), երկրորդ բաղադրիչում ենթական սովորաբար չի կրկնվում. այն զեղչվում է, և նրա փոխարեն դրվում է բութ. օրինակ՝ Իմ զիրքը նոր է, քոնը՝ չին: Երբեմն, սակայն, ենթական կրկնվում է նաև երկրորդ բաղադրիչում: Դա արվում է այն ժամանակ, երբ ենթական իր լրացման հետ վերցվում է իրեն մի ամբողջություն և տրամաբանական շեշտն էլ գտնվում է ենթակայի վրա, այսինքն՝ երբ անհրաժեշտ է համարվում շեշտել ենթական. օրինակ՝ Թրի կտրածք կը լավանա, լեզվի կտրածք չի լավանա (Հայկ. առած., 18):

Երբ երկու բաղադրիչի համար ընդհանուր են լինում և՛ ենթակաները, և՛ ստորոգյալները, երկրորդ բաղադրիչում սովորաբար զեղչվում են երկուն էլ. այս դեպքում կարող են հակադրվել և՛ ենթակայի լրացումները, և՛ ստորոգյալի լրացումները. օրինակ՝ իմ տղան լավ է գրում, քոնը՝ վատ: Իմ ձեռագիրը ընթեռնելի է, քոնը՝ ոչ: «Նրանց բաժակը լցնում էին ամենքից առաջ, իմ բաժակը՝ ամենքից վերջը» (ՆԶ, ՊՊՆ, 235): Վերջին օրինակի մեջ ենթական զեղչված է նաև առաջին բաղադրիչում, այն հասկացվում է կոնտեքստից:

Նկարագրված նախադասությունները իրենց արտահայտած իմաստային փոխհարաբերություններով համապատասխանում են իսկ շաղկապով կապակցվող հակադրական բարդ համադասական նախադասություններին:

Հակադրության նշանակություն ունեցող անշաղկապ բարդ նախադասություններում կարող են հանդես գալ նաև հետևյալ իմաստային փոխհարաբերությունները.

ա) Ժողովրդական-խոսակցական լեզվում, հատկապես առածների, ասացվածքների մեջ, շատ են տարածված այն անշաղկապ նախադասությունները, որոնց առաջին մասում նկարագրվում է

որեւէ գործողություն, երևովիթ, իսկ երկրորդ մասում՝ այդ գործողությունից կամ երևովիթից սպասվող հետևանքին բոլորովին հակառակ գործողություն, Այս կառուցվածքի նախադասություններում երկրորդ բաղադրիչից բովանդակությունը տրամաբանորեն հակադրվում է ոչ թե անմիջապես առաջին բաղադրիչից բովանդակությանը, այլ նրանից սպասվող հետևանքին: Այդ է պատճառը, որ այս նախադասությունները ունեն զիջականության որոշ երանգ: Օրինակներ.

Արջը մենք խաղացրինք, շաբաշը գումաք (Հայկ. առած., 14): Ալուրը մենք մաղեցինք, փախլավան ուրիշը կերավ (ն.տ., 3): Ես նախիրն եմ զրկում, ինքն ախոռն ա մտնում (ն.տ., 87): Հողմու փոթորիկ շուրջս են հածում, ես ժայռի նման կանգնած եմ ամուր (Ավ. Իս., 1, 37):

Թերված օրինակների առաջին բաղադրիչներում նկարագրված են այնպիսի գործողություններ, որոնցից սպասվում են երկրորդ բաղադրիչներում նկարագրված գործողություններին հակադրիր գործողություններ:

Անշաղվապ բարդ նախադասության երկրորդ բաղադրիչ մասը կարող է լինել ժիտական և ցուց տալ առաջին մասի բովանդակությունից սպասվող գործողության շիրագործվելը: Ի տարբերություն վերևում նկարագրված նախադասությունների, այստեղ առաջին նախադասությանը հակադրվում է ոչ թե բոլորովին այլ, չսպասվող գործողություն, այլ սոսկ ցուց է տրվում որպես հետևանք ենթադրվող, սպասվող գործողության շիրագործվելը: Օրինակներ.

Բնուում եմ բազուկը, որոնում եմ գարկերակը—շեմ գտնում (Ավ. Իս., 3, 129): Մի վարդապետ բեղով-մորուքով վանք է եկել՝ վանք չի մտել (Պ. Սևակ): Ասացին, որ հաց կրերեն, չբերին (Ի. Էր., ՓԱ, 2, 165): Խենթը մի քար գլորեց փոսը, հարյուր խելովներ հավաքվեցան, չկարողացան դուրս հանել (Հայկ. առած.): Մոտ երկու շաբաթ էր անցել, Մեծիք Բարսեղյանը չէր երևում (Շ, 257): Ասում են նեկտարից սպասվում է մինչև հարյուր ցենտներ, իրականում յորանասունի էլ չի հասնում (Ա. Սեկ., 579): Վերջին օրինակում ամբողջ նախադասության հակադրության նշանակության առկայությունը ավելի է ընդգծվում ասում են և իրականում անդամների հակադրությամբ:

Այս խմբի մեջ պետք է մտցնել նաև այն անշաղվապ նախադասությունները, որոնց առաջին բաղադրիչից ստորոգյալը ցանկություն, մտադրություն, խնդիրք արտահայտող բայ է, իսկ երկրորդ բաղադրիչում տրված է այդ ցանկության, մտադրության խնդիրքի

և այլնի շկատարվելը, շիրագործվելը, (ըստ որում երբեմն նշվում է նաև շիրագործվելու պատճառը): Օրինակներ՝

Ո՞ւր այդպես, կինո՞ւ:— Ուզում էինք, շնաջողվեց (Վերդ., հԳԵ, 348): Առաջարկեցին նրան գրվել գոնե ուսանողական գանձարանի անդամ—մերժեց (Շ, 2, 425): Հայերը աշխատեցին թեմել նրան իրանց կողմը—շեղավ, վրացիները փորձեցին—դարձյալ անհաջող (Ն.Մ., 2, 425): Քանի անդամ բնակարան առաջարկեցին քաղաքում՝ մերժեց (ՄԱՊ, 595):

բ) Հակադրության նշանակություն ունեցող անշաղկապ բարդ նախադասությունների երկրորդ բաղադրիչով կարող է սահմանափակում մտցվել առաջին բաղադրիչում ասվածի մեջ. օրինակ՝ շան հետ ընկերացիր, փետք ձեռիցդ մի՛ զցիր (Հայկ. առած., 56): Մի ամբողջ թաղամաս ենք կառուցում բանվորների համար, անձրևը խանգարում է (Ե, 8/12—60 թ., էջ 3):

Այս երկու տիպի հակադրական անշաղկապ բարդ նախադասությունները համապատասխանում են բայց կամ սակայն շաղկապներով միացած նույն իմաստային փոխհարաբերություններն արտահայտող բարդ համադասական նախադասություններին:

գ) Հակադրության նշանակություն ունեցող անշաղկապ բարդ նախադասությունների խմբի մեջ պետք է մտցնել նաև Ժիտական-հակադրական նախադասությունները, որոնց առաջին բաղադրիչում Ժիտական է որևէ գործողություն, երևույթ, իրողություն, դեպք և այլն, իսկ երկրորդում հաստատվում է նրան հակադրիր գործողություն, երևույթ և այլն: Այս նախադասությունների առաջին բաղադրիչը միշտ ունենում է Ժիտական կառուցվածք, երկրորդ բաղադրիչը՝ հաստատական: Օրինակներ.

Ինձ մատնողը Շահենը չէր, ինձ մատնողը Թոլոն է եղել (ՆԶ, ՊՊՆ, 180): Նրանք ծնողներ չունեն, դու մայր ունես (Ն.Մ., 198): Մենք ձեղ հետ միասին սոսկական ծառայողներ չենք, մենք գործունենք մարդկանց կյանքի հետ (Ա. Սեկ., 441): Իսկ դու եթե խելոք լինես, երկու ամիս շես սպասի այստեղ, կգնաս զյուղ ենեց վաղը (Ն.Մ., 11): Բավական չէ կանգնեցնել թշնամու տանկը՝ այն պետք է ոշնչացնել, իսկ անձնակազմը՝ ջնջել: Նա այլևս մեղ հետ չէր, երազանքի մեջ էր՝ Սովինարի հետ (Ավ. Խս., 3, 76): Հողաշենում ձյուն հո չի գալիս՝ բուք է գալիս (ՄԱՊ, 104): Վերջին օրինակում առկա է երկու բաղադրիչների համար ընդհանուր Հողաշենում տեղի պարագան, որի միջոցով ընդգծվում է հակադրվող եղևույթների համատեղ կատարվելը, և ուժեղացվում է երկու բաղադրիչների կապը:

Այս նախադասությունները համապատասխանում են այլ շաղկապվածի աշացած քարդ համադասական նախադասություններին:

Երբ հակադրական անշաղկապ քարդ նախադասություններում իրար են հակադրվում երկու անձեր կամ մի խումբ և մեկը, ինչպես նաև նրանց հետ կապված գործողությունները, որպես բառաքերականական միջոցներ հաճախ գուգահեռաբար հանդես են գալիս՝

1) Մեկը-մյուսը, մի քանիսը-մյուսը, բոլորը... ոչ ոք և այլ զուգադիր դերանունները (նաև հոլովված ձևերով), որոնք սկսել են մոտենալ կապակցական դեր կատարող բառերին: Օրինակներ.

... Ու շուրջ բոլորած վիճակ են հանում. ելնում է մեկին իր երազն ու սեր, մյուսի մուրազը սրտումն է մնում (ՀԹ, 2, 55): Դրանցից մի քանիսին միայն ներս ընդունեցին, մյուսների առջև փակվեցին լայն դարպասները (Ա. Սեկ., 412): Մեկի գրպանում դրամն է գտնվում, մյուսի գլխում ծրագրերը, մեկը շահագրգովված է այդ գործում, մյուսի շահերին դա հարվածում է (Ա. Սահ., 324): Ումանք ցանկանում էին անհապաղ քոչել, մյուսները դեմ էին դրան (ՍԽՀ, 1, 147): Ամենքը քննցին, ես մնացի զարթում (ՀԹ, 3, 77): Մեկը ձկում է և թեթևուտն է և եղիգնամեջք, մյուսը խոնարհ՝ ինչպես ուղենին Այն գետեղերքի (ՍԳ, 1960, № 9, էջ 66):

2) Անորոշ կամ ժիմտական դերանունները մի կողմից, մյուս կողմից հոգնակիության նշանակություն ունեցող որևէ գոյականքուրը, ամենքը դերանունները կամ հոգնակի թիվ ունեցող գոյական և որևէ անձ ցույց տվող գոյական՝ եղակի թվով և այլն. օրինակ՝ Ամբողջ գյուղն այստեղ էր, ոչ ոք չկարողացավ մոտենալ..., բոլորը ծիծաղում էին, Սոնան լաց էր լինում: Երեխանները քնած էին, մայրը գեռ արթում էր:

Շատ հազվադեպ հանդիպում են նաև տրոհական հարաբերություններ արտահայտող անշաղկապ քարդ նախադասություններ: Այս դեպքում ևս անշաղկապ նախադասությունը որպես կանոն լինում է երկանդամ, այսինքն՝ բաղկացած է լինում երկու պարզ նախադասություններից: Այն, ինչ որ հաղորդվում է առաջին նախադասության մեջ, բացառում է երկրորդում հաղորդվածի հնարավորությունը, այսինքն՝ տրոհական հարաբերություններ արտահայտող անշաղկապ նախադասություններում նկարագրվում են իրար բացառող երկույթներ, գործողություններ: Անշաղկապ բարդ նախադասություններում հանդիպում ենք տրոհական կապակցության միայն մեկ ձևի՝ ամբողջ նախադասությունը լինուի է հարցական. ըստ որում առաջին նախադասության դրական հարց կրող ստո-

բոգյալը երկրորդ նախադասության մեջ կրկնվում է ժխտական ձևով: Բերենք մի քանի օրինակ՝

Ամենքն էլ միայն պատերազմի մասին են խոսում—կլինի՛, չի՛ լինի՛ (*հ. էր., ՓԱ, 1, 9*): Կտեսնի՛, չի՛ տեսնի, կհավաճի՛, չի՛ հավաճի և այլն: Սրանք համապատասխանում են թե տրոհական շաղկապով կապակցված նախադասություններին:

## ԱՆՇԱՂՎԱՊ ԲԱՐԴ ՍՏՈՐԱԴԱՍԱԿԱՆ ՆԱԽԱԴԱՍՈՒԹՅՈՒՆՆԵՐ

Ինչպես արդեն ասվել է, անշաղկապ բարդ նախադասությունների մի մասը, իր արտահայտած իմաստային փոխհարաբերությունների բնույթով համընկնում է շաղկապավոր բարդ ստորադասական նախադասություններին: Սրանք այն անշաղկապ նախադասություններն են, որոնց բաղկացուցիչ մասերը ամբողջ բարդ նախադասության արտահայտած իմաստի համար հավասարազոր չեն, այլ մի մասը իր բովանդակությամբ կախված է մյուսից, ստորադասվում է վերջինիս և լրացնում է նրա միտքը: Իհարկե, այստեղ էլ հարցին պետք է մոտենալ նույն վերապահությամբ, ինչ որ արել էինք բարդ համադասական նախադասությունների ժամանակ: Այն է՛ անշաղկապ բարդ ստորադասական նախադասությունները ևս, շաղկապավորների համեմատությամբ, պակաս պարզ ու հստակ են արտահայտում հասկացությունների, երևույթների, գործողությունների հարաբերակցությունը, ավելի պակաս որոշակիությամբ են տալիս մտքի տարբեր երանգները: Իհարկե, միաժամանակ նրանք դիպուկություն, արտահայտչականություն են տալիս խոսքին, օժանդակում են մտքերը ավելի սեղմ ու ամփոփ արտահայտելուն:

Անշաղկապ բարդ ստորադասական նախադասությունները շատ մեծ տարածում ունեն քանավոր խոսքում, որտեղ բարդ նախադասության մասերի փմաստալին հարաբերությունների ճիշտ դրսելու մանը շատ է օգնում ինտոնացիան: Ճիշտ է, գրավոր խոսքում ինտոնացիան արտահայտվում է կետադրության միջոցով, սակայն վերջինս չի տալիս ինտոնացիայի բոլոր նրբերանգները: Գրավոր խոսքում ոճական նկատառումներով անշաղկապ բարդ ստորադասական նախադասությունները համեմատաբար շատ են օգտագործվում գեղարվեստական գրականության մեջ, հատկապես երկախոսություններում, ինչպես նաև շափածո խոսքում: Գիտական գրականության, ինչպես նաև հրապարակախոսության լեզվում, որտեղ անհրաժեշտ

է հանդես բերել մտքի առավել հստակություն, երևութների, գործողությունների հարաբերակցությունների և փոխհարաբերությունների ավելի ճշգրիտ հաղորդում, անշաղկապ բարդ ստորադասական նախադասությունների գործածությանը շատ քիչ ենք հանդիպում. այնտեղ սովորաբար կիրառվում է նախադասությունների շաղկապավոր կապակցությունը:

Անշաղկապ բարդ ստորադասական նախադասությունները ունեն կառուցվածքային հետեւյալ ընդհանուր առանձնահատկությունները.

ա) Սրանք միշտ լինում են երկանդամ, այսինքն բաղկացած են վինում երկու մասից՝ գլխավոր և երկրորդական նախադասություններից, որոնցից երկրորդը լրացնում է առաջինի միտքը, ստորադասվում է նրան: Այստեղ ևս չի բացառված, որ այդ մասերից մեկը հատկապես երկրորդական նախադասությունը, կամ երկուսն էլ լինեն բարդ (ըստ որում երբեմն նաև շաղկապավոր), սակայն բարդ ստորադասական նախադասության կազմում նրանք հանդես են գալիս իրեն մեկ միավոր՝ հարաբերակցության մեջ մտնելով մյուս մասի հետ. օրինակ՝ Խմացա. դու եկել ես այն ժամանակ, ԵՐԵ, ես տանը շեմ եղել: Այստեղ երկրորդ բաղկադրիչը՝ երկրորդական նախադասությունը իր հերթին բարդ ստորադասական նախադասություն է (Դու եկել ես այն ժամանակ, երբ ես տանը շեմ եղել), որը սակայն այստեղ հանդես է եկել որպես մեկ միավոր՝ ստորադասվելով անշաղկապ բարդ նախադասության առաջին բաղկադրիչին և կատարելով նրա ուղիղ խնդրի պաշտոնը:

բ) Անշաղկապ բարդ ստորադասական նախադասությունները ունենում են բացատրական կամ նախազգուշական ինտոնացիա, որով արտահայտվում է նրանց բաղկացուցիչ մասերի միջև առկա ստորադասական հարաբերությունը:

գ) Անշաղկապ բարդ ստորադասական նախադասություններում կառուցվածքային մեծ նշանակություն ունի բաղկացուցիչ մասերի շարադասությունը, որի միջոցով է շատ հաճախ որոշվում նախադասության արտահայտած իմաստային փոխհարաբերությունների բնույթը: Այդ է պատճառը, որ երբ փոխում ենք բաղկացուցիչ մասերի շարադասությունը, կամ փոխվում են նաև նրանց միջև եղած իմաստային փոխհարաբերությունները և կամ կառուցվածքը դառնում է անկապ, նույնիսկ որոշ շափով անիմաստ: Առաջինը՝ իմաստային փոխհարաբերությունների փոխվելը, վերաբերում է հատկապես պայմանային և պատճառահետևանքային հարաբերություններ արտահայտող անշաղկապ բարդ նախադասություններին: Բերենք մեկ օրինակ՝ Այստեղ ցուրտ է, կմրսենք (ի. էր., ՓԱ, 2, 13):

Այս նախադասության մեջ առկա է պատճառահետևանքային փոխհարաբերություն. ըստ որում առաջին մասում, որը հանդիսանում է գլխավոր նախադասությունը, նկարագրվում է մի երկույթ (պատճառահանդիսացող), իսկ երկրորդ մասում նկարագրվում է նրանից որպես հետևանք սպասվող երևույթը, այսինքն՝ վերջինս հետևանքի երկրորդական նախադասությունն է: Երբ փոխում ենք այս բարդ նախադասության շարադասությունը (Կմրսենք, այստեղ ցուրտ է), փոխվում է նաև մասերի միջև եղած իմաստային փոխհարաբերությունը. իհարկե, այն մնում է դարձյալ պատճառահետևանքային, սակայն այստեղ այլ է մասերի հարաբերակցությունը: Եթե առաջին դեպքում հետևանքը նկարագրվում էր գլխավոր նախադասության իմաստը ավելի լրիվ դարձնելու՝ պարզաբանելու համար, ապա այս դեպքում արդեն ամբողջ անշաղկապ բարդ նախադասության հիմնական նպատակը դառնում է հենց այդ հետևանքի մասին հաղորդելը, իսկ նրան հաջորդող և նրա պատճառը ցույց տվող նախադասությունը (որը առաջին դեպքում գլխավոր նախադասությունն էր) վեր է ածվում երկրորդական նախադասության և կատարում է առաջինի միտքը ավելի լրիվ, կատարյալ դարձնելու պաշտոն:

Մյուս դեպքերում անշաղկապ բարդ ստորագասական նախադասությունների շարադասությունը ուղղակի հնարավոր չէ փոխել, որովհետև դրանով երկու մասերի միջև եղած կապակցությունը բոլորովին կկորչի, և այն կդադարի մեկ ամբողջական, ավարտված միտք լինելուց. օրինակ՝ Հավանական է, ես այսօր չեմ կարողանա գալ: Սա անշաղկապ բարդ նախադասություն է, որի մեջ երկրորդ պարզ նախադասությունը առաջինի նկատմամբ կատարում է ենթակայի պաշտոն: Եթե փոխենք այս բարդ նախադասության մասերի շարադասությունը, ապա կկորչի երկու մասերի կապակցությունը, կմթագնվի նրանց հարաբերակցությունը, և այն կդադարի մեկ ամբողջական միտք արտահայտելուց՝ ես այսօր չեմ կարողանա գալ, հավանական է: Ինչպես տեսնում ենք, այստեղ արդեն «Ես այսօր չեմ կարողանա գալ» պարզ նախադասությունը «Հավանական է» նախադասության համար չի կատարում ենթակայի պաշտոն, այլ հանդիս է գալիս որպես անկախ նախադասություն:

Ի տարբերություն շաղկապավոր բարդ ստորադասական նախադասությունների, որոնց մեջ երկրորդական նախադասությունը կարող է լինել ինչպես առաջադաս ու վերջադաս, այնպես էլ միջադաս, անշաղկապ բարդ ստորադասական նախադասություններում երկրորդական նախադասությունը լինում է կամ առաջադաս, կամ վերջադաս: Միջադաս այն հանդիս չի գալիս, մի բան, որը պայմա-

նավորված է շաղկապի կամ հարաբերական բառի բացակայությամբ:

Սրանք են կառուցվածքային այն առանձնահատկությունները, որոնք հատուկ են բոլոր անշաղկապ բարդ ստորադասական նախադասություններին: Բացի սրանցից, յուրաքանչյուր տիպի անշաղկապ բարդ ստորադասական նախադասություն ունի իր կառուցվածքային և իմաստային առանձնահատկությունները, որոնց մասին կխոսվի առանձին-առանձին:

Ըստ իրենց բաղկացուցիչ մասերի միջև եղած իմաստային փոխհարաբերությունների, անշաղկապ բարդ ստորադասական նախադասությունները կարելի է բաժանել երկու խմբի:

1. Նախադասություններ, որոնց մեջ բաղկացուցիչ մասերից մեկը մյուսի նկատմամբ կատարում է բացատրական դեր, այսինքն՝ բացատրում, բացահայտում է նրա որևէ անդամի բովանդակությունը կամ ինքը կատարում է որևէ անդամի պաշտոն: Այս խմբի մեջ են մտնում ենթակա, որոշիչ և խնդիր երկրորդական նախադասություն պարունակող անշաղկապ բարդ նախադասությունները:

2. Պարագայական հարաբերություններ արտահայտող նախադասություններ, որոնց բաղկացուցիչ մասերից մեկը մյուսի նկատմամբ կատարում է որևէ պարագայի պաշտոն. սրանք են՝ պայմանի, պատճառի և հիմունքի, հետևանքի, նպատակի, զիշական երկրորդական նախադասություն պարունակող անշաղկապ բարդ նախադասությունները:

## ԲԱՑԱՏՐԱԿԱՆ ԱՆՇԱՂԿԱՊ ԲԱՐԴ ՍՏՈՐԱԴԱՍԱԿԱՆ ՆԱԽԱԴԱՍՈՒԹՅՈՒՆՆԵՐ

Ինչպես արդեն ասվեց, անշաղկապ բարդ ստորադասական նախադասությունների մի մասը ունի բացատրական բնույթ: Սրանք այն նախադասություններն են, որոնք բացահայտում կամ լրացնում են գլխավոր նախադասության որևէ անդամը և կատարում են այդ նախադասության որևէ անդամի պաշտոնը: Դրանք են՝ ենթակա, որոշիչ, ուղիղ խնդիր, անուղղակի խնդիր երկրորդական նախադասություններ պարունակող անշաղկապ բարդ նախադասությունները, որոնցից յուրաքանչյուրը ունի իր իմաստային և կառուցվածքային առանձնահատկությունները: Այս խմբի մեջ պետք է մտցնել նաև այն անշաղկապ նախադասությունները, որոնց մեջ երկրորդ բաղադրիչը ոչ թե լրացնում է առաջինի որևէ անդամը, այլ վերաբերում է ամբողջ նախադասությանը, բացատրում, պարզաբանում է նրա բովանդակությունը՝ նրա վերաբերյալ որևէ լրա-

ցուցիչ հաղորդում կատարելով: Բացատրական անշաղկապ նախադասությունները ունեն այն ընդհանուր կառուցվածքային առանձնահատկությունը, որ եթե գլխավոր, բացատրվող մասը ունենում է սահմանափակ կառուցվածք (սովորաբար լինում է պարզ համառոտ նախադասություն), ապա ստորադաս՝ բացատրող մասը ունենում է ազատ կառուցվածք. կարող է լինել և պարզ ընդարձակ, և բարդ՝ տարրեր փոխհարաբերություններով, իսկ երբեմն էլ բացատրությունը կարող է չսահմանափակվել բարդ նախադասության սահմաններում, այլ շարունակվել կոնտեքստի շարունակության հաջորդ նախադասությունների մեջ:

ԵԽԱԿԱ ԵՐԿՐՈՐԴԱԿԱՆ ՆԱԽԱԴԱՍՈՒԹՅՈՒՆ  
ՊԱՐՈՒՆԱԿՈՂ ԱՆՇԱՀԿԱՓ ԲԱՐԴ ՆԱԽԱԴԱՍՈՒԹՅՈՒՆՆԵՐ

Ինչպես հայտնի է, ենթակա երկրորդական նախադասությունները կատարում են գլխավորի ենթակայի պաշտոնը, այսինքն նկարգությում, բացահայտում են նրա գործողության սովորելությունը:

Այս նախադասությունները կապակցվում, միանում են գլխավոր նախադասությանը երկու եղանակով՝ հատուկ կապակցական բառերի (շաղկապներ, հարաբերական բառեր) միջոցով և առանց կապակցական բառի: Այս երկու եղանակով միացած նախադասությունների տարրերությունն այն է, որ շաղկապավոր նախադասությունները արտահայտում են ավելի բազմազան իմաստայինն նրերանգներ, քան անշաղկապները. մի բան, որ պայմանավորված է շաղկապների և հարաբերական բառերի առկայությամբ:

Այսպես՝ եթե շաղկապավոր ենթակա նախադասությունը կարող է բացահայտել նաև գլխավոր նախադասության անձ ցույց տվող ենթական, ապա անշաղկապ կապակցության ժամանակ ենթակա երկրորդական նախադասությամբ նկարագրվում է միայն որևէ երեվուցիթ, դեպք, իրողություն, որը հանդես է գալիս որպես գլխավոր նախադասության գործողության սուբյեկտ:

Անշաղկապ կապակցության ժամանակ մեկ միասնական ամբողջություն կազմելուն շատ են օժանդակում միացվող մասերի միջև եղած իմաստային փոխհարաբերությունները: Առաջին նախադասությունը, որը մեծ մասամբ գլխավորն է լինում, չի ունենում ենթակա, մի բան, որը հենց ենթադրում է մի այնպիսի նախադասության գոյություն, որը լրացնի առաջինի միտքը, այն դարձնի ամբողջական և արտահայտի մեկ ավարտված միտք (բարդ միտք). տվյալ դեպքում այդպիսին է հանդիսանում ենթակա երկրորդական նախադասությունը. օրինակ՝ եվ բավական է, անարդ լծի տակ մենք

ստրուկ մնանք՝ ձեռներս շղթա (Ավ. Իս., 1, 142): Այստեղ առաջին նախադասության ող լրիվ լինելը հենց ենթադրում է երկրորդական նախադասության գոյությունը և դրանով օժանդակում նախադասությունների՝ մեկ ամբողջության մեջ միավորվելուն:

Ենթակա երկրորդական նախադասության առկայության դեպքում անշաղկապ բարդ նախադասության ինտոնացիան նախազգուշացնող բնույթ ունի, այսինքն՝ գլխավոր նախադասության վերջում ձայնը թեթև բարձրանում է (դրանով ցույց է տրվում նախադասության ավարտված լինելը), որին հաջորդում է կարճ դադար, ապա արտասանվում է երկրորդ նախադասությունը: Գրավոր խոսքում առաջին նախադասությունից հետո դրվում է ստորակետ կամ բութ: Միայն երբեմն, երբ երկրորդական նախադասությունը լինում է առաջադաս, իսկ գլխավոր նախադասությունը սկսվում է ցուցական դերանվամբ (Հարաբերյալով), նրանք կարող են բաժանվել նաև անշատման գծով, ստորակետ—գծով կամ միջակետով: Օրինակներ.

Եվ թվում էր, ուշադիր զննում է նրան, ուսումնասիրում նրա յուրաքանչյուր շարժումը (ՍՁԹ, 18): Պատահում էր՝ խանումս մի ժամ առևտուր էր անում (ԳՍԹ, 15): Նա լավ տղա էր և մեզ դուր էր գալիս. դա էր գլխավորը (ՄԱՊ, 66). Պետք էր մի հույսով քաղցրացնել միամիտ տանտիկնոց սիրտը, — այդ էր հարկավոր էֆենդուն (Բ, 3, 227):

Երբեմն գլխավոր և ենթակա երկրորդական նախադասության իմաստացին կապը այնքան է ուժեղանում, որ ամբողջ նախադասության քարդ լինելու գաղափարը սկսում է մթագնվել և այն դիտվում է իրեւ պարզ նախադասություն: Բանավոր խոսքում այդ արտահայտվում է նրանով, որ դադարը երկու մասերի միջև փոքրանում, համարյա վերանում է, իսկ գրավոր՝ նրանք չեն բաժանվում կետադրության նշաններով: Օրինակներ.

Արդեն մի ամիս էր այնտեղ էի (Շ, 2, 409): Ռոլանդը ընդամենը երեք տարի է աշխատում է մեզ մոտ (Ա, 25—10—1960 թ., էջ 3): Թվում էր բոլոր մարդիկ նայում են նրան (Խել., ՄՄՀ, 167): Այս երեսւյթը ավելի շատ տարածված է ուղիղ խնդիր երկրորդական նախադասություն պարունակող անշաղկապ բարդ նախադասություններում:

Ենթակա երկրորդական նախադասություն պարունակող անշաղկապ բարդ նախադասությունների կառուցվածքային առանձնահատկություններից է նաև բաղկացուցիլ մասերի շարադասությունը: Սովորաբար ենթակա երկրորդական նախադասությունը լինում է վերջադաս: Օրինակներ.

Ավելի լավ է՝ եկ գնանք որևէ փոքրիկ ճաշարան (ՄԱՊ, 634): Հետաքրքիր է, ինչ են անում հիմա Կարինեն, Տիմոֆեևը (Վերդ., իդե, 305): Միայն որոշ դեպքերում, ոճական նկատառություն, երբ անհրաժեշտ է լինում շեշտել երկրորդական նախադասության բովանդակությունը, այն դրվում է առաջադաս: Այդպիսի դեպքերում գլխավոր նախադասությունը ունենում է որևէ ձեւական ենթակա՝ արտահայտված մեծ մասամբ ցուցական դերանվամբ, որ ամփոփում է առաջին նախադասության բովանդակությունը և օժանդակում նրա կապակցությանը գլխավոր նախադասության հետ:

Ենթակա երկրորդական նախադասություն պարունակող անշաղեկապ բարդ նախադասությունները, ըստ գլխավոր նախադասության շարահյուսական կառուցվածքի, կարելի է բաժանել երկու խմբի՝ 1) նախադասություններ, որտեղ գլխավորի մեջ ենթական բոլորին բացակայում է, և երկրորդական նախադասությունը անմիջարար կատարում է ենթակայի պաշտոն և 2) նախադասություններ, որտեղ գլխավորի մեջ առկա է դերանվամբ արտահայտված ենթակա, և երկրորդական նախադասությունը բացահայտում է նրա բովանդակությունը: Օրինակներ.

Հետաքրքիր է, ճանաչել է իրեն, ի՞նչ է մտածում (Վերդ., իդե, 44): Պարզ է՝ նա այլևս երկար քայլել չէր կարող (ԳՍԹ, 2, 344): Մի քան նաստատ էր երկուսի համար էլ. հիմնովին կորած էր նրանց փոխադարձ հավատն ու վստահությունը (Ա. Սեկ., 510):

Եերված օրինակներից երկուսում գլխավոր նախադասությունը ենթակա չունի. երկրորդական նախադասությունը կատարում է այդ ենթակայի պաշտոնը: Վերջին նախադասության մեջ գլխավորում առկա է մի քան ենթական, որը հենց ենթադրել է տալիս մի այնպիսի նախադասություն, որ բացահայտի իր բովանդակությունը, այսինքն՝ կոնկրետ նյութական բովանդակություն տա իրեն (հենց դրանով էլ պայմանավորվում է ենթակա երկրորդական նախադասության բացատրական բնույթը): Որպես այդպիսին հանդես է գալիս երկրորդական նախադասությունը, որը և փաստորեն կատարում է գլխավոր նախադասության ենթակայի պաշտոն:

Անշաղկապ ենթակա երկրորդական նախադասություններ՝ հանդիպում են հետևյալ դեպքերում.

ա) Երբ գլխավոր նախադասության ստորոգյալը բաղադրյալ է՝ կազմված ենթադրություն, կարծիք, եղանակացություն արտահայտող բառից և էական բայից: Երկրորդական նախադասությունը բացահայտում, ցույց է տալիս, թե ինչին է վերաբերում այդ ենթադրությունը, կարծիքը: Օրինակներ.

Հավանական է՝ Դու գնացքով կամ ավտոմեքենայով անցել ես Փամբակի գեղատեսիլ կիրճով, մի պահ կանգ առել Սպիտակավանում (Ա. 7/11—60 թ., էջ 3): Հետաքրքիր է, ինչ է մտածում նա (Վերդ., իդե, 138): Բայց լավ է, նոպան անվտանգ անցավ, այլևս ոշինչ չի պատահի նրան (Ա. Սեկ., 22): Պարզ էր. նա չէր կամենում օրիորդների ներկայությամբ խոսել (Շ, 2, 342): Հասկանալի է, նա բոլորից շատ հոգնեց ճանապարհին (Գ. Ռշ. Մ, 67): Այդպես շատ է լինում, երբ մարդ խիստ հոգնում է, քոնը մոտ չի գալիս (Վերդ., իդե, 342): Այդպես է. միշտ էլ, երբ համն են հանում, ուղիղ հակառակ բան են ստանում (Պ. Սեակ, 91): Վերջին օրինակներում գլխավոր նախադասությամբ տրվում է եղրակացություն, հետեւթյուն (պարզ է, հասկանալի է, այդպես է), երկրորդական նախադասությամբ բացահայտվում է, թե ինչ երևույթի, գործողության է վերաբերում այդ եղրակացությունը, հետևությունը:

Ինչպես երևում է բերված օրինակներից, երկրորդական նախադասությունը այս անշաղկապ բարդ նախադասություններում ունենում է ազատ կառուցվածք (կարող է լինել ընդարձակ, նույնիսկ բարդ), իսկ գլխավոր նախադասությունը սովորաբար բաղկացած է լինում միայն ստորոգայլից, որը ցույց է տալիս ենթադրություն, կարծիք, եղրակացություն: Հենց այդ հանգամանքն է պատճառը, որ այս տիպի նախադասություններում գլխավոր նախադասությունը հաճախ կորցնում է իր՝ նախադասության իմաստը և վեր է ածվում եղանակավորող բառակապակցության, որով ցույց է տրվում խոսողի վերաբերմունքը մյուս նախադասությամբ հաղորդվածի նկատմամբ: Դա վերաբերում է հատկապես նիշտ է, միևնույն է բառակապակցություններին, որոնց նախադասությունը լինելու իմաստը գրեթե լրիվ մթագնվել է, և դրանք արդեն վեր են ածվել եղանակավորող բառակապակցությունների: այսպես՝ Միևնույն է, էլ այսուհետև նրա գոռալը օգուտ չի տա (Շ, 1, 15): Ներեցեք, նիշտ է, թենին էլ է գալիս (Շեքս., 1, 233): Այս բառակապակցությունները այժմ սկսել են գործածել նախադասություններին գիշական երանդ տալու համար՝ հատկապես զիշական բարդ ստորադասական նախադասություններում: Այսպես՝ նիշտ է այսօր ցուրտ է, բայց ես վերարկու չեմ հագել կամ՝ հնչքան էլ կարդաս, միևնույն է, բան չես հասկանա: Բերված օրինակներում նիշտ է և միևնույն է բառակապակցություններն արդեն չեն գիտակցվում որպես բաղադրյալ ստորոգյաններ և վեր են ածվել զիշական երանդ ունեցող եղանակավորող բառակապակցությունների:

Բերենք միայն բաղադրյալ ստորոգյալից բաղկացած գլխավոր

նախադասության՝ եղանակավորող բառակապակցության վերածվելու այլ օրինակներ.

Կարող է անձրևները շուտ գան (ԱՀ, 25/11—60 թ., էջ 2):  
Այսուեղ կարող է-ն արդեն վեր է ածվել ենթադրություն ցույց տվող  
եղանակավորող բառակապակցության: Նշանակում է՝ վաղվանից  
սկսե՞նք բերքի բաշխումը (Ա. Սեկ., 411): Այսուեղ նշանակում է  
բայական ձևը վեր է ածվել հետևություն ցույց տվող բառակապակ-  
ցության (համարժեք է ուրեմնին):

բ) Բաղադրյալ ստորոգյալը կարող է ցույց տալ նաև դրու-  
թյուն, վիճակ: Այս դեպքում երկրորդական նախադասությունը բա-  
ցահայտում է այդ դրության, վիճակի բովանդակությունը. օրինակ՝  
Կարգ էր՝ յուրաքանչյուր մրցությունից հետո բազմության ներկայու-  
թյամբ պետք է բարձրածայն հայտարարվեին հաղթողների և պարտ-  
վողների անունները (Դիս, 101):

գ) Գլխավոր նախադասության ստորոգյալը կարող է արտա-  
հայտված լինել դրություն, վիճակ ցույց տվող շեղոք բայի եղակի  
երրորդ դեմքով, ինչպես նաև կրավորակերպ շեղոք բայով: Օրի-  
նակներ.

Թվում էր՝ թոփշք ու թևեր ունենք, հնոցներ կային մեր կրծքում  
ասես (Ե. Զար., 6): Այս, որոշված է, ես կերթամ: Ինձ ոչ ոք չի  
խանգարի (Մուլ., 3, 256): Որոշված է, այսօր նա կգտնի Ռու-  
բենին, կրարեկամանա, կառաջարկի յուր օգնությունը (Ե, 2, 254):  
Ստացվում է, շեք ուզում իսկապես օգնած լինել ձեր ոեսպութիկային  
(Խել., ՄՄՀ, 477): Պատահում էր, մայրն ու եղբոր կինը շվաքում  
երկար էին նստում (Ա. Սահ., 38): Զարմանալի է, ինչքան երևում  
էի նրանց շեմքին, մորաքույրս ինչ-որ բաներ էր քրթմնչում, անեծք  
թափում (Ա, 11/12—60 թ., էջ 3):

Այս տարատեսակի կառուցվածքային առանձնահատկություն-  
ներից է նաև այն, որ գիխավոր նախադասության ստորոգյալը սո-  
վորաբար դրվում է սահմանական եղանակի բաղադրյալ ժամանակ-  
ներով (ներկա, անցյալ անկատար, հարակատար, վաղակատար).  
Դա բացատրվում է նրանով, որ գրություն, վիճակ են ցույց տալիս  
երկարատև գործողություն նշանակող ժամանակներու: Անցյալ կա-  
տարյալ ժամանակի գործածությանը հանդիպում ենք շատ հաղվա-  
դեպ. օրինակ՝ թվաց՝ ամպերն են բացխուփիկ խաղում, թվաց՝ եր-  
կինքը շողեր է շաղում (Պ. Սևակ, 21):

Ծանոթություն. — Թվում է ձևը ևս սկսել է կորցնել իր  
բայական նշանակությունը և վերածվել ենթադրություն ցույց տվող  
եղանակավորող բառակապակցության. գրավոր դա արտահայտվում

է նրանով, որ այն հաճախ մյուս նախադասությունից ստորակետով չի բաժանվում. վերանում է նաև դադարը երկու նախադասությունների միջև: Օրինակ, Թվում է հասկանալի է այժմ, թե ինչու էին անտարեր նրա ճակատագրի ու նրա հեռագրի նկատմամբ (*Ա.*, 1/12—60 թ., էջ 3): Այստեղ բվում է բայական ձևը արդեն վեր է ածվել եղանակավորող բառի և համարժեք է կարծես-ին:

դ) Անշաղկապ ենթակա երկրորդական նախադասություն կարող է դրվել նաև այն դեպքում, եթե անհրաժեշտ է լինում շեշտել նախադասության որևէ անդամը (*Հավելադրությամբ ստեղծված անշաղկապ բարդ նախադասություններ*): Այս կառուցվածքի բարդ նախադասությունները, ինչպես ասվել է «Ստորադասական կապակցությունը արդի հայերենի բարդ նախադասություններում»<sup>1</sup> գրքում, ստեղծվել են զուտ ոճական նկատառումներով՝ պարզ նախադասության որևէ անդամը շեշտելու նպատակով: Պետք է նշել, որ շաղկապի (որ կամ ինչ) առկայության դեպքում ընդգծվում է նախադասության բարդ լինելը. սակայն հաճախ այսպիսի կառուցվածքները հանդիպում են առանց շաղկապի. շեշտվող անդամի մոտ դրվում է բայը, ապա ստորակետ կամ բութ, այնուհետև՝ նախադասության մյուս անդամները. օրինակներ՝

Մի ամսից ավելի է, հայրը անկողին է ընկել: Քանի օր է, չի տեսել նրան (*Վերդ.*, հինգ, 387): Վաղուց է՝ շեմ լսել այդ երգը (*Ավ. Իս.*, 3, 124): Պետք է ասել, որ մի շաբաթ էր արդեն, նա ուշադիր էր դեպի օրիորդը (*Շ.*, 2, 463): Մի շաբաթ էր, ես նրանց շեմ տեսել (*Շ.*, 2, 490): Երկու ամիս է՝ բոլորովին չի երևացել (*Վերդ.*, հինգ, 384):

Ինչպես ցուց են տալիս ուսումնասիրությունները, այս կառուցվածքի անշաղկապ բարդ նախադասություններ գործածվում են միայն այն դեպքում, եթե անհրաժեշտ է լինում շեշտել պարզ նախադասության ժամանակի պարագան: Նախադասության այլ անդամներ շեշտելու նպատակով կիրառվում է այս կառուցվածքի շաղկապավոր ձևը (օժանդակ բայից հետո գրվում է որ շաղկապը):

Երբեմն էական բայը կատարում է միայն շեշտելու դեր, նրան չի հաջորդում դադար (գրավոր խոսքում ստորակետ կամ բութ չի դրվում). դրա հետևանքով ամբողջ նախադասությունը դիտվում է իրեւ պարզ նախադասություն. օրինակ՝ Երկու շաբաթ է տուն շեմ գնացել (*Մ. Դավթ.*, 53): Այստեղ էական բայի միջոցով շեշտվել է պարզ նախադասության ժամանակի պարագան, սակայն այն չի

<sup>1</sup> Ն. Պառեասյան, Ստորադասական կապակցությունը արդի հայերենի բարդ նախադասություններում, Երևան, 1961, էջ 27 և 33:

գիտակցվում իրեւ բաղադրյալ ստորոգյալի ստորոգելիական հանգույց, հետևաբար պարզ նախադասությունը չի վերածվել բարդի:

ե) Անշաղկապ ենթակա երկրորդական նախադասություն դրվում է նաև հարցական գլխավոր նախադասությունների մոտ, որոնք կազմված են լինում որևէ հարցական դերանունից և էական բայի անցյալ ժամանակից, ըստ օրում մեծ մասամբ հանդես են գալիս ո՞վ, ի՞նչ, ե՞ր հարցական դերանունները. օրինակներ՝ էն ե՞ր է՛ Անուշն իր կուժը առավ, Աղբյուրը գնաց ու ետ չգառավ (ՀԹ, 2, 51); Ո՞վ է՛ կանչեց, թե Առաքելը պիտի տանուտեր լինի (ԱԲ, 79); Այստեղ ևս երկրորդական նախադասությունը, որը դրվում է գլխավորից հետո, ունենում է աղատ կառուցվածք և ցույց է տալիս, թե ինչին է վերաբերում գլխավոր նախադասության հարցը: Գլխավոր նախադասությունը, ընդհակառակը, բաղկացած է լինում միայն հարց պարունակող բաղադրյալ ստորոգյալից: Միայն երթեմն գլխավոր նախադասության սկզբում կարող է հանդես գալ այն (էն) ցուցական դերանունը, որը այստեղ սկսել է կորցնել ձևական ենթակայի պաշտոնը և ավելի կապակցական դեր է կատարում՝ մատնանշելով, որ գլխավոր նախադասությունը ավարտված չէ, և նրան հաջորդելու է հաղորդում հարց հարուցող երևույթի կամ գործողության մասին (տես վերևի երկրորդ օրինակը):

դ) Երբ երկրորդական նախադասությունը ունենում է հարցական կառուցվածք, որով կասկածի տակ է առնվում որևէ երեսույթի, իրողության իրագործումը, իսկ գլխավոր նախադասությամբ արվում է եղրակացություն այդ իրողության ոչ հավաստի լինելու վերաբերյալ, երկրորդական՝ հարց պարունակող նախադասությունը սովորաբար լինում է առաջադաս. օրինակ՝

Կընդունե՞ր արդյոք յուր առաջարկությունը, թե ոչ, նայտենի չէր (Մուլր., 1, 244): Գարնան գիշե՞րն էր առիթը, ուադիոյի երգն է՞ր դաշտերի մասին, թե՞ ծաղկամանն էր, — դժվար է ասել (ԱԲ, 173): Ո՞վ ասաց, նայտենի չէ (Ա. Սեկ., 419): Ինչո՞ւ փակվեց կաֆեն, անհասկանալի մեաց շատերին (Ե, 26/11—60 թ.):

Երեսմն այս տիպի նախադասությունները ունենում են նաև հակառակ շարադասություն, այսինքն՝ վերջադաս լինում է երկրորդական նախադասությունը. օրինակ՝ կառնը մոտեցավ գրքերի դարակին, մեջքը դարձրեց դեպի պառավը: Չէր երեսում՝ գրքերի՞ն է նայում, թե՞ ծաղկամանին (ԱԲ, 72): Սակայն այս դեպքում սովորաբար օգտագործվում է նախադասության շաղկապավոր ձեզ, իսկ հարցումը լինում է անուղղակի: Ինչպես երեսում է բերված օրինակներից, այս տարատեսամբ կառուցվածքային առանձնահատկությունն այն

է, որ գլխավոր նախադասությունը բաղկացած է լինում որևէ երկույթի հավաստի կամ ստուգ զինելը ցույց տվող բաղադրյալ ստորոգյալից (նայտենի չէ, դժվար է ասել), իսկ երկրորդական նախադասությամբ նկարագրվում է այդ երկույթը, գործողությունը. ըստ որում այն (երկրորդական նախադասությունը) ունենում է հարցական կառուցվածք («կընդունե՞ր արդյոք յուր առաջարկությունը»): Եվ հաճախ ինքը իր հերթին լինում է բարդ կամ միավորյալ («Գարն գիշե՞րն էր առիթը, ուղիոյի ե՞րբն էր դաշտերի մասին, թե՞ ծաղկամանն էր», «Գրգերի՞ն է նայում, թե՞ ծաղկամանին»):

Ինչպես ասվեց վերևում, անշաղկապ ենթակա երկրորդական նախադասությունները կարելի է բաժանել երկու խմբի՝ գլխավոր նախադասության մեջ հարաբերյալ բառ պարունակող, երբ երկրորդական նախադասությունը նյութական բովանդակություն է տալիս այդ հարաբերյալին և նախադասություններ, որոնց մեջ հարաբերյալ չկա, և երկրորդական նախադասությունը անմիջաբար կատարում է ենթակայի պաշտոն: Վերևում նկարագրված նախադասությունները պատկանում էին վերջին խմբին: Անհրաժեշտ է նշել, որ անշաղկապ կապակցության ժամանակ գլխավոր նախադասության մեջ հարաբերյալ սովորաբար չկ դրվում, որովհետև հարաբերյալի առկայությունը ենթադրել է տալիս որևէ կապակցական բառ: Գլխավոր նախադասության մեջ հարաբերյալ կարող է գործածվել միայն այն դեպքում, երբ տրամաբանական շեշտը երկրորդական նախադասության վրա դնելու նպատակով վերջինս ընդունում է առաջադաս դիրք: Այդ դեպքում երկրորդական նախադասությանը հաջորդող գլխավոր նախադասությունը սկսվում է դա, այդ (երբեմն նաև այս) ցուցական դերանուններով, որոնք կատարում են գլխավոր նախադասության ենթակայի պաշտոնը, սակայն իրենց նյութական բովանդակությունը ստանում են առաջադաս մերկրորդական նախադասությունից, ամփոփում են վերջինիս բովանդակությունը և օժանդակում ինչպես երկրորդական նախադասության բովանդակության շեշտվելուն, այնպես էլ գլխավոր և երկրորդական նախադասությունների կապին: Օրինակներ.

Ես սիրում էի նրան. դա արդեն պարզ էր ինձ համար (Ավ. Խ., 3, 38): Պետք էր մի հույսով քաղցրացնել միամիտ տանտիկնոց սիրտը, — այդ էր հարկավոր էֆենդում (Թ, 3, 227): Նա լավ տղա էր և մեզ դուր էր գալիս. դա էր գլխավորը (ՄԱՊ, 66): Առաջին անգամ էր նա փր մասին ասում, որ լավ է. դա զարմացրեց Զանոյին (Ա. Սեկ., 461): Իրար ձեռքից աղավնիներ էին փլում — սա էր աղավնի խաղացնելու հմայքը (Թոթ., 159): Ինչ էլ որ լիներ, — թերթում

տպագրվեր բանվորներից մեկն ու մեկի նկարը կամ հոդվածը, երեխա ունենային, երիտասարդներն ամուսնանային,— այդ բոլորն ուրախացնում էր նրան (Խել., ՍՄՀ, 103):

Վերջին օրինակում որպես հարաբերյալ<sup>1</sup> հանդես է եկել այդ բոլորը բառակապակցությունը, որը բացատրվում է երկրորդական նախադասության բարդ լինելով և թվարկման նշանակություն ունենալով: Երկրորդական նախադասության վերջադաս լինելու դեպքում գիսավոր նախադասության մեջ հարաբերյալ սովորաբար չի գործածվում, միայն երբեմն հանդիպում է մի բան բառակապակցությունը. օրինակ՝

Բայց նրանց հաջողվեց միայն մի բան. Թույլ շտվին, որ միտինգում ընդունվի կովի կոչ պարունակող որևէ բանաձև (ՆԶ, ՊՊՆ, 204): Նրան պարզ դարձավ մի բան՝ Օմախում այլևս չեն համարձակվի խաղալ ատոմմային կրակի հետ (Ե, 29/10—60 թ.): Ինձ մի բան միայն շատ զարմանք էր պատճառում, եղբայրներս կովի վայրում էին, մայրս ամբողջ օրը արցունք էր թափում, իսկ հայրս մեր հին գութանը հանել էր դուրս և մի անվերջանալի, միօրինակ երգ շրթումքից կախ՝ սուր ուրագով տաշում-տաշշում էր գութանը (Ավ. Ին., 3, 21):

Վերապահությամբ այս խմբի մեջ կարելի է մտցնել նաև այն անշաղկապ բարդ նախադասությունները, որոնք թեև իրենց ընույթով բացատրական են, այսինքն՝ երկրորդ նախադասությունը բացահայտում է առաջինի անորոշ նշանակություն ունեցող ենթական, սակայն որոշ շափով տարրերվում են մյուս ենթակա երկրորդական նախադասություններից: Օրինակ՝ Ահա մի քանի հոգի նստեցին աղբյուրի գլխին. դրանք երգ ասողներն են և դրանց մեջ է Գայանեն (Լեռ, 21): Այստեղ երկու նախադասությունների միջև եղած կապը զգալի շափով թույլ է, սակայն դեռ աչնքան թույլ չէ, որ սրանք համարվեն ինքնուրուցն նախադասություններ: Երկու նախադասությունների կապը որոշ շափով իրացվում է երկրորդ նախադասության սկզբում առկա դրանք դերանվամբ, որը փոխարինում է առաջինի մի քանի հոգի ենթակային: «Յուրաքանչյուրի մոտ տարրեր ենթադրություններ էին ծագում և միայն մեկը դրանցից անկասկածելի էր՝ այո, այդպիսի հարսանիք թեհրանում իսկապես որ

<sup>1</sup> «Հարաբերյալ» տերմինը այստեղ (և ընդհանրապես անշաղկապ բարդ նախադասությունների վերաբերյալ) օգտագործվում է պայմանականորեն, որովհետև երկրորդական նախադասության մեջ չկա հարաբերական բառ. այստեղ ավելի ճիշտ կլինի ասել ընդհանուր-անորոշ նշանակություն ունեցող ենթակա, կամ կոնկրետ նյութական նշանակությունից զուրկ ենթակա, որի կոնկրետ նյութական բովանդակությունը բացահայտվում է երկրորդական նախադասության օգնությամբ:

շէր եղեկ» (ԴՍԹ, 2, 93): Այստեղ երկրորդական համարվող նախադասությունը (Այո, այդպիսի հարսանիք թեհրանում իսկապես որ չէր եղել) բացահայտում է առաջին նախադասության մեկը անորոշ դերանվամբ արտահայտված ենթական, ցույց է տալիս, թե ինչն է անկասկածելի: Այս նախադասությունները կարելի է համարել նաև որոշիչ:

Առաջին նախադասության ենթական է բացահայտում նաև հետևյալ անշաղկապ բարդ նախադասության երկրորդ մասը՝ «իսկ այս առավոտ չկալին երանք—չկալին նախարարական իշխանազն պատանիները» (Բ, 7, 438): Այս նախադասությունն ունի կառուցվածքային այն առանձնահատկությունը, որ առաջին մասի դերանվամբ (երանք) արտահայտված ենթական բացահայտելու համար երկրորդ մասում առաջինի ստորոգյալը կրկնվում է նոր՝ նյութական իմաստ ունեցող ենթակայով (նախարարական իշխանազն պատանիները), որով և այն բացահայտվում է:

ՈՐՈՇԻԳ-ՈՐՈՇՅԱԼԻ ԽՄԱՍՏԱՅԻՆ ՀԱՐԱԲԵՐՈՒԹՅՈՒՆՆԵՐ  
ԱՐՏԱՀԱՅՏՈՂ ԱՆՇԱՂԱՊ ՆԱԽԱԴԱՍՈՒԹՅՈՒՆՆԵՐ

Անշաղկապ բարդ նախադասությունների համակարգում շատ են հանդիպում այնպիսիները, որոնց բաղկացուցիչ մասերից երկրորդը բացահայտում, որոշում է առաջին մասի որևէ անդամի բովանդակությունը, այսինքն՝ նկարագրվում է այդ բառի բովանդակությունն ավելի ընդարձակ, հանգամանորեն: Այս տեսակետից վերոհիշյալ նախադասությունները իրենց արտահայտած իմաստային փոխհարաբերություններով շատ մոտ են կանգնած որոշիչ երկրորդական նախադասություն պարունակող շաղկապավոր բարդ նախադասություններին, սակայն չեն նույնանում նրանց հետ հետևյալ պատճառով: Որոշիչ երկրորդական նախադասությունը որոշում է գլխավոր նախադասության գոյականով արտահայտված որևէ անդամը՝ նրա որևէ հատկանիշը կամ նրա հետ կապված որևէ գործողություն, երևույթ նկարագրելու միջոցով. օրինակ՝ նս մտա այն սենյակը, որտեղ նստած է նա կամ՝ նս վերցրի այն գիրքը, որ դրված էր սեղանին և կարմիր գույն ուներ: Այս նախադասություններից առաջինում գլխավոր նախադասության սենյակը անդամը որոշվել է նրա հետ կապված երևույթը նկարագրելու միջոցով (նրա այնտեղ նստած լինելը սենյակի հատկանիշը չէ, բայց տվյալ դեպքում որոշում, տարբերում է այդ սենյակը մյուսներից): Երկրորդ նախադասության մեջ արդեն գլխավոր նախադասության գիրքը բառը որոշվել է նրա

հատկանիշը (կարմիր լինելը) և դիրքը նկարագրելու միջոցով։ Բարդ նախադասության անշաղկապ կապակցության ժամանակ այսպիսի հարաբերությունն սովորաբար չի հանդիպում։ Այստեղ երկրորդական նախադասությունը կարող է որոշել գլխավորի գոյականով կամ գոյականաբար գործածված բառով արտահայտված որևէ անդամը միայն նրա էությունը, բովանդակությունը բացահայտելու, նկարագրելու միջոցով։ Օրինակ՝ իմ մեջ հարց առաջացավ—ինչո՞ւ նա չի եկել։ Այստեղ անշաղկապ բարդ նախադասության առաջին մասում գործածվել է նարց բառը, որը բացահայտվելու կարիք է զգում։ Երկրորդ բաղադրիչը լրացնում է այդ բացը, բացահայտում է նրա բովանդակությունը (ցուց է տալիս, թե ի՞նչ հարց է առաջացնել)։ Այս տեսակետից այս անշաղկապ նախադասությունները մոտենում են նաև բացահայտիչ երկրորդական նախադասությունն պարունակող շաղկապավոր բարդ նախադասություններին։

Թրոշիչ-որոշյալի իմաստային փոխհարաբերություններ արտահայտող անշաղկապ բարդ նախադասությունները ունեն կառուցվածքային հետևյալ առանձնահատկություններ։

(ա) Անշաղկապ բարդ նախադասության բաղադրիչ մասերից առաջինում առկա է լինում այնպիսի բառ, որն իր բառային նշանակությամբ որոշվելու, պարզվելու կարիք է զգում։ Այդպիսի բառի առկայությունը ենթադրել է տալիս, որ նրան հաջորդելու է այլ նախադասություն, որի միջոցով բացահայտվելու, որոշվելու է այդ անդամի բովանդակությունը։ Հենց այդ էլ օժանդակում է անշաղկապ նախադասության կազմավորմանը։ Օրինակ՝ Այդ կողմերի լեռնային պայմաններում լավ բերք տվող աշնանացան ուվրախնկան ուներ մի քերորդյուն։ Հաճախ հնձից առաջ փշում էին տաք քամիները և արագացնում ցորենի հասունացումը... (ՍիՀ, 1, 579)։

(բ) Գլխավոր նախադասության մեջ, որպես կանոն, հարաբերյալ բառ հանդես չի գալիս։ Հարաբերյալ չպետք է համարել մի անորոշ դերանունը, որը դրվելով որոշվող բառի վրա, ցուց է տալիս նրա անորոշ նշանակություն, բացահայտվելու կարիք ունենալը և միաժամանակ ամբողջ նախադասության տրամաբանական շեշտը բեկում է այդ բառի վրա։

(գ) Գլխավոր նախադասությունը, որի կազմի մեջ է մտնում որոշվող, բացահայտվող անդամը, սովորաբար լինում է առաջադաս։ Օրինակ՝ նա հիշեց Միշոյի խոսքերը։ միայն արյունով կարելի է շաղկապել խոսքն ու գործը (Ի. էր., ՓԱ, 1, 131)։

(դ) Այս անշաղկապ նախադասությունները ունեն նախազգուշական-բացատրական ինտոնացիա, որն արտահայտվում է որոշյալ

բառի շեշտումով (նախադասության տրամաբանական շեշտը միշտ դրվում է որոշվող բառի վրա) և գլխավոր նախադասության վերջում ձայնի աննշան իշեցումով: Դրան հաջորդում է կարճ դադար, ապա արտաքրվում է երկրորդական նախադասությունը: Անշաղկապ բարդ նախադասության կառուցվածքային ամբողջությունը կազմելու համար մեծ նշանակություն ունի հատկապես առաջին բաղադրիչ մասի ինտոնացիան, որի միջոցով ընդգծվում է նախադասության ավարտված վիճակը: Երկրորդ բաղադրիչի ինտոնացիան տարբեր նախադասություններում կարող է տարբեր լինել՝ ըստ նրա կառուցվածքի (այն կարող է լինել բաժանական, հակադրական և այլն):

ե) Այս տիպի նախադասությունների երկրորդ բաղադրիչի կառուցվածքը հաճախ պայմանավորված է լինում առաջին բաղադրիչում առկա որոշվող բառի բառային իմաստով: Այսպես, օրինակ՝ եթե բացահայտվող բառը բալորը-ն է, ապա երկրորդ բաղադրիչը ունենում է թվարկման նախադասության կառուցվածք և թվարկման ինտոնացիա: Եթե որոշյալ բառը երկուակց մեկն-է, երկրորդ բաղադրիչը ունենում է տրոհական (բաժանական) կառուցվածք և ինտոնացիա, եթե որոշվող բառը նարց գոյականն է, երկրորդ բաղադրիչը ունենում է հարցական բնույթ և այլն: Երկրորդ մասի բայական ձևերը ևս որոշ դեպքերում կախված են լինում առաջին մասի բացահայտվող բառից: Այսպես՝ խոդիրք, նրաման, խորհուրդ բառերի մոտ երկրորդ բաղադրիչի ստորոգյալը սովորաբար դրվում է հրամայական եղանակով:

Այս անշաղկապ նախադասությունները, ըստ առաջին բաղադրիչ մասի՝ գլխավոր նախադասության մեջ առկա որոշվող բառի բնույթի, կարելի է բաժանել մի քանի խմբի:

1. Գլխավոր նախադասության մեջ առկա է լինում վերացական-ընդհանրական նշանակություն ունեցող գոյականով արտահայտված որևէ անդամ (ունակություն, սովորություն, դժվարություն, նպատակ և այլն), որը բացահայտվելու, որոշվելու կարիք է զգում: Որպես որոշիչ հանդես է գալիս երկրորդական նախադասությունը, որը բացահայտում է այդ գոյականի բովանդակությունը. օրինակներ՝

Կաղուց սովորություն էր դարձել արդեն. ամեն խաղողաքաղից անմիշապես հետո այգիների մեջ էին թողնում անասուններին (Ա. Սեկ., 153): Բայց այստեղ ծագում էր մի դժվարություն. ինչպես հավատացնեն, թե իրենք իրոք տառապում են տրախոմայով (ՆԶ, ՊՊՆ, 105): Ես այսօր գտա իմ տարակուանքի պատճառը՝ շեմ

մտածել այն մարդկանց մասին, ովքեր պետք է աշխատեն նոր կառուցված ցեխերում (Խեշ. ՄՄՀ, 58): Արամը կլանված էր միայն մի հոգով. ի՞նչ պատասխան պիտի տա պարոն Պետրոսին (ՆԶ, ՊՊՆ, 292):

Ինչպես երևում է բերված օրինակներից, որոշվող գոյականը կարող է հանդես գալ նախադասության տարրեր անդամների պաշտոնով: Այն հաճախ ունենում է պարզ որոշիչ (կամ որոշիչներ): Դրանով տրվում է այդ գոյականի որևէ հատկանիշը, որով սակայն սպառիչ կերպով չի բացահայտվում նրա բովանդակությունը, մի քան, որ կատարվում է միայն երկրորդական նախադասության միջոցով: Գոյականի վերջնականապես որոշված վիճակը ընդգծվում է մի անորոշ դերանվան օգնությամբ, որը միշտ հանդես է գալիս պարզ որոշիչի հետ: Պարզ որոշիչը ևս այս դեպքում սովորաբար ունենում է ընդհանուր-անորոշ նշանակություն, այդ պատճառով բացատրության կարիք է զգացվում: Օրինակներ՝

Նա մի զարմանալի ընդունակություն ունեց. մեկ օրվա մեջ երիտասարդանում էր կամ մի քանի տարով ծերանում (հ. էր. ՓԱ, 2, 62): Վաղուց այդպիսի մի սովորություն կար իրենց գյուղում. հարեվանները գնում էին օգնելու այն ընտանիքներին, որոնք տղամարդ չունեին (Ա. Սեկ., 414):

Երբեմն որոշվող բառի մոտ մի անորոշ դերանում չի դրվում: Այդ այն դեպքում, երբ այդ գոյականի պարզ որոշիչը ունենում է որոշակի ցուցական նշանակություն: Ցուցական նշանակություն ունեցող պարզ որոշիչի առկայությունը այս տիպի անշաղկապ բարդ նախադասությունների համար հանդիսանում է բաղկացուցիչ մասերի կապակցությանն օժանդակող լրացուցիչ բառա-քերականական միջոց: Օրինակներ՝

Գիտությունն հաստատեց երկու անվիճելի նշմարտություն. առաջինը՝ մարդու կյանքը հաճախ ժամանակից շուտ է այս կամ այն հիվանդության պատճառով....: Երկրորդ ճշմարտությունն այն է, որ կյանքի տևողությունը... (ՄՀ, 1/12—60 թ., էջ 4): Արամ Անտոնիչը նրան Մոսկվա ուղարկելով հասել էր երկու նպատակի միանգամից. նախ՝ աղատվել էր նրա հոգսից, երկրորդ՝ իր վերջին պարտքը դրանով հատուցած էր համարել իր աղքակցի հիշատակին (Ե. Զար., 339): Մերունու բարյացակամությունը Վահանի նկատմամբ ավելի խոր հիմք ուներ. այս ուշիմ, խոհուն գիմնազիստը նրա առաջին և միակ ընթերցողն էր (Ա. Սահ., 178): Մեր առջև դրված են նետեյալ խնդիրները...

Ինչպես երևում է առաջին օրինակից, որոշվող բառի բացա-

տրությունը երբեմն չի սահմանափակվում անշաղկապ բարդ նախադասության երկրորդ մասով, այլ շարունակվում է կոնտեքստի մյուս նախադասություններում, երբեմն ամբողջ պարբերության մեջ:

Երբ որոշվող բառի կողքին որպես պարզ որոշիչ հանդես է դալիս որևէ ցուցական գերանուն (այդ, այդպիսի), այն որոշ շափով բացատրված է լինում նախորդ կոնտեքստով: Այստեղ երկրորդական նախադասությունը տալիս է միայն լրացուցիչ բացատրություն և դրանով վերջնականապես բացահայտում է որոշվող բառի բովանդակությունը: Օրինակ՝ Հենց երեկ ճիշտ այդ դրության մեջ էի երեկոյան թեյը խմելուց հետո բաժակն այնպես շպրեցի սեղանի վրա, որ գլորվեց, ընկալ հատակի վրա և փշրվեց (ՆԴ, 2, 162): Այստեղ նախորդ կոնտեքստում նկարագրված է մի դրություն, վիճակ, որի մեջ գտնվում է հեղինակը: Անշաղկապ բարդ նախադասության երկրորդ մասով նկարագրված է այդ դրության մեջ լինելու հետևանքով կատարված գործողությունը, դրանով ավելի ամբողջական դարձնելով պատկերացումը այդ դրության մասին:

2) Անշաղկապ բարդ նախադասության առաջին մասում առկա է լինում որևէ ասացական բայանուն՝ վերցված անորոշ առումով, երկրորդ մասում բացահայտվում է այդ բառի կոնկրետ բովանդակությունը. օրինակ՝

Մի առավոտ երկնահուա ծխնելույզները երկաթ կոչ նետեցին զինվորին՝ զինվորի դեմ չկովես (Ե. Զար., 33): Ասված խոսք է՝ հյուրը տան տիրոջ ծառան է (ԳՍԹ, 2, 348): Երազ տեսս—ձեր տան առաջ Զուլալ աղբյուր կրիսեր, Զենը մեղմիկ, քաղցրակարկաշ, չորս դին ծուփ-ծուփ ծաղկունք էր (Ավ. Իս., 1, 39):

Բերված օրինակներում գլխավոր նախադասությունների մեջ հանդես են եկել կոչ, խոսք (Երազ) բայանունները, որոնց բովանդակությունները բացահայտվել են երկրորդական նախադասությունների միջոցով:

3) Որոշվող բառը կարող է լինել նաև բացահայտվելու կարիք զգացող որևէ այլ գոյական: Օրինակներ.

Ցեխի կոլեկտիվը պատվավոր առաջադրանք է ստացել. պետք է մասնակցի Ավետիք Խսահակյանի տուն-թանգարանի ձևավորման աշխատանքներին (Ե, 3/I 62 թ.): Այստեղից բացվեցան իմ առջև նրաշալի տեսարաններ. երևում էին շրջակա լեռները իրենց գեղեցիկ հովիտներով, երևում էր քաղաքը իր կրկնակի պարիսպներով ու աշտարակներով, երևում էին քաղաքի բարձր, սյունաձև մինարեթները և հայոց եկեղեցիների գմբեթները (Պ, 5, 22): Մի կետում թրեթելին իրավացի է. երկիրը

պառակովել է (ի. էր., ՓԱ, 2, 60): Սակայն նա ուներ քաղաքական իդեալ—ուզում էր պահպանել այն երկիրը, որ ճանաչել էր մանկությունից (ն.տ., 1, 33): Դուք գիտեք հայ վարժապետի դրաւրյունը՝ ոստիկա այնքան քիչ էր, որ հազիվ կարողանում էի շոր գլուխս պահել (Շ, 2, 396):

Այս դեպքում ևս գոյականով արտահայտված անդամը կարող է ունենալ պարզ որոշիչներ, որոնք լրացնում, բացահայտում են նրա բովանդակությունը: Երկրորդական նախադասությունը այստեղ գործածվում է, որպեսզի ավելի կատարյալ, լրիվ դարձնի պատկերացումը տվյալ գոյականով արտահայտված առարկայի, երեսութիւ մասին. ըստ որում որպես որոշյալ դիտվում է գոյականը պարզ լրացնումների հետ: Այսպես՝ բերված օրինակներից առաջինում երկրորդական նախադասությունը որոշել, բացահայտել է պատվավոր առաջդրանք բառակապակցությունը: Այստեղ երկրորդական նախադասությունը ավելի շատ բացահայտում է պատվավոր որոշիչը, ցույց է տալիս այն պատճառը, որի հիման վրա առաջդրանքը համարվել է պատվավոր: Երկրորդ օրինակում ևս երկրորդական նախադասությունը, որը իր հերթին բարդ է և նկարագրում է մի շարք երեսութիւններ, բացահայտում է, թե ինչու են տեսարանները հրաշալի կամ որոնք են հրաշալի տեսարանները: Այլ կերպ ասած՝ այն ոչ թե լրացնում է միայն տեսարաններ բառը, այլ հրաշալի տեսարաններ բառակապակցությունը: Այս դեպքում անշաղկապ բարդ նախադասության առաջին մասը կարող է լինել անվանական նախադասություն՝ բաղկացած միայն որոշման կարիք զգացող բառակապակցությունից: Օրինակներ:

Եվ տարօրինակ բան. որ ժամին էլ լողալու լիներ բորիսովցիների նավակը գյուղերի մոտով, ափի վրա միշտ կանգնած էին լինում մարդիկ, որոնք դիմավորում էին այն (ՄԱՅ, 200): Ի՞նչ ուրախալի բան, ընդունվել է իր նոր նախագիծը (Ա. Սեկ., 18):

4) Գլխավոր նախադասության մեջ որպես որոշյալ բառ կարող են հանդես գալ ոչ միայն գոյականները, այլ նաև գոյականաբար գործածված այլ խոսքի մասեր՝ մեծ մասամբ ցուցական գերանունները և ցուցական նշանակություն ունեցող ածականներ (հենց այդ ցուցականությունն էլ ենթադրել է տալիս, որ նախադասությունը դեռ ավարտված չէ, և նրան հաջորդելու է մեկ այլ նախադասություն): Օրինակներ.

Պետք է նկատի ունենալ նետելյալը. ես գեռ չեմ առողջացել և այդ պատճառով չեմ գալիս: Զիրականացվեց ամենակարենորը. չմեքենայացվեց աշխատանքի համարյա ոչ մի ձև (Ա. Սեկ., 569):

Արոշումը մեկն էր՝ պետք է միանալ գործադուզավորներին (ԳՄԹ, 2, 342):

5) Անշաղկապ որոշիչ երկրորդական նախադասությունների մեջ շատ հազվադեպ հանդիպում են նաև այնպիսիները, որոնք որոշում են առաջին բաղադրիչի (գիտավոր նախադասության) գոյականով արտահայտված որևէ անդամը ոչ թե նրա բովանդակությունը բացահայտելու միջոցով, այլ նրա կատարած մեկ այլ գործողությունը, նրա հետ կապված որևէ երկույթ, գործողություն կամ նրա որևէ հատկանիշը նկարագրելու միջոցով։ Օրինակներ.

Դա անտում, անտեր արարածներից մեկն էր, ապրում էր երկնքի թուշունների պես (Լեռ, 64): Տեսնում եմ քո դեմքը մշուշում ես, Մերթ փայլում է ու մերթ աղոտում (Գ. Սար., 78): Մի օր անտարից գուրս գալիս տեսա մի պահից՝ ձագի հետ արածում էին դաշտում (Ե, 30/10—60 թ., էջ 3, Ահ): Կարծես այդ մարդիկ անհաջող քշնամիներ էին, չար ճակատագրի կամքով ասպարեզ էին դուրս եկել իրարուց վրեժ առնելու (Ե, 2, 163): Դաշտի վրա փուլել էր մուժ արյունամած՝ թույն էր կարծես բորբ արևի սրտից քամած (Ե, Զար., 17):

Բերված օրինակներից վերջինը ունի համեմատության իմաստային երանգ, այսինքն բացահայտում է, որոշում է առաջին բաղադրիչի ենթական (արյունամած մնած-ը) նրան համեմատելով մեկ այլ երկույթի հետ։ Մեկ օրինակ աս. Եվ կատաղում էր, որ մի մարդ չկար՝ յուր ցավն սփռիքեր կամ գեթ հասկանար... (ՀԹ, 2, 23): Այստեղ երկրորդական նախադասությամբ որոշվել է մարդ գոյականը՝ նրա կատարելիք ցանկալի գործողությունը նկարագրելու միջոցով։

Այսպիսի իմաստային հարաբերություններ արտահայտող որոշիչ երկրորդական նախադասությունները սովորաբար միանում են գիտավորին հարաբերական բառերի և շաղկապների միջոցով։ Սրանց անշաղկապ կապակցությունը անհարթ է և առաջացել է շաղկապների գեղջման միջոցով։

Այս ենթախմբի անշաղկապ բարդ նախադասությունների երկրորդ բաղադրիչում երբեմն հանդիպում են նա, այդ, այդպիսի գերանունները, որոնք փոխարինում են որոշվող բառին։ Այդ գերանունների գործածության դեպքում անշաղկապ բարդ նախադասության բաղադրիչների միջև եղած շարահյուսական կապը որոշ շափով թուլանում է, և նրանց կապակցությունը մտտենում է միավորական հավելական կապակցությանը։ Օրինակներ.

Դա լյուսինը հարցրեց, նա ետևից մոտեցել էր (Ի. էր., ՓԱ, 1, 12): Հետո նրա ուղագրությունը գրավեցին կոլտնտեսուհիները. դուլերն ու զամբյուղները ուսերին երանք մտտենում էին կաղնուն

(Ա. Սեկ., 30): Դա մի խղճուկ թատրոն էր. այդպիսիները շատ կային Պոլսում (Վահր. Փափ., 1, 6):

Ինչպես վերևում ասվել է, որոշիլ երկրորդական նախադասությունները անշաղկապ բարդ նախադասություններում լինում են վերջադաս: Սակայն սակավաթիվ գոյականների որոշման ժամանակ, երկրորդական, կամ, այստեղ ավելի ճիշտ կլինի ասել, բացատրական նախադասությունները, լինում են առաջադաս: Այդ նկատվում է հետեւյալ դեպքում. բարդ նախադասության առաջին մասը իր հերթին լինում է բարդ և ունենում է թվարկման նշանակություն: Նրան հաջորդում է երկրորդ բաղադրիչը, որն սկսվում է այս կամ այդ ցուցական դերանվամբ և նախորդ նախադասությունների (բաղադրիչների) բովանդակությունն ամփոփող բառով (գոյականով): Փաստորեն երկրորդ բաղադրիչի այդ բառի բովանդակությունը բացահայտվում, որոշվում է նախորդ նախադասությունների բովանդակությունների օգնությամբ: Այս կառուցվածքի նախադասություններում կարող են հանդես գալ միայն սահմանափակ թվով գոյականներ, դրանք են՝ հարց, խնդիր, առաջադրանք, եզրակացություն և այլն: Օրինակ.

Ո՞վ էր նա, ո՞ւմ աղջիկն էր, որտե՞ղ կարելի էր տեսնել նրան, կամ ծանոթանալ նրա հետ, այս հարցեցը մեծ մտատանջություն էին պատճառով երիտասարդին (Մուլ., 1, 214): Պետք է բարձրացնել բերքատվությունը, պայքարել ինքնարժեքն իշեցնելու համար, ահա այս խնդիրներն են դրված մեր առաջ:

Ինչպես երևում է բերված օրինակներից, այս կառուցվածքի նախադասություններում, այսպես կոչված, որոշյալը (ավելի ճիշտ կլիներ ասել առաջին բաղադրիչի բովանդակությունն ամփոփող բառը) դրվում է հոգնակի թվով, որով ընդգծվում է առաջին բաղադրիչի թվարկման նշանակություն ունենալը: Առաջին բաղադրիչը կարող է լինել նաև պարզ և արտահայտել որևէ հարցում, եզրակացություն, կամ որևէ առաջադրանք, խնդիր: Երկրորդ բաղադրիչը այս դեպքում ևս ակսվում է այս, այսպիսի, այդ, այդպիսի ցուցական դերանուններով և առաջին բաղադրիչի բովանդակությունն ամփոփող բառով (գոյականով), որը կարող է հանդես գալ նախադասության տարբեր անդամների պաշտոնով: Բերենք մի քանի օրինակ.

Ինչո՞ւ էր նա այդքան հուզված, — այս հարցը երկար ժամանակ մտատանջում էր ինձ: Նա անպայման այսօր կգա, — այս եզրակացությանը ես հանգեցի երեկվա դեպքից հետո: Պետք է անմիջապես մեկնել — այս առաջադրանքը տվեց մեզ մեր ջոկատավարը:

Ինչպես երևում է բերված օրինակներից, առաջին բաղադրիչի

բովանդակությունն ամփոփող բառը երկրորդ բաղադրիչում սովորաբար լինում է առաջադաս (ցուցական գերանվան հետ միասին): Դրա հետևանքով ամբողջ բարդ նախադասության տրամաբանական շեշտը ընկնում է նրա վրա, որի օգնությամբ շեշտվում է նաև առաջին բաղադրիչի բովանդակությունը: Այս տիպի նախադասությունների կառուցվածքային առանձնահատկություններից է նաև այն, որ երկու բաղադրիչ մասերի միջև եղած շարահյուսական կապը զգալի թույլ է: Այդ բանը դրսերպում է ինտոնացիայի միջոցով, առաջին բաղադրիչի վերջում ձայնը զգալի իջնում է (մոտենում է ավարտված նախադասության ինտոնացիային), որին հաջորդում է դադար, ապա ձայնի կտրուկ բարձրացումով արտասանվում է երկրորդ բաղադրիչը: Գրավոր այսպիսի նախադասության մասերը իրարից բաժանվում են ստորակետ-գծով, անշատման գծով կամ միջակետով:

Սրանք են այն անշաղկապ բացատրական նախադասությունները, որոնց մեջ բաղադրիչ մասերից մեկը բացահայտում է մյուս բաղադրիչի ընդհանուր անորոշ նշանակություն ունեցող անդամը, նրա նկատմամբ կատարում որոշչի պաշտոն: Այս նախադասությունները շատ են տարածված ինչպես բանավոր, այնպես էլ գրավոր խոսքով: Ի տարբերություն մյուս անշաղկապ բարդ նախադասությունների, նախադասությունների այս տեսակը տարածված է նաև հրապարակախոսության լեզվում:

ՈՒՂԻՂ ԽԵՒԽԻՐ ԵՐԿՐՈՐԴԱԿԱՆ ՆԱԽԱԴԱՍՈՒԹՅՈՒՆ ՊԱՐՈՒՆԱԿՈՂ  
ԲԱՑԱՏՐԱԿԱՆ ԱՆՇԱՂԿԱՊ ԲԱՐԴ ՆԱԽԱԴԱՍՈՒԹՅՈՒՆՆԵՐ

Հայերենում շատ է տարածված ուղիղ շարահյուսական պաշտոն կատարող նախադասությունների անշաղկապ կապակցությունը: Սրանք շատ են հանդիպում հատկապես գեղարվեստական գրականության մեջ: Գիտական գրականության մեջ անշաղկապ ուղիղ խնդիր երկրորդական նախադասությունները սովորաբար չեն գործածվում: Ուղիղ խնդիր երկրորդական նախադասությունների անշաղկապ կապակցություն հանդիպում է այն դեպքում, երբ գլխավոր նախադասության մեջ ստորոգյալը արտահայտված է լինում ներգործական սեռի բայով և գործողության կատարման համար պահանջում է օրյեկտ: Այդ օրյեկտի դերը այստեղ կատարում է երկրորդական նախադասությունը:

Ուղիղ խնդիր երկրորդական նախադասություն պարունակող անշաղկապ բարդ նախադասությունները ունեն հետեւյալ կառուցվածքային առանձնահատկությունները:

ա) Ուղիղ խնդիր երկրորդական նախադասությունը սովորաբար լինում է վերջադաս, այսինքն դրվում է գլխավոր նախադասությունից հետո: Եվ դա շատ բնական է, որովհետև շաղկապի բացակայության պայմաններում պետք է նախապես հաղորդվի այն նախադասությունը, որի բայց ներգործական է և պահանջում է գործողության օրյեկտ, այսինքն՝ գլխավոր նախադասությունը. օրինակ՝ նս զիտեմ, եա շատ ուրախ կլինի ինձ տեսնելով (ԳՄԵ, 360): Այստեղ առաջին նախադասության մեջ առկա զիտեմ ստորոգյալի ներգործական բնույթը ենթադրել է տալիս, որ նախադասությունը ավարտված չէ և որ պետք է հաղորդվի նաև նրա օրյեկտի մասին: Վերջինս, այս դեպքում, ոչ թե առարկա է, այլ իրողություն, երևույթ, եղելություն, այդ պատճառով տրվում է նկարագրության միջոցով և հանդես է գալիս երկրորդական նախադասության ձևով (եա շատ ուրախ կլինի ինձ տեսնելով): Երկրորդական նախադասությունը առաջադաս հանդես է գալիս միայն երրեմն, այն էլ այն դեպքում, երբ կամ երկրորդական նախադասությունը հարցական է և կամ գլխավոր նախադասության մեջ առկա է դերանվամբ արտահայտված ուղիղ խնդիր, որն իր նույթական բովանդակությունը ստանում է երկրորդական նախադասությունից: Օրինակ՝ ինչո՞ւ ծնվեց նրա մեջ այդ ցանկությունը, ինքն էլ զգիտեր (ԱԲ, 64), կամ՝ Ուրիշ փոխադրությունների համար դուք ունեք ուրիշ մեքենաներ, ես դա լավ գիտեմ (ՄԱՊ, 687): Այս կառուցվածքի նախադասություններում ստորադասական կապակցությունը որոշ շափով թուլանում է, այն մոտենում է հավելական կապակցությանը:

Անշաղկապ բարդ նախադասությունների հետ շպետք է շփոթել այն նախադասությունները, որոնք թեև ձևով նման են ուղիղ խնդիր երկրորդական նախադասություն պարունակող անշաղկապ բարդ նախադասություններին, սակայն փաստորեն միջանկյալ նախադասություն պարունակող պարզ նախադասություններ են. այսպիս, օրինակ՝ իսկ մասնագետներ, դուք լավ զիտեք, մենք շատ ունենք (Ա. Սեկ., 542): Իսկ վերաբերու, չէին ենջում, տեսե՞լ էին նրա հագին (Ն. տ., 420): Այս նախադասություններում դուք լավ զիտեք և չէին ենջում թեև ձևով նման են ուղիղ խնդիր պարունակող անշաղկապ բարդ նախադասությունների գլխավոր (գերադաս) մասին, սակայն իրականում միջանկյալ նախադասություն են, որովհետև նրանք շարադիյուսորեն կապված չեն հաղորդման հիմնական նպատակը հանդիսացող նախադասության հետ, այլ սոսկ տալիս են լրացուցիչ տեղեկություն այդ նախադասությունների բովանդակությունների վերաբերյալ (առաջին դեպքում հավաստում են նկարագրված գոր-

ծողությունը՝ վկայակոչելով խոսակցին, երկրորդ դեպքում ընդգծում են հաղորդվածի ստուգդ լինելը):

բ) Ուղիղ խնդիր երկրորդական նախադասություն պարունակող անշաղկապ բարդ նախադասությունները ունեն բացատրական կամ նախազգուշական ինտոնացիա: Առաջին՝ գլխավոր նախադասությունը արտասանվում է սկզբում ձայնի որոշ բարձրացումով, այնուհետև ձայնը աննշան իշխում է (սովորաբար շեշտվում է ստորոգյալը, որը լրացման կարիք է ունենում): Դրան հաջորդում է փոքր դադար, ապա արտասանվում է երկրորդ նախադասությունը: Երբ երկրորդական նախադասությունը առաջադաս է լինում, այն արտասանվում է վերջում ձայնի զգալի իշխումով, իսկ դադարը անշաղկապ նախադասության մասերի միջև ավելի մեծ է լինում: Շատ հաճախ առաջադաս երկրորդական նախադասությունը ունենում է հարցական ինտոնացիա: Դրավոր խոսքում գլխավոր նախադասությունից հետո դրվում է ստորակետ կամ բութ. (վերջինիս միջոցով ավելի է ընդգծվում երկրորդական նախադասության բացատրական բնույթը): Գլխավոր նախադասությունից հետո երբեմն դրվում է նաև միջակետ: Դրանով ցույց է տրվում, որ անշաղկապ բարդ նախադասության մասերը հանդես են եկել որպես համեմատաբար ինքնուրույն միավորներ: Այս դեպքում նրանց միջև եղած դադարը համեմատաբար մեծ է լինում: Երբ առաջադաս է ուղիղ խնդրի պաշտոն կատարող երկրորդական նախադասությունը, նրանից հետո դրվում է ստորակետ կամ միջակետ (բայց ոչ երբեք բութ), իսկ երբեմն այդ մասերը իրարից բաժանվում են անշատման գծով (տես նախորդ, ինչպես նաև հաջորդ օրինակները):

Այստեղ պետք է խոսել այն անշաղկապ նախադասությունների մասին, որոնց բաղկացուցիչ մասերի միջև եղած դադարը այնքան փոքր է (համարյա չկա), որ նրանք չեն դիտվում իբրև առանձին միավոր-նախադասություններ, այլ ընկալվում են որպես մեկ պարզ նախադասություն: Այս տիպի նախադասություններ շատ են գործածվում բանավոր խոսքում, մասամբ նաև գեղարվեստական գրականության մեջ (հատկապես երկախոսություններում): Այստեղ կամ երկրորդ բաղադրիչի ստորոգյալի ստորոգման իմաստը այնքան է մթագնվում, որ այն հանդես է գալիս փաստորեն որպես պարզ լրացում՝ նման դեղբայական դարձվածին, ցույց տալով գործողության կատարման օբյեկտը և կամ գլխավոր հանդիսացող մասըն է դադարում դիտակցվել որպես առանձին նախադասություն: Գրավոր խոսքում այս երևոյթը արտահայտվում է նրանով, որ անշաղկապ նախադասության մասերի միջև տրոհման որևէ նշան չի

դրվամ (այս նախադասությունները չի էլ կարելի անշաղկապ բարդ նախադասություններ համարել): Բերենք մի բանի օրինակ.

Մեր ջերմ ողջույնները տարեք Միության աշխատավորությանը, ասացեք, որ խնդրում ենք մեզ շմոռանան (Ավ. Իս., 3, 144): Եթ մոտեցավ, ուզեց գրկի հորը՝ կամաց մի կողմ հրեց հայրը նրան (Ե. Զար., 98): Այդ գերվիշը — տեսե՞՞ն նա նստած ուզում է ըմբռնի ու հասնի. իր մտքի թևերին վստա՞ճ ուզում է ըմբռնի ու հասնի (Ն. տ., 171): Էլ գելը չի կարա մեր գեղին մոտենա (ՄԱՊ, 104):

Բերված օրինակներում շմոռանան, գրկի, ըմբռնի, հասնի, մոտենա բայերը այլևս չեն գիտակցվում որպես բայի խոնարհված ձեվեր, մթագնված է նաև նրանց ստորոգման նշանակությունը: Գրական լեզվում այդ ձևերի փոխարեն գործածվում է անորոշ գերբայի հայցական հողովը (խնդրում ենք շմոռանալ, ուզեց գրկել, ուզում է ըմբռնել և այլն):

Ինչպես երևում է բերված օրինակներից, այս կառուցվածքներում գործածվում են միայն ըղձական եղանակի ձևերը, որոնք ուղիղ խնդրին տալիս են նպատակի իմաստային երանգ: Նույն երևույթին ենք հանդիպում նաև այն դեպքերում, երբ անշաղկապ նախադասության առաջին մասը ժխտական է, իսկ երկրորդը պարունակում է անուղղակի հարցում: Օրինակ՝

Զիմացավ սունկը քողնի՝ կրակի վրա, վազի մոր հետևից, թե՝ սունկն էլ հետը տանի (ԱԲ, 193): Ես մի քանի բոպե մնացի շվարած... Հգիտեի ինչ անեմ, ուր վազեմ (Շ, 1, 4): Ինչպես երևում է, այստեղ ևս անորոշ դերբայի իմաստով գործածվել են ըղձական եղանակի բայեր (քողնի, վազի, անեմ, վազեմ, տանի): Այս ձևերը հանդիպում են այն դեպքերում, երբ առաջին մասի ստորոգալի և նրա օրյեկտը հանդիսացղող գործողության սուրյեկտը նույնն է (տե՛ս վերևի օրինակները):

Ինչպես արդեն ասացինք, որոշ անշաղկապ նախադասություններում գլխավոր մասն է սկսել կորցնել իր՝ առանձին նախադասության իմաստը՝ վերածվելով եղանակավորող բառերի և բառակապակցությունների կամ մոտենալով նրանց: Օրինակներ՝

Մեկ էլ տեսար պարզեց, որ այդ... բարդ տերմինների տակ թաքնված է սովորական մի բան (Վերդ., ԻԳԵ, 335): Մեկ էլ տեսար վաղելով ներս ընկավ մի երեխա (Ա. Սահ., 176): Ով գիտե ինչ էին մտաբերում ծերերը վագող ջրին նայելիս (ԱԲ, 522): Անցնում է նա անհույս, մենակ, հողմի գրկում, ո՞վ գիտե, ո՞ւր պիտի կանգնի ամպը մոլոր (Գ. Սար., 1, 19): Ես եմ սարքել՝ տեսնեմ կհավանե՞ս (Ա.

Սեկ., 119): Ասաց՝ գալիս եմ, ի՞նչ իմանամ, ուր գնաց (ն. տ., 592):  
Տեսա ուշանում է, էլ շսպասեցի («Ավանդարդ», 5/2—59 թ. էջ 4):

Բերված օրինակներում Մեկ էլ տեսար և ով զիտե արդեն լրիվ  
վեր են ածվել եղանակավորող բառակապակցությունների (առաջինը  
ցուց է տալիս, որ խոսողը նկարագրված գործողությունը դիտում է  
իրոք հավանական, իսկ երկրորդը՝ որպես անհայտ, ոչ հավաստի  
գործողություն), իսկ տեսնեմ, ինչ իմանամ, տեսա ձևերը արդեն  
դադարել են գլխավոր նախադասություն գիտակցվելուց, մոտենում  
են եղանակավորող բառերին, բայց դեռևս լրիվ շեն վերածվել վեր-  
ջիններիս:

գ) Առաջադաս գլխավոր նախադասության մեջ անշաղկապ կա-  
պակցության ժամանակ ձևական ուղիղ խնդիր սովորաբար չի լի-  
նում: Գործողության օրյեկտի պաշտոնը անմիշաբար կատարում է  
բարդ նախադասության երկրորդ բաղադրիչը: Միայն երբեմն, երբ  
անհրաժեշտ է լինում ընդգծել, որ գործողության օբյեկտը մեկն է  
և բարդ նախադասության տրամաբանական շեշտը դնել գործողու-  
թյան օբյեկտը նկարագրող մասի վրա, գլխավոր մասում հանդես  
է գալիս մի բան ձևական ուղիղ խնդիրը, որը ենթադրել է տալիս  
բացատրական մասի գոյցությունը: Դադարը անշաղկապ բարդ նա-  
խադասության մասերի միջև այս դեպքում լինում է ավելի երկար,  
որը գրավոր արտահայտվում է միջակեսի միջոցով: Մի բան-ը սո-  
վորաբար դրվում է գլխավոր նախադասության վերջում՝ ստորոգյա-  
լից հետո. օրինակ՝ ... Բայց հաստատապես գիտեր մի բան. հողին  
կյանք տվողը ջուրն է, մարդուն կյանք տվողը՝ հողը (Ա. Սահ., 311):  
Միայն երբեմն այն առավել շեշտելու նպատակով շրջուն շարադա-  
սությամբ դրվում է նաև ստորոգյալից առաջ. օրինակ՝ նս մի բան  
կարող են ասել. դու այսօր շես կարողանա գնալ:

Անշաղկապ բարդ նախադասության ուղիղ խնդիրի պաշտոնը  
կատարող մասի առաջադաս դրվելու դեպքում գլխավոր մասը կարող  
է սկսվել այդ, դա ցուցական դերանուններով կամ այդ բանը բա-  
ռակապակցությամբ, որոնք ամփոփում են առաջին մասի բռվանդա-  
կությունը և նպաստում բարդ նախադասության կառուցվածքային  
ամբողջություն ստեղծելուն. օրինակ՝ Դու շես տեսել, այդ ես գիտեմ,  
կամ՝ Արամը շի կարող գնալ, զբաղված է. այդ բանը դու լավ հի-  
շեցրիր:

Սրանք են հիմնականում ուղիղ խնդիր՝ երկրորդական նախա-  
դասություն պարունակող անշաղկապ բարդ նախադասությունների  
կառուցվածքային առանձնահատկությունները:

Ուղիղ խնդիր անշաղկապ երկրորդական նախադասությունները

կարող են դրվել միայն շատ սահմանափակ թվով ներգործական սեռի բայերի մոտ։ Դրանք են՝

ա) Ասացական բայերը — ասել, կրկնել, հարցնել, բացատրել, ավանդել և այլն։ Ուղիղ խնդիր անշաղկապ նախադասություններ շատ են հանդիպում հատկապես ասել բայի մոտ և արտահայտում են հետեւյալ իմաստային հարաբերությունները։

1. Հաղորդվում են ընդհանուր ճանաշում գտած և տարածված, ինչպես նաև ընդհանուր-անորոշ նշանակություն ունեցող երկությունների մասին։ Անշաղկապ բարդ նախադասության առաջին՝ գերադաս մասում ենթական սովորաբար չի լինում, իսկ ստորոգյալը, որը ասել բայն է, դրվում է ներկա (երբեմն նաև վաղակատար) ժամանակի հոգնակի Յ-րդ գեմքով։ այդ միջոցով է հենց դրսեղբլում հաղորդվածի ընդհանուր-անորոշ նշանակություն ունենալը։ Այնուհետև հաջորդում է երկրորդ մասը, որով հաղորդվում է ընդհանուր ճանաշում գտած կամ ընդհանուր-անորոշ նշանակություն ունեցող երկությի մասին։

Բերենք մի բանի օրինակ։

Այստեղ են ասել՝ գյուղը կանգնի՝ գերան կկոտրի (Դ. Ռշ. Մ., 282): Ասում են՝ միասին մեռնելն էլ մի միսիթարություն է (Հ. Իկվ., 45): Ասում են՝ այն օրվանից, երբ Սալվարդը ոտք է դրել Արինոք, նասրի տան քուրզը սկսել էր ավելի ջերմությամբ վերաբերվել հայերին (Դ. Խ, 51): Ասում են՝ գլուխը մարդու նման է (Մ. Ման., 113): Ասում են, կարելի է շատ հոգսից ծերության օրերում խելքից էլ զրկվի (Շ, 1, 52):

Բերված օրինակներից առաջին երկուսում հաղորդվում են ընդհանուր ճանաշում գտած, տարածված դատողություններ, իսկ հաջորդ երեքում խոսողի նպատակն է հաղորդել այնպիսի երկությ, իրողություն, որի մասին ինքը լսել է, սակայն հավաստի չի համարում։

2. Երբ խոսողը ցանկանում է ընդգծել, շեշտել իր համոզվածությունը հաղորդվածի ճշտության վերաբերյալ, որպես գլխավոր նախադասության ստորոգյալ հանդես է գտալիս ասել բայը՝ առաջին դեմքով։ Օրինակներ՝

Ես ասում եմ՝ աշխարհը կդառնա մի հանուր խնդության փողոց (Ե. Զար., 44): Բայց ես մի բան կասեմ, որրի ծիծաղը չի կարելի խանգարել (ՆԶ, ՊՊՆ, 16): Ախոր ես ասացի քեզ՝ նա լավ ճաշակ ունի (ՄԱՊ, 633): Ուղղակի ասեմ՝ անձամբ ինձ նա վստահություն չի ներշնչում (Ի. Էր., ՓԱ, 2, 160): Բայց կրկնում եմ, խնդիրն այդ չէ (Ն. տ., 2, 160): Վերջին օրինակում նույն իմաստով գործածվել է կրկնել բայը։

Յ. Ասացական բայերից ասել-ին և հացել-ին լրացնող անշաղկապ ուղիղ խնդիր երկրորդական նախադասությունները կարող են լինել անողղակի հարցում. Օրինակ՝

Արություն ապեր, ուղում ես ասեմ, ինչի ես եկել ինձ մոտ (ԱԲ, 136): Հարցենում ենք՝ ինչպես է առողջությունը (ՍԱ, 1, 1960, 27):

Սակայն ավելի հաճախ այս բայերի մոտ անշաղկապ երկրորդական նախադասությամբ արտահայտված հարցը լինում է ուղղակի. դա ավելի կենդանի, անմիջական, դիպուկ է դարձնում խոսքը և այդ պատճառով շատ գործածական է երկախոսությունների մեջ: Օրինակներ՝

Ինչ որ տեսել ես դարերի շեղում, Ասա, հայտնիր, հարցենում եմ՝ ի՞նչն է մարդկային կյանքի երջանկությունը (Ավ. հս., 3, 163): Մենք միայն հարց ենք տալիս. ինչո՞ւ համար դուք յուղ լցրիք հրդեհի վրա (ՆԶ, ՊՊՆ, 96): Ասա, ի՞նչ եփեմ քեզ համար, թանապո՞ւր, խավե՞ծ, փլա՞վ... ասա, ի՞նչ է ուզում սիրադ (Հիկվ, 37): Հիմա ասա՝ այսօր դու նախաճաշին ազա՞տ ես (հ. էր., ՓԱ, 1, 35): Ասացեք ինդրեմ, ինչո՞վ է տանից պակաս (ՀԹ, 3, 94): Էղ թողնենք, դու էն ասա, ամսական ի՞նչ ես ստանում (Դ. ՌՀ, Մ., 50): Վերջին օրինակում էն ցուցական դերանվան միջոցով ընթերցողի ուշադրությունը կենտրոնացվում է հարց պարունակող երկրորդական նախադասության վրա: Ինչպես ցուց է տալիս ուսումնասիրությունը և ինչպես երևում է բերված օրինակներից, ասել բայի մոտ ուղղակի հարց պարունակող անշաղկապ ուղիղ խնդրի պաշտոն կատարող երկրորդական նախադասություն է դրվում այն դեպքում, երբ խոսողը դիմում է խոսակցին և պահանջում է տրված հարցի պատասխանը. այդ իսկ պատճառով ասել բայը այս դեպքում սովորաբար դրվում է հրամայական եղանակով—հրամանի իմաստը մեղմելու համար շատ հաճախ ասել բայի մոտ դրվում են խնդրեմ, տեսնեմ բայերը (ասա տեսնեմ, ասացեք խնդրեմ), որոնք այստեղ կատարում են միայն եղանակավորող բառի դեր (փաստորեն կորցրել են իրենց բայական հատկանիշները). օրինակ՝ Ասացեք, տեսնեմ, որտե՞ղ եք գտնվում (Ա. Սեկ., 580): Կամ Բայց ինձ ասա տեսնեմ, ինչպիսի՞ աղջիկ է (ՆԴ, 2, 419):

Երբեմն հարցական կարող է լինել ամբողջ անշաղկապ բարդ նախադասությունը: Պարզ է, որ այս դեպքում ասել բայը չի դրվում հրամայական եղանակով. այն դրվում է կամ ըղձական, կամ պայմանական եղանակով, իսկ ենթական լինում է անձնական կամ հարցական (ո՞վ) դերանում. օրինակ՝ ԵՎ ո՞վ, ո՞վ կասի՞ նետե՞լ է ար-

դյուք մեկը աշխարհում Այսօրվա կարմիր, կարմիր ձեր երթին ող-  
ջույն—ավելի առնական, արի (Ե. Զար., 24):

Երբ խոսողը հնարավոր չի համարում տրված հարցին պատաս-  
խանելը կամ կասկածի տակ է առնում այդ հնարավորությունը,  
հարց պարունակող երկրորդական նախադասությունը մեծ մասամբ  
դրվում է առաջադաս և հանդիսանում է վերջադաս գիշավոր նախա-  
դասության՝ կարող է միադիմի ստորոգյալի կամ կարողանալ բայց  
մոտ դրված ասել ուղիղ խնդրի լրացումը. ըստ որում ստորոգյալը  
կամ դրվում է ժխտական ձևով և կամ առկա են լինում նաև դժվար,  
հազիվ եղանակավորող բառերը (Հաճախ թե-ի հետ): Վերջիններիս  
միջոցով արտահայտվում է հարցին պատասխանելու հնարավորու-  
թյան կասկածի տակ առնվելը: Օրինակներ՝

Աղջիկը, իրոք որ, շատ տգեղ էր: Խսկ թե ինչո՞վ էր տգեղ, ինչո՞ւ  
էր տգեղ՝ շեմ կարող ասել (ՄԱՊ, 571): Ի՞նչ կար նրա մեջ այդպես  
թովիչ՝ ոչ ոք չէր կարող ասել (ն. տ., 481): ... Հայոց այգիներն ի՞նչ  
պտուղ տվին, հայոց արտերում ի՞նչ բերք էր հասել, —դժվար է ասել  
(Պ. Սևակ, 7):

4. Ուղիղ խնդիր պարունակող անշաղկապ բարդ նախադասու-  
թյուններով կարող է հաղորդվել նաև ուղիղ խոսքը: Դա լի-  
նում է հատկապես այն ժամանակ, երբ խոսողը վերապատճում է  
անցյալում կատարված իրողությունների, խոսակցությունների մա-  
սին: Բերենք մի քանի օրինակ.

Ինձ ճամանմ մի դուքանչի ասում էր՝ շաբարը շուտ կրանկի,  
նմանապես կտորը (ԱԲ, 533): Երբ փողոցում երևում էր Ալեքսանդրա  
Տիմոֆեևնան, ապա հարևանները զարմացած ասում էին՝ նոր, փա-  
ռանեղ տուն ունի, խսկ ինքը հնամաշ շորեր է հագնում (Ե, 25/12—  
1960 թ., էջ 4): Դուռը բաց չարի, ասի՝ շեմ ուզում, գնա (ՀԹ, 3, 138):  
Եկա ասի՝ Արքար, արջի բուն եմ զտել, արի գնանք արջին բնիցը  
հանենք (ն. տ., 81): Այս ձևը շատ է տարածված նաև առածների,  
ասացվածքների մեջ. օրինակ՝ Պուտուկն ասաց՝ իմ տակ ոսկի ա,  
շերեխն ասաց՝ ես են՝ ստ կուզամ (Հայկ. առած., 63):

Ասացական պետք է համարել նաև երգել բայց հետևյալ ան-  
շաղկապ բարդ նախադասության մեջ՝ նա պիտի երգի՝ ինչ է կամեցել  
իր մտխրակալած-հրակեզ նոզին (Պ. Սևակ, 7):

Կառուցվածքային նույն առանձնահատկություններն ունեն նաև  
մյուս ասացական բայերի մոտ դրված ուղիղ խնդիր երկրորդական  
նախադասությամբ անշաղկապ բարդ նախադասությունները: Օրի-  
նակներ՝

Բացատրից, խնդրեմ, ինչով կվերջանա այս ամենը (Ի. Էր., ՓԱ,

1, 116): Կարճ էր հասակը, թե բարձր, թավ էր ձայնը, թե բարակ, և գիտեր նա սրինք նվազել..., —այդ բալորն ինձ շավանդեց իմ ընկեր Ավազը (ԱԲ, 239):

բ) Ուղիղ խնդրի պաշտոն կատարող անշաղկապ նախադասություններ դրվում են նաև իմացական, ինչպես նաև իմաստով նրանց հարող բայերի մոտ—դրանցից են՝ գիտենալ՝ իմանալ, գուշակել, նասկանալ, ըմբռնել, նիշել, լսել և այլն: Օրինակներ՝

Ես գիտեմ, նա շատ ուրախ կլինի ինձ տեսնելով (ԳՄԵ, 360); Հիշում եմ՝ օրը լուսավոր էր, երկինքը ջինջ ու անհատակ (Ե. Զար., 196):

Հատկապես շատ են տարրածված գիտենալ բայի լրացումը հանդիսացող անշաղկապ ուղիղ խնդրի նախադասությունները, որոնք ուժեղ կառուցվածքային հետևյալ առանձնահատկությունները.

1. Անշաղկապ բարդ նախադասության գերադաս մասը հաստատական է, ոմնի պատմողական բնույթ, ստորոգյալն է գիտենալ բայը, որի սեռի պահանջով հանդես է գալիս երկրորդական նախադասություններում, ինչպես նախորդ տեսակի անշաղկապ բարդ նախադասություններում, այստեղ ևս երկրորդական նախադասությունը ունենում է ազատ կառուցվածք. կարող է լինել պարզ, ընդարձակ, բարդ: Թերենք մի քանի օրինակ.

Ես գիտեմ հիմա—ամենքի նման մի սովորական աղջիկ էիր գու (ՎՏ, Երկ., 120): Բայց նա գիտեր՝ գլխավոր ինժեներն իր վճիռներից երրեք ետ չէր կանգնում (Խել., ՄՄՀ, 61):

Նույնանման կառուցվածք ուժեղ նաև իմանալ բայի մոտ դրված մի շարք նախադասություններ. այսպես՝

Հնա և իմացած եղիր՝ այսուհետև իմ ճանապարհը աղատության պողոտան է (ԳՄԹ, 2, 350): Իմացավ՝ մոտենում ենք—շտապով ետես գնաց, ներս մտավ, թաքնվեց (ՀԹ, 3, 94): Սաղն ինչ կիմանա, կաղն ինչ ա (Հայկ. առած., 141):

Երբեմն գլխավոր մասում գործածվում է մի բան բառակապակցությունը, որը կատարում է ձևական ուղիղ խնդրի պաշտոն և ընդգծում է երկրորդական նախադասության բովանդակությունը, միաժամանակ ավելի սերտ դարձնելով գլխավոր և ստորադաս մասերի կապակցությունը. Օրինակ՝ Բայց հաստատապես գիտեր մի բան. Հողին կյանք տվողը ջուրն է, մարդուն կյանք տվողը՝ Հողը (Ա. Սահ., 311): Մյուս կողմից մի բան բառակապակցությունը ավելի կոնկրետ է դարձնում իմացության օրյեկտը: Հաճախ իմացության օրյեկտի կոնկրետ, որոշակի լինելը ընդգծելու համար երկրորդական նախադասությունը շրջուն շարադասությամբ լինում է առաջադաս, իսկ

գլխավորի մեջ հանդես է գալիս այդ (երբեմն նաև դա) ցուցական դերանունը, որը սովորաբար դրվում է զլխավոր նախադասության սկզբում, երբեմն նաև ենթակայից հետո, բայց միշտ ստորոգալից առաջ իմացության օբյեկտ հանդիսացող երկրորդական նախադասությունը այս դեպքում սովորաբար ունենում է եղբակացության, եղբահանգման նշանակություն։ Այս օրինակներ։

Անառիկ է այդ բերդը—ամենքը այդ գիտեն (Ե. Զար., 300): Արշակը գնաց Արամի հաճախած սրճարանը, դռնից նայեց ներս։ Արամը չկար. ի՞նարկե դեռ շպիտի լիներ, այդ լավ գիտեր ինքը, (Ավ. Իս., 3, 101): Դու անվանի մարդ ես, այդ մենք գիտենք, ամբողջ շրջանը գիտի (ՍևՀ, 1, 11): Նրանք սիրում էին միմյանց. այդ գիտեր քագումին (Մուլ., 3, 244): Ուրիշ փոխազդությունների համար ուրեք ունեք ուրիշ մեքենաներ, ես դա լավ գիտեմ (ՄԱՊ, 687): Հետևանք ես դու, իմաստուն,—այս մեկը դու լավ իմացիր... (Ե. Զար., 171): Վեցին օրինակում որպես զլխավոր մասի իմացական բայով արտահայտված ստորոգալի ձևական ուղիղ խնդիր հանդես է եկել այս մեկը բառակապակցությունը։ Իմացության օբյեկտի որոշակի, հավաստի լինելը ընդգծելուն օժանդակում է նաև լավ, հաստատապես, հաստատ մակրայների գործածությունը ձևական ուղիղ խնդիրների մոտ (տե՛ս վերևի օրինակները):

Երբ զլխավոր նախադասությունը հարցական է կամ ժխտական, օբյեկտ հանդիսացող երկրորդական նախադասությունը միշտ արտահայտում է հարցում, ըստ որում հարցումը լինում է կամ անուղղակի, կամ ուղղակի։ Բերենք մի քանի օրինակ։

Քաշում են տանից, քաշում են դռնից, ու չես իմանում՝ որ կողմը բռչես (ՀԹ, 2, 38): Դարերի մշուշից է բռւսել նա. շգիտենք՝ երբ է տնկլած, ում ձեռքով (Ավ. Իս., 3, 141): Ով գիտե՞ ինչ մարդիկ կան այնտեղ (ԳՄԹ, 2, 339): Զգիտե՞ որտեղից է գալիս ջութակի հեկելանքը տրտում (ՎՏ, Երկ., 119): Ո՞վ գիտա՞ ինչ էին երազում (Ավ. Իս., 3, 124): Այս օրինակներում երկրորդական նախադասությունը պարունակում է անուղղակի հարցում։

Ո՞վ գիտե արդյո՞ք՝ բերե՞լ է մեկը այսօր աշխարհում խառնելու ձեր մեծ ու հզոր երգին Մի երգ—ավելի ըմբռստ ու արի (Ե. Զար., 24): Ես շգիտեմ՝ ո՞ւ են տանում հեռավոր Ուղիների ժապավեններն անհամար (ՎՏ, Երկ., 62): — Ծանոթացանք, բարեկամացանք, հիմա բաժանվում ենք. ո՞վ գիտե՞ տեսնելո՞ւ ենք մեկ էլ իրար (Ավ. Իս., 3, 143): Ո՞վ գիտե՞ ո՞վ է վառել հուրը, հրդեհն այս հսկա (Ե. Զար., 133): Այս օրինակներում արդեն իմացության օբյեկտը ուղղակի հարցում է։

Սանոթություն—ո՞վ զիտե գլխավոր նախադասությունը ունի ընդհանուր-անորոշ նշանակություն և այդ պատճառով սկսում է դադարել որպես նախադասություն զիտակցվելուց և վեր է ածվում եղանակավորող բառակապակցության:

Շատ հաճախ այս նախադասությունները (հարց պարունակող նախադասությունները) ոմնենում են հակառակ շարադասություն—այսինքն՝ սկզբում հաղորդվում է հարցը, ապա գլխավոր նախադասությունը, որը դարձյալ լինում է կամ ժխտական, կամ հարցական. օրինակ՝

Ո՞ւր ես, ո՞ւր ես՝ շրջիտեմ (Վ.Տ, Երկ., 159): Եվ ինչո՞ւ եկան, և ինչո՞ւ անցան—Մենք չենք իմանում աշխարհում անդուռ (Ե. Զար., 139): Ի՞նչ էր զտել նա իմ մեջ, շզիտեի (Մուր., 3, 66): Արդյոք այդ մոայլ, կամ արապատ անկյուններով իրար կպած խցիկները կայի՞ն պարիսպները շինվելուց առաջ, թե՝ հետո շինեցին, շզիտեմ (Մ. Ման., 202): Ո՞վ էր այդ մարդը, մենք շզիտեինք (ԱԲ, 134):

Անշաղկապ բարդ նախադասության վերջադաս գլխավոր մասը այս դեպքում ևս երբեմն սկսվում է այդ կամ դա ցուցական դերանուններով. օրինակ՝

Ի՞նչ ցեղից էր նա—այդ ո՞վ կիմանար (Ե. Զար., 5): Ինչո՞ւ հացը պակասեց, մենք այդ շիմացանք (ԳՄԵ, 483): Ինչպե՞ս սկսվեցավ նրանց սերը, այդ ոչ ոք շզիտեր (Մուր., 3, 246):

Երբեմն, ժխտական կառուցվածք ունենալու դեպքում, գլխավոր նախադասության ենթակայի և իմացական բայով արտահայտված ստորոգյալի միջն դրվում է էլ եղանակավորող բառը, որով ավելի է ընդգծվում նրա ժխտական նշանակությունը. օրինակ՝

Ինչո՞ւ ծնվեց նրա մեջ այդ ցանկությունը, ինքն էլ շզիտեր (ԱԲ, 64): Ինչո՞ւ էին վախենում, իրենք էլ շզիտեին (Մ. Ման., 112): Ի՞նչն էր նրա մտախոհության և տիրության պատճառը,—ինքն էլ շզիտեր և բոլորովին շէր էլ աշխատում իմանալ (ՆԴ, 2, 246):

Առաջադաս գործածվելու դեպքում հարցում պարունակող նախադասության ստորադաս բնույթը որոշ շափով մթագնվում է, նրա վրա է դրվում նախադասության տրամարանական շեշտը, իսկ երկրորդ՝ գերադաս մասը ստանում է ամփոփող, եղբափակող նշանակություն:

Կառուցվածքային նման առանձնահատկություններ ունեն այն անշաղկապ բարդ նախադասությունները, որոնց մեջ երկրորդական նախադասությունը հանդիսանում է գլխավորի հասկանալ բայի օրինակությունը: Բեկրենք օրինակներ:

Մոր ու տատի բարձրացրած ողբից Վանանը հասկացավ... դա իր հայրն էր (Ա. Սահ., 4): Տիգրանը հասկացավ՝ Հասրաթին հյուրասիրության պատրաստություն է տեսնում (ԳՍԹ, 2, 347): Ես հասկացա, Միքայելն իսկական ստեղծագործող ինժեներ է (Խեշ., ՀՄՀ, 356):—Այս օրինակներում երկրորդական նախադասությունները վերջադաս են և ունեն եզրակացության, եղրահանգման նշանակություն:

—Բայց ես մի բան լավ եմ հասկացել. հզոր տերությունները փոքր աղջկերին չեն հարցնում՝ կամ ենո՞ւմ են նրանք դառնալ թնդանոթի միս, թե ոչ (ՆԶ, ՊՊՆ, 96): Այստեղ մի բան բառակապակցությամբ ուժեղանում է անշաղկապ նախադասության մասերի կապը, շեշտվում է օբյեկտ հանդիսացող մասի բովանդակությունը: Այդ բանին օժանդակում է նաև լավ մակրայի առկայությունը գլխավոր մասում՝ հասկանալ բայի մոտ:

Այս, մարդ չի հասկանում, ինչո՞ւ են մեռնում այդպիսի մեծ մարդիկ (Ավ. Իս., 3, 14): Սակայն նա չէր կարողանում հասկանալ մի բան. ով և ինչ հիմքերով էր պաշտպանում այդ նախադահին (Ա. Սեկ., 469): Նա չէր հասկանում՝ սիրո՞ւմ էր, թե ատում այդ մարդուն (ՆԴ, 2, 62): Այստեղ գլխավոր մասը ժխտական է, իսկ ստորադասը՝ հարցական:

Գլխավոր մասի ժխտական լինելու դեպքում, երբեմն, ստորադաս մասը կարող է լինել հաստատական և ցուց տալ, նկարագրել մի երևույթ կամ գործողություն (սովորաբար ընդհանրացնող կամ եզրակացության նշանակությամբ), որը չի ըմբռնվել՝ հասկացվել գլխավոր նախադասության ենթակայի կողմից. այդ նշանակության դեպքում գլխավոր նախադասության մեջ սովորաբար հանդես է դալիս մի բան բառակապակցությունը՝ որևէ որոշիչի հետ. օրինակ՝

Դուք շնասկացաք հասարակ մի բան. մարդ կարող է փոխել իր բնակարանը և հայրենիքը, բայց աղջը չի կարող նույնը անել (ՆԶ, ՊՊՆ, 95): Ի՞նչ էր նշանակում «բարձրում» բառը, ես չեի հասկանում (Հիկ, 24): Արդյոք ում պատկերներն էին, ես հասկանալ շկարողացա (Բ, 5, 10): Տաք տներից ելնում են դուրս և խնի պես ուր են գնում—ուր են գալիս՝ շես ըմբռնում (Պ. Սևակ, 115): Ինչո՞ւ էր այդպես՝ ես չեի ըմբռնել (Թոթ., 128): Այստեղ ժխտական կառուցվածք ունեցող գլխավոր նախադասությունը վերջադաս է, իսկ նրա օբյեկտի պաշտոնը կատարող հարցական կառուցվածք ունեցող երկրորդական նախադասությունը՝ առաջադաս:

Երբ գլխավոր նախադասության՝ բայով արտահայտված ստորոգյալը դրված է լինում երկրորդ դեմքով, երկրորդական նախադա-

սովորումը կարող է հաստատական լինել նաև այն դեպքում, եթե  
գլխավոր նախադասությունը հարցական է, օրինակ՝ Հասկանո՞ւմ  
եք՝ քարի մեջ փորել է հրաշալի դեմքեր (Ե. Զար., 302):

Իր իմաստով իմացական բայերի մոտ է կանգնած նիշել բայր,  
որի մոտ ևս հաճախ դրվում է անշաղկապ ուղիղ խնդիր երկրորդա-  
կան նախադասություն: Վերջինիս միջոցով նկարագրվում է այն գոր-  
ծողությունը, իրողությունը, եղելությունը, երևույթը, որը կատար-  
վել, տեղի է ունեցել անցյալում, սակայն մտարերվում, վերականգ-  
նվում է գլխավոր մասի ենթակայի կողմից՝ հանդիսանալով նրա  
գործողության օբյեկտը: Նիշել բայի մոտ անշաղկապ ուղիղ խնդիր  
երկրորդական նախադասություն դրվում է սովորաբար հետեւյալ  
դեպքերում՝

ա) Եթե գլխավոր նախադասության ենթական խոսողն է կամ  
հեղինակը. այսինքն՝ երբ նիշել բայը դրված է առաջին դեմքով: Այս  
դեպքում անշաղկապ բարդ նախադասությունը ունենում է հետևյալ  
կառուցվածքային առանձանահատկությունները—գերադաս մասը  
դրվում է բարդ նախադասության սկզբում, նրա ստորոգյալը սովո-  
րաբար դրվում է ներկա ժամանակով (երբեմն նաև անցյալ կատար-  
յալով), հարաբերությալ բառ, այսինքն՝ ձևական ուղիղ խնդիր բոլորո-  
վին հանդես չի գալիս: Նիշել բայի մոտ դրված երկրորդական  
նախադասությունները նախորդների համեմատությամբ ունեն մի-  
այն այն առանձնահատկությունը, որ պարունակում են նկարագրու-  
թյուններ անցյալում կատարված երևույթների, գործողությունների  
մասին. այդ պատճառով նրանցում գործածվում են միայն բայի  
անցյալ ժամանակները: Բերենք մի քանի օրինակ:

—Հիշում եմ. Հնչեց զանգը միշանցքում, և ես ներս մտա հին  
սենյակը քո (Ե. Զար., 139): Էսօրվա պես նիշում եմ. գոմշուկով մի  
թեռ կորեկ էր բերել աղալու (Դի, 23): Լավ հիշում եմ, ձմեռ էր,  
ցուրտ (Ա, 1/12—1960 թ., էջ 3): Հիշում եմ. երկու օր էր ինչ Մարզ-  
պետունի իշխանը ներացել էր մեր ամրոցից (Մուր., 3, 55):

բ) Եթե գլխավոր նախադասության ենթական խոսակիցն է,  
որին հարցով դիմում է խոսողը կամ հեղինակը՝ երկրորդական նա-  
խադասության մեջ նկարագրված երևույթը կամ գործողությունը  
(իրողությունը) հիշելու առթիվ, կամ հորդորում է հիշել այն: Հիշել  
բայը այս դեպքում դրվում է երկրորդ դեմքով և լինում է կամ հար-  
ցական, կամ հրամայական: Երկրորդական նախադասությունը նա-  
խորդի համեմատությամբ ունի կառուցվածքային այն առանձնա-  
հատկությունը, որ երբ գլխավոր նախադասությունը հրամայական է,  
կարող է վերաբերել և անցյալին, և ներկային, և ապագային: Օրի-  
նակներ՝

Ճիշո՞ւմ ես, ոռւ հոգնել էիր ու թեքել սիրում գլուխտ դեպի ուստ  
(Մ. Ման., 303): Արդյոք ճիշո՞ւմ ես, անտառ էր, առու... հեքիաթի  
պես էր—երազի նման (ԿՏ, Երկ., 25): Մի հուսահատվեք և ճիշցեք՝  
մենք նահանջում ենք ժամանակավոր, նահանջի մեջ նույնիսկ, մենք  
նախապատրաստում ենք հաղթանակը (ՄԱՊ, 646):

Իմացական բայերին լրացնող ուղիղ խնդիր երկրորդական նա-  
խադասություն պարունակող անշաղկապ բարդ նախադասություն-  
ները ունեն կառուցվածքային հետեւյալ առանձնահատկությունը. երբ  
գերադաս մասում առկա է լինում ստորոգյալին լրացնող ձեփ պա-  
րագա, այն (գերադաս մասը) ձեռք է բերում որոշ ինքնուգույնու-  
թյուն, ներդրժական բայը կարծես լրացման խիստ պահանջ չի  
զգում, և երկրորդական նախադասությունը հանդես է գալիս սոսկ  
բացատրական գերով: Դա երեսում է հատկապես ինտոնացիայից.  
ձայնը որոշ շափով իշնում է, մեծանում է դադարը առաջին և երկ-  
րորդ մասերի միջև, ըստ որում առանձնահատուկ շեշտվում է այդ  
ձեփ պարագան: Գրավոր խոսքում այս անշաղկապ նախադասության  
մասերը բաժանվում են մեծ մասամբ միշակետով: Բերենք մի քանի  
օրինակ.

Նա ճիշտ էր գուշակել. Զանոն հազիվ էր պահում իրեն, որպեսզի  
դուրս չաներ այդ վտանգավոր ծերումուն (Ա. Սեկ., 464): Ես շատ  
լավ գիտեմ. Նա այսօր չի կարողանա գնալ Այս անշաղկապ նախա-  
դասությունների բաղկացուցիչ մասերի կապակցությունը կարելի է  
համարել նաև հարակցական:

3) Անշաղկապ ուղիղ խնդիր երկրորդական նախադասություն  
դրվում է նաև մտածական բայերի մոտ—մտածել, որոշել, վճռել և  
այլն: Այս դեպքում երկրորդական նախադասության մեջ նկարագրո-  
վում է այն երևույթը, գործողությունը, իրողությունը, որը հանդի-  
սանում է գլխավոր նախադասության ենթակայի մտածության օր-  
յեկտը: Մտածական բայերը ունեն այն առանձնահատկությունը, որ  
պահանջում են գործողություն ցուց տվող լրացում: Այդ պատճառով  
էլ նրանց լրացումը արտահայտված է լինում կամ անորոշ դերբա-  
յով, կամ երկրորդական նախադասությամբ:

Երբ անշաղկապ բարդ նախադասության գլխավոր մասի ստո-  
րոգյալը մտածել բայն է, այն (անշաղկապ նախադասությունը) իր  
կառուցվածքով նման է լինում ասացական բայեր պարունակող ան-  
շաղկապ բարդ նախադասություններին: Միայն ի տարբերություն  
ասացական բայերի, մտածել բայի մոտ դրված անշաղկապ ուղիղ  
խնդիր նախադասությունները անուղղակի հարցում շեն պարունա-  
կում (հարցումը միշտ լինում է ուղղակի), օրինակ՝

Ես հոտ եմ քաշում և մտածում եմ,—որտե՞ղ եմ լսել այս ժանոթ բարբառը (ԳՄԵ, 478): Անբախտ պառավ, գոնե տեսա՞ր քո երկրորդ աղջկա բախտավորությունը, մտածում էի ես (Շ, 2, 477): Այսօր նրանք ժողով չունեին, ինչո՞ւ ուշացավ՝ մտածում էր նա (ՄԱՊ, 40):

Մտածել բայի ժխտական ձևի մոտ անշաղկապ ուղիղ խնդիր երկրորդական նախադասություն սովորաբար չի դրվում: Այս զեպքում գործածվում է կապակցության շաղկապական ձևը:

Կարծել բայի մոտ անշաղկապ երկրորդական նախադասություն հանդիպում է այն դեպքում, երբ այն դրված է լինում առաջին կամ երկրորդ դեմքերով, այլ կերպ ասած՝ երկախոսությունների ժամանակ, երբ խոսողը հայտնում է իր կարծիքը կամ հարցնում է խոսակցի կարծիքը: Երկրորդ դեպքում երկրորդական նախադասությունը ունենում է հարցական բնույթ: Երկրորդական նախադասությունը այստեղ ունենում է վերջադաս շարադասություն: Առաջադաս հանդես է գալիս շատ հազվադեպ, այն էլ երբ կարծել բայը դրված է լինում ժխտական ձևով: Վերջին դեպքում երկրորդական նախադասությունը արտահայտում է որևէ եզրակացություն, դատողություն: Օրինակներ՝

Ես կարծում էի—այնտեղ, Ռումբերի հանել որոտում կգտնեմ քո դեմքը լուսե (Ե. Զար., 47): Ես կարծում եմ՝ հնարավոր է (Ա, 1/12—59 թ., էջ 3): Դու կարծում ես՝ այդ թղթերը կփրկե՞ն քեզ (Վերդ., ԻԳԵ, 313): Դու կարծում ես՝ դեռ կարող եմ ժպտալ ու սիրե՞լ (Մ. Ման., 312):— Մենատնտեսի հոգի ունես դու—չի կարծում (ՀՔ, 97):

Ինչպես երևում է Յ-րդ և 4-րդ օրինակներից, երկրորդ դեմքով դրված կարծել բայի պահանջով հանդես եկող երկրորդական նախադասությունը թեև ունենում է հարցական բնույթ, սակայն հաճախ ցույց է տալիս, որ, ըստ հեղինակի, նկարագրված երևույթը կամ գործողությունը իրականում գոյություն չունի, ոեալ չէ՝ չնայած գլխավոր նախադասության ենթակայի ցույց տված անձի հակառակ կարծիքին:

Վենել, որոշել բայերի մոտ դրված անշաղկապ ուղիղ խնդիր երկրորդական նախադասությունները ունեն այն առանձնահատկությունը, որ նրանց ստորոգայալները մեծ մասամբ դրվում են ապառնի ժամանակներով (հատկապես ըղձական): Դա բխում է որոշել, վենել բայերի բայիմաստից. նրանք ցույց են տալիս այնպիսի գործողություն, որը կապված է ապագայում կատարվելիք այլ գործողության հետ: Օրինակներ՝

Էլ ճար շկար: *Տեսակ՝ տեղ չեն տա իրեն:* Եվ որոշեց՝ անի ինչ էլ վենի (Ե. Զար., 100): Հիշում էր անցած օրերը, մորը, հորը, նրա ասածները ու մտքում վեռում՝ երբ դուրս գա, անպատճառ գտնի Շուշիկին (Մ. Ման., 210): Ի՞նչ էր դրա պատճառը, մինչև հիմա էլ նա չէր կարողանում որոշել (ՍևՀ, 1, 8): Բայց որո՞նք էին սարահարթի սահմանները գյուղի աջև և ձախ կողմերում կամ հետևում, ի՞նչ կերպ էր կապված գյուղը ներքեմի հետ—այդտեղից, կապից, դժվար էր որոշել (ՄԱՊ, 546): Վերջին երկու օրինակում երկրորդական նախադասությունը առաջադաս է, որովհետեւ հարցական բնույթ ունի:

Անհրաժեշտ է նշել, որ այս բայերի մոտ անշաղկապ ուղիղ խնդիր նախադասությունները հազվագեց են հանդիպում: Նրանք կամ միանում են շաղկապով և կամ լրացումը լինում է անորոշ գերայով արտահայտված դերբայական դարձված, բայց ոչ անշաղկապ նախադասություն: Օրինակ՝ Ամբողջ արդ ժամանակ նա մի բան միայն կարողացավ որոշել. անպայման հանդիպել Գասպարյանին, խոսել հետը (Ա. Սեկ., 404):

4) Անշաղկապ ուղիղ խնդիր երկրորդական նախադասություններ կարող են դրվել նաև մի շարք գգացական բայերի մոտ՝ տեսնել, նկատել, լսել և այլն:

Հատկապես հետաքրքիր են տեսնել բայի մոտ դրված երկրորդական նախադասությունները: Վերջիններս սովորաբար նկարագրում են այն իրողությունը, որը դիտվում և ընկալվում է գլխավոր նախադասության ենթակայի կողմից: Օրինակ՝

Կաղեցինք, տեսանք՝ մեռած ընկած է ժառի տակին (ՀԹ, 3, 73): Լուսաբացին արտատերը արտը ջրած պիտի տեսնի, պիտի ժառա և կունա, մատներով տրորի հողը, տեսնի՝ խո՞րն է ծծել ջուրը (ԱԲ, 98): Տես՝ ոնց է հալվում ու կաթում կտուրներին (ՆԶ, ՊՊՆ, 260): Ասել էին, թե երբ զանգը տալիս են, գնա տեսնի՝ ով է, ինչ է ուզում (ՀԹ, 3, 40): Նա տեսնում էր, ով ինչպես է ապրում (ԱԲ, 161): Տեսալ՝ այս գյուղի մարդիկ ձեռով են փայտ կոտրում (ՀԹ, 3, 142):

Սակայն տեսնել բայ պարունակող գլխավոր նախադասությունը, անշաղկապ կապակցության ժամանակ, շատ հաճախ վեր է ածվում եղանակավորող, երանգավորող կապակցության՝ դադարելով գիտակցվել որպես նախադասություն և ցույց տալով խոսողի վերաբերմունքը երկրորդական նախադասությամբ հաղորդված գործողության նկատմամբ: Այսպես՝ մեկ էլ տեսար, մի օր էլ տեսար, տեսար բառակապակցությունները ցույց են տալիս՝ ա) որ խոսողը հավանական է համարում երկրորդական նախադասությամբ տրված գործողության հանկարծակի կատարվելը: Երկրորդական նախադա-

սության ստորոգյալը այս դեպքում սովորաբար դրվում է անցյալ կատարյալ ժամանակով, որը գործածվում է ապառնու նշանակությամբ: Օրինակներ՝

— Ի՞նչ կարող ենք անել: Ոչինչ: Մի օր էլ տեսար՝ տվին, ջարդեցին ֆիբն ու մոռիներդ արյունոտեցին, տարան զնդան (ԳՄԹ, 2, 159): Մեկ էլ տեսար, Գարեգինը եկավ (ՍևՀ, 1, 40): Մեկ էլ տեսար՝ Մարտելլը տվին նրանց (հ. էր., ՓԱ, 2, 72):

բ) Խոսողը հաղորդում է սովորաբար հանկարծակի, անսպասելի կատարվող գործողությունների մասին. օրինակ՝

Մեկ էլ տեսար՝ սկսեց իր անգիր շարահյուսությունները (ԳՄԹ, 340): Շիվ-աղջկա թէիկները, աղավնու պես, մեկ տեսնում ես, քիչ է մնում թառեն գետնին,... մեկ էլ տեսար՝ վեր են սուրում, ճախր են տալիս (Պ. Սևակ, 128): Տեսար՝ մի բգեզ բռավ (ԳՄԹ, 318):

Այն, որ այս բառակապակցությունները արդեն չեն գիտակցվում իրեւ գլխավոր նախադասություն, երկում է նաև նրանից, որ տեսար բայց այստեղ կորցրել է նաև իր դիմային նշանակությունը (երկրորդ դեմքը չի գիտակցվում):

Հետաքրքիր կառուցվածք՝ ունեն հետևյալ նախադասությունները՝ Մոտեցա՝ տեսնեմ մեկն ընկել է, էն մեկն էլ արյան թելը քարշ տալով թողել գնացել է ձորը (ՍևՀ, 2, 74): Մի առավոտ էլ վեր կացա տեսնեմ՝ բոլոր տանեցիր տիսուր են (ՀԹ, 3, 66): Մեկ էլ տեսնեմ՝ շուրջս մարդ չկա (ԳՄԹ, 2, 121):

Այս նախադասությունների գլխավոր մասի ստորոգյալը դրված է ըղձական եղանակի ապառնի ժամանակով, սակայն ունի անցյալ կատարյալի նշանակություն: Այս տիպի նախադասությունները շատ են գործածվում խոսակցական լեզվում, երբ խոսողը պատմում է անցյալում կատարված գործողությունների, եղելությունների մասին, որոնց ինքը ականատես է եղել և ցանկանում է ավելի կենդանի, պատկերավոր դարձնել իր պատմածը: Նախադասությունների այս ձևը գեղարվեստական գրականության մեջ գործածվում է կամ այն ժամանակ, երբ հեղինակը, որպես ականատես, առաջին դեմքով շարադրում է անցյալում կատարված դեպքերի, եղելությունների մասին, կամ էլ երկախոսությունների մեջ:

Այս նույն նշանակությունն ունի հետևյալ նախադասությունը՝ Մին էլ էն տեսանք՝ առաջի երկու ոտք վեր դրավ, դառավ չորքոտանի (ՀԹ, 3, 52): — Այստեղ գլխավոր նախադասության մեջ հանդես է եկել՝ էն ձևական ուղիղ իմադիրը, որն օժանդակում է անշաղկապրարդ նախադասության մասերի կապակցությանը և մեկ ամբողջություն կազմելուն:

Երբ տեսնել բայց դրվում է երկրորդ դեմքով և հարցական է, ցույց է տալիս, որ խոսողը երկրորդական նախադասությամբ հաղորդված գործողությունը, եղելությունը դիտում է իրեն հաստատ կատարված կամ կատարվող և խոսակցի ուշադրությունը դարձնում է զրա վրա, հաճախ որևէ հետևության հանգելու նպատակով։ Օրինակներ.

Տեսնո՞ւմ ես՝ դուք թվանքներդ առել եք ետևներիցն ընկել, մենք էլ ուրախացել ենք, թե ինչ ամի պախրա կսպանենք, կուտենք (ՀՅ, 3, 75)։ Տեսնո՞ւմ ես, բան չի ստացվում (Վերդ., իջե, 348)։ Բայց դու տեսնո՞ւմ ես, նատաշա, ծառն արդեն կու է տալիս մեր անունները (Ալ., ՀԱ, 147)։

Երբեմն տեսնում ես ստորոգյալը շի լինում հարցական, այլ նրա կողքին հանդիս է գալիս էլի եղանակավորող բառը, որը նախադասությանը տալիս է նույն իմաստային երանգը. օրինակ՝ Քո բարի աշքով տեսնում ես էլի, Տկլոր ու սոված էսպիս տարին բուն քարի-հողի հետ կոփու ենք տալի (ՀՅ, 2, 38)։

Տեսնում ես (եթ) ստորոգյալը ևս սկսել է կորցնել նախադասության գլխավոր անդամի իր նշանակությունը և արդեն վեր է ածվում շաղկապական բառի՝ բանի որ նշանակությամբ,՝ կապելով հիմունքի նախադասությունը գլխավոր նախադասության հետ (այն դադարում է գիտակցվել որպես անշաղկապ բարդ նախադասության գլխավոր մասի ստորոգյալ). օրինակ՝ Հանգիստ թողեք դրան, թողեք շորերը փոխի. տեսնո՞ւմ եթ՝ լաց է լինում (Մ. Մահ., 16)։ Կամ՝ Տեսնում ես բնած եմ, ինչո՞ւ ես խանգարում։

Իրենց նյութական իմաստը սկսել են կորցնել նաև անշաղկապ բարդ նախադասության մեջ որպես գլխավոր նախադասություն հանդես եկող տեսնել բայց ըղձական և պայմանական եղանակի ապառնու ձևերը. օրինակ՝

Տեսնենք, երբ են նիստ նշանակում (Գ. Ռշ. Մ., 174)։ Դե հիմա կտեսնենք, իմ մի աշքն է սո՞ւր, թե՞ ձեր երկու աշքը, — պատասխանեց Զատոն (ՌԽ, 197)։ Ասա տեսնեմ, ուր էիր գնացել։ Գնացի տեսնեմ, ինչու շէր եկել։ Տեսնենք, ինչ է ասելու։

Ինչպես ցույց է տալիս ուսումնասիրությունը, տեսնել բայց պահանջով դրված անշաղկապ երկրորդական նախադասությունները լինում են վերջադաս և բաժանվում են գլխավորից ստորակետով, բովով, երբեմն նաև՝ միշակետով։

Մյուս զգացական բայերի մոտ դրված անշաղկապ ուղիղ խնդիր նախադասությունները իրենց կառուցվածքով նման են իմացական բայերի պահանջով դրված նախադասություններին։ Բերենք մի քանի օրինակ։

Երբեմն նկատում էի՝ Արա մոտ գալիս էին անծանոթ անձինք, տարօրինակ հագուստներով... (Բ. 5, 33): Բաց արա սիրտդ իմ առաջ, աղա, մի շուրջված հանելուկ կա քո մեջ, ևս էղ վաղուց եմ նկատել (Դի, 285): Ինչպես էր անում. նա այդ, հետաքրքիր է լսել (Մուր., 1, 305): Ստեփանին էլ շատ բարկ կանես: Լսել եմ՝ հովիզ է սև սարերում (Դի, 18): Զգում ես՝ հոգիս, հոգիդ ու նրա—հեռու, անծանոթ ընկերոջ հոգին—նույն արեգակնական խորհրդով է լի (Ե. Զար., 26):

Այստեղ անհրաժեշտ է միայն նշել, որ լսիր բայաձեր ևս որոշ դեպքերում սկսել է կորցնել իր նյութական իմաստը և վեր ածվել կոչական բառի. օրինակ՝ լսիր, գուցե իսկապես ախքան էլ վատ չի այնտեղ (Ա. Սեկ., 11): Ամբողջ նախադասությունը այս դեպքում ևս չի գիտակցվում իրբև բարդ նախադասություն:

5) Անշաղկապ ուղիղ խնդիր նախադասություն է դրվում նաև սահմանափակ թվով այլ ներգործական սեռի բայերի մոտ. դրանցից են՝ խնդրել, բացատրել, ուզենալ, բողնել, խոստովանել, հավատացնել:

Խնդրել, ուզենալ, ցանկանալ, բողնել բայերի պահանջով դրված անշաղկապ ուղիղ խնդիր նախադասությունները ունենում են նպատակի իմաստային երանգ. օրինակ՝

Կիսորտակեմ կամարները երկնային, ևս չեմ թողնի, ևս չեմ բողնի՝ դու մեռնիս... (Ավ. Իս., 2, 125): Ուզում եմ՝ ես էլ գամ ձեզ հետ (ՀԹ, 3, 46): Խնդրում եմ քեզ՝ մի վիրավորվիր, որ ես չգրեցի այն ժամանակ (ՄԱՊ, 566): Խուզեիր՝ երկա՞ր շարունակվեր այս հիմար պատմությունը (Վերդ., ԻԳԵ, 379):

Երկրորդական նախադասության ստորոգյալը այս դեպքում սովորաբար դրվում է ըղձական եղանակով, իսկ խնդրել բայի մոտ՝ նաև հրամայական եղանակով:

Պահանջել բայի մոտ կարող է դրվել նաև ուղիղ խոսքը. այսինքն՝ այս բայը կարող է գործածվել որպես ասացական բայ, Այսպես՝ Կդնա ու կապիանջի՝ զբացրվել եմ, պարտավոր եք հարմար աշխատանք տալ (Վերդ., ԻԳԵ, 6):

Մյուս բայերի մոտ դրված ուղիղ խնդիր նախադասությունները ունեն նույն կառուցվածքային առանձնահատկությունները, ինչ որ նկարագրված են վերևում: Ահա մի քանի օրինակ.

Խոստովանում եմ, այդ մասին ես չէի մտածել (Շ, 2, 466): Համրում էին՝ քանի՞ օր է, ինչ գործադուկ են անում (Ի. էր., ՓԱ, 1, 134): Բայց դուք գուցե էս էլ եք փորձել. ուզել եք գտնել, տեսնել մեր փոքրիկ երգչին ու չեք կարողացել (ՀԹ, 3, 93): Երկի նա ստուգում

ԷՐ՝ կա՝ արդյոք որևէ նմանություն իր դեմքի և այդ առարկայի միջև (ՆԶ, ՊՊՆ, 92): Չեմ ուզում քաֆցնել ձեզնից, դրությունը լուրջ է, քիչ առաջ մտոն էի (Ա. Սեկ., 448):

Սրանք են ներգործական սեռի բայերի պահանջով կազմված անշաղկապ բարդ նախադասությունները և նրանց կառուցվածքային առանձնահատկությունները:

ԱՆՈՒՎԴԱԿԻ ԽՆԴԻՐ ԵՐԿՐՈՐԴԱԿԱՆ ՆԱԽԱԴԱՍՈՒԹՅՈՒՆ  
ՊԱՐՈՒՆԱԿՈՂ ԲԱՑԱՏՐԱԿԱՆ ԱՆՇԱԼԿԱԳ ԲԱՐՄ ՆԱԽԱԴԱՍՈՒԹՅՈՒՆՆԵՐ

Ժամանակակից հայերենում համեմատաբար քիչ են այն անշաղկապ նախադասությունները, որոնց գլխավոր մասի ստորոգյալի և անշաղկապ միացած երկրորդական նախադասության միջև գոյություն ունեն անուղղակի խնդրի իմաստային հարաբերություններ: Հստ որում պարզ անուղղակի խնդրի և ստորոգյալի միջև եղած բազմազան իմաստային փոխհարաբերությունների համեմատությամբ՝ անշաղկապ բարդ նախադասություններում դրանք հանդես են գալիս շատ սահմանափակ քանակով: Այս անշաղկապ նախադասությունները ևս իրենց բնույթով բացատրական են, որովհետև բացահայտում են գլխավոր մասի ստորոգյալի հետ կապված որևէ հանգամանք: Ի տարբերություն անշաղկապ ուղիղ խնդրի նախադասությունների, անուղղակի խնդրի նախադասությունները դրվում են ոչ թե բայց ստորոգյալի սեռի պահանջով, այլ նրա բայիմաստի պահանջով, այդ իսկ պատճառով նրանք կարող են դրվել նաև շեղոք սեռի բայերի մոտ:

Անուղղակի խնդրի երկրորդական նախադասություն պարունակող անշաղկապ բարդ նախադասությունները ունեն կառուցվածքային հետևյալ առանձնահատկությունները.

ա) Գերադաս մասը դրվում է անշաղկապ նախադասության սկզբում, երկրորդական՝ անուղղակի խնդրի պաշտոն կատարող մասը լինում է վերջադաս: Առաջին մասում եղած շեղոք բայը իր բայիմաստով լրացվելու կարիք է զգում. այդ գերով հանդես է գալիս երկրորդ մասը, որը կատարում է լրացման՝ անուղղակի խնդրի պաշտոնը: Ստորադասական կապակցությունը այստեղ հենց դրանով էլ հիմնականում դրսերվում է (ինտոնացիայի հետ միասին):

բ) Ամբողջ անշաղկապ բարդ նախադասությունը՝ այս գեպքում ևս ունենում է բացատրական ինտոնացիա, այսինքն՝ առաջին մասի վերջում ձայնը աննշան բարձրանում է, դրան հաջորդում է դադար, որը այս գեպքում ավելի փոքր է, քան ուղիղ խնդրի երկրորդական

Նախադասությունների առկայության ժամանակ. ապա ձայնի որոշ իշեցումով արտասանվում է երկրորդ մասը:

գ) Գլխավոր մասում սովորաբար ձևական անուղղակի խնդիր (այսպես կոչված հարաբերյալ) հանդես չի գալիս:

Բարդ նախադասության մասերի անշաղկապ կապակցության ժամանակ կարող են հանդես գալ անուղղակի խնդիր հետեւյալ իմաստային հարաբերությունները:

1) Երկրորդական նախադասությամբ նկարագրվում է այն առարկան, երևույթը, որին ուղղված է գլխավոր մասի գործողությունը, այսինքն՝ երկրորդական նախադասությունը կատարում է հանդման անուղղակի խնդիր պաշտոն. օրինակ՝

Մայրիկ, նայիր, արեն ինչպես դեղնել է, ցուրտ է ինչպես (Ավ. Խ. 1, 60): Հավատա ինձ, որ անզոր եմ տիրել իմ հոգում, նավատա ինձ, իմ սիրելի, ել շեմ դիմանեա (Գ. Սար., 18): Հավատա, առանց աղի մարդ կմերնի (Լեռ, 284): Սպասում էր, արդյոք յուր տերը կը-րարեհանձե՞ր ջուր պահանջել (Բ., 7, 34): Սպասի, հրես հերդ կժերը կտանի գետը (Աթ., 151):

Սանոթություն—Սպասել բայի մոտ դրված անուղղակի խնդիր երկրորդական նախադասությունները սովորաբար միաժամանակ ունենում են նպատակի իմաստային երանգ (տես վերջին երկու օրինակը):

2) Երկրորդական նախադասությամբ նկարագրվում է այն առարկան, երևույթը, որը սկզբնապատճառ է հանդիսացել գլխավոր մասի ենթակայի գործողության համար. օրինակ՝ Մինչեռ անհրաժեշտ էր, պետք էր մի տեղ տաքացնել փայտացած անդամները, այլ կերպ վախիենում էր տեղ շնասներ (ԳՄԹ, 2, 6): Յուրաքանչյուրը վախիենում էր մի գուցե լուրը հասենի միլիոնների ժառանգին (Շ., 4, 20): Ինչպես երևում է բերված օրինակներից, այս նախադասությունները ունեն պատճառի իմաստային երանգ և նկարագրում են այն գործողությունը, որի կատարվելու հնարավորությունը գլխավոր նախադասության ենթակայի մոտ առաջանում է վախենալու (տվյալ դեպքում) զգացողությունը:

3) Անշաղկապ անուղղակի խնդիր երկրորդական նախադասությունները կարող են արտահայտել նաև վերաբերության հարաբերություններ. այսինքն՝ նկարագրել այն երևույթը, գործողությունը, որին վերաբերում է գլխավոր նախադասության գործողությունը: Այս նախադասությունները իրենց արտահայտած իմաստով մոտ են ասացական բայերին լրացնող ուղիղ խնդիր երկրորդական նախադասություններին, դրվում են նույնպես մեծ մասամբ ասացական

բայերի մոտ (պատասխան տալ, պատմել, խոսել և այլն) և կարելի է համարել նրանց շարաջուսական համանիշը: Սրանց միջև կա միայն այն նուրբ տարրերությունը, որ ուղիղ խնդրի դեպքում հիմնականում հաղորդվում է որևէ երկույթի մասին ամբողջությամբ, որպես գործողության օբյեկտ, իսկ վերաբերության անուղղակի խնդրով հաղորդվում, պատմվում է որևէ երկույթի, դեպքի, գործողության մասին ոչ որպես գործողության օբյեկտ, այլ իբրև լրացուցիչ տեղեկություն: Օրինակներ:

Թող պատասխան տան. պատերազմից հետո ե՞րբ են նրանք այդքան բերք ստացել (Ա. Սեկ., 575): Ի՞նչպես եք ապրում, դու ձեզնից պատմի (ՀԹ, 2, 37): Որտեղից էր ինքը՝ այդ մեծ տատը, ո՞ւր էր մնացել նրա տունը, այդ մասին հաստատ բան հայտնի չէր (Լեռ, 67): Իսկ ի՞նչ բան էր սովետական իշխանությունը, ոչինչ չփառեց Տիգրանը (ՄՀ, 1/X, 61 թ., էջ 4):

Վերաբերության անուղղակի խնդրի պետք է համարել նաև կասկածել, համոզված լինել, հավատացած լինել, հավատացնել բայերի մոտ բայիմաստի պահանջով դրված երկրորդական նախադասությունները:

Բերենք մի քանի օրինակ.

Բայց ես համոզված էի այլևս, ոչ մի անասուն այդ գործը չի ստանձնի և ավելորդ է դրա մասին մտածել (Թոթ., 281): Զենք կասկածում, ցուցահանդեսները կգոհացնեն նաև մեր արվեստագետներին (ԱԱ, 2, 1960, էջ 4): Չէ, հավատացնում եմ քեզ, Միքայել, նաշատ կրթված աղջիկ է (ՆԴ, 2, 429): Եթե չօգնի, գոնե շի խանդարի, հավատացնում եմ (Վերդ., իգե, 395): Վերջին օրինակում գլխավոր նախադասությունը վերջադաս է, մի բան, որն այս տիպի նախադասությունների համար անսովոր կառուցվածք է:

4) Անուղղակի խնդրի պետք է համարել նաև քիչ մենալ, սիրտ անել հարադրությունների և կա բայի մոտ դրված երկրորդական նախադասությունները. այսպես՝

Քիչ է մենում ինձ ներքեւ շպրտեմ ու կտոր-կտոր անեմ իմ ընկերոջ դուշմանին (ՎԱԼԿ, 30): Շիվ-աղջկա թեկիները, աղավնու պես, մեկ տեսնում ես՝ քիչ է մենում քառեն գետնին,... մեկ էլ տեսար՝ վեր են սուրում (Պ. Սևակ, 128): Լսեցի, որ թուրքերի արշավանքի ժամանակ գյուղումն են եղել. ինչպե՞ս սիրտ արից՝ մենացիր (Ավ. Խա., 3, 84): Երեք օրն է դեռ անց կացել, զորս օր էլ կա՝ քունքը առնի (ՀԹ, 18):

Քիչ մենալ և կա բայերի մոտ դրված անուղղակի խնդրի նախա-

դասությունները նկարագրում են ապագայում կատարվելիք գործողություն, այդ պատճառով էլ նրանց ստորոգյալները դրվում են ըղձական եղանակով: Երբ գլխավոր մասի բայ-ստորոգյալը արտահայտված է լինում անցյալ ժամանակներով, երկրորդականի մեջ գործածվում է ըղձական եղանակի անցյալի ապառնի ժամանակը, իսկ երբ ներկա ժամանակով են դրված՝ ապառնի ժամանակը:

Մանոթություն—Քիչ մեալ-ը ևս արդեն սկսել է վերածվել եղանակավորող բառի, ցուց տալով հնարավոր, բայց շկատարված գործողություն:

Երբեմն անշաղկապ անուղղակի խնդիր երկրորդական նախադասություն է դրվում նաև բայանուն գոյականների մոտ. այսպես՝ Արեք վկա՝ նա իր կյանքում այդպիսի աղջիկ չէր տեսել (ԳԲՆ, 363):

Ինչպես երևում է ուսումնասիրությունից և բերված օրինակներից, անշաղկապ անուղղակի խնդիր նախադասությունները ունեն այն ընդհանուր առանձնահատկությունը, որ դրվելով վերջադաս ցուց են տալիս գլխավոր մասի ենթակայի հարաբերությունը որևէ գործողության, երևութիւնի, իրողության հետ: Պետք է նշել, որ նրանք, որպես կանոն, անձ ցուց շեն տալիս:

### ՊԱՐԱԳԱՅԱԿԱՆ ՀԱՐԱԲԵՐՈՒԹՅՈՒՆՆԵՐ ԱՐՏԱՀԱՅՏՈՂ ԱՆՇԱՂԿԱՊ ԲԱՐԴ ՆԱԽԱԴԱՍՈՒԹՅՈՒՆՆԵՐ

Անշաղկապ բարդ նախադասությունների համակարգում որոշակի տեղ են գրավում այն նախադասությունները, որոնց բաղկացուցիչ մասերի միջև առկա են պարագայական հարաբերություններ: Հատկապես տարածված են պայմանային և պատճառահետեւանքային հարաբերություններ արտահայտող անշաղկապ բարդ նախադասությունները, ինչպես նաև ժամանակի անշաղկապ նախադասությունները: Մյուս պարագայական հարաբերությունները (տեղի, ձևի համեմատության և այլն) անշաղկապ կապակցության ժամանակ հազվադեպ են հանդիպում:

Ուսումնասիրենք դրանցից յուրաքանչյուրը առանձին:

### ԺԱՄԱՆԱԿԻ ՊԱՐԱԳԱՅ ԵՐԿՐՈՐԴԱԿԱՆ ՆԱԽԱԴԱՍՈՒԹՅՈՒՆ ՊԱՐՈՒՆԱԿՈՂ ԱՆՇԱՂԿԱՊ ԲԱՐԴ ՆԱԽԱԴԱՍՈՒԹՅՈՒՆՆԵՐ

Ժամանակային հարաբերություններ արտահայտող անշաղկապ բարդ նախադասությունները կարող են լինել և բարդ համադասական, և բարդ ստորադասական: Առաջին դեպքում նկարագրվում են միաժամանակ կատարվող (կատարված) կամ իրար հաջորդող երե-

վուլթներ, գործողություններ, որոնք դիտվում են որպես համեմատաբար ինքնուրուցն և հավասարազոր միավորներ, իհարկե, ինչպես ասվել է «Անշաղկապ բարդ համադասական նախադասությունները բաժնում, նրանք ևս կազմում են մի ամբողջություն։ Երկրորդ դեպքում արդեն ոչ թե սոսկ հաղորդվում են իրար հաջորդող գործողություններ, այլ առաջին մասի գործողությունը բերվում է երկրորդ մասի գործողության ժամանակը պարզելու, ճշտելու, ավելի որոշակի դարձնելու նպատակով։

Ժամանակացին հարաբերություններ արտահայտող անշաղկապ բարդ նախադասությունները ունեն կառուցվածքային այն առանձնահատկությունը, որ միշտ ստորադաս, երկրորդական է համարվում առաջին բաղկացուցիչ մասում նկարագրված գործողության ժամանակը։ Մյուս առանձնահատկությունն այն է, որ երկու մասերն էլ (հատկապես առաջին՝ ստորադաս մասը) կարող են իրենց հերթին բարդ լինել (շաղկապավոր կամ անշաղկապ)։ օրինակ՝ իմացավ՝ մոտենում ենք—շտապով ետ-ետ գնաց, ներս մտավ, քայլեց (ՀԹ, 3, 94)։ Այստեղ զիխավոր նախադասությունը (շտապով ետ-ետ գնաց, ներս մտավ, թաքնվեց) միավորյալ է, իսկ ժամանակի պարագայի պաշտոն կատարող երկրորդական նախադասությունը իր հերթին անշաղկապ բարդ նախադասություն է (իմացավ՝ մոտենում ենք)։ Այսպիսի դեպքերում առաջին անշաղկապ նախադասության՝ ամբողջ բարդ ստորադասական նախադասության մեկ միավորը համարվելուն օժանդակում է ինտոնացիան։ Նրա մասերի միջև եղած դադարը դառնում է շատ աննշան (իմացավ՝ մոտենում ենք), նախադասության վերջում ձայնը որոշ շափով բարձրանում է, դրան հաջորդում է զգալի դադար, ապա արտասանվում է երկրորդ մասը։

Ժամանակացին հարաբերություններ նշող անշաղկապ բարդ ստորադասական նախադասությունները ևս ունեն նախադգուշացնող բացատրական ինտոնացիա, այսինքն՝ առաջին մասի վերջում ձայնը բարձրանում է (դրանով ցույց է տրվում, որ նախադասությունը շի ավարտվել), դրան հաջորդում է որոշ դադար, ապա սովորական իշնող ինտոնացիայով արտասանվում է երկրորդ մասը։

Անշաղկապ ժամանակի երկրորդական նախադասությունները բաժանվում են զիխավոր մասից ստորակետով, բովթով (մեծ մասամբ), երբեմն նաև անշատման գծով։ Վերջինս սովորաբար օգտագործվում է այն դեպքերում, երբ ժամանակի երկրորդական նախադասությունը իր հերթին բարդ է և նրա ու զիխավոր նախադասության միջև եղած դադարը համեմատաբար երկար է։ Իմաստալին

տեսակետից անշաղկապ ժամանակի երկրորդական նախադասությունները տարբերվում են՝ շաղկապավոր ժամանակի երկրորդական նախադասություններից նրանով, որ միանում են գլխավորին հիմնականում ժամանակային հաջորդականության նշանակությամբ, հազվադեպ նաև՝ մասնակի միաժամանակության նշանակությամբ:

Այսպիսով՝ անշաղկապ կապակցության ժամանակ կարող են չանդես գալ հետեւալ ժամանակային հարաբերությունները.

### 1. Ժամանակային հաջորդականության հարաբերություններ.

Ի տարբերություն այս նույն հարաբերություններն արտահայտող շաղկապավոր բարդ ստորադասական նախադասությունների, որոնց մեջ գլխավոր նախադասության գործողության ժամանակը կարող է բացահայտվել ինչպես նրան նախորդող, այնպես էլ հաշորդող գործողություններ նկարագրելու միջոցով, անշաղկապ կապակցության ժամանակը գլխավոր նախադասության գործողության ժամանակը բացահայտվում է միայն նրան նախորդող մի այլ գործողություն նկարագրելու միջոցով։ Գլխավոր և երկրորդական նախադասությունների ստորոգյալները այս տիպի անշաղկապ նախադասություններում իրենց ժամանակներով սովորաբար համաձայնում են։

Երբ նկարագրվում են անցյալում կատարված՝ իրար հաջորդած գործողություններ, անշաղկապ բարդ նախադասության մեջ գործածվում է բայի սահմանական եղանակի անցյալ կատարյալ ժամանակը։ Սա ժամանակի երկրորդական նախադասությունների անշաղկապ կապակցության ամենատարածված ձևն է։ Բերենք օրինակներ։

Տեսավ՝ չեն գալի, դուռ չեն բաց անում, ինքն էլ մեկնվեց քաղքի մերդանում (ՀԹ, 2, 32). Տեսան տանը չի կարողանում ծառայի՝ խանութ տարան Գիքորին (ՀԹ, 3, 42). Արհեստանոց իսկույն վաղեցու պատվիրեց շորս հատ ակնոց... Աևով նայեց՝ արևն անգամ նրան բվաց մի սառցագունդ (ԳԲ, 94)։ Այդ օձը մեր տան բախտի պահպանողն էր. սպանվեց օձը, դժբախտություններն սկսվեցին մեկը մյուսի հետևից (ԳՄԵ, 322)։ Ա՛յ գեներալ էր, — ասաց մի զինվոր, — որ այստեղ էր, կարծես վրանը լցվել էր, գնաց՝ վրանը դատարկվեց (ՀԹ, 275)։

Վերջին օրինակում ժամանակային հարաբերություն ցույց տվող անշաղկապ բարդ նախադասությունը իր հերթին հանդիսանում է համադասական անշաղկապ բարդ նախադասության երկրորդ բաղադրիչը (առաջին բաղադրիչը դարձյալ ժամանակային հարա-

բերություն ցուց տվող բարդ նախադասություն է, սակայն շաղկապական կապակցությամբ):

Այս տիպի անշաղկապ բարդ նախադասությունների առաջին բաղադրիչները սովորաբար ունենում են պատճառի իմաստալին երանգ, այսինքն նկարագրում են այնպիսի գործողություն, որը նախորդելով զլիսավոր նախադասության գործողությանը՝ միաժամանակ կարծեք պատճառ է հանդիսանում վերջինիս կատարման համար (տես վերևի օրինակները):

Անցյալ կատարյալ ժամանակով ժամանակի հարաբերություն ցուց տվող անշաղկապ բարդ ստորադասական նախադասությունները տարածված են նաև ժողովրդական առածների, ասածվածքների մեջ, սակայն այս դեպքում նրանք ցուց են տալիս ոչ թե կոնկրետ ժամանակում իրար հաջորդած գործողություններ, այլ գործածվում են ընդհանուր-անորոշ նշանակությամբ:

### Օրինակներ՝

Գիլի գլխին ավետարան կարդացին, ասաց՝ շուտ արեք, ոչխարը սարն անց կացավ (Համկ. առած., 74): Խոշին տեսան, աղքատ մոռացան (ն. տ., 7): Սուտ ասողի տունը կրակ ընկալ, շը հավատացին (ն. տ., 79): Զկամին կամ լծեցին, եղները նանեց սարերը (ն. տ., 139):

բ) Ժամանակային հաջորդականություն նշող անշաղկապ բարդ ստորադասական նախադասություններում գործածական են նաև ըղձական և պայմանական եղանակները: Այս դեպքում զլիսավոր նախադասությամբ նկարագրվում է ապագայում կատարվելիք գործողություն, որի կատարվելու ժամանակը ավելի որոշակի է դառնում, բացահայտվում է նրանից առաջ կատարվելիք մի այլ գործողություն նկարագրելու միջոցով: Ըստ որում կամ և զլիսավոր, և երկրորդական նախադասություններում գործածվում է պայմանական եղանակը և կամ զլիսավոր նախադասության պայմանական եղանակին երկրորդականի մեջ համապատասխանում է ըղձական եղանակը (երկու դեպքում էլ ստորոգյալները ժամանակներով համաձայնում են, սովորաբար երկուսն էլ դրվում են ապառնի ժամանակով): Բերենք օրինակներ յոդաքանչյուր դեպքի համար:

Չէ, հավատացնում եմ քեզ, Միքայել, նա շատ կրթված աղջիկ է: Այ, կգնանք, ինքդ կտեսնես (ՆԴ, 2, 429): Պարզ է՝ ուազմական գաղտնիք չ... Կամ ժամանակը՝ կիմանաք (ՄԱ, 3, 280): Այսօր, վաղը կվերանա, կտեսնեք (Գ. ՌՀ., Մ., 70): Այս նախադասությունները իրենց կապակցության բնույթով շատ մոտ են համադասությանը:

Բայց աշունը վերջանա, մի անդամ կգամ Թեհրան (ն. տ., 109), էս տարի բերքը բարով-խերով նավաֆենք, աշնանը մարդ կուղարկեմ ձեր տոռն, խնամախոն (Ա. Սահ., 32). Գնամ, վերադառնամ՝ կմտածենք այդ մասին (Գ. Ռշ. Մ., 52):

Այս կառուցվածքի նախադասություններում երբեմն նկարագրովում են սովորաբար իրար հաջորդող գործողություններ. օրինակ՝ Մի ուսի աեսնի՝ կկանգնի, աչքի պոշով կնայի, մտքում կնաշվի, թե քանի տախտակ դուքս կգա (ԱԲ, 73):

Այստեղ երկրորդ՝ գլխավոր մասը իր հերթին ժամանակային հաջորդականության նշանակություն ունեցող անշաղկապ բարդ համադասական նախադասություն է: Այն, որ առաջին մասը հավասարազոր չէ մյուսներին և ստորադասված է նրանց, երևում է անշաղկապ բարդ նախադասության կառուցվածքից. առաջին մասում ստորոգյալը՝ դրված է ըղձական եղանակով, իսկ մյուսներում՝ պայմանական. այնուհետև՝ երկրորդ մասի բաղադրիչների ինտոնացիան թվարկման է, իսկ առաջին մասի և երկրորդի միջև եղած ինտոնացիան՝ բացատրական:

Հազվագեպ և՝ գլխավոր, և երկրորդական նախադասությունների մեջ գործածվում է ըղձական եղանակի ապանի ժամանակը. օրինակ՝ —Ո՞ւր, —հարցրեց Տիմոֆեևը: —Եորես հազնեմ՝ գամ (Վեր., ԻԳԵ, 367): Իսկ երբեմն էլ, երկրորդական նախադասության մեջ պայմանական եղանակի գործածության դեպում, գլխավոր նախադասությունը լինում է անվանական. օրինակ՝ Տեղդ ժանր նստիր: Կլասանա, նեղեները կիշնեն, նոր բարի նանապարհ (ՄԽՀ, 1, 94):

Ըղձական և պայմանական եղանակների անցյալ ապանի ժամանակները ևս ժամանակային հարաբերություններ արտահայտող նախադասություններում եղբեմն ունենում են անցյալ անկատար ժամանակի իմաստ և ցույց են տալիս սովորաբար իրար հետ կրկնվող գործողություններ. օրինակ՝ Նրանք սև ասեին, պ. Մարութեն կասեր սպիտակ. Նրանք հա ասեին, պ. Մարութեն կասեր՝ չէ— (Ե. Զար., 337): Անտառում գայլ կնարձակվեր մեզ վրա՝ մենք միասին էինք, եղնիկի ձագ բռնեինք, թե նապաստակի՝ միասին («Ավանդարդ», 5/2—59 թ.):

Ապագայում կատարվելիք գործողությունն շելիս, ժամանակի երկրորդական նախադասությունները ունենում են պայմանի իմաստային երանգ, այսինքն՝ տրվում է նաև այն, որ երկրորդական նախադասության գործողությունը՝ կատարվելով գլխավոր նախադասության գործողությունից անմիջապես առաջ, պայման է հանդի:

սանալու գիշավոր նախադասության գործողության կատարման համար Սակայն այս նախադասությունները տարրերվում են պայմանի երկրորդական նախադասություններից նրանով, որ եթե վերջիններին միջոցով տրվում է ենթադրվող գործողություն, որի կատարման համար անհրաժեշտ է որևէ այլ գործողության կատարում, ապա այս դեպքում նկարագրվող երկույթները դիտվում են իրեւ հաստատ կատարվելիք գործողություններ, որոնք իրար հետ կապված են ժամանակային հաջորդականության նշանակությամբ (տե՛ս վերևի օրինակները):

Ներկա ժամանակը այս նախադասություններում գործածվում է երկու գեպեր:

ա) Երբ կիրառվում է իրեւ պատմական ներկա, այսինքն՝ նկարագրվում են անցյալում կատարված գործողություններ. օրինակ՝ Կոռանում, բարձրացնում են քարը — բացվում է նրանց առաջ մի մութ ներքնահարկ (Ե. Զար., 303): «Ինում է թաթոն ոտքը ջրաղացքարի վրա. շարժվում է» (Ե. Զար., 303):

բ) Ավելի հաճախ՝ երբ նկարագրվում են սովորաբար իրար հաջորդող նախադասություններ. օրինակներ՝

Մանասը ուրիշ բան է: Մենք միայն նրան ենք հավատում: Տեսնում է մեզ, ասում է՝ ինչ որ արդար ու ճիշտ է (Լեռ, 281):

...Ու չեն էլ նկատում: Ասում ես՝ զարմանում են... բացատրում ես՝ խեթում են (Ե. 10/2—61 թ., էջ 2): Դեպի բարձր նայում ես, քեզ հովանավորում է պարզ, աստղագարդ երկինքը (Բ, 5, 12): Քարը վատ է, շատ է բթանում, մի օր բանեցնում ես, այլևս ոչինչ չի կրտում, պետք է միշտ սրել (Բ, 7, 215): Բերան կա հաց շկա, հաց կա, բերան շկա (Հայկ. առած., 2): Հազար կը մեռնի՝ մեկ շի շվարի, մեկ կը մեռնի՝ հազար կը շվարի (Հայկ. առած., 1):<sup>1</sup>

Ինչպես երկում է բերված օրինակներից, այս տիպի ժամանակի նախադասությունները հանդես են գալիս հիմնականում բարդ կազմով անշաղկապ բարդ նախադասություններում, որպես զուգադրական անշաղկապ նախադասության բաղադրիչներ:

Երբ կրկնվող գործողությունների նկարագրությունը վերաբերում է անցյալին, գլխավոր և երկրորդական նախադասություններում գործածվում է սահմանական եղանակի անցյալ անկատար ժամանակը. օրինակ՝

Մենք զարմանում էինք, որ նա այդպես փոխվել է, հարցնում

1 Վերջին օրինակը բարբառային է. նրա բայ-ստորոգալների ձևերը ներկայի ձևեր են:

էինք, հազիվ էր պատասխանում (*Մ. Ման.*, 42): *Երբեք նրան այնքան վիրավորական, այնքան անտանելի չէր թվացել նրա դրությունը, որքան այժմ:* Հանդիպում էր յուր ծանոթներին—ոչ ոք չէր մռանենում նրան (*Ծ, 2, 433*): Լավ մայթե՞ր էին անցկացնում՝ դրանք նույնպես «Ճարդանդի մայթեր» էին (*ՄԱՊ, 691*):

Վերը նկարագրված նախադասություններում ստորագասական կապակցությունը արտահայտվում է ինտոնացիայի միջոցով, որով և այս նախադասությունները տարբերվում են ժամանակային հաշորդականության նշանակությունուներից: Առաջին դեպքում անշաղկապ նախադասության իմտանացիան նախադգուշական-բացատրական է, իսկ երկրորդ դեպքում՝ թվարկման:

Որոշ դեպքերում անշաղկապ նախադասությունների ստորադասական կապակցության դրսևորմանը օժանդակում են բառաքերականական միջոցները, որոնք միաժամանակ իմաստային նրբերանգներ են տալիս ժամանակային հաֆորդականության նշանակությանը: Այսպես՝ ժամանակային հարաբերությունը ստանում է անմիջական հաջորդականության նշանակություն, երբ՝ *ա*) առաջին մասի սկզբում (կամ կազմում) հանդես է գալիս հազիվ մակրայր. օրինակ՝ Հազիվ ծանրացան արտեանունքները—քնեց արեղան յուր կոշտ անկողնում (*ՀԹ, 2, 22*): *բ*) Առաջին մասի ստորոգյալը կրկընվում է ժխտական ձևով, օրինակ՝ Հովհաննես քաղեցինք-շրադեցինք՝ դու էլ ծովեցիր, լղարել, Տենց չոփ ես դառել (*Մ. Ման., 43*): *գ*) Առաջին մասի իմտանացիան մոտենում է հարցական իմտանացիային, երկրորդ մասը սկսվում է իսկույն մակրայով (օրինակ՝ Նոր, Հոկայական ավտորուանե՞ր էր ստանում քաղաքը, իսկույն դրանք մկրտում էին «Ճարդանդի ավտորուս» անունով (*ՄԱՊ, 691*), կամ առաջին մասի ստորոգյալը դրվում է ըղձականի անցյալ ապառնի ժամանակով, երկրորդ մասը դարձյալ սկսվում է իսկույն-ով, իսկ ստորոգյալը (երկրորդ մասի) դրվում է անցյալ անկատար ժամանակով. օրինակ՝ Գյուղը մի նոր գիրք մտներ՝ իսկույն հուն առնում էր (*Ա. Սահ., 136*):

Երբեմն իսկույնը կարող է բացակայել, իսկ գլխավոր նախադասության ստորոգյալը կարող է լինել բաղադրյալ (անցյալ ժամանակով դրված հանգուցով). օրինակ՝ Գարունը բացվեց՝ մինչև խոր աշուն, քեռի Վարդանը արտերի մեջ էր (*ԴԽ, 95*):

Նույն հարաբերությունն է արտահայտված նաև հետևյալ նադասության մեջ՝ Զես հասցնում հայացքդ շրջել, տեղն արդեն ակուված է («Երևան», 16/5, 59 թ.):

Այս ձևերը գործածվում են սովորաբար իրար անմիջապես հաջորդող գործողություններ նկարագրելու համար, կամ ընդհանուր դատողություններ անելիս: Վերջին դեպքում անշաղկապ նախադասությունը կարող է ունենալ նաև հետևյալ կառուցվածքը. առաջին մասի ստորոգյալը դրվում է անցյալ կատարյալ ժամանակի երկրորդ դեմքով, իսկ երկրորդ մասի ստորոգյալը լինում է բաղադրյալ և ցույց է տալիս այդ գործողության անմիջական հետևանքը. օրինակ՝

Խոսքը քանի բերանդ է՝ քուկդ է, բերնեղ ելավ՝ քովդ չէ (Հայկ. առած., 128); Ի՞նչ է, ներկարարի կարա՞ս է՝ շորը ցցեցիր մեզը, պատրաստ է (Վերդ., իդե, 333): Աշքդ բերեցիր՝ բանիդ տերը չես (ՀԹ, 2):

Հազվադեպ ժամանակային հաջորդականություն ցույց տվող անշաղկապ բարդ նախադասություններում լինում են ժամանակային հակառակ հաջորդականության հարաբերություններ. այսինքն՝ գլխավոր նախադասության գործողության կատարման ժամանակը որոշվում է նրան հաջորդած այլ գործողություն նկարագրելու միջոցով. երկրորդական նախադասությունը դարձյալ լինում է բացառապես առաջադաս (դրանով ավելի է ընդգծվում այս նախադասության ստորադասական լինելը, որովհետև համադասության ժամանակ առաջին մասում միշտ նկարագրվում է նախորդ գործողությունը): Այս նախադասությունները նախորդներից տարբերվում են կառուցվածքային այն առանձնահատկությամբ, որ ժամանակային փոխհարաբերություններն արտահայտելու համար շարադասության և ինտոնացիայի հետ միասին անպայման հանդիս են գալիս բառաքերականական այլ միջոցներ: Դրանք են՝

ա) երկրորդական նախադասությունը, այսինքն՝ անշաղկապ բարդ նախադասության առաջին մասը սկսվում է դեռ մակրայով (դեռ-ը երբեմն կարող է դրվել ենթակայից հետո, բայց միշտ՝ ստորոգյալից առաջ), ստորոգյալը դրված է լինում անցյալ վաղակատար ժամանակի ժիւտական ձևով, որի միջոցով նկարագրվում է այնպիսի գործողություն, որը ոչ թե ընդհանրապես չի կատարվել, այլ չէր կատարվել մինչև գլխավոր նախադասությամբ նկարագրված գործողության կատարումը. գլխավոր նախադասության ստորոգյալը միշտ դրվում է անցյալ կատարյալ ժամանակվ. օրինակ՝

Դեռ եազ չեր եղել, եասան Միանե (Գ. Ռշ. Մ., 160): Դեռ արտասուքը չէր ցամաքել նրա երեսին, դեռ այրվում էին խազեինի ապտակների տեղերը, դեռ նոր էր լոել աղջիկ պարոնի ձենը—շվացնելով ներս մտավ Վասոն (ՀԹ, 3, 43):

Վերջին նախադասությունը ունի բարդ կառուցվածք — այստեղ

Հանդես են եկել երեք ժամանակի երկրորդական նախադասություններ, որոնցից յուրաքանչյուրը ունի տարրեր ժամանակային նշանակություն. 1-ին նախադասությունը ունի վերը նկարագրված ձևը՝ ցուց է տալիս գլխավոր նախադասության գործողությունից հետո կատարված գործողությունը (ընդգծվում է նրա կատարված վիճելը՝ մինչև գլխավոր նախադասության գործողության տեղի ունենալը): Երկրորդ նախադասությունը ունի մասնակի միաժամանակության նշանակություն՝ ցուց է տալիս այնպիսի գործողություն, որը գեռ շարունակվում էր, երբ տեղի էր ունեցել գլխավոր նախադասության գործողությունը: Այդ իմաստը տրվում է բայի անցյալ անկատար ժամանակի միջոցով: Երրորդ նախադասությունը ունի դարձյալ ժամանակային. Հաջորդականության նշանակություն, սակայն ոչ թե նկարագրում է հաջորդած նախադասություն, ինչպես առաջինում է, այլ անմիջապես նախորդած գործողություն. դա արտահայտվում է անցյալ վաղակատար ժամանակի հաստատական ձևով և նոր մակրայով դեռ-ի մոտ (դեռ նոր):

Ինչպես երևում է բերված օրինակներից, այս կառուցվածքի բարդ նախադասությունների անշաղկապ կապակցությունը բռնազրուիկ է, ոճական տեսակետից անհարթ: Ավելի ճիշտ և օրինաշափական է այս նախադասությունների շաղկապավոր կապակցությունը (Դեռ ճաշ չեր եղել, երբ հասան Միանե և այլն):

բ) Անշաղկապ բարդ նախադասության առաջին՝ ստորադաս մասի սկզբում դրվում է նենց այն է, այն է, (բրբ. էն է) բառակապակցությունները, ստորոգյալը հանդես է գալիս անցյալ անկատար ժամանակով, իսկ երկրորդական մասի ստորոգյալը՝ անցյալ կատարյալ ժամանակով: Գլխավոր նախադասության գործողության կատարման ընթացքում դեռևս շկատարված գործողությունը երբեմն տրվում է երկրորդական նախադասության ստորոգյալի մոտ դրված անորոշ դերքայի միջոցով. օրինակ՝ Նենց այն է, կամենում էր վեր կենալ և գնալ մառան, նկատեց դիմացը ծառի բնին հենված Դժխոյին (ԴԴ, 3, 128): Նշան ես բռնում և էն է՝ ուզում ես կրակել, մեկ էլ տեսար իւլցկոտելով շքվեցին (ՍԽՀ, 1, 149):

Վերջին նախադասությունը ունի սովորաբար տեղի ունեցող գործողությունների նշանակություն: Այդ նշանակությունը արտահայտվել է երկրորդ դեմքի ներկա ժամանակակի օգտագործումով երկրորդական նախադասության մեջ:

Ինչպես երևում է վերը նկարագրվածից, անշաղկապ բարդ ստորադասական նախադասությունները կարող են ունենալ նաև մասնակի միաժամանակության նշանակություն: Այս դեպքում երկ-

բորդական նախադասության ստորոգլալը ցուց է տալիս անցյալում դրսենորված որևէ դրություն, վիճակ, որի հետևանքով կամ լինում է բաղադրյալ (ստորոգելիական հանգույցը դրված է լինում անցյալ ժամանակով), կամ դրություն ցուց տվող բայի անցյալ անկատար, անցյալ հարակատար ժամանակներով արտահայտված պարզ ստորոգյալ. Ստորոգլալի մոտ, որպես օժանդակ միջոց, հանդես է գալիս դեռ, երբեմն նաև (սակավ դեպքերում) տակավին մակրայր. Գլխավոր ճախադասության ստորոգյալը միշտ դրվում է անցյալ կատարյալ ժամանակով. օրինակ՝

Ես միամիտ մանուկ էի տակավին, հոգիս ցնցեց գողտրիկ մի ձայն երկնային (Հովհաննիսյան). ... Դեռ այրվում էին խաղեինի ապտակների տեղերը... — շվալցնելով ներս մտավ Վասոն (ՀԹ, 3, 43):

Ստորադասական պետք է համարել նաև ժամանակային հարաբերություն արտահայտող հետևյալ անշաղկապ նախադասությունը՝ էս ա հա, էս կուժն էլ պրծնեմ, վեր եմ կենալու (ԱԲ, 144): Այս նախադասությունը տարբերվում է ժամանակային հաջորդականության նշանակությունուն ունեցող անշաղկապ բարդ համադասական նախադասություններից նկատով, որ տանի բացատրակամ իմտոնացիա, և' առաջին և' երկրորդ բաղկացուցիչ մասերում գործածված են տարբեր ժամանակներ (համադասության ժամանակ բոլոր մասերում սովորաբար գործածվում է նույն ժամանակը):

Մրանք են ժամանակային հարաբերություններ արտահայտող անշաղկապ բարդ նախադասությունների կառուցվածքային առանձնահատկությունները և դրանց միջոցով դրսենորված իմաստային նրբերանգները:

ՊԱՏՃԱՌԱԾԵՑԵՎԱՆՔԱՅԻՆ ՀԱՐԱԲԵՐՈՒԹՅՈՒՆՆԵՐ ԱՐՏԱՀԱՅՏՈՂ  
ԱՆՇԱՂԿԱՊ ԲԱՐԴ ՆԱԽԱԴԱՍՈՒԹՅՈՒՆՆԵՐ

Անշաղկապ բարդ նախադասությունների համակարգում հատուկ տեղ են գրավում նրանք, որոնց բաղկացուցիչ մասերի միջև առկա են պատճառահետևանքային հարաբերություններ, այսինքն՝ բաղկացուցիչ մասերից մեկով նկարագրվում է որևէ երևույթ, գործողություն, իսկ մյուսով՝ նրա առաջացման, երևան գալու պատճառը, հիմնավորումը: Այս նախադասությունները իրենց կառուցվածքով բաժնվում են երկու խմբի՝ պատճառի նախադասություններ, երբ անշաղկապ նախադասության առաջին՝ հիմնականը համարվող մասով տրվում է որևէ գործողություն, երևույթ, իսկ երկրորդով նրա

առաջացման պատճառը և հետևանքի նախադասություններ՝ երբ առաջին մասով հաղորդվում է պատճառ հանդիսացող գործողությունը, եղելությունը, երկույթը, իսկ երկրորդ մասով տրվում է նրանից առաջացած հետևանքը: Այս երկու դեպքերում էլ նախադասության մասերի միջև գոյություն ունի նույն հարաբերությունը (պատճառահետևանքային), սակայն մի դեպքում հաղորդման նպատակն է լինում նկարագրել հետևանք հանդիսացող երկույթը, իսկ պատճառը տրվում է որպես լրացում (պատճառի երկրորդական նախադասություններ), իսկ մյուս դեպքում հիմնական նպատակն է լինում հաղորդել պատճառ հանդիսացող երկույթի մասին, իսկ հետևանքը նկարագրվում է որպես պարզաբանող մաս, լրացում (հետևանքի երկրորդական, նախադասություններ): Որովհետև այս տարատեսակներից յուրաքանչյուրը ունի իր կառուցվածքային և իմաստային առանձնահատկությունները, այդ պատճառով սրանք պետք է քննարկել առանձին-առանձին:

### 1. ՊԱՏՃԱՌԻ ԵՐԿՐՈՐԴԱԿԱՆ ՆԱԽԱԴԱՍՈՒԹՅՈՒՆԻ ՊԱՐՈՒՆԱԿՈՂ ԱՆՇԱՂԿԱԴ ԲԱՐԴ ՆԱԽԱԴԱՍՈՒԹՅՈՒՆՆԵՐ

Ինչպես արդեն ասվեց, պատճառի երկրորդական նախադասությունների միջոցով տրվում է այն երկույթը, գործողությունը, որը պատճառ է հանդիսանում գլխավոր նախադասության գործողության կատարման համար: Այս նախադասությունները ունեն կառուցվածքային հետևյալ առանձնահատկությունները:

Երկրորդական՝ պատճառ ցույց տվող նախադասությունը լինում է վերջադաս, այսինքն՝ լինում է անշաղկապ-նախադասության երկրորդ բաղադրիչը:

Պատճառային հարաբերություններ պարունակող անշաղկապ բարդ նախադասություններում ինտոնացիան բացատրական է: Այդ է պատճառը, որ այս դեպքում գլխավոր և երկրորդական նախադասությունները շատ հաճախ բաժանվում են իրարից ոչ թե ստորակետով, այլ բովով կամ անշատման գծով: Գլխավոր նախադասությունը արտասանվում է բարձր տոնով, նախադասության վերջում ձայնը մի փոքր իշնում է, դրան հաջորդում է կարճատև դադար, ապա արտասանվում է երկրորդական նախադասությունը՝ ցած տոնով: Շնորհիվ այս տիպի ինտոնացիայի մեր ուշադրությունը բևեռվում է առաջին նախադասության բովանդակության վրա, որը և հանդիսանում է գլխավորը:

Հստ իրենց արտահայտած իմաստային փոխհարաբերու-

թյունների այս նախադասությունները բաժանվում են երկու խմբի՝ բուն պատճառի և հիմունքի:

1. Բուն պատճառի նախադասությունների առկայության դեպքում անշաղկապ բարդ նախադասության մեջ նկարագրվում են ուեալ իրականության մեջ կատարված կամ կատարվող գործողություններ, իրողություններ: Անշաղկապ նախադասության առաջին՝ հիմնական մասում նկարագրվում է արդեն կատարված կամ կատարման ընթացքի մեջ գտնվող որևէ գործողություն, երկրորդ մասում նկարագրվում է այն երեսությունը, իրողությունը, որը պատճառ է հանդիսացել գլխավոր նախադասության գործողության կատարման համար: Այդ իսկ պատճառով բուն պատճառի բարդ նախադասություններում հիմնականում գործածվում են սահմանական եղանակի ձևերը: Գլխավոր նախադասության մեջ շատ է տարածված հատկապես անցյալ կատարյալ ժամանակի գործածությունը: Երկրորդական նախադասության գործողությունը սովորաբար նախորդում է գլխավոր նախադասության գործողությանը, սակայն կարող է լինել նաև անցյալում սկսված և գլխավոր նախադասության գործողության կատարման ընթացքում շարունակվող գործողությունը, եղելությունը: Այդ պատճառով երկրորդական նախադասության ստորոգյալը կարող է արտահայտված լինել անցյալ կատարյալ, անցյալ անկատար, անցյալ վաղակատար ժամանակներով և կամ լինել բաղդրյալ՝ անցյալ ժամանակի հանգույցով: Օրինակներ՝

Դահլիճով շարժում անցավ, Ավերյան Օլեսինը ձեռքը դրեց զանգին, բայց զանգահարելու հարկ չեղավ. Հետաքրքրությունից լարված կոլտնտեսականները նորից վերահաստատեցին լուսություն (ՄԱՅ, 283): Ես այդ բանը հորս հայտնել շկարռղացա. լեզուս կարկամել էր ուրախությունից (Մուր., 3, 80): Ես կամենում էի, որ ավելի մեծագին ընծաներով պարզեցատրեին նրան, բայց նորս ոչինչ շասացի, խնդիրն ինձ էր վերաբերում, ամաշում էի (ն. առ., 80): Թանակայինները եկան, անցան մեր կողքով, և մենք շնամարձակիվեցինք ոչինչ հարցնել. Վախենում էինք լսել իրողությունը (ՄԱՊ, 648): Տիգրանը հայացքն էլ շրեթեց ձայնի կողմը. նա այդքան ուժ չունեց (Ա. Սեկ., 490): Տղերքը օդը ճեղքութեցին մտրակներով, բայց սլանալ շաշողվեց՝ ճանապարհ նեղ էր, ոլորապտույտ (ՄԱՊ, 3, 230): Դենիզն ասաց գլխին եկած առաջին բանը—շէր ուզում ժողովի մասին պատմելով վշտացնել մորը (Ի. էր., ՓԱ, 1, 61): Պ. Մարուքեն շպատախաննեց. տրամադրությունը վատ էր՝ գիշերը չէր քնել (Ե. Զար., 328): Կայարանում նրան շատ սիրեցին, աշխաբաց էր, աշխատասեր (Մ. Ման., 225): Հուզված Սեդան դիմքը դարձեց դե-

պի լուսամուտը և մնաց զարմացած. կաթնագույն լույսով էին ողողվել ապակիները (Ա. Սեկ., 28):

Բաղադրյալ ստորոգյալ ունեցող երկրորդական նախադասությունները կարելի է համարել նաև հիմունքի, քանի որ նրանցով հիմնագրովում է գլխավոր նախադասությամբ նկարագրված գործողությունը (տե՛ս վերևի օրինակները):

Երբ նկարագրվում է անցյալում կատարված տեական գործողություն, գլխավոր նախադասության ստորոգյալը դրվում է անցյալ անկատար ժամանակով: Երկրորդական նախադասության մեջ հանդես են գալիս դարձյալ նույն ժամանակները: Օրինակներ՝

Սնվելու մասին նա չէր էլ մտածում. խաղողը հասել էր, և դա էլ պահում էր նրան (Ա. Սեկ., 430): Շատերը լավիս էին... բժիշկն էր մենակ խաղաղ. սովորական բան էր նրա համար (ԱԲ, 35): Որևէ բանով հյուրասիրել չէր կարող, մայրն ու տատը կալումն էին (Ա. Սահ., 139): Լողորդը ցած գնալու համար այլևս ոչ մի ուժ չէր գործադրում. ջուրն ինքն էր տանում նրան (Ա. Սեկ., 557): Ես գեռ պատճառի հետևանքների մասին մտածելու կարողություն շունեի, տարիքս չէր ներռում (Հեկվ., 42):

Բուն պատճառի նախադասություններում կարող են գործածվել նաև սահմանական եղանակի ներկայի ձևերը, որոնցով տրվում են պատճառահետևանքային հարաբերությունները ներկա ժամանակակետի հարաբերությամբ. օրինակ՝

Մենք փող չունենք, մեղանից հեռու է փախչում, վախենում է պարտք խնդրենք (Շ, 2, 426): Եվ սրտերում մեր—տրտումը չկա. Մենք հավատում ենք հիմա կյանքին (Ե. Զար., 107): Բայց ես խնդրում եմ հրամանը տալ երկու ամսից հետո, ես ուզում եմ մի քիչ հանգստանալ (Ա. Սեկ., 7):

Բուն պատճառի նախադասություններին շատ մոտ են կանգնած այն նախադասությունները, որոնց կապակցությունը գլխավոր մասի հետ մոտենում է հարակցությանը և որոնք ունեն բացարական բնույթ: Այս նախադասությունները ունեն կառուցվածքային այն առանձնահատկությունը, որ առաջին նախադասության ինտոնացիան մոտենում է ինտոնացիոն ամբողջականություն ունեցող, այսինքն՝ ինքնուրույն, ավարտված նախադասությունների ինտոնացիային. ձայնը առաջին մասի վերջում զգալի իշնում է (դեռևս չի հասնում ավարտված նախադասության ինտոնացիային), դադարը ևս երկու մասերի միջև ավելի մեծ է լինում, քան վերևում նկարագրված դեպքերում: Դրավոր դա արտահայտվում է միջակետի միջոցով: Բարդ նախադասության երկրորդ մասում, որպես լրացուցիչ

Հաղորդում՝ բացատրություն, նկարագրվում է այն երևույթը, գործողությունը, որը պատճառ է հանդիսացել գիխավոր մասի գործողության կատարման համար: Բերենք օրինակներ:

Վահրամն արագացրեց քամերը. նա ուզում էր ըուպե առաջ հասնել տուն և խոսել մոր հետ (Ա. Սեկ., 76): Արփիկը նոր միայն վախ զգաց. այդպիսի անձրևը հողի տակից էլ սերմեր կհաներ (ն. տ., 98): Գարեգինի դեմքը պայծառացավ. համագյուղացի որսկանի երևալը մի քիչ զվարթացրեց երան (Սեշ, 1, 73): Բաղալյանը շատ կօգներ. նա միշտ շփման մեջ է բանվորների հետ (Վերդ., իջե, 381): Խոկ շանչերը հարկավոր էր մի կողմ քաշել. դրանցից ամենաարնտիր օդին էր ստացվում (Ա. Սեկ., 415): Գողին ձին գոմում կապելոց իսկույն վազել էր ու դռան մոտ կանգնել. երան էլ մի բան պիտի հասներ (ԱԲ, 477—478):

Ինչպես երևում է բերված օրինակներից, այս անշաղկապ նախադասությունների մասերին հաճախ համեմատաբար ինքնուրույնություն է տալիս անձնական կամ ցուցական դերանունների գործածությունը երկրորդ մասում, որոնք (անձնական կամ ցուցական դերանունները) փոխարինում են առաջին մասի ենթակային, սակայն երկրորդ մասում կարող են հանդիս գալ զանազան պաշտոններով (տես վերևի օրինակները): Այս, որ այս նախադասությունները իրենց բնույթով պատճառի են, պարզ երևում է նրանից, որ երկու բաղադրիչների արանքում կարելի է դնել օրովհետև շաղկապը, որով նախադասության իմաստը բոլորուվին չի փոխվի:

2. Շատ ավելի տարածված են այն անշաղկապ բարդ նախադասությունները, որոնց երկրորդ բաղադրիչը ունի հիմունքի նշանակություն, այսինքն՝ այն նախադասությունները, որոնց առաջին մասում տրվում է որևէ դատողություն, իսկ երկրորդ մասով հիմնավորվում է այն: Այս նախադամությունները ունեն կառուցվածքային և իմաստային հետեւյալ առանձնահատկությունները.

ա) Անշաղկապ բարդ նախադասության առաջին մասը պարունակում է որևէ գործողություն կատարելու հրաման, հորդոր, իսկ երկրորդ մասով հիմնավորվում է այդ պահանջը, այսինքն՝ նկարագրվում է այն պատճառը (կամ պատճառները), որը հիմք է հանդիսացել այդ պահանջը, հրամանը, հորդորը տալու: Օրինակ.

Կանգնիր, քարավանս, ինձի կրթվա, թե հայրենիքնես ինձ մարդ կը կանչե (Ավ. Խս., 1, 140): Զարթեք, երգեր իմ, ժամ է հնչելու, Զինելու նորից զնդերը ցրիլ (ՎՃ, Երկ., 206):

Այս նախադասությունների գերադաս մասում ստորոգյալը դրվում է հրամայական եղանակով, որով արտահայտվում է խո-

սակցին տրված հրամանը, պահանջը: Երկրորդ՝ հիմունքի երկրորդական նախադասության ստորոգյալը սովորաբար դրվում է սահմանական եղանակի ձևերով, որով ընդգծվում է հիմնավորման ռեալ լինելը. երբեմն գործածվում է նաև պայմանական եղանակի ապառնի ժամանակը, որը, սակայն, այս դեպքում չի ունենում պայմանի նշանակություն, այլ ցուց է տալիս ռեալ կատարվելիք գործողություն:

Երկրորդական նախադասության ստորոգյալը կարող է լինել նաև բաղադրյալ, որով նկարագրվում է այն երկույթը, իրողությունը (ոչ գործողություն), որը հիմք է հանդիսացել գլխավոր նախադասության ենթակային առաջադրված հրամանի համար: Օրինակներ.

Սև աշերեն շատ վախեցիր,—էն մութ, անծեր զիշեր է (Ավ. Իս., 1, 58):

Տղաս, վեցցու պարկը քեզ հետ, Պարկը տանը պետք կգա (Ավ. Իս., 2, 118); Պտտվիր, պտտվիր կարուսել, ես քո երգը վաղուց եմ լսել (Վ.Տ. Երկ., 200); Փախիր, քարն ընկալ (ԱԲ, 487); Գնա, նա սպասում է քեզ (Ավ. Իս., 3, 270); Գնացեք կշեռքի մոտ. սկսում ենք աշխօրերի բաժանումը (Ա. Սեկ., 412); Ավո ջան, իմ մանգաղն էլ դու վեցցու, վաղուց է հունձ շես արել, հավեսդ կհանես (Ա. 5/2—59 թ.). Խմիր այս բաժակը, աղաշում եմ, նա կիանգստացնե սիրտդ (Մուր., 3, 34):

Երբեմն գլխավոր նախադասության մեջ գործածվում է ոչ թե բուն հրամայական եղանակը, այլ ըղձական եղանակի ապառնի ժամանակը՝ հրամայական եղանակի իմաստով: Այս դեպքում գլխավոր նախադասությամբ տրվում է կամ համատեղ որևէ գործողություն կատարելու հորդոր, կամ անուղղակի հրաման (հրամանը վերաբերում է ոչ թե խոսակցին, այլ մի երրորդ անձնավորության): Օրինակներ.

Ետ գնանք. այս մարդկանց երեսը հազար անգամ տեսել եմ և ձանձրացել (Շ, 2, 165): Այս վայրկյանիս լծվի իմ կառքը, ես առանց բոցի ուշանալու պիտի գործարան հասնեմ (Շ, 1, 4): Գնանք ներս, նա կուշանա (Ա. Սեկ., 13): Գնանք գլխավոր բժշկի մոտ, գուցե ձեղնից հարկ լինի ստորագրություն վերցնել (ն. տ., 448):

Վերջին նախադասության մեջ երկրորդական նախադասությունը, հիմունքի նշանակությանը զուգընթաց, ոնի նպատակի իմաստային երանգ (դա արտահայտվում է ըղձական եղանակի գործածությամբ՝ հարկ լինի):

Երկրորդական նախադասությամբ տրված հիմնավորման ռեալ

և արդեն առկա լինելը ընդգծելու համար նրա (երկրորդական նախադասության) սկզբում կարող է դրվել տեսնո՞ւմ ես բառակապակցությունը, որը միաժամանակ օժանդակում է գլխավոր և երկրորդական նախադասությունների կապակցությանը. օրինակ՝ — է՛յ, ... մի քիչ էն կողմ քաշվիր, տեսնո՞ւմ ես սառած մարդ կա (ԳՄԹ, 2, 13): Կամ՝ Դե գնա, տեսնում ես ինքն էլ եկել է (Վերդ., ԻԳԵ, 341):

Հիմնավորման հավանական, ոչ ոեալ լինելու դեպքում երկրորդական նախադասությունը սկսվում է գուցե բառով և լինում է հարցական. օրինակ՝ «Կամաց գնա, գնացք, գուցե ահա այս առվի մեջ մի տղա՝ է խեղդվում» (ԳՄԵ, 414):

Գլխավոր նախադասությամբ կարող է տրվել խոսողի ցանկությունը, իղձը որևէ գործողության կատարման կամ որևէ երկույթի երևան գալու վերաբերյալ: Այս դեպքում նրա (գլխավոր նախադասության) ստորոգյալը դրվում է ըղձական եղանակի ապառնի ժամանակով, որից առաջ երբեմն հանդես է գալիս թող եղանակավորող բառը: Այդ ցանկության առաջացման հիմնավորումը հանդիսացող երկրորդական նախադասության ստորոգյալը դարձյալ դրվում է սահմանական եղանակի ձևերով. օրինակ՝ — Կյանքդ երկար լինի, Վարդիթեր, սիրտ հովացավ (ՍԽՀ, 1—39): Իմ մանգաղը թող վեցնի, ես արդեն հոգնել եմ (Ա, 5/2—59 թ.):

Երբ գլխավոր նախադասությամբ տրվում է հրաման, հորդոր, պահանջ որևէ գործողություն չկատարելու վերաբերյալ, ստորոգյալը դրվում է ժխտական ձևով: Երկրորդական նախադասության ստորոգյալի ժխտական կամ հաստատական լինելը կախված է հիմնավորման բնույթից՝ անկախ գլխավոր նախադասության ստորոգյալի ժխտական կամ հաստատական լինելուց: Սրանց առանձնահատկությունը միայն այն է, որ ստորոգյալը սովորաբար արտահայտված է լինում պայմանական եղանակի ապառնի ժամանակով կամ լինում է բաղադրյալ: Սահմանական եղանակի ձևերը այս դեպքում հանդես են գալիս հաղվաղեապ: Բերենք օրինակներ.

Դու նատալյային մի մեղադրի, Դաշա, նա ազնիվ աղջիկ է (ԱՀ, ՀԱ, 120): — Դե սկսիր, աղջիկս, մի ամաշի, այստեղ բոլորը մերոնք են (ՍԽՀ, 1, 112): — Մի վախենա, շեմ մըսի, տունը տաք է, (ՍԽՀ, 1, 140): էշ մի սատկի, գարուն կը գա յոնճա կը կանաչի (Հայկ. առած., 169): — Մի մտահոգվիր, մենք նրան ցույց կտանք ճշմարտությունը (Խել. ՄՄՀ, 144): — Դու մի վախեցիր, որդի, մենք քաղցած շենք մնա (Հիկու, 125): Մի անմայր մանով, հեկեկանքներից հոգնած ու բեկված ննջել է ուզում. մի՛ վրդովեք դուք, մի՛ տանջեք նո-

րից, մի՛ տանջեք նորից—հանգչել է ուզում (ՎՃ, Երկ., 117): Թող ոչ  
ոք ոշին չկասկածի. ինքը շատ խաղաղ սրտով է ընդունել բաժնի  
վարիշի առաջարկը (Ա. Սեկ., 11):

Այս հիմունքի նախադասությունները սովորաբար լինում են  
վերջադաս. միայն հազվադեպ, երբ շեշտվում է հիմունքը և այդ  
նպատակով դրված է լինում հարցական ձևով, որը, սակայն, ունե-  
նում է հաստատական նշանակություն և ավելի է ընդգծում հիմնա-  
վորման ռեալ լինելը, հիմունքի երկրորդական նախադասությունը  
կարող է դրվել նաև առաջադաս. օրինակ՝ Ցավը մարդը պիտի քաշի,  
հո քարը քաշելու չէ, տղամարդ շե՞ս, դիմացիր (ԱՎ. Իս., 3, 18): Այս  
նախադասությունը հավասարագոր է ...Քանի որ տղամարդ ես, դի-  
մացիր նախադասությանը, այսինքն՝ տղամարդ շե՞ս հարցական  
նախադասությունը հիմունքի երկրորդական նախադասություն է:  
Անամպ երկինք, սիրուն գիշեր, լուսնի շողեր ու աստղեր. ես տիսու-  
եմ, սփոփեցեք, մոռալ սիրու վշտաբեկ (ԱՎ. Իս., 1, 23): Այստեղ  
ևս հիմունքի երկրորդական նախադասությունը՝ ես տիսու եմ առա-  
ջադաս է: Բերված տիպի անշաղկապ նախադասություններում երկ-  
րորդական՝ ստորադաս է առաջին բաղկացուցիչ մասը, որովհետեւ  
հաղորդման նպատակը երկրորդ մասով տրված հրամանը, հորդորը,  
կամ պահանջն է: «Ով գիտի՞ պարկում շնալի՞ շկար, Ա՞ղ էր հարկա-  
վոր ոչխարի համար, ուզեց զոքանչի ձկաձեղ ուտել, թե նշանածին  
շատ էր կարոտել—ոչխարը բողել՝ գնացել է տուն» (ՀՅ, 2, 12):

Այստեղ ևս գլխավոր մասը ետադաս է, իսկ առաջին մասով,  
որը իր հերթին բարդ է, տրված են գլխավոր նախադասության գոր-  
ծողության կատարման հնարավոր պատճառները:

բ) Անշաղկապ բարդ նախադասության առաջին մասը որևէ  
իրողության, երևույթի հաստատումն է կամ եղրակացություն, իսկ  
երկրորդ մասում տրվում է այդ հաստատման կամ եղրակացության  
հիմնավորումը: Գլխավոր նախադասության ստորոգյալը այս դեպ-  
քում սովորաբար լինում է բաղադրյալ, իսկ երկրորդական նախա-  
դասության մեջ, նախորդի նման, գործածվում են սահմանական  
եղանակի ձևերը, երբեմն նաև պայմանական եղանակը: Օրի-  
նակներ՝

Դու իրավացի էիր, Ալեքսեյ, շպետք է շտապել վատ մտածել  
մարդկանց մասին (ՄԱՊ, 666): Այդպես ավելի լավ էր. երկար ու  
կենարունացած կմեար իր մտքերի, երազանքների հետ (Ա. Սեկ.,  
529): Քո վիճակը լավ է, երեխաներ շունես (Ի. էր., ՓԱ, 1, 42): Մի  
խոսքով սա վերացական խոսակցություն է— միևնուն է, ինձ շեն

ընտրի (ն. տ., 1, 41): Դուք կարող եք պարծենալ ձեր հայրենակցուլ, նա տաղանդավոր է (Շ, 2, 456).

Երբ գլխավոր նախադասությունը պարունակում է եղբակացություն որևէ գործողության կատարման անհնարինության մասին, այդ գործողությունը ցույց տվող բայց անորոշ դերբայի ձևով դրվում է չի կարելի, չի լինի, նեարավոր չէ և նման ստորոգալների մոտ: Օրինակներ՝

— Նա այդ չի կարող անել, մենք թույլ չենք տալ նրան (Մուր., 3, 232): Ուզանալ չի կարելի. փոքր ինչ դանդաղեցիր՝ կխախտվի վառարանի ջերմային ռեժիմը, կընկնի կարբիդի որակը (Ե, 17/11—60 թ.): Մի ժառ, որ խորին և հաստատուն կերպով արմատ չի ձգել մայր հողի մեջ, չէ կարող դիմանալ աշխարհի փոթորիկներին,— փշեց քամին, կատաղի մրրիկը նրան դուզս կխլե արմատից և կձգե կորստյան անդունդի մեջ (Բ, 3, 313—314): Բայց ոչ. նրան հուդա անվանել չի կարելի. Հուդան խիղճ ուներ, սիրտ ուներ (Մուր., 3, 42):

Ինչպես երևում է բերված օրինակներից, հիմունքի երկրորդական նախադասությունը, իր հերթին, կարող է լինել բարդ (շաղկապավոր կամ անշաղկապավոր):

գ) Անշաղկապավոր նախադասության գլխավոր մասում կարող է տրվել որևէ հարց, իսկ երկրորդական նախադասությամբ նկարագրվել այն երեսվաթը, գործողությունը, որը հիմք է հանդիսացել այդ հարցի առաջացման համար: Գլխավոր նախադասության մեջ այս դեպքում առկա է լինուած որևէ հարցական դերանուն, ամբողջ նախադասությունը արտասանվում է հարցական ինտոնացիայով, դրան հաջորդում է ոչ մեծ դադար, ապա սովորական իշնող ինտոնացիայով արտասանվում է երկրորդական նախադասությունը:

Այս նախադասությունները ունեն կառուցվածքային և իմաստային այն առանձնահատկությունը, որ թեև գլխավոր նախադասությունը ձևով, բնույթով հարցական է, բայց ունի հաստատական իմաստ, այսինքն՝ ցույց է տալիս որևէ գործողության կատարման հնարավոր կամ ոչ հնարավոր լինելը: Այստեղ նախադասության հարցական բնույթն ունի սոսկ ոճական նշանակություն: Օրինակներ.

Ինչպես գեանք, էս ծով ճակնդեղը որ տեսնում ենք, սրտներս էլ է ծովանում (Ա, 17/11—60 թ.): Ի՞նչ կարող է անել. բերքը քիչ ստացվեց, աշխարհին էլ շատ չի հասնում (Ա. Սեկ., 573): Ի՞նչ պիտի անես—Զվարթն ամեն ինչ կարգադրել է (ն. տ., 589): Ի՞նչ մեղավոր

եմ, արել եմ այն, ինչ գրված է եղել կոլտնտեսության կանոնագրքում (ն. տ., 586):

Բերված օրինակներում հարցական նախադասության ձև ունեցող գլխավոր նախադասությունները իրենց արտահայտած իմաստով հավասարազոր են շենք կարող գնալ, ոչինչ շենք կարող անել, ոչինչ շես կարող անել, մեղավոր շեմ ժխտական բնույթի նախադասություններին: Ընդհանրապես այս կառուցվածքի անշաղկապ բարդ նախադասություններում եթե հարցական նախադասության ստորոգյալը ունենում է դրական ձև, ապա ամբողջ նախադասությունը ցույց է տալիս նկարագրված գործողության կատարման անհնարինությունը (տե՛ս վերևի օրինակները), իսկ եթե ստորոգյալը ունենում է ժխտական ձև՝ ապա հավասարազոր է լինում հաստատական (դրական) բնույթի նախադասություններին. օրինակ՝ ինչպես շըգնամ. նա ինձ սպասում է, կամ՝ Վաղը չէի՞ն կարող գալ, այսօր իմաստ գրադաֆ եմ (Վերդ., ԻԳԵ, 306): Ես ինչպես Ձեզ չսիրեմ.— դուք արվեստ եք ու հոգի (Ե. Զար., 154): Այստեղ գլխավոր նախադասությունները հավասարազոր են Պետք է գնամ, եկեք վաղը, ես ձեզ սիրում եմ նախադասություններին: Գլխավոր նախադասության այսպիսի կառուցվածք ունենալու դեպքում երկրորդական նախադասությունը երբեմն լինում է առաջադաս: Օրինակներ.

Որիշները տասնյակներով թթենիներ ունեն, ինչպէս իր մի հատիկ ծառը պիտի շորանա (Մ. Ման., 122): Ազատվել են, էլ ինչի՞ն ես լաց ըլում, ամոք չի՞ (ՀԹ, 3, 88): Դու անուն շունես, քեզ ինչպես կանչեմ (ՎՏ, Երկ., 186):

Այն, որ այս նախադասություններում գլխավոր՝ գերադաս է երկրորդ մասը և ոչ թե առաջինը, երեսում է ինտոնացիայից. առաջին մասը արտասանվում է իշող ինտոնացիայով, իսկ երկրորդ մասը արտասանվում է բարձրացող ինտոնացիայով, որով ցուց է տըրվում, ընդգծվում է, որ հաղորդման հիմնական նպատակը այդ հարցը տալին է: Վերջադաս կիրառության դեպքում գլխավոր նախադասությունը կարող է ունենալ բուն հարցական նշանակություն. օրինակ՝ Նանի, ճամփորդ մարդ եմ, գիշերս ինձ հյուր կընդունեմ (Ավ. Իս., 2, 115): — Հովիկ, թափառական հովիկ, — աղերսեց պատանին, — հեռուներից ես գալիս, շե՞ս տեսել այն աղջկան, որի սիրով սիրտ հատնում է (Ավ. Իս., 3, 270):

Երբեմն հիմունքի երկրորդական նախադասության սկզբում դրվում են այնքան կամ այնպես դերանումները, որոնք մի կողմից ձեի, չափի պարագայի իմաստալին երանգ են տալիս երկրորդական նախադասություններին, մյուս կողմից օժանդակում են գլխա-

վոր և երկրորդական նախադասությունների կապակցությանը՝ Սրանք որոշ շափով կատարում են նաև շաղկապական դեր և այս տեսակետից սկսել են մոտենալ շաղկապներին. օրինակ՝

Նա պատրաստ էր ամենքին էլ սեղմելու կրծքին, համբուրելու. այնքան երջանիկ էր նա (Մ. Ման., 229): Նա բոլորի ներկայությունը միանգամից չէր կարողանում նկատել, այնպես էր ուրախությունից իրեն կորցրել (Ա. Մահ., 184): Եթե անգամ ես ցանկանամ հաշտվել Շապուհի հետ, իմ ժողովուրդը չի հաշտվի՝ այնքան է լրջված վրեժի գգացմունքով (ՍԶ Պթ, 196): Հասոն քամու լեզուն անգամ հասկանալ կարող էր, այնքան հաճախ էր գործ ունեցել նրա հետ՝ (Վ.Ա.ՀԳ), Մտիկ արա հայելուն, քեզ ճանաշել չի լինում, այնքան փոխվել ես (Շ, 2, 319):

Բերված օրինակներում երկրորդական նախադասությունների սկզբում դրվել են այնքան, այնպես գերանունները, որոնցով ցուց է տրվում այդ նախադասությունների գործողությունների կամ հատկանիշների դրսեորման այն աստիճանը, որը հիմք է ծառայել գըլխավոր նախադասությամբ նկարագրված գործողության կատարման համար:

## 2. ՀԵՏԵՎԱՆԹԻ ԵՐԿՐՈՐԴԱԿԱՆ ՆԱԽԱԴԱՍՈՒԹՅՈՒՆՆԵՐ

Իրենց իմաստային փոխհարաբերություններով պատճառի երկրորդական նախադասություններին շատ մոտ են հետևանքի երկրորդական նախադասությունները: Երկու դեպքում էլ անշաղկապ բարդ նախադասության մասերի միջև գոյություն ունեն պատճառահետևանքային փոխհարաբերություններ, այսինքն՝ բաղկացուցիչ մասերից մեկում նկարագրվում է որևէ գործողություն կամ երևույթ, որը հիմք, պատճառ է հանդիսացել մի այլ գործողության կատարման համար, իսկ մյուս մասում նկարագրվում է այնպիսի գործողություն կամ եղելություն, որը առաջացել է կամ առաջանալու է որպես հետևանք մյուս մասում նկարագրված գործողության:

Այս երկու տիպի նախադասությունների կառուցվածքային տարրերությունը միայն շարադասությունն է: Առաջին դեպքում՝ պատճառի երկրորդական նախադասության առկայության դեպքում, ինչպես վերևում ասվեց, անշաղկապ բարդ նախադասության առաջին մասով նկարագրվում է հետևանք հանդիսացող երևույթը (չի ընդգծվում նրա հետևանք լինելը), իսկ երկրորդ մասով տրվում է այն գործողությունը, երևույթը, որը հիմք, պատճառ է հանդիսա-

ցել առաջին մասի գործողության համար: Երկրորդ գեպքում արդեն, որպես գլխավոր, հիմնական մաս հանդեմ է գալիս ոչ թե հետևանքը, այլ պատճառը (առաջադաս), իսկ երկրորդ՝ ստորադաս մասով տրվում է նրանից առաջացած հետևանքը: Այս նախադասությունները ևս արտասանվում են բացատրական-նախազգուշացնող ինտոնացիայով և ունեն հետևյալ ենթատեսակները՝

ա) Գլխավոր մասում (առաջադաս) նկարագրվում է մի գործողություն, երևոյթ, իսկ ստորադաս մասով նկարագրվում է այն երեսությը, գործողությունը, որը առաջինի հետևանքն է: Օրինակ՝

Երգի բառերը պարսկերեն էին, բայ չի հասկանում, սակայն մեղեղին հասկանալի լեզվով խոսում էր արտիս հետ (Ավ. Իւ., 3, 124): — Ի՞նչ անեմ, խնդիրը ғո ապագա բախտին էր վերաբերում, չկարողացած լուրջան տալ (Մուր., 3, 53): Երենք էլ միջոց չունեն մշակ բռնելու: ուզենան-չուզենան պիտի աշխատեն (Ավ. Իւ., 3, 132): Բնակարանը ինձ դուր եկալ, սակարկեցի ու վճարեցի (Գ. Ռ., Մ., 13):

Կրակը թշջաց ու մարեց, վտանգն անցած էր (Ա. Սեկ., 587): Շատ զոր էր այնտեղ, հազիվ խոսս ավարտեցի (Ի. Էր., ՓԱ, 1, 12):

Այս նախադասություններում ստորոգյալները կամ արտահայտվում են բայի սահմանական եղանակի ձևերով, կամ լինում են բաղադրյալ:

ՀԱՅՉԱՊԿԱՎ բարդ նախադասության առաջին մասով նկարագրվում է որևէ իրողություն, երկրորդով՝ նրանից բխող եղբակացությունը. օրինակ՝

Երեխան նայր ունի, անունն էլ նա է դնելու (Ա. Սեկ., 457): Կաթից բերանն էրվել է, մածունը փշելով է ուսում (Հայկ. առած., 1951, 166): Այստեղ ցուրտ է, կմրսեք (Ի. Էր., ՓԱ, 2, 13): Շարաթօր է, երեկի արդեն սպառված կլինեն տոմսերը (Վերդ., ԻԳԵ, 346): Գիշերը երկար է. ես չպիտի կարողանամ բնել (Մուր., 3, 32): Այն մեկը հորանջում է, երեկի ծուռնալիստ է (Ի. Էր., ՓԱ, 1, 10): Դժվար է, ամենքը չեն կարող (Ե, 17/11—60 թ.): Այզը գիտե վարագի ժանիքի թափը, նախահարձակ շի լինում (ԱԲ, 3):

Այս հետևանքի նախադասությունների ստորոգյալը կամ լինում է բաղադրյալ, կամ արտահայտված է լինում բայի ընդհանրական-տեսական գործողություն նշանակող ժամանակով, որովհետև եղբակացությունը չի վերաբերում որևէ կոնկրետ ժամանակի:

Յ) Առաջին նախադասությամբ նկարագրվում է որևէ երեսություն, գործողություն, երկրորդով՝ նրա առկայության հետևանքով առաջացած որևէ հարց. օրինակ՝

Մեկը նրան ցորեն էր պարտ, մյուսը մի քանի արշին կտոր պիտի առներ խանութից, մի գրվանքա շաբար, —ո՞վ էր զգվել նրան հակառակ զնար (ԱԲ, 17): Հայրս սայլապան էր, իսկ մայրս մետաքսի գործարանի բանվորուհի, ես ինչպե՞ս կարող էր մանկապարտեզ հաճախել (Հիկ, 11): Կնանիք, վարդավառ է, ի՞նչ եք բառամել, վեր բափվել (Ա. Սեկ., 549):

Պատճառահետևանքային հարաբերություններ արտահայտող անշաղկապ բարդ նախադասությունների մասերի միջև, հատկապես, երբ առաջին մասով տրվում է պատճառը, երկրորդով՝ հետևանքը, դժվար է տարրերակել ստորադասությունը, որոշել, թե որ մասն է գլխավորը, որը՝ ստորադաս. այս իմաստով նրանք ընդհուպ մոտենում են համադասությանը:

### Յ. ՆՊԱՏԱԿԻ ԱՆՇԱՂԿԱՊ ՆԱԽԱԴԱՍՈՒԹՅՈՒՆՆԵՐ

Պատճառահետևանքային նախադասությունների խմբի մեջ են մտնում նաև նպատակային հարաբերություններ արտահայտող անշաղկապ բարդ նախադասությունները: Այս նախադասությունների երկրորդ մասում նկարագրվում է ապագայում կատարվելիք գործողություն, որի իրագործմանն է ուղղված առաջին մասի գործողությունը: Այլ կերպ ասած, երկրորդ՝ նպատակ հանդիսացող գործողությունը միաժամանակ պատճառ է հանդիսանում գլխավոր նախադասության գործողության կատարման համար:

Այս նախադասություններում ևս իմաստնացիան բացատրական է. առաջին մասը արտասանվում է բարձրացող ինտոնացիայով, դրան հաջորդում է կարճատես դադար, ապա իջնող ինտոնացիայով արտասանվում է երկրորդ նախադասությունը: Երբեմն, երբ առաջին և երկրորդ մասերում ենթական նույնն է, երկու մասերի կապը դառնում է շատ սերտ, երկրորդ մասում ենթական զեղչվում է, և երկրորդական մասը փաստորեն դադարում է գիտակցվելուց իրու առանձին նախադասություն (այն կատարում է պարզ նպատակի պարագայի պաշտոն): Այս երկույթը հատուկ չէ գրական լեզվին. այն շատ է տարածված խոսակցական լեզվում, որից էլ անցել է գեղարվեստական գրականության երկախոսությունների մեջ: Օրինակներ՝

Մայիսի 4-ի երեկոյան դեմ ես գնացել էի մեր բաղի քանդված պատը եռորդեմ (ԱԲ, 381): Զաղացները լուս են, զաղացպանը վառած լապտերը ձեռքին գիշելը մոտենում է գետին՝ տեսնի չի՝ բարակել (Ա. տ., 146): Հաց ու ջրից կըկտրվի, Կգա ձեր տում՝ դառնա մշակ (Պ. Սեակ, 1): Գնացել էի Վարդուշենց տնից ալրի մաղը բե-

րեմ (Սով. գրակ. անթոլոգիա, էջ 27): Նստել եմ կարմիր նժույզ, գալիս եմ՝ բռնեմ (ԳՄԵ, 33): Աստիճանների վրա նստած գյուղացիները նրան տեղ տվին անցնեի (ԱԲ, 139):

Վերջին օրինակում անցնի բայաձևի սուբյեկտը ոչ թե առաջին մասի ենթական է, ինչպես մյուս օրինակներում է, այլ նրան անուղղակի խնդիրը:

Ինչպես երևոամ է բերված օրինակներից, այս դեպքում նախադասության մասերի կապը այնքան սերտ է, և նրանց միշև եղած դադարը այնքան կարճ, որ հաճախ նրանց միշև տրոհման նշան չի դրվում (երբեմն միայն կարող է դրվել բութ): Այս նախադասություններում որոշ շափով մթագնվել է նաև ըղձական եղանակով դրված բայի խոնարհված լինելու իմաստը. այն հավասարազոր է անորոշ գերբայի արական հոլովին (հմմտ.՝ Նստել եմ կարմիր նժույզ, գալիս եմ բռնելու):

Նպատակի պարագա երկրորդական նախադասությունների կառուցվածքային մյուս առանձնահատկությունն այն է, որ նրանում միշտ գործածվում է ըղձական եղանակի բայ՝ անկախ գլխավոր մասի ստորոգգալի ժամանակից և եղանակից: Հենց այդ եղանակի շնորհիվ էլ երկրորդական նախադասությունը ձեռք է բերում նպատակի իմաստ, ցուց է տալիս կատարվելիք ցանկալի գործողություն, որի իրագործմանն է ուղղված առաջին նախադասության գործողության կատարումը: Նպատակի անշաղկապ նախադասությունները որպես կանոն լինում են ետաղաս: Ժամանակակից հայերենում հատկապես շատ են հանդիպում նպատակային հարաբերություններ արտահայտող այն անշաղկապ բարդ նախադասությունները, որոնց առաջին մասը պարունակում է հորդոր, հրաման, իսկ երկրորդ մասով տրվում է այն նպատակը, որի իրագործման համար հրամայվում է առաջին մասի ենթակային կատարել որևէ գործողություն: օրինակ՝

Է՛յ լա՛վ կենաք, ակա՛նջ արեք, մի բան պատմեմ հիմի ձեզ (ՀԹ, 2)... Նստել է մեր շնչի վրան. Տա՛ր, կորցրու՝ ազատվիմ (Ավ. Խ., 2, 117): Աստղե՛ր, ծածկեցե՛ք ձեր վառ բոցերը, լույսը շտեսնե՛ս ու խոր իղձերս (Շեքս., 1, 221): Բավական է, վերջ. մենք էլ շենք ուզում Սիրո եռք, անրջանք, վայելք ու հուզում, վե՛ր կաց, իմ ընկեր, վեր կաց, մուրճդ առ, նոր կյանք, նոր վայելք կունք մեզ համար (ՎՃ, Երկ., 104):

Այս տիպի նախադասությունների առաջին՝ գերադաս մասի ստորոտգյալը դրվում է հրամայական եղանակով (տես վերևի օրինակները) կամ հորդոր, հրաման նշանակող այլ ձևերով (մեծ մա-

սամբ ըղձական եղանակով). օրինակ՝ Զեզնից ո՞վ ալլուր կծախի, մի չափ ալլուր տա՛ գնամ (ՀԹ, 3, 63):

Երբեմն հրամանը մեղմելու համար հրամայական եղանակով արտահայտված ստորոգյալի մոտ կարող է դրվել տեսնեմ եղանակավորող բառը. օրինակ՝ Ի՞նչ կա քաղաքում, դե պատմիր տեսնեմ, իմանամ, ես էլ ուրիշին ասեմ (ՀԹ, 2, 37):

Երբ նպատակը բխում է գլխավոր նախադասության գործողության որևէ ձևով կատարվելուց, վերջինիս ստորոգյալի մոտ դրվում է որևէ ձեռի պարագա: Այս դեպքում նպատակի երկրորդական նախադասությունը վերաբերում է ոչ միայն գլխավոր մասի ստորոգյալին, այլ ստորոգյալին և ձեռի պարագային միասին վերցրած. օրինակ՝ Դե առ, տեղի տակին քաքուն կեր, խաղեինը չիմանա (ՀԹ, 3, 44):

Հազվագեղ այս նախադասությունների երկրորդ մասի ստորոգյալը դրվում է ոչ թե ըղձական, այլ պայմանական եղանակով. օրինակ՝

Սպասիր, իսկույն կրերի (Մ. Ման., 137): Լավ, սպասեցեք, ես հենց հիմա անցաթուղթ կիշեցնեմ (Վերդ., իդե, 306): Ժամանակ ունենաք՝ անցեի ինձ մոտ, մենք կզրուցենք արվեստի մասին (Ե, 6/8—60 թ.):

Ինչպես երևում է բերված օրինակներից, այս դեպքում նպատակի իմաստային երանգը որոշ չափով մթագնվում է, ավելի ընդգծվում է պատճառի իմաստը. այդ պատճառով այս նախադասությունները կարելի է անվանել նաև պատճառի՝ նպատակի իմաստային երանգով:

Գլխավոր նախադասության ստորոգյալը կարող է դրվել տարրեր ժամանակներով՝ նայած ներկային, անցյալին, թե՛ ապառնուն է վերաբերում գլխավոր նախադասության գործողությունը: Բոլոր դեպքերում երկրորդական նախադասության ստորոգյալը դրվում է ըղձական եղանակով և նշանակում է գլխավոր նախադասության գործողության նկատմամբ ապառնի, դեռևս չկատարված գործողություն: Օրինակներ՝

Մարդը քրտինք է թափել, հերկել, մշակել է խոպանը. հիմա դու եկել ես, խլե՞ս (ՄԽՀ, 1, 220): Նախրապանն է, որ նախիրը գյուղուց հետո ժողովատեղին է եկել, մնացողներից մի բան իմանա (ԱԲ, 75): Թե՛ մնում ես, վիզդ հաստանա (ն. տ., 543): Ես հենց հիմա կգնամ, տեսնեմ ինչո՞ւ են ուշացնում (Վերդ., իդե, 335) ես վերադարձա, որ Սառայի ծնողներին նեռագիր տամ՝ գան (ՆԴ, 2, 538): Դուրս եկա հայաթը, ասի ծխեմ (Ա. Սեկ., 503):

Վերջին օրինակում երկրորդական նախադասության սկզբ-  
րում հանդես եկած ասի բայաձևը արդեն սկսել է կորցնել իր բայա-  
կան նշանակությունը և վեր է աճվում որոշում, նպատակ ցույց տվող  
շաղկապական բառի Բերենք այլ օրինակներ՝ Վազեցի, ասի հաս-  
նեմ նրան, Դուքս եկա փողոց, ասի մաքուր օդ շնչեմ, Պառկեցի,  
ասի հանգստանամ: Այս դեպքում անշաղկապ նախադասության գե-  
րադաս մասի ստորոգյալը դրված է լինում անցյալ կատարյալ ժա-  
մանակով, ցույց է տալիս այնպիսի գործողություն, որը կատարվել  
է որոշակի նպատակով (տրված երկրորդական նախադասությամբ),  
որը սակայն (նպատակը), չի իրագործվել կամ ընդհատվել է մի այլ  
գործողությամբ: Այդ մասին պատմվում է կոնտեքստի շարունակու-  
թյան մեջ: Այսպիսի երկրորդական նախադասություններ դրվում են  
մեծ մասամբ շարժում ցույց տվող բայերի մոտ (տես վերևի օրի-  
նակները):

**ՊԱՅՄԱՆԻ ՀԱՐԱԲԵՐՈՒԹՅՈՒՆՆԵՐ ԱՐՏԱՀԱՅՏՈՂ ԱՆՇԱՂԿԱԳ  
ԲԱՐԴ ՆԱԽԱԴԱՍՈՒԹՅՈՒՆՆԵՐ**

Ժամանակակից հայերենում հատկապես շատ են տարածված  
պայմանի անշաղկապ նախադասությունները: Նրանք շատ են հան-  
դիպում գեղարվեստական գրականության և հատկապես բանավոր  
խոսքի մեջ: Այս նախադասությունները տարբերվում են շաղկապա-  
վոր պայմանի նախադասություններից նրանով, որ ավելի անմի-  
ջական, պատկերավոր, դիպուկ և սեղմ են գարձնում խոսքը: Պայ-  
մանի իմաստային հարաբերություններն արտահայտելու համար  
այստեղ չեն գործածվում կապակցության հատուկ միջոցներ՝ շաղ-  
կապներ, այդ պատճառով ստորադասական հարաբերությունը, որը  
այս նախադասություններում ակնհայտ է, արտահայտվում է նրա-  
նով, որ որևէ գործողության իրականացման՝ կատարման հնարա-  
վորությունը կախման մեջ է դրվում ուրիշ գործողությունից: Ստո-  
րադասական կապակցությունը այս նախադասություններում իրաց-  
վում է քերականական-կառուցվածքային հետևյալ միջոցներով.

1. Որպես կանոն պայմանի երկրորդական նախադասություն-  
ները անշաղկապ կապակցության ժամանակ դրվում են առաջադաս.  
այսպես՝ երեք մաներ ունենամ՝ կտանեմ հացի կտամ, կրերեմ կու-  
տեք (ՀԹ, 3, 118): Զլիներ այս ձյունակույտը, երկուան էլ կզախ-  
շախվեին (ՍԳ, 59, 3): Եվ դա բնական է: Եթե շաղկապական կա-  
պակցության ժամանակ շաղկապի առկայության շնորհիվ շարադա-  
սությունը որոշի դեր չի կատարում (շաղկապով միացած պայմանի  
երկրորդական նախադասությունը կարող է լինել նաև վերջադաս),

ապա այստեղ անշաղկապ կապակցությունը պահանջում է, որ բարդ նախադասության մասերը ունենան որոշակի շարադասություն։ Պայմանի հարաբերություն արտահայտելու համար առաջին մասում միշտ պետք է նկարագրվի այն գործողությունը, իրողությունը, որը պայման է հանդիսանալու (կամ հանդիսացել է) երկրորդ՝ գրլիսավոր մասով տրված գործողության իրագործման համար։ Եթե փոխենք շարադասությունը, կխախտվի ամբողջ բարդ նախադասության կառուցվածքային ամբողջականությունը։

2. Պայմանային հարաբերություններ արտահայտող անշաղկապ բարդ նախադասությունները ունենում են հետևյալ ինտոնացիան. երկրորդական նախադասությունը, որը, ինչպես ասվեց, հանդես է դալիս առաջադաս, արտասանվում է նախադասության վերջում բարձրացող ինտոնացիայով, ըստ որում առանձնապես շեշտվում է ստորոգյալը։ Դրան հաջորդում է փոքր դադար, ապա արտասանվում է գլխավոր նախադասությունը (սովորական իջնող ինտոնացիայով): Երկրորդական նախադասության բարձրացող ինտոնացիայի միջոցով ցուց է տրվում, որ նախադասությունը դեռևս ավարտված չէ. Հենց դա էլ հանդիսանում է բարդ նախադասություն կազմելու օժանդակ միջոց։ Հաճախ, ինչպես կտեսնենք, անշաղկապ կապակցության ժամանակ պայմանի երկրորդական նախադասությունը ունենում է հարցական ինտոնացիա, իսկ գլխավոր նախադասությունը՝ պատասխանի։ Գրավոր խոսքում ինտոնացիան արտահարտվում է կետադրության միջոցով։ Պայմանի երկրորդական նախադասությունը բաժանվում է գլխավորից ստորակետով, բութով, երբեմն նաև միշակետով (վերջին դեպքում գլխավոր, և երկրորդական նախադասությունների կապը որոշ շափով թուլանում է): Եթե երկրորդական նախադասությունը ունենում է հարցական ինտոնացիա, նրա ստորոգյալի վրա դրվում է հարցական նշան (տես նախորդ, ինչպես նաև հաջորդ օրինակները)։

3. Պայմանի երկրորդական նախադասություն պարունակող անշաղկապ բարդ նախադասությունների կառուցվածքային առանձնահատկություններից ամենակարևորը բայի եղանակների և ժամանակների հաջորդականությունն է, որի միջոցով ոչ միայն իրացվում է կապը գլխավոր և երկրորդական նախադասությունների միջև, այլև նրանց միջև եղած պայմանի հարաբերությանը տրվում է տարրեր իմաստային երանգներ։ Գլխավոր նախադասության մեջ բայի եղանակների և ժամանակների գործածությունը ազատ չէ և կախված է այն բանից, թե ինչ եղանակ և ժամանակ է գործածված առաջադաս պայմանի նախադասության մեջ։

Տեսնենք, թե ժամանակների ինչպիսի հաջորդականություն կարող է լինել պայմանի անշաղկապ նախադասություններում և դրանցից յուրաքանչյուրը ընդհանուր պայմանային հարաբերությունների ֆոնի վրա ինչպիսի իմաստային երանգներ կարող է ունենալ:

ա) Պայմանի անշաղկապ բարդ նախադասություններում (ինչպես նաև շաղկապական նախադասություններում) շատ է տարածված ըղձական և պայմանական եղանակների հարաբերական կիրառությունը երկրորդական նախադասության ստորոգյալը, որով նկարագրվում է գլխավոր նախադասության գործողության կատարման համար անհրաժեշտ պայմանը, դրվում է ըղձական եղանակով, իսկ գլխավոր նախադասության մեջ նրան համապատասխանում է պայմանական եղանակը: Վերջինս ցուց է տալիս, որ գլխավոր նախադասությամբ նկարագրված գործողության կատարման համար անհրաժեշտ է որոշ պայման՝ տրված երկրորդական նախադասությամբ: Գլխավոր և երկրորդական նախադասությունների ստորոգյալները այս դեպքում ժամանակներով համաձայնում են, այսինքն՝ երկուսն էլ դրվում են կամ ապառնի, կամ անցյալի ապառնի ժամանակներով: Օրինակ՝ Զյունը մի քանի րոպե էլ էս թափով գա, մի մետր կեստի (նշ), Սովորական եղանակով լիներ, մենք դժվարություն չենք զգա (կեռ):

Գլխավոր և երկրորդական նախադասությունների մեջ գործածվում են ըղձական և պայմանական եղանակների ապառնի ժամանակները այն դեպքերում, երբ նկարագրվում է որոշ պայմանի առկայության դեպքում ապագայում կատարվելիք հնարավոր գործողություն. այլ կերպ ասած՝ երբ գլխավոր նախադասության մեջ նկարագրվում է այնպիսի գործողություն, որը պետք է կատարվի ապագայում, բայց դրա համար անհրաժեշտ է, որ նախ կատարվի երկրորդական նախադասությամբ տրված գործողությունը. օրինակներ՝

Մի անգամ էլ ասեմ, կպարեմ (ԳՄԵ, 449): Է, ասեմ՝ բոց կլինի, շասեմ՝ խոց կլինի (Ա. Սեկ., 463): Բարձր ձայնով խոսեմ, կնեղանաս (Մ. Դավթ., 21): Համբերենք մինչև լուսաբաց.... Զոհրապին դիմենք, նա մի հնար կգտնի (Վահր. Փափ., 1, 279):

Այս նախադասություններով երբեմն նկարագրվում են ոչ թե կոնկրետ գործողություններ, այլ արվում են ընդհանուր դատողություններ որևէ պայմանի առկայության դեպքում հնարավոր կատարվելիք գործողության մասին, ըստ որում երկրորդական նախադասության ստորոգյալը հաճախ դրվում է եղակի երկրորդ դեմքով,

որը սակայն ունենում է ոչ թե երկրորդ դեմքի նշանակություն, այլ ընդհանուր անորոշ օրինակ՝

Մերն էլ շեն ա՞։ Վառես՝ խանձահոտ շի գա (ԱԲ, 42): Մեկին մեր գյուղում մի թիզ հող ունի, թիս մի ծերից, մյուս ծերը կընկնի (ՀԹ, 2, 39): Մենք հյուր ենք, հյուրին երես տաս, զիմիդ կնստի կատակեց Դանիելյանը (Մ. Դավթ., 59): Հիբանի հողերը բաժանք անես, ամենայն մի շնչի մին գավաթ շի ճասնի (ԱԲ, 449):

Ընդհանուր-անորոշ նշանակություն ունենալն է պատճառը, որ այս կառուցվածքի նախադասությունները շատ են տարածված հատկապես ժողովրդական առածների, ասացվածքների մեջ. այսպես՝ «Գեղ կանգնի, գերան կկոտրի», «Տուն փոխես՝ տնով մեկ կըքանդվես, գեղ փոխես՝ գեղով մեկ», «Լեզուն շըլնի, աղուավները աշքերը կհանեն», «Կժին շըխիես, ծեն շի տա», «Աշքը տեսնի, սիրտը կուզե», «Մեկ տուն երկու տանտկին էլնի, տախտն անավել կըմնա» և այլն (Հայկ. առած.):

Այս նախադասությունների միջև եղած իմաստային փոխհարաբերությունները կարելի է անվանել պայմանահետևանքային, որովհետև զիմավորնախադասությամբ նկարագրված գործողությունը դիտվում է որպես երկրորդական նախադասության գործողությունից բխող հնարավոր հետևանք (տե՛ս վերևի օրինակները):

Երկրորդական նախադասության ըղձական եղանակի ապառնի ժամանակին զիմավոր նախադասության մեջ կարող են համապատասխանել սահմանական եղանակի ներկա կամ հարակատար ժամանակները, որով ընդգծվում է զիմավոր նախադասության գործողության իրագործելի լինելը (պայմանի կատարման դեպքում). օրինակ՝

Ուժներս տա, ամելու շատ բան կա (ԱԲ, 490): Կողովը լցնեմ, չես կարող շալակել, ծանր է,—ասաց Տիգրանը (Թոթ., 140): Քարոտ սարը բարձրանենք՝ փրկված ենք (ՍԶՀԲ, 61):

Գլխավոր նախադասությունը կարող է պարունակել նաև հորդոր որևէ գործողություն կատարելու վերաբերյալ՝ դարձյալ երկրորդական նախադասությամբ նկարագրված գործողությունը իրագործվելու պայմանով: Այս ժամանակ երկրորդական նախադասության ըղձական եղանակին զիմավորի մեջ համապատասխանում է հրամայական եղանակը. օրինակ՝ ժամանակ ունենաք՝ անցեք ինձ մոտ, մենք կդրուցենք արվեստի մասին (Ե, 6/8—60 թ.):

Անշաղկապ պետք է համարել նաև այն պայմանի երկրորդական նախադասությունները, որոնց սկզբում դրվում է քող եղանակավորդ բառը: Վերջինս այս դեպքում նախադասությանը տալիս է

սպառնալիքի իմաստային երանգ. օրինակ՝ Թող փորձի այս անդամ էլ մերժել, ես նրա հետ կիսում (Մ. Դավթ., 140): Գլխավոր նախադասության սկզբում կարող է հանդես գալ ան բայածեր, որը մի կողմից ուժեղացնելով բարդ նախադասության մասերի կապը, մյուս կողմից ավելի ընդգծում բող-ի իմաստը. օրինակ՝ «Թող շգա, տես ինչ կանեմ» կամ «Թող չգրի, տես ինչպես կպատճեմ»: Վերջին դեպքում գլխավոր նախադասության մեջ առկա են լինում ինչ, ինչպես հարաբերական դիրանունները:

Ըղձական և պայմանական եղանակների անցյալի ապառնի ժամանակները գործածվում են այն ժամանակ, երբ պատմվում է անցյալում՝ որոշակի պայմանի առկայության դեպքում հնարավոր, բայց շիրագործված, տեղի չունեցած գործողության մասին, այսինքն՝ երբ ցուց է տրվում, որ գլխավոր նախադասության գործողությունը չի կատարվել, դրա համար պայման հանդիսացող գործողության շիրականանալու հետևանքով: Այս ժամանակները գործածվում են նաև այն դեպքում, երբ գլխավոր նախադասությամբ նկարագրված գործողության կատարումը համարվում է անհնարինագործ իրագործման համար անհրաժեշտ պայմանի բացակայության պատճառով. վերջինս տրվում է երկրորդական նախադասության միջոցով: Օրինակներ.

Սրտներս սկացել էր. դանակ տայիր՝ արյուն չէր կարի (ՀՅ, 3, 109): Աշխարհքը իրան տայիր՝ աշքը էլի մրջյունի տարած մեկ գարի հատիկի վրա կլներ (Ավ. Իս., 3, 71): Է՛, քեզ նման շան ունենայի, մի տարում երկու տուն կսարքեի (ԱԲ, 464): Ուրիշ տեղ կորած լիներ, կգտնեի (Մ. Դավթ., 224):

Նույն իմաստն արտահայտելու համար գլխավոր նախադասության մեջ կարող է գործածվել նաև սահմանական եղանակի անցյալ վաղակատար ժամանակը (երկրորդական նախադասության ստորոգյալի՝ ըղձական եղանակի անցյալի ապառնիով դրվելու դեպքում): Այս միջոցով ավելի է ընդգծվում գլխավոր նախադասության գործողության կատարման հնարավոր եղած լինելը: Օրինակ՝ Քո խաղողն ինձ տված լինեին, հիմի մի կով էլի առել (Ա. Սեկ., 530): Գլխավոր նախադասության մեջ կարող է հանդես գալ այն ժամանակ հարաբերյալը, որով մի կողմից ավելի սերտ է դառնում գլխավոր և երկրորդական նախադասությունների միջև եղած կապը, մյուս կողմից ընդգծվում է նրանց՝ պայմանի իմաստային փոխհարաբերության հետ ժամանակակի իմաստային երանդ ունենալը: Ընդհանրապես բոլոր պայմանի նախադասություններն էլ ունեն ժամանակային հաջորդականության իմաստային երանգ, որովհետև

ճնթադրվում է, որ գլխավոր նախադասության գործողությունը միշտ հաջորդելու է երկրորդական նախադասության գործողությանը. օրինակ՝ Հանգիստ լիներ խիղճս, արդար լինեին իմ գործերը, այն ժամանակ թեկուզ բոլոր աշխարհը կանգներ իմ գեմ, ևս չէի ընկճվիլ (*Մուլր.*, 3, 309):

Եթե երկրորդական նախադասության մեջ գործածվում է ըղձական եղանակի անցյալի ապառնի ժամանակը, իսկ գլխավորի մեջ նրան համապատասխանում է պայմանականի անցյալի ապառնին կամ վերջինիս նշանակությամբ սահմանական եղանակի անցյալ վաղակատարը կամ անցյալ հարակատարը, գլխավոր և երկրորդական նախադասությունների ժիտական կառուցվածք ունենալու դեպքում ցուց է տրվում իրականության մեջ արդեն կատարված գործողություններ: Այս կառուցվածքի նախադասությունները հավասարաժեք են հիմունքի նախադասություններին, այսինքն ցուց են տալիս, որ երկրորդական նախադասության գործողության կատարումը հիմք է հանդիսացել գլխավոր նախադասության գործողության կատարման համար. օրինակ՝ Զլիներ Յլիկ Ամրամը, Գուգարքն ու Տայքը չեին բաժանվի հայոց թագավորից (*Մուլր.*, 1, 403—404): Այստեղ գլխավոր նախադասությունը ցուց է տալիս արդեն կատարված գործողություն, որի կատարումը անհնար կլիներ, եթե տեղի չունենար կամ եթե առկա չկներ երկրորդական նախադասությամբ նկարագրված գործողությունը, երևութը, որը պայման՝ հիմք է հանդիսացել գլխավոր նախադասության գործողության կատարման համար: Այս նախադասությունը իր արտահայտած իմաստային փոխհարաբերությամբ հավասարաժեք է «Գուգարքն ու Տայքը բաժանվեցին հայոց թագավորից, որովհետեւ կար Յլիկ Ամրամը» նախադասությանը: Սրանց միջև եղած տարբերությունը կառուցվածքային է և ոճական:

Երկրորդական նախադասության մեջ ըղձական եղանակի անցյալի ապառնի ժամանակի գործածության դեպքում գլխավոր նախադասությունը կարող է ունենալ հարցական բնույթ: Դրանով ցուց է տրվում, որ նրանում նկարագրված գործողությունը կատարվել է, տեղի է ունեցել, բայց չէր կատարվի, եթե իրագործվեր երկրորդական նախադասությամբ տրված պայմանը. օրինակ՝

Գլուխը քարը, գոնե փող լիներ, էլ ինչո՞ւ էսքան մարդ գանգատ կանենք (*ՀԹ*, 2, 33): Տոմս ունենայի, ինչո՞ւ ի եզ կդիմեի: Այդ մասին նրան հարցրած լինեի, ինչո՞ւ ինմա կգայի:

Բերված օրինակներից առաջինում առկա գոնե և էլ եղանակավորող բառերը էլ ավելի են ճշգրտում անշաղկապ բարդ նախադա-

սության մասերի միջև եղած իմաստային փոխարարերությունները։ Այս նախադասությունները ունեն կառուցվածքային նաև այն առանձնահատկությունը, որ երկրորդական նախադասության ստորոգյալը մեծ մասամբ դրված է լինում երկրորդական բաղադրյալ ժամանակով (ըղձական եղանակի անցյալը ապառնի ժամանակով դրվում է լինել բայց), կամ լինում է ուղղակի բաղադրյալ, երբ որպես հանգույց հանդես է գալիս լինել բայց (տես վերևի օրինակները)։

Ըղձական եղանակի անցյալի ապառնի ժամանակի ժխտական ձևին գլխավորի մեջ կարող է համապատասխանել սահմանական եղանակի անցյալ հարակատար ժամանակը, որն այստեղ գործածվում է ոչ թե իր բուն նշանակությամբ, այլ պայմանական եղանակի անցյալի ապառնու Այստեղ ընդգծվում է, որ գլխավոր նախադասության մեջ տրված գործողությունը չի կատարվել կամ չի կատարվում միայն երկրորդական նախադասությամբ տրված պայմանի առկայության հետևանքով։ օրինակ՝ Զինենեին իմ ընկերները թեկուզ մի օր, նա կորած էր անդառնալիորեն (Վ. Անանյան)։ Այս նույն իմաստն է արտահայտվում գլխավոր նախադասության մեջ պայմանական եղանակի անցյալի ապառնի ժամանակը գործածելու դեպքում։ օրինակ՝ Զինեներ նրա սառնարտությունը, տեղից կրագրանար, դուրս կտանեց որդում (ԳՄԹ, 2, 272)։ Պատերազմ շիներ, ուրիշ բան, կշարունակեիր կրթությունդ (Խել., ՄՄՀ, 34)։ Միայն առաջին դեպքում (սահմանական եղանակի անցյալ հարակատար ժամանակը գործածվելիս) ընդգծվում, շեշտվում է գլխավոր նախադասության գործողության հավանական, բայց կատարված շինելը։

Երբ շեշտվում է գլխավոր նախադասության գործողության կատարման հնարավոր եղած լինելը, գլխավոր նախադասության մեջ գործածվում են կարող էր, կարելի էր միադիմի ստորոգյաները՝ գործողություն ցույց տվող բայի անորոշ դերքայի հետ։ օրինակ՝ Գործերը շինեին, կարելի էր ավելի մնալ (ԳՄԹ, 1, 257)։

Երբ ըղձական եղանակի անցյալի ապառնի ժամանակին համապատասխանում է պայմանականի անցյալի ապառնու ժխտական ձևը, բարդ նախադասությունը արտահայտում է հետևյալ իմաստային փոխհարարերությունը—գլխավոր նախադասությամբ նկարագրվում է անցյալում տեղի ունեցած, արդեն կատարված գործողություն, որը չէր կատարվի, եթե կատարվեր երկրորդական նախադասությամբ տրված պայմանը (շիրագործված)։ օրինակ՝ Գուցե դու մոտս լինեիր, ես այնպես մենակ, դժբախտ շինեի (Մ. Ման.)։ Սովորական եղանակ լիներ, մենք դժվարություն չենք զգա (Լեռ, 276)։

Գլխավոր նախադասության մեջ սահմանական եղանակի անցյալ անկատար ժամանակի գործածության դեպքում ամբողջ նախադասությունը ստանում է ընդհանուր-անորոշ նշանակություն. օրինակ՝

Ոտու ձեռից ընկած, ամճար, Հաց շտային, չէր ուզում (Ավ. Իս., 2, 116): Իրենք շնուրին, ոչ ոք չէր նետաքրեցվում դրանով:

Երբ գլխավոր նախադասությամբ նկարագրվում է մի գործողություն, որի կատարման հնարավորությունը ենթադրվում է որոշակի պայմանի առկայության դեպքում, նրանում որպես ստորոգյալ հանդես է դալիս կարող է միադիմի ստորոգյալը գործողություն ցուց տվող բայի անորոշ գերբայի հետ: Երկրորդական նախադասության ստորոգյալը դարձյալ դրվում է ըղձական եղանակի ապանի ժամանակով. օրինակ՝ Քար վերցնեն խփեն, տիկին Բերսարեն կարող է վիրավորվել, շների վրա ուշադրություն շղարձնեն, կարող է պատռել մեկն ու մեկի շալվարը (ՆԶ, ՊՊՆ, 79):

բ) Երբ գլխավոր նախադասությամբ տրվում է եզրակացություն՝ որոշակի պայմանում կատարվելիք գործողության մասին կամ հրորդո՞ւ անհարժեշտ պայմանի առկայությամբ կատարվելիք գործողության մասին, պայմանի երկրորդական նախադասության ստորոգյալը դրվում է պայմանական եղանակի ապանի ժամանակով, որին գլխավոր նախադասության մեջ համապատասխանում է պայմանական եղանակի ապանի ժամանակար) կամ հարամայական եղանակ (երկրորդ դեպքի համար), երկրորդական նախադասությունը այս դեպքում հաճախ ունենում է հարցական ինտոնացիա, որի միջոցով ավելի սերտ է դառնում երկրորդական նախադասության և գլխավորի կապը: Օրինակներ՝

— Կատարվի խնդիրս—լավ, չի կատարվի— խոմ ինձանից մի բան չի պակսիլ (Շ, 1, 33): Կինքի՝ կտան, չի լինի, իրենց փոխարեն կտան հարուստ կոլտնտեսությունները (Ա. Սեկ., 398): Գերան կպատճի, տախտակ կիքաշենք, ճանճի բանի համար յաշշիկ կշինենք: Չի պատահի, կրահոր կշինենք, ուզողին կտանք, (ԱԲ, 490): Կուզենա՝ մի անգամ էլ կգա ծանոթ փողոցը (ԱԲ, 182): Կնարցնեն՝ ասցեք, որ հին ենթակայանի վրա եք աշխատում (Վերդ., հԳԵ, 325): Կընդունե՞մ ՎիկՄե-ի սխեման, գործն առաջ կմղվի հարյուր մղոնանոց քայլերով, չե՞մ ընդունի, ուրեմն կսնվեմ միայն... անպտուղ երազներով (Վերդ., հԳԵ, 254): Վերջին օրինակում գլխավոր նախադասության սկզբում դրված ուրեմն եղրափակող բառը մի կողմից ալելի սերտ է դարձնում գլխավոր և երկրորդական նախա-

դասությունների կապը, մյուս կողմից ընդգծում է այս պայմանի երկրորդական նախադասությունների՝ Հիմունքի իմաստային երանգ ունենալը, որի իրագործությոց, որպես հետևանք, պիտի առաջանա, կատարվի գլխավոր նախադասության գործողությունը:

Հիմունքի ուժեղ իմաստային երանգ ունեն նաև այն պայմանի երկրորդական նախադասությունները, որոնք ունեն հարցական բնույթ, ստորագյալը դրված է պայմանական եղանակի անցյալի ապանի ժամանակով, և վերջինիս գլխավորի մեջ համապատասխանում է դարձյալ պայմանական եղանակի անցյալի ապանի ժամանակը: Այս կառուցվածքի նախադասություններում ևս նկարագրվում են շիրագործված և պայմանի իրագործելի վիճելու հետևանքով անհավանական համարվող գործողություններ: օրինակ՝ Մոնղում էին նրանք քաղցի մոլուցքից և ո՞վ կհանդիներ անցնել նրանց միջով, վայրկյանի մեջ պատռապատռ կանեին (Ավ. Խ., 3, 270):

գ) Սահմանական եղանակի ձևերը պայմանի երկրորդական նախադասություններում գործածվում են այն դեպքերում, երբ նրանցում նկարագրված պայմանը, ենթադրությունը վերաբերում է ներկային կամ անցյալին: Եթե խոսելու պահին ենթադրվող պայմանի առկայության դեպքում ցանկալի կամ անհրաժեշտ է համարվում գլխավոր նախադասությամբ տրված գործողության կատարումը, երկրորդական նախադասության ստորոգյալը դրվում է սահմանական եղանակի ներկա ժամանակով, որին գլխավոր նախադասության մեջ համապատասխանում են ըղձական, պայմանական կամ հարկադրական եղանակների ապանի ժամանակները: Օրինակեներ՝

Ով զալիս ա՛ բարով, հազար բարի, բան ա ուզում՝ փող բերի՝ տանի (ՀԹ, 3, 64): Իմ խելքով, բարկանում ես՝ պիտի խփես, էլ մի կես ժամ երգելը ո՞յն ա... (ՄՀ, 25/11—60 թ.): Ուզո՞ւմ ես՝ բռնեմ հոգիդ այսօրվա... ու նետեմ... դեպի կյանքը գալիք (Ե. Զար., 43): Կուզե՞ս, ես պատմեմ Գնունի իշխանների... նահատակության պատմությունը (Մուր., 3, 38):

Վերջին երկու օրինակում Ուզո՞ւմ ես և կուզես պայմանի երկրորդական նախադասությունները սկսել են կորցնել իրենց՝ նախադասության նշանակությունը և վեր են ածվում եղանակավորող բառերի:

Ավելի հաճախ գլխավոր նախադասությամբ հորդորվում, հրամայվում է կատարել որևէ գործողություն՝ երկրորդական նախադասության մեջ նկարագրված՝ խոսելու պահին արդեն առկա կամ ենթադրվող պայմանի պատճառով: Այս ժամանակ երկրորդական նախադասության ստորոգյալը դրվում է դարձյալ ներկա ժամանակով,

իսկ գլխավոր նախադասության ստորոգյալը՝ հրամայական եղանակով։ Պայմանի երկրորդական նախադասությունը այս դեպքում հաճախ ունենում է հարցական ինտոնացիա։ Օրինակներ՝

Թագավորն է քո թշնամին, կոփ՞վ ունես, իր հետ արա (ՀԹ, 2, 126): Փող ունես՝ տար քեզ բարերար մարդոց հետ գործ արա (ԱԲ, 480): Հեքիաթ ես ուզում, երկոներն արի այստեղ և նայիր վառվող այդ լուսերին (Ե, 10/3—61 թ.): —Մի բան զիտես—ասա՝ ի՞նչ ես պոշտ գետնովը տալիս (Ե, Զար., 337): Այս երկրորդ նամակն էլ... վերցրի Պետրոսի եղբորից, որ ձեզ ցույց տամ, Ուզում եք—կարդացեք (Ե, 2, 440): Կա՝ հնարավորություն, օգտվիր (Ալ., ՀԱ, 150): Ես մի զին ասացի, վերջացրի: Կամենում եք՝ տվեք, չե՞ք կամենում, բարով եկի՛ (Մուր., 1, 92):

Հորդորի, հրամանի իմաստն արտահայտելու համար գլխավոր նախադասության մեջ երեւմն հրամայական եղանակի փոխարեն գործածվում է ըղձական եղանակի ապառնի ժամանակը։ Այս դեպքում գլխավոր նախադասության սկզբում կամ ստորոգյալից առաջ դրվում է քող եղանակավորող բառը, որով ընդգծվում է ըղձական եղանակի՝ հորդորի նշանակությունը ունենալը. օրինակ՝ Եվ նրանք, որ գեռ աշխարհում չկան, որ գեռ նոր պիտի ապրեն աշխարհում, գեռ նոր պիտի գան,—կարո՞ղ են, քող մեր թոփշքն այսօրվա անձկորեն չզգան (Ե, Զար., 27): Երկրորդական նախադասության ստորոգյալը այս դեպքում կարող է դրվել նաև հարակատար ժամանակով. օրինակ՝ — Ես մոլորված եմ, հորեղբայր: — Մոլորված ես, տանդ ճամփան գտիր... ի՞նչ ես ուրիշների դռները ծեծում (ԳՄԹ, 2, 11):

Անշաղկապ պայմանի նախադասությունների այս տարատեսակը ևս շատ է տարածված ժողովոդական առածների, ասացվածքների մեջ. օրինակ՝ «Իեկլ ունես՝ քեզ համար պահի», «Փարա կուզի՞ն ունենալ, քեսեդ (քսակ) ծակ մի պահիր», «Յորեն հաց շունիս, ցորեն լեզու ունեցիր», «Կուզեք կոհվ տեսնեք, զնացեք աղքտի տոնն», «Եատ զիտես, թիշ խոսա», «Կուզես ատամի ցավեն ազատվիս, արմատը արեգակին ցույց տուր», «Կաթ կուզես՝ կով պահի» (Հայկ. առած.):

Երբ բարդ նախադասությամբ պատմվում է մի այնպիսի երեվույթի մասին, որը սովորաբար երևան է գալիս երկրորդական նախադասությամբ տրված պայմանի առկայության դեպքում, վերջինիս ստորոգյալը դրվում է ներկա ժամանակով, իսկ գլխավոր նախադասության ստորոգյալը՝ պայմանական եղանակի ապառնի

ժամանակով, օրինակ՝ Կովու առատ զաք է տալիս, աշքով կտան, կցամաքի (Աղավնի):

Ընդհանուր դատողություններ անելիս գլխավոր նախադասության ստորոգյալը հաճախ լինում է բաղադրյալ. օրինակներ՝

«Չոմիս—շուն իս», «Մարաք ունիս, կարաք ունիս», և... Փուշ շատ ունե, սրտի վարք է» (Հայկ. առած.): Զմեռը քիչ ձյուն է գալիս—ցալ է. անժամանակ ցուրտ, գարնանային անշափ անձրւներ—դարձյալ ցալ (Լեռ, 419): Վերջին օրինակում պայմանի երկրորդական նախադասությունը ունի ժամանակի իմաստային երանդ:

Երբ երկրորդական նախադասության ստորոգյալը դրվծ է լինում ներկա ժամանակով, իսկ գլխավոր նախադասության ստորոգյալը՝ սահմանական եղանակի որևէ անցյալ ժամանակով, նախադասությունը ունենում է հիմունքի ուժեղ իմաստային երանդ. այսպես՝ Քիշ է վերադարձնում, ուրեմն պարզ է՝ քիչ է ստացել (Ա, 17/1—61 թ.), կամ՝ դե, դե, ձայնդ երկինք մի՛ հանիր: Ասում եմ՝ այդքան էր, վերջացալ (Մեծ, 1, 70):

Անշաղկապ պայմանի երկրորդական նախադասություններում շատ է տարածված սահմանական եղանակի անցյալ կատարյալ ժամանակի գործածությունը, որին զլիավոր նախադասության մեջ համապատասխանում է պայմանական եղանակի ապառնի ժամանակը: Այստեղ անցյալ կատարյալ ժամանակը գործածվում է ոչ թե իր բուն նշանակությամբ, այլ ըղձականի ապառնու և տալիս է պայման հանդիսացող այն երկութը կամ գործողությունը, որի առկայությամբ ենթադրվում է զլիավոր նախադասության գործողության իրականացումը: Օրինակներ՝

Մի լավ բան ընկալ ձեռքը, ծոցում կրաքցնի (ՆԶ, ՊՊՆ, 41): Նա շեղավ՝ ուրիշ կառավարի կուլարկեն, բաժիններս կավելացնի— (Ա. տ., 136): Նա ուղեց՝ կլինի, չուղեց չէ (Գ. Ռշ., Մ., 265) ... Սերը շեղավ, ծախսով, ծաղով ուրախություն չի լինի (ՆԶ, 4, 13): Հորթը կովի առաջն ընկալ, գիշի բաժին կդառնա (Հայկ. առած., 61):

Զլիավոր նախադասության ստորոգյալը այս դեպքում կարող է լինել բաղադրյալ, որով ավելի ուեալ է դարձվում նկարագրվող երկույթը. օրինակ՝ Աշխարհը գութանի վրա է հիմնված, ողջ մեացինք, գութանը մեղ հարկավոր է ու հարկավոր, մեռանք՝ ով որ տանի, կարելի է արդար աշխատանքի սեր զարթնի մեջը (Ավ. Խս., 3, 22): Թե Մանուկը մի բանով օգնեց՝ լավ, չօգնեց՝ իր գործն է (ԴԽ, 141): Հարկանդ դուռդ եկավ, յա աղ ա պակաս, յա մաղը (Հայկ. առած., 9):

Հաճախ երկրորդական նախադասության՝ անցյալ կատարյալով արտահայտված ստորոգյալը դրվում է երկրորդ դեմքով, որի միշո-

ցով ցույց է տրվում ընդհանրապես որևէ ենթադրվող պայմանի առկայության դեպքում տեղի ունեցող գործողություն (որպես նրա հետևուածք): Գլխավոր նախադասության մեջ գործածվում է կամ պայմանական եղանակի ապառնի ժամանակը, կամ ստորոգյալը լինում է բաղադրյալ: Վերջինի միջոցով նկարագրվում է այն հետեւվանքը, որ կարող է առաջանալ երկրորդական նախադասությամբ տրված գործողության կատարումից: Առաջինի քանի օրինակ՝

Աշքը թեքնեցիր—բանիդ տերը չես (ՀԹ, 2, 38): Արաքսն անցար՝ Պարսկաստանն է (Մ. Դավթ., 288): Մեկ համրանք ուշացար՝ էլ չկահամը (ԴԴՎ.): —Զկարողացար՝ կիսայտառակվի բոլորի ներկայությամբ (Վերդ., հԴԵ, 134): Ուշանալ չի կարելի. փոքր ինչ դանդաղեցիր՝ կիսախտվի վառարանի ջերմային ուժիմը, կընկնի կարբիդի որակը (Ե, 17/11—60 թ.): Ցոթ սարի ետև էլ լինես՝ փորձանքի մեջ ընկար՝ Շնկոն կողիդ է (ԴԽ, 19):

Երկրորդական նախադասության մեջ անցյալ կատարյալ ժամանակի գործածության դեպքում գլխավոր նախադասության ստորոգյալը կարող է դրվել նաև հարկադրական եղանակով կամ հրամայական եղանակով: Վերջինս այս դեպքում գործածվում է ոչ թե իր բուն նշանակությամբ, այլ հարկադրական եղանակի: Այս կառուցվածքի նախադասություններում շեշտվում է երկրորդական նախադասության պայմանի առկայության դեպքում գլխավոր նախադասության գործողության անհրաժեշտաբար, անպայման կատարվելու գաղափարը: Օրինակներ՝

Աշխարհի կարգն է էղպես: Ծլեցիր՝ պիտի ծաղկես, ծաղկեցիր՝ պիտի պտուղ տաս (ԴԽ, 422): Դա նման է ապակու, փշրեցի՞ր. էլ մի մտածիր փշրանքները միացնելու մասին (ՄԴ, 1960, № 9, էջ 34): Բանը էքուցվա մնաց, իմացիր՝ կորավ զնաց (Հայկ. առած.): —Տերության ինչ հոգն է, թե ձեռքդ նեղումն է: Հրաման հանեց՝ տուր, տուր (ԱԲ, 533):

Պայմանի երկրորդական նախադասությունում գործածվում է սահմանական եղանակի վաղակատար ժամանակը, երբ գլխավոր նախադասությամբ հորդորվում է կատարել մի գործողություն, որի իրագործման համար անհրաժեշտ պայմանը իրականության մեջ արդեն գոյություն ունի: Գլխավոր նախադասության ստորոգյալը այս դեպքում դրվում է հրամայական եղանակով: Օրինակներ.

Չորս ընկերներ որոշել ենք պաշտպանել հայունիքը, դուք էլ մեզ հրացան տվեք (ՆԶ, ՊՊՆ, 209): Հիւանդանոցից ես դուրս գրվել՝ ուրեմն ստացիր քո փայը, հանգստացիր մի քիչ (ՄԱՅ, 183): Ձեռքդ իսակող է ընկել, ուրեմն նստիր տանը ու ամբողջ օրը կեր (Ա-

ղավնի): Վերջին օրինակներում գլխավոր նախադասության մեջ հանդես է եկել ուրեմն եղբափակող բառը, որով մի կողմից ավելի սերտ է դառնում գլխավոր և երկրորդական նախադասությունների կապը, մյուս կողմից ընդգծվում է նրանց միջև եղած հիմունքի իմաստային երանգը: Այս կառուցվածքի անշաղկապ բարդ նախադասություններում հիմունքի իմաստային երանգը այնքան ուժեղ է, որ դժվար է որոշել, թե այստեղ երկրորդական նախադասությունները պայմանի՞ են, թե՞ հիմունքի:

Դ) Անշաղկապ պայմանի երկրորդական նախադասություններում շատ է հանդիպում նաև հրամայական եղանակի գործածությունը: Վերջինս ևս, անցյալ կատարյալ ժամանակի երկրորդ դեմքի նման, նախադասությանը տալիս է ընդհանուր-անորոշ նշանակություն: Գլխավոր նախադասության մեջ հրամայական եղանակին կարող են համապատասխանել կամ պայմանական եղանակ, կամ բազադրյալ ստորոգյալ: Օրինակներ.

Մտիր ակումբ հիմա, մտիր թատրոնն ու կաֆեն՝ հազար արքա ու Արա կենադիպես ժպտադեմ (Ե. Զար., 149): Ամառն ինչքան կարաս կա Այգեձորում... իսկ հիմա՝ նոյեմբերին շրջիր գյուղը՝ ոչ մի կարասի շեն հանդիպի (Վ. Անանյան): Շրջիր բոլոր ընտրական տեղամասերը, խոսիր բոլոր ընտրողների հետ, ամենուր նույն խանդավառությունն է (Ե. 17/3—59 թ.): Աշխարհում էս հողի պես հող չկա. մենակ թե դու ջուր տուր նրան, դիմացը բուռերուր ուսկի կըստանա (Ա. Սահ., 189): Գնա մինչև հին Բաբելոն, ելամների աշխարհը, մինչև Աղի լիճը և Միջագետքի խանձված դաշտերը, ամեն տեղ կտեսնես այս բիբլիական կավը (Ա.Բ. 238): Հապա ինձ նման սիրիր աշխատանքը, տես կմոռանաս թե չէ (Ե. 2, 277): Վերջին նախադասության մեջ գլխավոր և երկրորդական նախադասությունների կապին օժանդակում են նապա եղանակավորող բառը և տես բայածեք (վերջինս այստեղ կատարում է սոսկ շաղկապական բառի դեր): Այս նախադասությունը տարբերվում է նախորդներից նաև նրանով, որ ցույց է տալիս ոչ թե ընդհանուր անորոշ գործողություն, այլ որոշ շափով կոնկրետ գործողություն:

Երկրորդական նախադասության հրամայական եղանակին երբեմն գլխավոր նախադասության մեջ կարող է համապատասխանել ըղձական եղանակի ապառնի ժամանակը. այս գեպքում ընդգծվում է նաև նրանց միջև եղած նպատակային հարաբերությունը. օրինակ՝ Շոր տուր՝ շնորհք տամ, հաց տուր՝ ուանդ տամ (Հայի. առած., 48):

Պայմանի անշաղկապ նախադասություն պետք է համարել նաև այն բարդ նախադասությունները; որոնցով արտահայտվում է կաս-

կած որևէ գործողության իրագործելիության վերաբերյալ՝ դրա համար անհրաժեշտ պայմանի անհավանական լինելու հետևանքով՝ Այս նախադասությունները ունենում են հետևյալ կառուցվածքը. գլխավոր նախադասության ստորոգյալը դրվում է հրամայական եղանակով, իսկ երկրորդական նախադասության ստորոգյալը լինում է բաղադրյալ, ըստ որում հաճախ ստորոգելիական վերադիրը լինում է նույն բայց ենթակայական դերը. Օրինակներ՝

Փրկող ես՝ դունրան փրկիր (Ա. Սահ., 307): Ձեռդ նզոր է՝ գրլիսիդ բան (Հայկ. առած., 133): —Գիլու բերնից կը մաս՞ս միս փախցնել: Տղամարդ ես, էգուց գնա, բոյդ տեսնենք (Ավ. իս., 3, 75): Լավն է, գու վերցրու: Եղնիկ կա էնտեղ, այծյամ ու պախրա, կարող ես—գնա էնտեղ որս արա (ՀԹ, 2, 111): Սա վաննայից հանած ապակի է, վեց հարյուր աստիճանի չերմությամբ... կարող ես, մոտեցիր (Ալ., ՀԱ, 261): Վերջին երկու օրինակներում կարող ես պայմանի երկրորդական նախադասությունը սկսել է վերածվել եղանակավորող բառի և ցույց է տալիս խոսողի թերահավատությունը գլխավոր նախադասությամբ տրված գործողության իրագործելի լինելու վերաբերյալ: Պայմանի երկրորդական նախադասությունները այս դեպքում ևս հաճախ ունենում են հարցական ինտոնացիա:

#### ԶԻՉԱԿԱՆ ԵՐԿՐՈՐԴԱԿԱՆ ՆԱԽԱԴԱՍՈՒԹՅՈՒՆՆԵՐ

Պայմանային հարաբերություններ են արտահայտում նաև զիշական երկրորդական նախադասություն պարունակող անշաղկապ բարդ նախադասությունները: Այս նախադասությունների բաղադրիչ մասերից առաջինում տրվում է որևէ պայման, իսկ երկրորդում մի գործողություն, որը կատարվում է հակառակ այդ պայմանի, այլ կերպ ասած, գլխավոր նախադասությամբ նկարագրվում է մի գործողություն, որը հակադիր է երկրորդական նախադասությամբ տըրված պայմանից սպասվող գործողությանը:

Այս տեսակետից զիշական անշաղկապ նախադասությունները շատ մոտ են պայմանի նախադասություններին, սակայն ի տարրերություն վերջիններից, նրանք ժամանակակից հայերենում սակավ են գործածվում:

Իրենց իմաստային առանձնահատկություններով զիշական անշաղկապ նախադասությունները շատ մոտ են նաև հակադրության նշանակություն ունեցող համադասական անշաղկապ նախադասություններին, սակայն իրենց շարահյուսական հարաբերությունների բնույթով որակապես տարբերվում են նրանցից: Եթե հակադրության

նշանակություն ունեցող անշաղկապ նախադասության մասերը հավասարագոր են իրար և ունեն համեմատաբար ավելի շատ ինքնուրույնություն, ապա զիջական հարաբերություններ արտահայտող անշաղկապ բարդ նախադասության մասերից մեկը ստորադասվում է մյուսին, իմաստացին կախվածության մեջ է նրանից և հավասարագոր չէ նրան, ինտոնացիայով ևս այս նախադասությունները տարրերվում են իրարից: Հակադրության նշանակություն ունեցող անշաղկապ համադասական նախադասությունների բաղկացուցիչ մասերը ունեն տրամաբանական հավասար շեշտվածություն, իսկ զիջական նախադասությունները ունեն պայմանի նախադասություններին նման ինտոնացիա, այսինքն՝ բացատրական ինտոնացիա: Զիջական նշանակությունը անշաղկապ բարդ նախադասություններում արտահայտվում է հետևյալ քերականական միջոցներով:

1. Զիջական երկրորդական նախադասության ստորոգյալը կրկնվում է՝ երկրորդ անգամ դրվելով ժխտական ձևով: Գլխավոր և երկրորդական նախադասությունների ստորոգյալները այս գեպքում սովորաբար համաձայնում են: Եթե նկարադրվում է անցյալուն կատարված գործողություն, որ կատարվել է չնայած նրան հակասող պայմանի առկայությանը, և՝ ստորադաս, և՝ գլխավոր նախադասությունների ստորոգյալները դրվում են անցյալ ժամանակներով, իսկ եթե նկարագրվում է ապագայում կատարվելիք գործողություն, որը անպայման կատարվի, թեկուզ դրան հակասող պայման գոյություն ունենա, երկու մասում՝ էլ գործածվում են ապառնի ժամանակներ: Օրինակներ՝

Տատիկս ինչ արեց-շարեց, նա գրքերի ու տետրակների համար վարձատրություն շվերցրեց (ԱՇ, 192): Ինչ արինք-շարինք, շեկավ հավատի (ՀԹ, 10): Ուզենա-շուզենա—ինձ մոտ պիտի քողնի (ՆԶՀ, 12): Աշխենը լիներ, շիներ—եղբայրու դարձյալ կգնար այնտեղ, ուր գնաց և զոհվեց (ՆԴ, 3, 590):

Միայն երրեմն գլխավոր նախադասության ստորոգյալը լինում է բաղադրյալ, որով արդվում է այն երեսուկթը, որը գոյություն ունի՝ անկախ նրան հակասող պայմանի առկայությունից: օրինակ՝ Ուտե, շուտե, կաղապարն էղ է (Հայի. առած., 16):

2. Երկրորդական նախադասության ստորոգյալը դրվում է հրամայական եղանակով (մեծ մասամբ) կամ ըղձական եղանակի ապառնի ժամանակով, որոնց գլխավոր նախադասության մեջ համապատասխանում է պայմանական կամ հարկադրական եղանակների ապառնի ժամանակով դրված ստորոգյալ:

Երկրորդական նախադասության մեջ հանդես են գալիս ինչ ուզում է, ուր ուզում է բառակապակցությունները, որոնց միջոցով երկրորդական նախադասությանը տրվում է զիշական երանգ: Օրինակներ:

Ինչ ուզում ես ասա՞ իմ նախադացումը ինձ չի դավաճանի (ՔԹԹ, 7): Ինչ ուզում ես մտածիր, ես պետք է զնամ (Ա. Մ., 115): — Դուք մեր բուժակին ճանաշո՞ւմ եք... ինչ տեսակ հիվանդ ուզում է լինի՝ մի օրում ոտքի կանգնեցնի (ՄԱ, 3, 118):

Այս կառուցվածքի նախադասություններում գլխավոր նախադասության մեջ ներկա ժամանակի կիրառությունը ամբողջ բարդ նախադասությանը տալիս է սովորության կամ ընդհանուր դատողության նշանակություն, օրինակ՝ Դու ինչ ուզում ես ասա, նա իր էշն ա բշում (Հայկ. առած., 81): Ինչ կուզես ասա, դրա վրա առանձնապես հույս գնել չի կարելի (ԳՍԹ, 2, 69):

Սովորաբար կրկնվող գործողության կամ երևույթի նշանակություն ունեն նաև զիշական հարաբերություն արտահայտող այն անշաղկապ բարդ նախադասությունները, որոնց ստորադաս մասում (առաջին բաղադրիչում) ստորոգյալը լինել բայի ըղձական եղանակի անցյալի ապառնի ժամանակն է (կամ որպես անկախ, առանձին ստորոգյալ կամ որպես երկրորդական բաղադրյալ ժամանակի բաղադրիչ), իսկ գերազանց մասի ստորոգյալը դրված է սահմանական եղանակի անցյալ անկատար ժամանակով: Օրինակներ՝

— Քթոցը շալակին դարման կրելիս լիներ նա, թե այգին փորելիս... միշտ և ամենուր նույն երազն էր տեսնում (Ա. Սահ., 1, 140): Լիներ հավաքույթներում, փողոցով կամ հանրային վայրերում, զլապինդ ու փոքրիկ այդ կինը, միշտ կոփվ փնտրող հավալումի պես, պողպատյա ցոլքերով փայլող իր կանաչ աշքերով, ման էր ածում իր ծերծեքովն շալվարը (Վահր. Փափ., 18):

Այս նախադասությունները ունեն կառուցվածքային նաև այն առանձնահատկությունը, որ զիշական մասը կամ լինում է իր հերթին բարդ՝ տրոհական նշանակությամբ, կամ ունենում է բազմակի անդամներ՝ թվարկման նշանակությամբ, որոնց միջոցով թվարկվում, նկարագրվում են այն պայմանները, որոնցից անկախ կատարվում է զիշակոր նախադասությամբ նկարագրված գործողությունը (տես վերևի օրինակները): Երկրորդական նախադասության ստորոգյալը կարող է դրված լինել նաև որևէ բայի ըղձական եղանակի անցյալի ապառնի ժամանակով (և ոչ թե երկրորդական բաղադրյալ ժամանակով). օրինակ՝ Պարտապանը դուռը գար, թե գզիրը, բանակցությունները նրա հետ էր վարում (Ա. Սահ., 87):

Այս կառուցվածքի նախադասությունները ցույց են տալիս կոնկրետ կատարվելիք գործողություն, երբ երկրորդական նախադասության մեջ գործածվում է ըղձականի ապառնի ժամանակը, իսկ գլխավորի մեջ՝ պայմանականի ապառնի ժամանակը. այսպես՝ Հռում լինեն քառասուն գաղ խոր, թե շաղացի քարի տակին,—կենեն ձեր դեմ, ինչպես էսօր, Սասմա Դավիթ, Թուր-Կեծակին (ՀՅ, 2, 135):

3) Երկրորդական նախադասության ստորոգյալի մոտ երեմն դրվում է ել եղանակավորող քառը, որով ընդգծվում է նախադասության զիշական բնույթը: Օրինակներ.

Քառասուն աստիճան ցուրտ էլ լինի, ձեզ համար ոչինչ է. (ԳՄԹ, 2, 63): Զերածարվեին էլ՝ Երվանդը նրանց բան տվող չէր (Ավ. Իս., 3, 83): Զտանեն էլ, գնալու եմ (Մ. Ման.; 289):

Այս կառուցվածքի նախադասություններում ընդգծվում է, որ գլխավոր նախադասության գործողությունը անհրաժեշտաբար, անպայման պիտի կատարվի կամ պիտի կատարվեր, նրան խանգարող ինչպիսի պայման էլ որ առկա լինի:

Երկրորդական նախադասության ստորոգյալը դրված է լինում ըղձական եղանակի ապառնի կամ անցյալի ապառնի ժամանակով: Վերջին դեպքում ցույց է տրվում անցյալում գլխավոր նախադասության գործողության կատարմանը խոշընդոտող, սակայն շիրականացած մի պայման, որի իրականանալու դեպքում ևս կկատարվեր գլխավոր նախադասության գործողությունը: Գլխավոր նախադասության ստորոգյալը կամ արտահայտված է լինում պայմանական եղանակով, կամ լինում է բաղադրյալ:

Վերը նշված իմաստը արտահայտվում է նաև միենույն է միշտանկյալ քառակապակցության միջոցով, որը դրվում է երկրորդական նախադասության սկզբում կամ վերջում: Միենույն է քառակապակցությունը և լի եղանակավորող քառը կարող են հանդես գալ նաև միաժամանակ: Այդ դեպքում էլ-ը դրվում է երկրորդական նախադասության ստորոգյալից հետո, ապա դրվում է միենույն է, որին հաջորդում է գլխավոր նախադասությունը: Օրինակներ.

Միենույն է, արար ավաղեն, վաղը կթափվի (Գ. Ռշ., Մ., 216): Գնամ կանշեմ, միենույն է, չի գալու թարձր խոսեմ էլ, միենույն է, չի լսի:

4. Անշաղկապ զիշական նախադասությունները կարող են արտահայտել նաև հետեւյալ իմաստալին հարաբերությունը. գլխավոր նախադասությամբ շեշտվում է, որ չի կատարվում կամ չի կատարվի երկրորդական նախադասությամբ տրված պայմանից սպասվող հետևանքը: Այս իմաստը տրվում է քերականական հետևյալ միջոցով՝

եթե երկրորդական նախադասությունը հաստատական բնույթ ունի, այսինքն ցույց է տալիս անցյալում կատարված կամ ապագայում կատարվելիք գործողություն, գիտավոր նախադասությունն ունենում է ժխտական կառուցվածք, որով ցույց է տրվում, որ չեր կատարվելու, կամ չի կատարվի առաջին նախադասությունից բխող հետևանքը. օրինակ՝ Վազեմ էլ, շեմ հասնի, Պառկեմ, միևնույն է, շեմ հանդուսանա: Տեսնեի էլ, չէի ճանաշի և այլն: Իսկ երբ երկրորդական նախադասությունը ունենում է ժխտական կառուցվածք, գիտավոր նախադասությունը լինում է հաստատական: Այս դեպքում գիտավոր և երկրորդական նախադասությունների միջև առկա է լինում հետեւյալ իմաստային փոխհարաբերությունը՝ ցույց է տրվում, որ գիտավոր նախադասության գործողությունը անհրաժեշտաբար կատարվել է կամ կատարվելու է, եթե նույնիսկ շիրագործվել կամ շիրագործվի դրա համար անհրաժեշտ պայմանը: Օրինակներ՝ Զվազեմ էլ, կիսանեմ: Զգեայի էլ, նա կգար: Նա շասեր էլ, ես գլխի էի ընկեննու և այլն:

Այս նախադասությունները իրենց իմաստային հարաբերությունների բնույթով շատ մոտ են պայմանի անշաղկապ նախադասություններին: Զիջական երանգը այս նախադասություններին տըրպվում է միայն էլ եղանակավորող բառի միջոցով:

(5) Անշաղկապ բարդ նախադասություններում պիջական հարաբերություններ արտահայտելու օժանդակ միջոց են նաև էլի կամ դարձյալ մակրայները (հատկապես առաջինը), որոնք դրվում են գիտավոր նախադասության սկզբում: Այս դեպքում սովորաբար նկարագրվում է ընդհանրապես տեղի ունեցող գործողություն կամ արվում է ընդհանուր դատողություն՝ անկախ իրեն հակասող պայմանների առկայության որևէ գործողության կատարման կամ երեվույթի առկայության մասին. օրինակ՝

— Համբեն հարյուր հետ կուտ տու, էլի կտուցը գետնին կը քսի (Հայկ. առած., 87): ... էսքան տանջվելով քրտինք ենք անում, էլ էն սևերեսն, էլ էն սովածն ենք (ՀԹ, 2, 36): Հինգ վեց անգամ կարդալ եմ տալիս, դարձյալ չի սովորում: Երկրորդ օրինակում էլ-ը ունի էլի-ի նշանակություն:

Երբեմն այս իմաստային հարաբերությունը արտահայտվում է առանց որևէ օժանդակ միջոցի, ուղղակի գիտավոր և երկրորդական նախադասությունների ստորոգյալների հարաբերակցության միջոցով. օրինակ՝ Հազար կնիկ հավաքվեն, ցավը ծենդիանին ա (Հայկ. առած., 13):

Անշաղկապ կարելի է համարել նաև հետեւյալ և նման կառուց-

վածք ունեցող նախադասությունները՝ ձիշտ է, Սեղան հիմա չի կարող մեքենա նստել, գոնե դո՞ւ զայիր (Ա. Սեկ., 437): Այս կառուցվածքի նախադասություններում բարդ նախադասության մասերի կապակցության համար որպես օժանդակ միջոցներ հանդես են գալիս նիշտ է միջանկյալ նախադասությունը և գոնե եղանակավորող բառը:

7. Զիջական երկրորդական նախադասությունները անշաղկապ կապակցության ժամանակ սովորաբար լինում են առաջադաս: Միայն հազվադեպ հանդիպում ենք նրանց վերջադաս գործածությանը. այսպես՝

Մարդամեջի մարդ ունենամ, հազար բուման պարտք ունենամ (Հայկ. առած., 2): Դե որ շես սիրել, շես էլ հասկանա—հազար նկարգրեմ (ՆԴ, 2, 420): Վատ բան է չբավորությունը, լինի նա մշտական թե առժամանակյա (Շ, 2, 238):

Այս դեպքում անշաղկապ բարդ նախադասության մասերի միջև եղած ստորադասական կապակցությունը որոշ շափով թուզանում է. այն մոտենում է հարակցությանը:

ԶԵՎԻ ԵՎ ԶԱՓԻ ՊԱՐԱԳԱ ԵՐԿՐՈՐԴԱԿԱՆ ՆԱԽԱԴԱՍՈՒԹՅՈՒՆ  
ՊԱՐՈՒՆԱԿՈՂ ԱՆՇԱՂԿԱՓ ԲԱՐԴ ՆԱԽԱԴԱՍՈՒԹՅՈՒՆՆԵՐ

Ժամանակակից հայերենում ձեւի պարագա անշաղկապ նախադասություններ հանդիպում են շատ հազվադեպ: Նրանք բնորոշում են գլխավոր նախադասության գործողության կատարման ձևը համեմատության կամ նրանից առաջացած հետևանքը նկարագրելու միջոցով: Այս նախադասությունները, որպես կանոն, լինում են վերջադաս, իսկ գլխավոր նախադասության մեջ առկա է լինում այնպես հարաբերյալը, որի միջոցով երկրորդական նախադասությունը ստանում է ձեւի պարագայի իմաստ: Օրինակ՝

Քափանցիկ մաշկով ձեռքը՝ երբեմնակի ցնցվում էր այնպիս, թվում էր մեկը հրում էր նրան (ՍԶ, Պթ, 57): Քայլում էին այնպիս երկյուղած, թվում էր մեկը հետապնդում էր նրանց (ն. տ. 5):

Երկրորդ օրինակում երկրորդական նախադասությունը լրացնում է ոչ թե անմիջապես գլխավոր նախադասության ստորոգյալն, այլ նրա՝ դերբայով աղտահայտված ձեւի պարագային (բոլոր պարագայական նախադասություններն էլ կարող են լրացնել ինչպես գրլիավոր նախադասության ստորոգյալին, ամպես էլ դերբայական դարձվածին, սակայն անշաղկապ կապակցության ժամանակ մեծ մասամբ լրացնում են ստորոգյալին):

Այստեղ ձեմի պարագայի պաշտոն կատարող երկրորդական նախադասությունների սկզբում դրվել է քվամ էր բայց, որը ասես, կարծես ձեռքի նման սկսել է կորցնել իր բայցական հատկանիշները և վեր ածվել շաղկապական բառի՝ երկրորդական նախադասությանը տալով համեմատության իմաստային երանգ, այս տեսակետից վերոբերյալ նախադասությունները մոտենում են շաղկապալոր բարդ նախադասություններին:

Երբեմն անշաղկապ ձեմի պարագա նախադասությունը ունենում է ընդհանուր-անորոշ նշանակությունը. օրինակ՝ Նատել Էին՝ ով ինչպես ուզում էր (ԱԲ, 289): Կամ՝ Երգում էին՝ ով ինչպես կարող էր: Այս նախադասություններն ունեն կառուցվածքային այն առանձնահատկությունը, որ ձեմի պարագա երկրորդական նախադասության ենթական, որով սկսվում է այն (երկրորդական նախադասությունը) ով հարաբերական դերանունն է, բացի դրանից, երկրորդական նախադասության կազմում հանդես է գալիս ինչպես դերանունը, որը թեև այստեղ չի կատարում շաղկապական դեր, սակայն երկրորդական նախադասությանը տալիս է ձեմի պարագայի իմաստ:

Նման կառուցվածք ունեցող երկրորդական նախադասությունները կարող են կատարել տարբեր շարահյուսական պաշտոններ՝ նայած թե ինչ հարաբերական դերանուն է առկա նրանցում (բոլոր դեպքերում ենթական «ուզ»-ն է), այսինքն՝ երկրորդական նախադասության բնույթը կախված է հարաբերական դերանվան բնույթից, տեսակից: Բերենք օրինակներ.

Կերան, ով ինչքան ուզեց—շափի պարագա երկրորդական նախադասություն:

Գնացին, ով ուր ուզեց, նստեցին, ով որտեղ ցանկացավ—տեղի պարագա երկրորդական նախադասություններ: Վերցրին, ով ինչ տեսավ—ուզիլ խնդիր երկրորդական նախադասություն:

Այստեղ հարաբերական դերանունները թեև դեռևս վերածված չեն շաղկապական բառերի, սակայն որոշ շափով կատարում են նաև գլխավոր և երկրորդական նախադասությունները կապակցողի դեր:

Շատ հազվադեպ անշաղկապ բարդ նախադասություններում երկրորդական նախադասությունը կատարում է շափի պարագայի պաշտոն՝ հետևանքի իմաստային երանգով: Այս բնույթի անշաղկապ երկրորդական նախադասությունները լինում են առաջադաս, իսկ գլխավոր նախադասությունները սկսվում են այնքան հարաբերյալով. օրինակ՝ Դե թող հիմի գնա՝ խավար հորում փոփի, էնքան մնա (ՀԹ, 35):

ՀԱՐԱԿՑԱԿԱՆ ԿԱՊԱԿՑՈՒԹՅՈՒՆԸ ԱՆՇԱՂԿԱԳ ԲԱՐԴ  
ՆԱԽԱԴԱՍՈՒԹՅՈՒՆՆԵՐՈՒՄ

Անշաղկապ բարդ նախադասությունների ստորագասական կապակցության մեջ հատուկ տեղ են բռնում, այսպես կոչված, հարակցական կապակցությամբ միացած անշաղկապ բարդ նախադասությունները: Սրանք տարբերվում են մյուս ստորագասական նախադասություններից նրանով, որ թեև անշաղկապ բարդ նախադասության բաղկացուցիչ մասերի միջև եղած կախվածությունը (երկրորդ մասի կախվածությունը առաջինից) ակնբախ է, սակայն նրանք համեմատաբար ինքնուրույն են և այս տեսակետից որոշ շափով մոտենում են համադասությանը: Ինտոնացիայով ևս այս նախադասությունները տարբերվում են մյուս անշաղկապ նախադասություններից. սրանց առաջին բաղադրիչը ունի վերջում մի փոքր իջնող ինտոնացիա, որով այն որոշ շափով մոտենում է ինքնուրույն, անկախ նախադասություններին: Դադարը ևս երկու մասերի միջև սովորականից մի քիչ երկար է. այդ պատճառով էլ գրավոր լեզվում այս տիպի անշաղկապ նախադասությունների բաղադրիչ մասերը մեծ մասամբ բաժանվում են միշակետով, երբեմն նաև բութով կամ գծիկով: Վերջինների դեպքում ընդգծվում է երկրորդ բաղադրիչի բացատրական բնույթ ունենալը (տես հաջորդ օրինակները):

Հարակցական կապակցության ժամանակ անշաղկապ նախադասության երկրորդ մասը, ի տարբերություն մյուս ստորագասական նախադասությունների, չի կատարում գլխավոր նախադասության որևէ անդամի պաշտոն, չի լրացնում որևէ անդամի, այլ կամ բացատրում է ամբողջ գլխավոր նախադասության բովանդակությունը՝ նրա առաջացման պատճառը կամ նրանից առաջացած հետևանքը նկարագրելու միջոցով և կամ պարունակում է լրացուցիչ հաղորդում գլխավոր մասով հաղորդված գործողության մասին. երբեմն էլ երկրորդ մասով խոսողը հայտնում է իր վերաբերմունքը առաջին մասում հաղորդված գործողության մասին: Ըստ անշաղկապ նախադասության երկրորդ մասի՝ գլխավոր նախադասության բովանդակության, հատկապես ստորոգյալի հետ ունեցած իմաստային հարաբերության, հարակցական կապակցությամբ միացած անշաղկապ բարդ նախադասությունները կարելի է բաժանել հետեւյալ տեսակների:

ա) Անշաղկապ նախադասության առաջին մասի ստորոգյալը լինում է մեծ մասամբ սահմանական եղանակով դրված շեզոք սեռի բայ, որը ցույց է տալիս ընկալում կամ ընկալման նպատակով կա-

տարված գործողություն: Երկրորդ մասում նկարագրվում է այն գործողությունը, երևույթը, որը ընկալվում է գլխավոր նախադասության ենթակայի կողմից: Օրինակներ՝

Սին էլ ետ նայեց. գյուղը ծածկվել էր բլուրի ետև (*ՀԹ*, 3, 35): Սառնություն զգալով, Սեղան նայեց ցած. ցողից կարգին թացացել էին իր ոտքերը (*Ա. Սեկ.*, 29): Վահրամը մի նայացք նետեց շորս բոլորը. գետինը ճաքճքվել էր ծարավից (*Ա. Սեկ.*, 85): Ես ետ դարձա նայեցի նրանց. կորացած էին նրանց մեջքերը, անտեսանելի ծանր բեռի տակ կորացած (*Ավ. Իս.*, 3, 47): Վեր թռա քնից, դուրսը նայեցի. Արևը ուրախ զարկել էր սարին, բնությունն անհոգ, թարմ ու նաղելի ջուգվում էր ժամտում մանուկ արևին (*ՀԹ*, 2, 75): Նայում եմ՝ օրերի մեջ, հրի մեջ երևում է, երերում է պատկերդ (*Ե. Զար.*, 135): Նայիր՝ մի՞թե, մի՞թե դեռ ունեմ անխոց տեղ (*ՎՏ*, Երկ., 239): Ականջ եմ դնում՝ ներսից ինչ որ աղմուկ է գալիս:

Այս կառուցվածքի նախադասություններում երկու բաղադրիչ մասերի միջև բացակայում է մի օղակ՝ ընկալում նշանակող բայը (բերված օրինակներից առաջիններում՝ տեսնել բայը, վերջին օրինակում՝ լսել), որը զորությամբ հասկացվում է և որին հենց փաստորեն լրացնում է անշաղկապ բարդ նախադասության երկրորդ մասը:

Առաջին բաղադրիչի ստորոգյալը կարող է լինել նաև շարժում ցույց տվող շեղոք բայ (դարձյալ սահմանական եղանակով), որի ցույց տված գործողությունը ևս կատարվել է կամ կատարվում է ընկալման նպատակով: Երկրորդ բաղադրիչում նկարագրվում է այն երեսությը, գործողությունը, որը ընկալվում է առաջին մասի գործողությունը կատարվելուց հետո (որպես այդ գործողության հետեւանք): Օրինակներ.

Հասավ հացթուխի խանութին. փակ էր (*Մ. Ման.*, 63): Ես վագեցի դեպի պատուհանը. ջուկհականոցը շրջապատված էր կրակել լեզվակներով (*ԳՄԵ*, 359): Քարտուղարութին բացեց դուռը, սպասող շկար (*Վերդ.*, 196, 30): Ճաշին վազում եմ մոտը՝ տանն է (*Լեռ.*, 468): Կամ մտնում եմ ներս—վարսավիր է բաց պատուհանի առաջ, անկյունում, ակնոցավոր մի մարդ սեղանի դեմք նստած՝ ժամացուցներ է տնտղում (*Ե. Զար.*, 314):

Այստեղ ևս բաց է թողնված, բայց զորությամբ հասկացվում է ընկալում ցույց տվող բայը՝ տեսնել:

Երբեմն այս կառուցվածքի նախադասությունների առաջին մասի ստորոգյալը կարող է լինել նաև ներգործական բայ, որը դարձյալ ցույց է տալիս ընկալման նպատակով կատարված գործողություն.

օրինակ՝ Նա վախեցած բռնեց մի այժի, սա էլ էր կթված (Ա. Սեկ., 538): Գրինեն ստուգից. շոր հոգի չէին եկել (Ի. էր., ՓԱ, 1, 122):

Երբեմն անշաղկապ բարդ նախադասության մասերի միջև բացակայում է ոչ թե ընկալում նշանակող բայց, այլ ասացական կամ մտածական բայց, այսինքն՝ երկրորդական նախադասությունը (ա լեզվի ճիշտ՝ բարդ նախադասության երկրորդ բաղադրիչը) նկարագրում է այն գործողությունը կամ եղելությունը, որի մասին մտածում կամ ասում է առաջին բաղադրիչի ենթական՝ դարձյալ որպես հետեւանք իր կատարած գործողության, օրինակներ:

Նա ուղեց իր որդու երեկվա ախոյաների կովերը զոկի տավարից, բայց խիղճը շովավ. անեզու անասունն ի՞նչ մեղք ունի (ԱԲ, 19): Միաժամանակ և նիացավ Լյուսիենի վրա—գեղեցիկ դեմք ունի (Ի. էր., ՓԱ, 1, 14): Աքել ամի, որւ երկիր տեսած մարդ ես, էս կոփվըն ինչո՞վ կվերջանա (ԱԲ, 204): ...Կողքին կանգնած աղջիկները մի տեսակ կամկածանքով նայեցին իրար. որի՞ն էր վերաբերում այդ խոսքերը (Ա. Սեկ., 420):

Այս կառուցվածքի նախադասությունները գործածվում են անցյալում կատարված կոնկրետ գործողություններ նկարագրելիս՝ դրանք ավելի պատկերավոր, շոշափելի դարձնելու նպատակով: Այդ պատճառով առաջին մասի ստորոգյալը մեծ մասամբ դրվում է սահմանական եղանակի անցյալ կատարյալ ժամանակով. երկրորդական մասի ստորոգյալը կարող է դրվել տարրեր անցյալ ժամանակներով կամ ընել բաղադրյալ՝ կախված հաղորդվածի բովանդակությունից: Առաջին մասում ներկա ժամանակը գործածվելիս՝ այն կամ լինում է պատմական (ցուց է տալիս անցյալում կատարված գործողություն), կամ ունենում է սովորության նշանակություն (տես վերևի օրինակները):

բ) Անշաղկապ բարդ նախադասության առաջին մասը կարող է լինել որևէ ընդհանուր դատողություն, բնորոշում, որը մասնավորվելու, պարզեցվելու կարիք է գործում: Այդ բանը կատարվում է երկրորդական նախադասության միջոցով, որը փաստորեն առաջին մասի բովանդակության նկարագրությունն է. օրինակ՝

Զգուշ է միրեակը. քուզուց անելիս ձգում է վիզը, աջ ու ձախ կուանում և ապա նորից երկարում է վիզը, չորս կողմը նայում (ԱԲ, 233): Մշակված պտղատու այգուց այժմ համարյա ոչինչ չի մնացել. պատերը քարուքանդ, այգու դռները վաղուց գողացվել էին (Մ. Ման., 119): Այնպես բուն տաելություն ունեի՝ անզուսպ, վայրագ, նախակին հզոր սիրո փոխարեն, որ ունեի դեպի երվանդը, հիմա սիրտս եփվում էր նախանձով ու ատելությամբ նույն շափ հզոր,

ավելի հզոր (Ավ. Իս., 3, 46): Տիգրանը ընդունակ տղա էր, միտքը ձկուն էր, բռնածը հեշտությամբ բաց չէր թողնում (Ա. Սեկ., 517):

Երբեմն երկրորդ մասով մասնավորվում, բացահայտվում է առաջին բաղադրիչի մի մասը. օրինակ՝ իսկ մենք նրանից ավելի խորամանկ կլինենք—ըստրություններին կշարդենք աշերին (Ի. Էր., ՓԱ, 1, 39): Իր եղբորը նա շատ քիչ էր նման. միշտասակ էր, ցորենագույն դեմքով, խնամքով ետ սանրված ալիքածե մազերով (ԳՄԹ, 2, 75): Ամեն ինչ հին է, և այդ հինը հոգածությամբ պահում են. բազկաթուներին ծածկույթ է հագցված, բուժետում կոտրուստը կացրած թասեր կան (Ի. Էր., ՓԱ, 1, 6): Գրանդելը երիտասարդ էր և շափազանց գրավիշ—նուրբ դեմք, փոքրիկ սապատով քիթ, կապուտակ, երազուն աշքեր. նա նման էր Սեն-Ժյուստի նկարներին (Ի. Էր., ՓԱ, 2, 9): Վերջին նախադասությունը ունի բարդ կառուցվածք—երկրորդ բաղադրիչը, որը հարակցական կապի մեջ է առաջինի հետ, անվանական է և լրացնում, բացատրում է առաջին մասի շափազանց գրավիշ մասը (ցուց է տալիս ինչու է գոռավիշ): Երրորդ մասը՝ որը դարձյալ հարակցական կապով է միշտած, վերաբերում է ամբողջ առաջին մասին և պարունակում է լրացուցիչ դատողություն՝ արված խոսողի կողմից:

գ) Անշաղկապ նախադասության առաջին մասում արվում է որևէ դատողություն կամ եղրակացություն, երկրորդ մասով տրվում է նրա հիմնավորումը: Այս նախադասությունները տարբերվում են պատճառի և հիմունքի երկրորդական նախադասություններից նրանով, որ համեմատաբար ինքնուրույն են. դադարը երկու մասերի միջև ավելի մեծ է, առաջին. մասի վերջում ձայնը որոշ շափով իշնում է, թեև առաջին մասը դեռևս չունի ավարտված նախադասության ինտոնացիա: Բերենք մի քանի օրինակ.

Խոսքով փլավ չի եփվի՝ յուղ ու բրինձ է հարկավոր (Հայկ. առած., 105): Սովի քեռակինը կպատմի. նա գաղտնիք պահել չի իմանում (Մ. Դավթ., 185): Սակայն նրա ուժերը սպառվում էին. դժվարությամբ էր ոտքեղը հանում ձյան միջից, հազիվ էր կարողանում դիմադրել բքի մոլեգին հարվածներին (ՍԳ, 1959 թ., № 3): Հայրն էլ էր տիսուր, աշքերը մթադնած էին (Ա. Սահ., 4): Այս նախադասությունների կապակցությանը օժանդակում է նաև նրանց բառային կազմը: Երբ գլխավոր և երկրորդական նախադասությունների ենթական նույնն է (իսկ մեծ մասամբ այդ այդպիս է), երկրորդ մասում այն զեղչվում է. միայն երբեմն այն կրկնվում է դերանվան ձևով, որով ավելի է ընդգծվում կապակցության հարակցական բնույթ ունենալը (տես երկրորդ օրինակը):

դ) Անշաղկապ բարդ նախադասության առաջին մասի ստորոգյալը ցույց է տալիս անցյալում կատարված կոնկրետ գործողություն. երկրորդ մասը բաժանայտում է նրա բովանդակությունը: Օրինակ.

Իմ նետագրերությունը շարժվել էր. կամենում էի իմանալ այդ լուր տեսարանների պատճառը (Ծ, 2, 468): Ամեն տեղ տիրեց մեռնալային լուրերուն. մարդիկ չէին համարձակվում նույնիսկ շունչ քաշել (Լեռ, 147): Իսկ ամբոխը գիտեր իր բանը, —սպասում էր վերջին գործողության (Լեռ, 149): Նա միայն լրիվ չէր պատկերացնում Ստեփանյանի նպատակը՝ ի՞նչ էր ուզում ասել այդպիսի կեղտուտ զրպարտություն շպրտելով իր երեսին (Ա. Սեկ., 576): Բոլորը նանկարծ լոեցին. ծիծաղ ու ալմուկ դադարեց, շունչները պահած ընկույզին էին նայում (ՀԹ, 3, 29): Առաջին անգամ ծողովուրդը իր առաջ տեսավ պատերազմի ուրվականը. Գերմանիան զորք էր մըտցրել սահմանամերձ հոնոսյան մարզը (Ի. Էր., ՓԱ, 1, 6):

Ե) Առաջին մասով հաղորդվում է որևէ գործողության կամ եղելության մասին. երկրորդ մասով հաղորդողը տալիս է լրացուցիչ տեղեկություն կամ դատողություն, եղանակացություն՝ կապված առաջին մասի բովանդակության հետ: Օրինակ՝

Վարոս ամուն ես մոտիկ էի—նա մեր ընտանիքի հին բարեկամն էր և լավ դրացին (Ավ. Իս., 3, 149): Ճաշում էինք լուր... Ոչ մի ծիծաղ, ոչ մի խոսք. այսպիս էր պահանջում հայրս (Թոթ., 19): Հայր ու մայր երա առջեր շոբած, արտասուն աշխերին խնդրում էին, որ եա գոնե մի ամիս իրենց մոտ մնա.—այդ նրանք իրենց ամենամեծ երջանկությունն էին համարում (ՆԴ, 2, 14): Պարզ տեսնում էի, որ սուս էր ասում, ուզում էի մի կերպ արդարացնել իրենց տարօրինակ հյուրընկալությունը (ՆԴ, 2, 433): Քիչ նեռվից լսվում էին մուտների համաշափ զարկերը, քար էին տաշում (Վերդ., հԳԵ, 6): Եվ լնակի մեջ էլ չէր եայում պատանին, —անրջական աղջկա պատկերը իր հոգումն էր հիմա ցոլցլում գիշեր ու ցերեկ (Ավ. Իս., 3, 260): Էս միտքն անելիս մին էլ էն տեսա՝ զլուխը բերավ գիսիս վրա դրավ, շունչը իրեն քաշեց. ականջ է դրել (ՀԹ, 3, 54):

զ) Անշաղկապ բարդ նախադասության երկրորդ մասով խոսող անում է ենթադրություն առաջին մասի բովանդակության վերաբերյալ: Այս նախադասությունները ունեն կառուցվածքային այն առանձնահատկությունը, որ երկրորդ մասի սկզբում սովորաբար դրվում է ենթադրություն ցույց տվող որևէ եղանակավորող բառ (Երևի, նավանաբար և այլն): Օրինակ՝ ...Ու ձեռքով մի ժեստ արեց՝ ոտքից մինչև գլուխ. երեկի ակնարկում էր իր գեղեցկությունը (Ա,

29/11—60թ.): Նրա կարճ խուզած մազերին, գորշագույն հագուստին փոշի էր նստել. հավանաբար արտերից, այդինքերից էր բերել այն (Ա. Սեկ., 41). Եվ մայրը դուրս ելավ՝ երեխ խոհանոց գնաց (Ա. Սեկ., 436):

Է) Երկրորդ՝ հարակցվող մասով խոսողը արտահայտում է իր վերաբերմունքը առաջին մասում հաղորդված գործողության, եղելության, երևույթի նկատմամբ, կամ կարծիքը դրա մասին: Օրինակներ.

Յետրե գլխարկով մարդը տեսավ այդ ժպիտը. ինչքա՞ն ծանոթ էր (ԱԲ, 195): Իսկ եթե որևէ մեկը համարձակվեր շեմքից ներս անցնել, ապա նրան կդիմավորեր աժդահա շունը — փորձի՛ր անցնել (Ե, 25/11—60թ.): Իմ ամեն մի ներս մտնելը անզուսպ ուրախություն էր պատճառում. կարո՞ղ էի շուտ-շուտ ներս շմտնել (Լեռ, 296): Ուզում էր մենակ փայլել, դուք լավ զփիտեք նրան (Վերդ., իդե, 368): Որդին ժպտաց, ի՞նչ ասեր (ԱԲ, 15):

Ը) Հարակցություն պետք է համարել նաև մի շարք ներգործական բայերի մոտ դրված նախադասությունները: Այս նախադասությունները տարբերվում են ուղիղ խնդիր երկրորդական նախադասություններից նրանով, որ եթե վերջիններիս առկայության դեպքում ընդգծվում է առաջին նախադասության բայ-ստորոգյալի սեռը և այն պահանջում է գործողության օրյեկտը նկարագրող նախադասություն, ապա այստեղ կամ գլխավոր նախադասության մեջ արդեն կա ուղիղ խնդիր, և երկրորդական նախադասությամբ բացահայտվում է նրա բովանդակությունը, տրվում է լրացուցիչ տեղեկություն գործողության օրյեկտի մասին և կամ գլխավոր նախադասության ստորոգյալը թեև ներգործական է, սակայն անմիջական լրացում չի պահանջում. երկրորդ մասով դարձյալ միայն լրացուցիչ կերպով հաղորդումէ տրվում օրյեկտի մասին: Վերջին դեպքում կամ առաջին մասը ունենում է հարցական բնույթ և կամ նրա բայ-ստորոգյալը ունենում է մեկ այլ լրացում՝ մեծ մասամբ պարագա: Այստեղ հաղորդման հիմնական նպատակը գործողության կատարման ձևը, տեղը և այլն հաղորդելն է, իսկ օրյեկտի մասին խոսվում է միայն լրացուցիչ կերպով: Օրինակներ՝

Դու շե՞ս փորձել. շատ բան մարդ տեսնում է զգալով (ՆԴ, 2, 428): Ես խկույն նանաշեցի — դա այն ծերունին էր, որին պատահել էինք մի փոքր առաջ շուկայում (Ե, 1, 34): Երազի նման հիջում եմ առուն, մենք նստել էինք կանաչ եղերքին, մեր շուրջը ծաղիկ, մեր շուրջը գարուն, Ունկնդրում էինք զբերի երգին (Գ. Սար., 27): Յարս

նրա գրկում տեսա՝ համբույր կառներ ու կուտար. Այս, ինձ ափին մեռած տեսա՝ ուրին վրաս լուր կուլար (Ավ. Իս., 2, 54):

Սրանք են այն անշաղկապ բարդ նախադասությունները, որոնց բաղկացուցիչ մասերի միջև եղած կապակցություն և կարելի է համարել հարակցական:

### ՀԱՄԱՌՈՏԱԴՐՈՒԹՅՈՒՆՆԵՐ

- ԱԲ—Ակսել Բակունց, Երկեր, Երևան, 1955;  
ԱՎ. ԽԱ.—Ավետիք Խաչակյան, Երկերի ժողովածու, հ. 1, 2, 3, 1950—1951;  
ԱՇ—Աղամինի, Շիրակ, Երևան, 1954:  
Ա. ԱԵԿ.—Անահիտ Անկոյան, Պոկե վագերի մեջ, Երևան, 1958;  
Ա. ԱՄԻ.—Անահիտ Սահմանյան, Մարավը, Երևան, 1955:  
ԱԼ. ՀԱ.—Ալազան, Հյուսիսային աստղ, Երևան, 1956:  
ԳՄԵ—Գուրզեն Մաշարի, Երկեր, Երևան, 1954:  
ԳՄԹ—Գարեգին Անունց, Թեհրան, հ. 1, 2, Երևան, 1953:  
Գ. ՍԱՐ.—Գեղամ Մարյան, Երկեր, Երևան, 1955:  
ԳԲ—Գ. Բանդուրյան, Զրվեմի երգը, Երևան, 1959:  
ԳԲՆ—Գարեգին Բես, Խովելներ, Երևան, 1954:  
Գ. ՌՉ. Մ.—Գագիկ Ռշտունի, Մագիլների մեջ, Երևան, 1959:  
ԴԴ—Դերենիկ Դեմիրճյան, Երկերի ժողովածու, հ. 3, 4, 1956:  
ԴԽ—Խաչիկ Դաշտենց, Խողեղան, Երևան, 1956:  
Ե. ԶԱՐ.—Եղիշ Զարհնց, Ընտիր երկեր, Երևան, 1955:  
Ի. ԷՐ., ՓԱ.—Ի. Էրենբուրգ, Փարիզի անկումը, հ. 1, 2, Երևան, 1944:  
ԼԵՆ—Լեռ, Դեղարվեստական երկեր, Երևան, 1959:  
ԹՈՐ.—Վ. Թոթովենց, Երկեր, Երևան, 1957:  
ԽԵՂ., ՄՄՀ—Խեղումյան, Մեղ մոռ հարավում, Երևան, 1955:  
ՃԱՋԼ. ԱՊԱՋ.—Ճայլական առածանի, 1951:  
ՀԹ—Հովհաննես Թումանյան, Երկերի ժողովածու, հ. 1, 2, 3, Երևան,  
1949—1950 թթ.:
- ՀՔ—Հրայա Քոլար, Մեծ տան զավակները, Երևան, 1952:  
Հ ԽԿՎ.—Հ. Հրայան, Իմ կյանքի վեպը, հ. 1, Երևան, 1958:  
ՄԱՊ.—Մկրտիչ Արմեն, Պատմվածքներ, Երևան, 1957:  
ՄԱՅ—Մկրտիչ Արմեն, Յասլա, Երևան, 1953:  
Մ. ՄԱՅ.—Մ. Մանվելյան, Երկեր, Երևան, 1959:  
ՄԱՐ.—Մուրացան, Երկերի ժողովածու, հ. 1 և 3, Երևան, 1952:  
Մ. ԴԱՎՐ.—Մ. Դավթյան, Երբ ծագում է արևը, Բարու, 1954:  
ՄԽՍՏ—Մ. Խերանյան, Սամա տոմ, Երևան, 1958:  
ՆԶ—Նաիրի Զարյան, Երկեր, հ. 4, 1949:  
ՆԶՀ—Նաիրի Զարյան, Հացավան, Երևան, 1949:  
ՆՀՀ—Նաիրի Զարյան, Պարոն Պետրոսն ու իր նախարարները, Երևան, 1958:  
ՆԴ—Նար-Դոս, Երկերի ժողովածու, հ. 1, 2, 3, Երևան, 1955:  
ՇՇ—Շիրվանզադե, Երկերի լիակատար ժողովածու, հ. 1—4, 1950:  
ՇԵԽԱ.—Շեքսպիր, Ընտիր երկեր, հ. 1, 1951:

- Պ. Սեակ—Պ. Սեակ, Անլուկի զանգակատուն, Երևան, 1959:
- ԱԽՀ—Մերու հանգաղյան, Հողը, Երևան, 1954:
- ԱԶ ՀԲ—Մտ. Ջորյան, Հայոց բերդը, Երևան, 1959:
- ԱԶ ՊԲ—Մտ. Ջորյան, Պապ թագավոր, Երևան, 1944:
- ՎՏ, Երև.—Վահան Տերյան, Երկեր, Երևան, 1956:
- Վերդ. ԽԳԵ—Բ. Վերդյան, Խնչպես է գալիս երշանկությունը, Երևան, 1957:
- Վահր. Փափ.—Վահրամ Փափազյան, Հետաղարձ Հայացք, հ. 1, Երևան, 1956:
- ՎԱԼԿ—Վախտանգ Անանյան, Լեռնային կածաններով, Երևան, 1956:
- Բ—Բաֆֆի, Երկերի ժողովածու, հ. 5, 7, Երևան, 1956:
- ՔԲՊ—Ք. Քափալցյան, Պատերազմ, հ. 1, Երևան, 1946:
- Ե—«Երևան», օրաթերթ:
- Ա—«Ավանգարդ», երիտասարդական թերթ:
- ԱՀ—«Սովետական Հայաստան», օրաթերթ:
- ԱԱ—«Սովետական արվեստ», ամսագիր:
- ԱԳ—«Սովետական գրականություն», ամսագիր:
- Ն. ա.—Նույն տեղում:

### ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ԵՎ ԱՂՅՅՈՒՐՆԵՐԻ

#### Ց Ա Ն Կ

1. Մ. Արելյան, Աշխարհաբարի շարահյուսություն, Վաղարշապատ, 1912:
2. Գ. Սեակ, Հայոց լեզվի շարահյուսություն, Երևան, 1953:
3. Ռ. Մկրտչյան, Անշաղկապ բարդ ստորագրասական նախադասության մասին, Հայկական ՍՍՌ ԳԱ «Տեղեկագիր» (Հայարձակական գիտություններ), 1956, № 3:
4. Виноградов В. В. Русский язык, Москва, 1947.
5. «Вопросы синтаксиса современного русского языка», Москва, 1950.
6. «Грамматика русского языка», изд. АН СССР, Москва, 1954.
7. «Грамматика русского языка», под ред. Щербы, Москва, 1953.
8. Пешковский М. Русский синтаксис в научном освещении, изд. 6-е, Москва, 1938.
9. «Русский язык в школе», 1939—1962 гг. (առանձին համարներ).
10. «Современный русский язык, Синтаксис», под ред. Галкиной-Федорук, Москва, 1958.